

TULAFONO TAU FAAOFI O LE OFISA O TIUTE 2014

SAMOA

Faamatalaga e Faamalamalama ai

Aotelega

O le Tulafono Tau Faaofi o le Ofisa o Tiute 2014 (“o le Tulafono Tau Faaofi”) ua soloia ma suia ai le Tulafono o le Ofisa o Tiute 1977. O le Tulafono Tau Faaofi ua faafouina ai i faiga faaonaponei, le Tulafono o le Ofisa o Tiute o i ai nei, e ala i le toe faatulai mai o aiaiga o i ai nei, i se gagana faigofie faaonaponei. Ua faapea foi ona faaofiina ai nisi aiaiga fou ua fuafuaina, ina ia fausia ai o tulafono a Samoa ia ogatasi ma noataga faava o malo a Samoa, i lalo o faalapotopotoga faava o malo, e pei o le Faalapotopotoga o Galuega Tau le Tiute a le Lalolagi ma le Faalapotopotoga Tau Fefaatauaiga a le Lalolagi. O nei suiga ua fuafuaina ina ia siitia ai le mafai gafatia o le Auaunaga Tau le Tiute a Samoa, e pulea ai i se tulaga lelei, tuaoi o Samoa.

Fuaiupu:

VAEGA 1: FAATOMUAGA

- Fuaiupu 1:** - ua aiaia ai le igoa puupuu o le Tulafono Tau Faaofi ma le aso e amata faamamaluina ai (le aso e tuuina i ai le maliega a Le Ao o le Malo, ae vagana ai aiaiga o lo o tagofia ai le Pulega o Talosaga a le Ofisa o Tiute, lea o le a amata faamamaluina i se aso e filifilia e le Minisita).
- Fuaiupu 2:** - ua aiaia ai mo faamatalaga o fuaitau ma faaupuga o faaaogā i le aotelega o le Tulafono Tau Faaofi.

- Fuaiupu 3:** - ua aiaia ai mo aiaiga o le faaaogāina (e faatatau i le Atunuu ma le Malo ma o le a faalautele atu lava i le EEZ mo faamoemoega o le faamamaluina).

VAEGA 2: PULEAINA

- Fuaiupu 4:** - ua faavaeina ai le Auaunaga Tau le Tiute a Samoa e avea o se vaega o le Matagaluega, lea o le a suia ai le Matagaluega o le Ofisa o Tiute. Ua aiaia ai mo le Ofisa Sili o Pulega o le Matagaluega e avea ma Pule Sili o le Ofisa o Tiute. E mafai e le Pule Sili o le Ofisa o Tiute ona tofia tagata ofisa o faafaigaluegaina i totonu o le Matagaluega e avea ma Tagata Ofisa o le Tiute.

- Fuaiupu 5:** - ua tuuina atu ai malosiaga i le Pule Sili o le Ofisa o Tiute e tofia ai tagata agavaa talafeagai, o i latou ia e le o ni tagata ofisa o le Tiute, e avea ma “tagata faatagaina”, o i latou ia e mafai ona faatagaina e faatino o so o se malosiaga po o galuega tauave a se tagata ofisa o le tiute.

- Fuaiupu 6:** - ua tuuina atu ai malosiaga i le Pule Sili o le Tiute e faamatuuina atu ai malosiaga po o galuega tauave, i le noatia ma le fai fuafua i aiaiga.

- Fuaiupu 7:** - ua aiaia ai mo pepa aloaia e iloagofie ai e tuuina atu i tagata ofisa o tiute ma tagata faatagaina (ae vagana ai mo leoleo).

- Fuaiupu 8:** - ua manaomia ai e faapea, e i ai le fu’a a le Ofisa o le Tiute e taua o le Fu’a a le Ofisa o le Tiute ma o lo o faamatalaina ai ona foliga vaaia.

- Fuaiupu 9:** - ua faamatalaina ai le faamaufaailoga a le Ofisa o Tiute.

VAEGA 3: NOFOAGA TAU LE TIUTE MA NOFOAGA E PULEA E LE TIUTE

Vaevaega 1 - Nofoga tau le tiute

- Fuaiupu 10:** - ua tuuina atu ai le malosiaga i le Pule Sili o le Tiute e filifilia ai, e ala i se faasilasilaga i le Savali, so o se taulaga ina ia avea a le o se Taulaga Tau le Tiute po o se malae vaalele e avea o se Malae Vaalele Tau le Tiute. O taulaga ma malae vaalele ua filifilia o le a taua i se aotelega o “nofoga tau le Tiute”. O le filifiliga e mafai ona faalēaogāina. Peitai, e ao i le Pule Sili o le Tiute ona feutagai ma nisi lava Matagaluega, a o le i faia le filifiliga.

Vaevaega 2 - Nofoga e pulea e le Tiute

- Fuaiupu 11:** - ua aiaia ai mo faavasegaga eseeese o nofoaga ia e mafai ona laiseneina e avea ma Nofoga e Pulea e le Tiute (CCA).
- Fuaiupu 12:** - ua tuuina atu ai malosiaga i le Pule Sili o le Tiute e faamatuu atu ai laisene o Nofoga e Pulea e le Tiute, i le noatia ma le fai fuafua i aiaiga ma tapulaa.
- Fuaiupu 13:** - ua aiaia ai mo taualumaga e talosagaina ai se laisene o se Nofoga e Pulea e le Tiute.
- Fuaiupu 14:** - ua tuuina atu ai malosiaga i le Pule Sili o le Tiute e suia ai, taofia lē tumau pe faalēaogāina ni aiaiga o se laisene o se nofoaga e pulea e le Ofisa o Tiute. O le faaiuga e noatia i talosaga tetee.
- Fuaiupu 15:** - ua tuuina atu ai malosiaga i le Pule Sili o le Tiute e faalēaogāina ai pe taofia lē tumau ai se laisene o se Nofoga e Pulea e le Tiute.

- Fuaiupu 16:** - ua aiaia ai le aia tatau a se kamupani ua laiseneina o se Nofoaga e Pulea e le Tiute ina ia toe faafoi atu le laisene o se Nofoaga e Pulea e le Tiute.
- Fuaiupu 17:** - ua aiaia ai e faapea e totogi lava le tiute pe afai o lo o taofia lē tumau le laisene o se Nofoaga e Pulea e le Tiute, toe faafoi atu po o ua faalēaogāina, ae vagana ai ua faatagaina e le Pule Sili o le Tiute o oloa o le a auina atu i fafo po o le fesiitai atu i se isi nofoaga ua laiseneina o Nofoaga e Pulea e le Tiute.
- Fuaiupu 18:** - ua taofia ai aitalafu ma noataga i lalo o le Tulafono a le Kamupani ua laiseneina o se nofoaga e pulea e le Ofisa o Tiute, pe afai ua taofia ona laiseneina o se kamupani po o pe afai o le laisene ua toe faafoi, taofia lē tumau po o ua faalēaogāina.
- Fuaiupu 19:** - ua noatia ai le kamupani ua laiseneina o le Nofoaga e Pulea e le Ofisa o le Tiute ina ia tuuina atu i le Ofisa o Tiute (e aunoa ma se totogi) so o se nofoaga o gaoioiga po o faagasolo ai galuega, apitaga, mea eseese e faaaogā, fale, meafaigaluega ma fale teuoloa o manaomia e le Pule Sili o le Tiute.
- Fuaiupu 20:** - ua faasaina ai se kamupani ua laiseneina o se Nofoaga e Pulea e le Ofisa o Tiute, mai le faaeeina atu o tau faaee atu i le Ofisa o le Tiute mo le teuina o oloa e faaulufale mai i totonu o Nofoaga e Pulea e le Ofisa o Tiute.

**VAEGA 4: TAUNUU MAI MA LE TUUVAA
ESE ATU O OLOA, TAGATA MA VAA**

Vaevaega 1 - Oloa ma vaa

- Fuaiupu 21:** - ua faatulagaina ai oloa e noatia i le pule a le Ofisa o le Tiute.
- Fuaiupu 22:** - ua aiaia ai mo le tiute tauave o le tagata o lo o faatautaia o se vaa o lo o malaga i Samoa ina ia tuuina atu i le Ofisa o Tiute nisi faamatalaga auiliili e faasino i le taunuu mai o se vaa, o lana pasese, o lona auvaa, o lana uta o lo o faamoemoe e faamatuu ese atu i totonu o Samoa ma isi faamatalaga talafeagai. O nei faamatalaga e ao ona tuuina atu muamua a o le i taunuu le vaa ma e mafai ona tuuina atu i se faiga faaeletoroni. E mafai foi ona tuuina atu ia faamatalaga e lē e ona le vaa, po o e ala i se sooupu a lē e ona po o le tagata o faagaioia.
- Fuaiupu 23:** - ua aiaia ai mo le tiute o le tagata e faagaioia, o se sui o le auvaa po o se tagata pasese i luga o se vaa ma taunuu mai (vaa), ina ia tali atu i so o se fesili e fesiligia ai e se tagata Ofisa o le Tiute, e uiga i le malaga. E aofia ai le tiute e tuuina atu ai pepa aloaia pe afai e manaomia e le Tagata Ofisa o le Tiute.
- Fuaiupu 24:** - ua aiaia ai mo le tiute o le aliivaa o se vaa, pe a faatonuina e se tagata Ofisa o le Tiute, e taofi le vaa mo le ulufale atu i ai ma faamautinoa le tu pea o le vaa e lē toe gaoioi seia vagana ua faatonuina e le tagata Ofisa o le Tiute ina ia faaaau le malaga a le vaa, i le noatia ma le fai fuafua i aiaiga ua faaee atu e se tagata Ofisa o le Tiute.
- Fuaiupu 25:** - ua aiaia ai mo le tiute tauave o le tagata o lo o faatautaia o se vaa ua taunuu mai i totonu o Samoa, ina ia faamautinoa le taunuu mai o le vaa i le nofoaga lava ua atofaina e le Ofisa o le Tiute ma e faatoa tuuvaa e se atu pe afai ua tuuina mai se lipoti o le agai mai i totonu, i lalo o le fuaiupu 27.

- Fuaiupu 26:** - ua aiaia ai mo tuusaunoaga i le fuaiupu 25 mo vaa e taunuu mai i isi nofoaga e ese ai i lo nofoaga tau le Tiute i nisi tulaga aliae mai, i le noatia ma le fai fuafua i feutagaiga ma isi Matagaluega ma pulega.
- Fuaiupu 27:** - ua aiaia ai mo le tiute tauave o lē e ona po o le tagata o faafoeina se vaalele e taunuu mai i totonu o Samoa, po o se vaalele o aumaia se pasese/oloa ia o lo o noatia i le pule a le Ofisa o le Tiute, ina ia tuuina atu i le Ofisa o Tiute se lipoti e agai mai i totonu o aofia ai faamatalaga auiliili e pei ona mafai ona faamaotiina e le Ofisa o Tiute.

Vaevaega 2 - O le taunuu mai o tagata

- Fuaiupu 28:** - ua noatia ai se tagata e taunuu mai i totonu o Samoa ina ia vave ona lipoti atu i se Tagata Ofisa o le Tiute po o se Nofoaga o Leoleo mo le faamoemoe o le faatinoina o suega faale-tiute e faia i lea tagata.
- Fuaiupu 29:** - ua noatia ai se tagata e taunuu mai i totonu o Samoa, ina ia tausisia o so o se faatonuga a le Ofisa o Tiute e uiga i le tuua o le vaalele e le pasese e ulufafo ai, lea e ono mafai ona aofia ai se faatonuga mai se tagata o lo o pulea le vaalele po o se sui o le auvaa. O se tagata pasese ua ulufafo ese mai le vaalele, e ao lava ona vave faagasolo loa i se nofoaga e pulea e le tiute, mo taualumaga faale-tiute.
- Fuaiupu 30:** - ua noatia ai se tagata e taunuu mai i totonu o Samoa ina ia tuuina atu o ana ato malaga i se tagata ofisa o Tiute mo le susesueina.

Vaevaega 3 - Tuuvaa ese atu o tagata

- Fuaiupu 31:** - ua faasaina ai se tagata mai le tuuvaa ese atu mai so o se nofoaga i totonu o Samoa, seia vagana ai mai se nofoaga tau le Tiute.
- Fuaiupu 32:** - ua noatia ai se tagata ua sauni e ulufale atu i totonu o se vaalele o le a tuua Samoa, ina ia tausisia o so o se faatonuga a le Ofisa o Tiute, e uiga i le ulufale atu i totonu o se vaalele.
- Fuaiupu 33:** - ua noatia ai se tagata o le a tuua Samoa ina ia tuuina atu o ana ato malaga mo le suesueina e se Tagata Ofisa o le Tiute pe afai e faapea ona faatonuina, ma ia tausisia o so o se faatonuga a le Ofisa o Tiute e uiga i le feuiaiga o a latou ato malaga i totonu o le nofoaga tau le Tiute po o se Nofoaga e Pulea e le Tiute.

Vaevaega 4 - O nisi manaoga e faasino i tagata e taunuu mai i totonu pe tuuvaa ese atu mai Samoa

- Fuaiupu 34:** - ua tuuina atu ai malosiaga i Tagata Ofisa o le Tiute e tuuina atu ai faatonuga, e uiga i le faaaogāina e se tagata o se masini tau fesootaiga faaeletoroni i totonu o se Nofoaga e Pulea e le Tiute, lea o lo o faaaogāina i le faagaioioia o tualumaga i pasese e taunuu mai po o pasese fai malaga ese atu.
- Fuaiupu 35:** - ua noatia ai se tagata ua taunuu mai i totonu po o le a fai malaga ese atu ma Samoa, ina ia i ai pea i totonu o se nofoaga atofaina, seia vagana ua maea ona faatino i lea tagata o tualumaga tau le tiute, o aiaia i lalo o le Tulafono o le Ulufale mai o Tagata 2004 po o le Tulafono o Puipuiga e taofia ai le ofi

mai ma le salalau o faamai (Puipuigamalu mai meaola faalafua ma faamai) 2005.

- Fuaiupu 36:** - ua tuuina atu ai malosiaga i se Tagata Ofisa o le Tiute, e taofia ai se tagata ua taunuu mai po o se tagata o le a fai malaga ese atu, i totonu o se nofoaga ua atofaina, pe afai ua masalomia e le tagata ofisa e faapea, o le tagata pasese ua noatia ina ia taofia i lalo o nisi lava tulafono (e pei o tulaga e faasino i le Soifua Maloloina, Puipuiga e Taofia ai le ofi mai ma le salalau o faamai (Puipuigamalu mai meaola faalafua ma faamai).

Vaevaega 5 - Tuuvaa ese atu o vaalele

- Fuaiupu 37:** - ua faasaina ai o se vaalele ona tuua Samoa, seia vagana ai ua faamatuu atu e le Ofisa o le Tiute, se tusi faamaonia o le kilia mo le tuuvaa ese atu o le vaalele.
- Fuaiupu 38:** - ua noatia ai le tagata o pulea se vaalele, e uiga i se vaalele o le a tuua Samoa, a o le i tuuina atu le tusi faamaonia o le kilia, ina ia faaoo atu i le Ofisa o le Tiute se Lipoti tau le malaga ese atu i fafo, o lo o aofia ai faamatalaga o lo o taua i totonu o le fuaiupu po o ia tali atu i so o se fesili e fesiligia ai, ma ia tausisia o so o se faatonuga e tuuina atu, e se Tagata Ofisa o le Tiute.
- Fuaiupu 39:** - ua noatia ai le tagata e pulea se vaalele o le a tuua se nofoaga tau le Tiute i totonu o Samoa, ina ia faatagaina o se Tagata Ofisa o le Tiute e ulufale i totonu o le vaalele pe afai e faapea ona manaomia.

- Fuaiupu 40:** - ua noatia ai le tagata e pulea se vaalele o le a tuua Samoa ina ia tuuina atu i se Tagata Ofisa o le Tiute le tusi faamaonia o le kilia, pe afai e faapea ona faatonuina.
- Fuaiupu 41:** - ua aiaia ai e faapea, e faatoa tatau lava ona tuua Samoa e se vaalele mai se nofoaga tau le Tiute, vagana ua faatagaina e le Pule Sili o le Tiute le vaalele ina ia tuuvaa ese atu mai se isi nofoaga.
- Fuaiupu 42:** - ua tuuina atu ai malosiaga i le Minisita e faia ai poloaiga i mataupu e faasino i oloa a se vaalele.

**VAEGA 5: AVANOA O LE OFISA O TIUTE I MA LE
FAAOGĀINA O FAAMATALAGA E UIGA I OLOA
FEAVEAI I LE VA O TUAOI, TAGATA MA
VAALELE**

Vaevaega 1 - Tulaga Lautele

- Fuaiupu 43:** - ua aiaia ai mo le faamatalaina o uiga o fuaitau o faaogāina i totonu o le Vaega 5.
- Fuaiupu 44:** - ua aiaia ai mo le faamoemoe o le Vaega 5.

Vaevaega 2 - Avanoa i faamatalaga

- Fuaiupu 45:** - ua faatulagaina ai tagata, o i latou ia e faatatau i ai le faaogāina o le Fuaiupu 46 ma le 47.

*Vaevaega 3 - Faamatalaga e tatau ona
tuuina atu i ai le avanoa e mauaina ai*

- Fuaiupu 46:** - ua noatia ai se tagata ua faamaotiina i totonu o le fuaiupu 45, e tuuina atu ai i le Ofisa o le Tiute le avanoa e maua ai faamatalaga ua faamaoti mai i totonu o le faafuaiupu (2).

- Fuaiupu 47:** - ua noatia ai se tagata ua faamaotiina i totonu o le fuaiupu 45, ina ia tuuina atu faamatalaga i mataupu e faasino i tagata malaga fesopoai i le va o tuaoi, e ese mai ai i lo vaalele malaga fesopoai i le va o tuaoi.
- Fuaiupu 48:** - ua aiaia ai mo le pepa faatumu ma le faiga e mafai ai e se tagata ona tuuina atu o faamatalaga, i lalo o le fuaiupu 46 ma le 47, seia vagana ai ua tuusaunoaina le tagata e le Pule Sili o le Tiute.

Vaevaega 4 - Faaaogāina o faamatalaga ia e tatau ai ona tuuina atu o avanoa e maua ai

- Fuaiupu 49:** - ua tuuina atu ai malosiaga i le Ofisa o le Tiute e silasila ai i faamatalaga e aunoa ma se tusi poloaiga, pe afai ua tuuina mai le avanoa e silasila ai i faamatalaga.
- Fuaiupu 50:** - ua tuuina atu ai malosiaga i le Ofisa o le Tiute, ina ia silasila, e aunoa ma se tusi poloaiga, i faamatalaga e uiga i so o se malaga i totonu o se vaitaimi e 28 aso, e aofia ai isi aogā ia e mafai ona faia mai faamatalaga.
- Fuaiupu 51:** - ua tagofia ai le suiga o faamatalaga (e uiga i le malaga mo le 28 aso) i totonu o le 14 aso o le taunuu mai po o le malaga ese atu i fafo.
- Fuaiupu 52:** - ua tuuina atu ai le malosiaga i le Pule Sili o le Tiute e talosaga ai i se Faamasino o le Faamasinoga Sili mo se tusi poloaiga e sueina ma tagai ai i faamatalaga.
- Fuaiupu 53:** - ua tuuina atu le malosiaga i le Pule Sili o le Tiute e faatautaia ai o se suega po o le tagatagai i ai, e aunoa ma se tusi poloaiga, i tulaga o mea e tutupu faafuasei i le noatia ma le fai

fuafua i le faia aloaia o le suega po o le tagatagai i ai i lalo o se tusi poloaiga i totonu o le lima (5) aso o le suega po o le tagatagai i ai.

Fuaiupu 54: - ua tagofia ai taualumaga, pe afai e le o faatagaina le tagatagai i faamatalaga (faaitaiga: o faamatalaga e tagatagai i ai e ao ona vave faatamaia loa ma isi tulaga faapena).

Fuaiupu 55: - ua noatia ai le Resitara ina ia tuuina atu mo le tausiga ma le malupuipua o pepa aloaia e faasino i se talosaga mo se tusi poloaiga o le sueina ma le tagatagai i faamatalaga.

Fuaiupu 56: - ua faamanino ai faamatalaga e fitoitonu lava i le fuaiupu 55(7).

Vaevaega 5 - O isi aiaiga

Fuaiupu 57: - ua noatia ai le Ofisa o le Tiute ina ia fuafua o se faiga e tai ono (6) masina pe ia taofia ai po o le lafoai o faamatalaga na aoina e le Ofisa o le Tiute i lalo o le fuaiupu 49 e oo i le 53.

Fuaiupu 58: - ua puipua ai le Atunuu, Tagata Ofisa o le Tiute po o se Tagata ua faatagaina mai le noatia mo so o se gaioiga ua faia i le agaga lelei, i taimi e faatinoina ai o so o se galuega tauave po o so o se malosiaga.

Fuaiupu 59: - ua aiaia ai e faapea, o le Vaega 5 e lē taofia ai le Ofisa o le Tiute mai le faatinoina o so o se isi lava malosiaga e maua ai faamatalaga e faasino i le feaveaiina o vaalele, tagata po o oloa.

**VAEGA 6: PEPA TUSIA
MA LE FAITAUGA O OLOA**

Vaevaega 1 - Faaulufaleina mai o oloa

- Fuaiupu 60:** - ua aiaia ai e faapea, o oloa ua faaulufale mai e ao ona tusia e lē na te faaulufaleina mai oloa i le faiga ua faatonuina ma le taimi faatulagaina, aua e mafai e le Pule Sili o le Tiute ona faoa faamalosi oloa ma faatauina atu mo le toe faaola mai o le tiute.
- Fuaiupu 61:** - ua aiaia ai le faia o pepa tusia lē tumau o oloa faaulufaleina mai, pe afai e lē mafaia ona tusia oloa i lalo o le fuaiupu 60.
- Fuaiupu 62:** - ua tuuina atu ai malosiaga i le Pule Sili o le Tiute e faamatuu atu ai oloa na faaulufaleina mai (tusia i se tulaga lē tumau) mo le faaaogāina i totonu o le atunuu, i le noatia ma le fai fuafua i le mauaina e le Pule Sili o le Tiute o le puipuigamalu atoatoa mo oloa.
- Fuaiupu 63:** - ua tuuina atu ai malosiaga i le Minisita e faia ai poloaiga e tagofia ai pepa tusia o oloa e faaulufaleina mai.
- Fuaiupu 64:** - ua noatia ai lē na te faaulufaleina mai oloa (po o le sooupu) ina ia tuuina atu inivoisi ma ia faia o se tautinoga e faamaonia ai le inivoisi ma le tau aogā o oloa.
- Fuaiupu 65:** - ua tuuina atu ai malosiaga i le Minisita e faia ai poloaiga e tagofia ai totogifuapauina po o tau faaee atu a le Ofisa o Tiute e faasino i le kiliaina o oloa ua faaulufaleina mai.
- Fuaiupu 66:** - ua aiaia ai e faapea, e tataua ona vave tagofia oloa, i le tuanai ai ona faia o le pepa e tusia ai.
- Fuaiupu 67:** - ua tuuina atu ai malosiaga i le Pule Sili o le Tiute e faalēaogāina ai pe toe teuteuina pepa tusia, ina ia taofia ai le toe tusia faalua o pepa tusia po o le faasaoina o mea sese.

- Fuaiupu 68:** - ua faasaina ai le laueseina o oloa mai se vaalele seia vagana ai o le laueseina o oloa ua faia i lalo o se pemitā po o e pei ona faatagaina e le Pule Sili o le Tiute.
- Fuaiupu 69:** - ua tagofia ai le faaulufale mai o se vaalele i se faiga e ese ai na i lo o se uta.
- Fuaiupu 70:** - ua noatia ai lē na te faaulufale mai oloa ina ia tuuina atu ni mea faataitai, ma isi tulaga faapena, o oloa ua faaulufaleina mai.

Vaevaega 2 - Felauaiga o oloa i totonu o Samoa

- Fuaiupu 71:** - ua faasaina ai le felauaiga o oloa o i lalo o le pule a le Tiute seia vagana ai ua faia le pepa tusia po o ua faatagaina e le Pule Sili o le Tiute.
- Fuaiupu 72:** - ua faasaina ai le aveesea o oloa o lo o noatia i le pule a le Tiute seia vagana ai ua faatagaina le aveesea i lalo o le Tulafono Tau Faaofi, se Tagata Ofisa o le Tiute po o le Pule Sili o le Tiute.
- Fuaiupu 73:** - ua tuuina atu ai malosiaga i le Pule Sili o le Tiute e faatagaina ai le aveese lē tumau o oloa mai se Nofoga e Pulea e le Tiute.

Vaevaega 3 - Auina ese atu o oloa

- Fuaiupu 74:** - ua noatia ai lē e auina ese atu oloa ina ia tusia oloa i totonu o le pepa faatumu ma le faiga ua faatonuina.
- Fuaiupu 75:** - ua tuuina atu ai malosiaga i le Minisita e faia ai poloaiga mo faamoemoega o le fuaiupu 74.
- Fuaiupu 76:** - ua faatagaina ai le Pule Sili o le Tiute ina ia tofia o se faalapotopotoga tau le Faamaoniga e tuuina atu tusi faamaonia o le atunuu e faapogai mai ai mo oloa e auina ese atu, i lalo o se

- maliega saoloto tau fefaatauaiga lea o lo o avea ai Samoa ma vaega auai.
- Fuaiupu 77:** - ua tuuina atu ai malosiaga i le Pule Sili o le Tiute e tofia ai o se faalapotopotoga tau le faamaoniga.
- Fuaiupu 78:** - ua tuuina atu ai malosiaga i le Minisita e faia ai poloaiga e tagofia ai le faalapotopotoga tau le faamaoniga ma tusi faamaonia o le atunuu e faapogai mai ai.
- Fuaiupu 79:** - ua noatia ai lē e ona oloa e auina ese atu ina ia vave ona auina ese atu oloa, pe a maea loa ona faia le pepa tusia o oloa auina ese atu.
- Fuaiupu 80:** - ua faasaina ai le faatu laueleele (vagana ai i se nofoaga i fafo atu o Samoa) o ni oloa e auina ese atu, i le taimi lava e maea ai ona utaina i luga o se vaalele mo le auina ese atu.
- Fuaiupu 81:** - ua faamanino ai le taimi e auina ese atu ai, ma o le taimi lea e tuua ai e le vaalele le nofoaga tau le Tiute.

Vaevaega 4 - Faamaufaaailoga a le Ofisa o le Tiute

- Fuaiupu 82:** - ua tuuina atu ai malosiaga i le Pule Sili o le Tiute e tofia ai se Tagata Ofisa o le Tiute, e faaaogā faamaufaaailoga a le Ofisa o Tiute i pusa o oloa e auina ese atu.
- Fuaiupu 83:** - ua aiaia ai e faapea, o pusa o lo o aofia ai faamaufaaailoga a le Ofisa o Tiute ia faapea foi ona aiaia ai ma ni lapataiga e faapea e noatia oloa i le pule a le Tiute seia vagana ua auina ese atu.

Vaevaega 5 - Fuafuaga faamaonia a le tiute o puipugamalu o oloa auina ese atu

- Fuaiupu 84:** - ua tuuina atu ai malosiaga i le Pule Sili o le Tiute e faamaonia ai o se fuafuaga o puipuigamalu o oloa auina ese atu, ma tagata e auina ese atu oloa, o i latou ia e fia auai i le fuafuaga.
- Fuaiupu 85:** - ua aiaia mo le faamoemoe o se fuafuaga o puipuigamalu o oloa auina ese atu.
- Fuaiupu 86:** - ua aiaia ai mea e aafia ai i se fuafuaga o puipuigamalu o oloa auina ese atu, e aofia ai le tulaga o oloa pe faapefea ona tuupusaina ma le felauaiga mai le tasi nofoaga i le isi nofoaga, i le faagasologa o le tuuina atu o oloa.
- Fuaiupu 87:** - ua noatia ai lē na te auina ese atu oloa, o ia lea ua na faaaogāina le fuafuaga o puipuigamalu o oloa auina ese atu, ina ia na taliaina o nisi mataupu, e pei o; oloa o lo o i lalo o le fuafuaga e noatia i le pule a le Tiute seia vagana ai ua auina ese atu.
- Fuaiupu 88:** - ua aiaia ai e faapea o oloa o le a auina ese atu i lalo o le fuafuaga o puipuigamalu o oloa auina ese atu, e mafai ona auina ese atu i lalo o tupe totogi toe faafoi o tiute.
- Fuaiupu 89:** - ua aiaia ai e faapea, o faamaufaailoga a le Ofisa o Tiute, e mafai lava ona faaaogā i luga o se pusa ua faamaonia le malupuipua e le Ofisa o Tiute.
- Fuaiupu 90:** - ua aiaia ai e faapea, o lē na te auina ese atu oloa, o ia lea sa auai i se fuafuaga o puipuigamalu o oloa auina ese atu, e le o vavaeeseina mai ai i le auina ese atu o oloa i fafo atu o le fuafuaga.

**VAEGA 7: O OLOA FAAULUFALE MAI
MA OLOA AUINA ESE ATU UA FAASAINA**

- Fuaiupu 91:** - ua faasaina ai nisi oloa ona faaulufale mai i totonu o Samoa, e aofia ai so o se oloa ua faasaina e ala i se poloaiga a le Minisita.
- Fuaiupu 92:** - ua faasaina ai nisi oloa e auina ese atu, e pei ona faatulagaina atu i totonu o le poloaiga ua faia e le Minisita.
- Fuaiupu 93:** - ua tuuina atu ai malosiaga i le Pule Sili o le Tiute e teena ai le faaulufale mai po o le auina ese atu o oloa faasaina, seia vagana ai ua faamalieina o ia e faapea o se laisene po o se pemitā, i lalo o so o se tulafono, ua maea ona tuuina atu mo le faaulufale mai po o le auina ese atu o oloa.

VAEGA 8: TIUTE

Vaevaega 1 - Fuafuaina o tau o oloa

- Fuaiupu 94:** - ua noatia ai lē e faaulufale mai oloa ina ia faamaoti (e ala i sana lava iloiloga) o le tau aogā o oloa.
- Fuaiupu 95:** - ua tuuina atu ai malosiaga i le Pule Sili o le Tiute e teuteuina ai o se iloiloga pe afai ua faamalieina e faapea, o le uluai iloiloga sa lē sao ona faia pe ua lē ogatasi ma le Faamatalaga Lona 2 (Fuafuaina o Tau e le Ofisa o Tiute).
- Fuaiupu 96:** - ua aiaia ai e faapea o le tau aogā o oloa, e ao ona fuafuaina ma ia faaalua manino i tupe Samoa, po o ia faaliliuina i se isi faiga e ese ai i tupe Samoa, e faaaogāina ai le fua faatatau o le fesuiaiga o tupe o i ai nei.
- Fuaiupu 97:** - ua aiaia ai mo le aia tatau a le atunuu e mauaina ai oloa ia ua tusia, ina ia mafai ai ona puipuia o tupe maua mai le faapauina i lalo o le tau aogā o oloa. O le aia tatau e mafai ona faatinoina e ala i se tusi faapoloaiga e

sainia e le Pule Sili o le Tiute. E ao ona tuuina atu se Faasilasilaga i lē na te faaulufale mai oloa o lo o aafia ai i se taimi vave, i le tuana'i ai ona faatino le aia tatau, ma e i ai foi le aia tatau a lē na te faaulufale mai oloa, e talosaga tetee ai. Afai e leai se talosaga tetee ua faatulai mai i totonu o le 20 aso faigaluega, ona mafai loa lea ona faatauina atu oloa, e le Pule Sili o le Tiute.

Vaevaega 2 - Atunuu na faapogai mai ai ma aiaiga faapitoa o le faasologa o tiute

- Fuaiupu 98:** - ua aiaia ai mo tulafono faafoe o atunuu na faapogai mai ai oloa tau i'a po o isi oloa o le sami, mo faamoemoega tau le Tiute, pe afai e aumaia i totonu o Samoa i luga o se vaa a se atunuu e ese ai i lo Samoa.
- Fuaiupu 99:** - ua tuuina atu ai malosiaga i le Minisita e faia ai poloaiga e faasino i le faiga e fuafuaina ai le atunuu e faapogai mai ai e tusa ai ma oloa faaulufale mai.
- Fuaiupu 100:** - ua tuuina atu ai malosiaga i le Pule Sili o le Tiute e faafoe ai talosaga mo oloa ina ia tusia e aunoa ma se tiute po o oloa i se tulaga e faaitiitia le tiute.
- Fuaiupu 101:** - ua faafoeina ai talosaga faapitoa e le o faamautuina, ae le o mafai ona faamautinoa ma le atoatoa, le atunuu na faapogai mai ai oloa ma faaulufale mai, i luga o faamatalaga na tuuina mai i le Ofisa o le Tiute.

**VAEGA 9: ILOILOGA, TUPE TOE FAAFOI
MA TUPE TOTOGI TOE FAAFOI O TIUTE**

Vaevaega 1 - Iloiloga ma le toe faaolaina mai

- Fuaiupu 102:** - ua taua ai e faapea o tiute o oloa faaulufale mai, o aitalafu ua tatau ona totogi ma e totogiina atu i, ma le toe faaolaina mai e le Atunuu.
- Fuaiupu 103:** - ua tuuina atu ai malosiaga i le Minisita e faia ai poloaiga e tuusaunoaina ai le totogiina o lafoga o oloa gaosi i le atunuu po o tiute talafeagai o oloa faaulufale mai.
- Fuaiupu 104:** - ua aiaia ai mo faasalaga, i se faiga o le tiute faaopoopo, pe afai e lē totogiina le tiute.
- Fuaiupu 105:** - ua aiaia ai e faapea o se pepa tusia ua faia e se tagata mo oloa, ua avea e faapea o se iloiloga lea o le tiute e ao ona totogi mo oloa.
- Fuaiupu 106:** - ua tuuina atu ai malosiaga i le Pule Sili o le Tiute, e teuteuina ai o se iloiloga o le tiute e lē na faaulufale mai oloa (iloiloga e faia e le tagata lava ia) po o e le Pule Sili o le Tiute (iloiloga ua faaletonu ona faia).
- Fuaiupu 107:** - ua aiaia ai mo aso ua tatau ona totogiina ai tiute.
- Fuaiupu 108:** - ua faamaninoina ai e faapea o se iloiloga o tiute ua faia e le Pule Sili o le Tiute ua faatatauina lava e sao lelei.
- Fuaiupu 109:** - ua aiaia ai e faapea o le noataga ina ia totogi le tiute, e lē taofia lē tumau tusa lava pe afai e faia se talosaga tetee e lē na faaulufale mai oloa, e faasaga i le iloiloga o tiute.
- Fuaiupu 110:** - ua faatapulaaina ai le taimi lea e mafai ai ona teuteuina o se iloiloga, i le fa (4) tausaga, seia vagana ai o se pepa tusia po o se tautinoga e faia i luga o oloa, sa faia faagaoi pe tau faasese.
- Fuaiupu 111:** - ua manaomia ai se tagata o aafia i le faaulufale mai o oloa, po o se tagata e fai le laisene o se Nofoaga e pulea e le Tiute, ina ia tausia o faamaumauga tau pisinisi e lava atoatoa mo se vaitaimi e fitu (7) tausaga; ma ia faaavanoa o

- faamaumauga i le Ofisa o Tiute, a o faagasolo lena vaitaimi.
- Fuaiupu 112:** - ua aiaia ai mo le tiute tauave o le tuuina atu i le Ofisa o le Tiute, o avanoa i faamaumauga faapisinisi.
- Fuaiupu 113:** - ua aiaia ai mo le uiga o le upu “faasino” mo faamoemoega o le fuaiupu 114.
- Fuaiupu 114:** - ua aiaia ai e faapea o le tiute i luga o oloa e faavae ai se tau faaee atu o oloa o lo o ave i ai le tulaga faamuamua i lo so o se isi lava tau faaee atu i luga o ia lava oloa. O lenei tulaga faamuamua ua talosagaina e le o faalauteleina atu i se tagata faatau i le agaga lelei, mo tau aogā.
- Fuaiupu 115:** - ua aiaia ai mo le faaaogāina o le fuaiupu 116.
- Fuaiupu 116:** - ua aiaia ai mo le faatulagaga o tiute e le i totogiina i luga o le gaumativa po o le faamaapeina.
- Fuaiupu 117:** - ua taofia ai le faamatuu ese atu o oloa mai le pule a le Tiute, seia vagana ai ua totogiina atoa le tiute, i le noatia ma le fai fuafua i aiaiga e mafai ona faamaonia e le Pule Sili o le Tiute ma le tulaga atoatoa o le puipuigamalu mo le tiute i luga o oloa.
- Fuaiupu 118:** - ua aiaia ai mo le noataga o se tagata e fai le laisene mo se Nofoaga e Pulea e le Tiute, i oloa ua ave seseina po o ua leiloa mai le Nofoaga e pulea e le Tiute.
- Fuaiupu 119:** - ua aiaia ai e faapea o lē e ona ma le tagata o pulea se vaalele e tau fai noatia i laua i le totogiina o le tiute o oloa ua faatu laueleele mai faasolitulafono i totonu o Samoa mai le vaalele, e peiseai ai o oloa na faaulufale mai ma tusia mo le faaaogāina i le atunuu.

- Fuaiupu 120:** - ua faamanino ai e faapea o le noataga o se tagata ina ia totogi tiute ua soloia pe afai ua totogiina le tiute e se isi tagata.
- Fuaiupu 121:** - ua faamanino ai po o le fea tulafono e faaaogā i le tiute o oloa o i totonu o se Nofoaga e pulea e le Tiute po o sa faaulufale mai, pe afai ua teuteuina o se tulafono o faafoe ai tiute po o le fua faatatau o le tiute.
- Fuaiupu 122:** - ua aiaia ai e faapea, a tuuina atu le totogi o le tiute ua faaee atu e tusa o le aofaiga, mamafa, tele po o le tau aogā, e ao ona fuafuaina i se tulaga talafeagai le tiute o le a totogiina, ina ia faamautinoa ai le tulaga lē faaituau i le fuafuaina o tiute i nisi mataupu.
- Fuaiupu 123:** - ua aiaia ai e faapea o oloa ua toe faaulufale mai, e mafai ona taliaina e aunoa ma se tiute, po o i se totogi ua fuafuaina e le Pule Sili o le Tiute, e lē silia le uluai tiute na faaulufale mai ai oloa.
- Fuaiupu 124:** - ua tuuina atu ai malosiaga i le Pule Sili o le Tiute e tuuina atu ai tusi faamaonia o taua ai, pe i ai pe leai foi se noataga o se tagata e totogi ai so o se tiute. O se tagata ua noatia ina ia totogi le tiute, o ia lea ua faamoemoe e tuua Samoa, e mafai ona pueina faapagota, e ala i se poloaiga a se Faamasino o le Faamasinoga Sili.

*Vaevaega 2 - Tupe toe faafoi, faamagaloga,
ma tupe totogi toe faafoi o tiute*

- Fuaiupu 125:** - ua tuuina atu ai malosiaga i le Pule Sili o le Tiute e toe faafoi ai le tiute ua sese ona totogi.

- Fuaiupu 126:** - ua noatia ai le Pule Sili o le Tiute ina ia toe faafoi le tiute, pe afai na tuusaunoaina le tiute e le Minisita po o ua ia faamaonia o se tiute e maualalo ane teisi.
- Fuaiupu 127:** - ua tuuina atu ai malosiaga i le Pule Sili o le Tiute e toe faafoi ai po o le auina atu o le tiute i nisi mataupu, e pei o oloa ua faaleagaina, lē lelei ona gaosia, oloa ua lafoaia, ma isi mea faapena.
- Fuaiupu 128:** - ua tuuina atu ai malosiaga i le Pule Sili o le Tiute e faaaogāina ai so o se tiute ua toe faafoi atu i se tagata, ina ia totogi ai isi tiute ua tataua ona totogi ma e totogina lava e le tagata i le Ofisa o le Tiute.
- Fuaiupu 129:** - ua aiaia ai mo le toe faaolaina mai o le tiute na sese ona toe faafoi atu.
- Fuaiupu 130:** - ua tuuina atu ai malosiaga i le Pule Sili o le Tiute e faamatuu atu ai oloa na faaulufale mai i se tulaga lē tumau pe afai, o lo o aumai le tulaga tutusa o le puipuigamalu ma le tiute, i le noatia ma le fai fuafua i aiaiga.
- Fuaiupu 131:** - ua faatagaina ai le tupe totogi toe faafoi o tiute o nisi oloa ia sa faaulufale mai mo nisi faamoemoega.

VAEGA 10: FAAIUGA A LE OFISA O LE TIUTE

- Fuaiupu 132:** - ua faatagaina ai se tagata e talosaga mo se faaiuga a le Ofisa o Tiute ma le faiga e faia ai o se talosaga. Ua faatulagaina atu ai o mataupu e faatatau i ai, lea ua mafai ai ona sailia se faaiuga a le Ofisa o Tiute.
- Fuaiupu 133:** - ua noatia ai le Pule Sili o le Tiute e faia faaiuga a le Ofisa o Tiute.
- Fuaiupu 134:** - ua aiaia ai mo le tuuina atu o faasilasilaga o faaiuga a le Ofisa o Tiute.

- Fuaiupu 135:** - ua aiaia ai mo le aloaia o se faaiuga o le Ofisa o Tiute.
- Fuaiupu 136:** - ua faatagaina ai le Pule Sili o le Tiute ina ia manaomia le tagata na ia faia le talosaga mo se faaiuga a le Ofisa o Tiute ina ia faamaonia mai i se faiga tusitusia e faapea o mea moni ma faamatalaga, ia sa faia ai le faaiuga a le Ofisa o Tiute, e tumau lava le sao ma o aiaiga foi o le faaiuga sa mulimulitaia.
- Fuaiupu 137:** - ua tuuina atu ai malosiaga i le Pule Sili o le Tiute e teuteuina ai o se faaiuga a le Ofisa o Tiute.
- Fuaiupu 138:** - ua faatulagaina ai le taimi fuafuaina ina ua maea ona faamutaina le aloaia o se faaiuga a le Ofisa o Tiute.
- Fuaiupu 139:** - ua aiaia ai mo le aia tatau e talosaga tetee ai i se faaiuga a le Ofisa o Tiute.
- Fuaiupu 140:** - ua faamagaloina ai se tagata mai aitalafu (e tusa ai o le tiute e totogiina atu), mo so o se gaoioiga na faia i se tulaga faalagolago i se faaiuga a le Ofisa o Tiute.

VAEGA 11: FAASALAGA TAU PULEGA

- Fuaiupu 141:** - ua tuuina atu ai malosiaga i le Pule Sili o le Tiute e faaee atu ai se faasalaga i se tagata, o ia lea ua na faia o se pepa tusia o lo o aofia ai o se mea sese matuia po o se mea ua lē faia, lea ua taunuu ai i se aofaiga o le tiute ua fuafuaina, ua itiiti ai i lo le aofaiga sa tatau ona i ai.
- Fuaiupu 142:** - ua aiaia ai e faapea o se talosaga tetee e lē taofia tumau ai le noataga ina ia totogi o le faasalaga.
- Fuaiupu 143:** - ua aiaia ai mo tuusaunoaga mai noataga ina ia totogi o se faasalaga pe afai e faia e le tagata o nisi gaoioiga e faailoa atu ai i le Ofisa o Tiute, le mea

sese po o se mea ua lē faia, lea e faatulai mai ai le maualalo ane teisi o le fuafuaina o le tiute.

VAEGA 12: FAIGA FAAKOMEPIUTA E FAAGASOLO AI PEPA TUSIA A LE TIUTE

- Fuaiupu 144:** - ua faavaeina ai le Faiga Faakomepiuta e Faagasolo ai Pepa Tusia a le Tiute (CCEPS) ma aiaia ai mo le faamauina o tagata e faaaogāina lea faiga (CCEPS).
- Fuaiupu 145:** - ua aiaia ai le faagasologa ma manaoga mo talosaga ina ia faamauina i luga o le faiga faakomepiuta (CCEPS).
- Fuaiupu 146:** - ua aiaia ai mo le tuuina atu o faailoga faapitoa e iloagofie ai tagata e faaaogāina, i tagata e faaaogāina ua faamauina.
- Fuaiupu 147:** - ua faatonutonu ai faaletulafono le faaaogāina o faailoga faapitoa e iloagofie ai tagata e faaaogāina.
- Fuaiupu 148:** - ua tuuina atu ai malosiaga i le Pule Sili o le Tiute e faaee atu ai aiaiga i tagata e faaaogāina ua faamauina.
- Fuaiupu 149:** - ua tuuina atu ai malosiaga i le Pule Sili o le Tiute ina ia taofia lē tumau pe faalēaogāina, i se faiga tusitusia, le faamauina o se tagata o faaaogāina ua faamauina.
- Fuaiupu 150:** - ua noatia ai le Ofisa o le Tiute ina ia tausia o se tusi o faamaumauga o fesootaiga taitasi uma e auina atu i, ma mauaina mai i, se tagata e faaaogāina ua faamauina.

VAEGA 13: MALOSIAGA O TAGATA OFISA O LE TIUTE

- Fuaiupu 151:** - ua tuuina atu ai malosiaga i Tagata Ofisa o le Tiute e tiute faasolo i so o se vaega o le apitagalu o le matafaga po o le matafaga o so o se aloalo po o

le ulufale i so o se malae e tulaueleele ai vaalele po o se fale o lo o i ai i lea malae.

Fuaiupu 152: - ua aiaia ai mo le tauina o vaa o le Tiute po o le tulaueleele o se vaalele tau le tiute i so o se nofoaga i totonu o Samoa e aunoa ma se tupe totogi.

Fuaiupu 153: - ua tuuina atu ai malosiaga i se Tagata Ofisa o le Tiute e ulu atu ai i luga o se vaalele o lo o i ai i totonu o Samoa mo faamoemoega tau le faamamaluina, e aofia ai le faafaigaluegaina o se Tagata Ofisa o le Tiute i luga o se vaalele ua taunuu mai i se nofoaga i fafo atu o Samoa.

Fuaiupu 154: - ua tuuina atu ai malosiaga i se Tagata Ofisa o le Tiute e sueina ai se vaalele ua taunuu mai i se nofoaga i fafo atu o Samoa, se vaalele ua malaga ese atu po o se vaalele o lo o ia aveina ni oloa o lo o noatia i le pule a le Tiute.

Fuaiupu 155: - ua tuuina atu ai malosiaga i se Tagata Ofisa o le Tiute ina ia faamauina lelei oloa i luga o se vaalele, po o le aveeseina atu o oloa ua mauaina i luga o se vaalele, i se nofoaga saogalemu, a o faatino o se suesuega.

Fuaiupu 156: - ua aiaia ai mo le tuliloaina o vaa, e aofia ai le faapaina o se fana i luga o le vaa, e aveia o se taumafaiga mulimuli, o tetee atu ai i le tausisia o faatonuga.

Fuaiupu 157: - ua tuuina atu ai malosiaga i se Tagata Ofisa o le Tiute e taofia ai se vaalele ua masalomia i se soligatulafono ua faapea ona faia e tusa ai ma lena vaalele.

Fuaiupu 158: - ua tuuina atu ai malosiaga i se Tagata Ofisa o le Tiute e sueina ai o se taavale i lalo o nisi tulaga aliae mai, i le noatia ma le fai fuafua i tapulaa o le faatinoga o le malosiaga e sueina ai.

- Fuaiupu 159:** - ua tuuina atu ai malosiaga i se Tagata Ofisa o le Tiute e fesiligia ai tagata faatoa taunuu mai i totonu o Samoa mai atunuu i fafo, e tusa ai ma oloa o lo o po o lata mai ona latou umia/ato malaga; po o e uiga i so o se aofaiga o tiute a le Ofisa o Tiute e mafai ona nofo aitalafu ai se tagata.
- Fuaiupu 160:** - ua faafoe ai le malosiaga e fesiligia ai tagata ua taunuu mai i se nofoaga i fafo atu o Samoa, e uiga i mea e iloagofie ai i latou, o tuatusi, feuaiga o faiga malaga ma isi mataupu e aofia ai tapulaa i le faaaogāina o le malosiaga.
- Fuaiupu 161:** - ua faafoe ai le fesiligia o se tagata faigaluega o se ofisa vaalele po o se kamupani vaa e uiga i uta po o tagata e taunuu mai.
- Fuaiupu 162:** - ua aiaia ai mo se pasese malaga i pepa malaga faava o malo ina ia usitaia o nisi faatonuga mai se Tagata Ofisa o le Tiute e aofia ai le tuuina atu o igoa ma tuatusi ma isi tulaga faapena.
- Fuaiupu 163:** - ua aiaia ai mo se tagata na ia fesiligia se tagata i lalo o le fuaiupu 162 ua taua i luga, ina ia tuuina mai o pepa aloaia i mataupu ia sa fesiligia ai le tagata.
- Fuaiupu 164:** - ua tuuina atu ai malosiaga i se Tagata Ofisa o le Tiute, e taofia ai se tagata, o ia lea ua na lē mafai ona tali i se fesili e faamalieina ai le Tagata Ofisa o le Tiute ma ua faapea ona faatulai mai ai se masaloga talafeagai e faapea ua faia po o sa faia o se soligatulafono e lena tagata.
- Fuaiupu 165:** - ua faatulagaina ai o gaoioiga e mafai ona faatino e se Tagata Ofisa o le Tiute o ia lea na taofia se tagata i lalo o le fuaiupu 164, i le maea ai ona fesiligia i lalo o le fuaiupu 160.

- Fuaiupu 166:** - ua tuuina atu ai malosiaga i se Tagata Ofisa o le Tiute po o se Leoleo, e taofia ai se tagata ua latou talitonuina i luga o mafuaaga talafeagai, ua na faia po o o le a faia o se soligatulafono i lalo o fuaiupu 216 po o le 228 o le Tulafono Tau Faaofi, e ala i le faia o so o se gaoioiga ua faatulagaina.
- Fuaiupu 167:** - ua faatagaina ai le taofiga o se pasese i tulaga aliae mai, ia e masalomia ai e se Tagata Ofisa o le Tiute, i luga o mafuaaga talafeagai e faapea ua noatia le tagata i se aiaiga e tasi (1) po o le sili atu, i lalo o le fuaiupu 36 (e fasino i tulaga lamatia tau le soifua maloloina po o tulaga tau le puipuiga o faamai ulufale mai).
- Fuaiupu 168:** - ua aiaia ai mo tagata, o i latou ia e faaaogā i ai le fuaiupu 170 e oo i le 172. E faatatau lenei fuaiupu i tagata o lo o i ai i laasaga eseese o le ulufafo ese atu mai se vaalele ua taunuu mai i Samoa, po o ua ulufale atu i totonu o se vaalele o le a tuua Samoa.
- Fuaiupu 169:** - ua tuuina atu ai malosiaga i se Tagata Ofisa o le Tiute po o se Leoleo e faatautaia ai o uluai suesuega o tagata o taua i totonu o le fuaiupu 171 e oo atu i le 173.
- Fuaiupu 170:** - ua tuuina atu ai malosiaga i se Tagata Ofisa o le Tiute po o se Leoleo e faatautaia ai o se suesuega o se tagata i luga o se masaloga talafeagai e faapea sa natia e le tagata nisi meataitasi sa ia te ia.
- Fuaiupu 171:** - ua tuuina atu ai malosiaga i le Tagata Ofisa o le Tiute po o se Leoleo e faatautaia ai o se suesuega o se tagata i luga o se talitonuga talafeagai e faapea, o le tagata sa ia nanaina o meataitasi matautia o ituaiga ua faatulagaina.

- Fuaiupu 172:** - ua tuuina atu ai malosiaga i se Tagata Ofisa o le Tiute po o se Leoleo e faoa faamalosai ai so o se meataitasi o faamatalaina i le fuaiupu 171(1)(a), (b) po o le (c), po o se meataitasi matautia, pe afai e maua i le tagata ua sueina.
- Fuaiupu 173:** - ua tuuina atu ai malosiaga i se Tagata Ofisa o le Tiute ina ia maua o le avanoa i so o se Nofoaga e Pulea e le Tiute mo le faamoemoe o le suesueina o oloa i lena nofoaga i so o se taimi o le ao po o le po, i le noatia ma le fai fuafua i le fuaiupu 205.
- Fuaiupu 174:** - ua tuuina atu ai malosiaga i se Tagata Ofisa o le Tiute e suesueina ai, ma faia isi tulaga faapena, i oloa o lo o i lalo o le pule a le Tiute, e aofia ai le tatalaina o pusa mo oloa.
- Fuaiupu 175:** - ua aiaia ai mo le suesueina o oloa ina ua tuuina ai ona lē toe noatia i le pule a le Tiute, po o oloa ua taofia ma tuuina atu i le Malo.
- Fuaiupu 176:** - ua manaomia ai so o se tagata e fai se laisene mo se Nofoaga e Pulea e le Ofisa o Tiute, ina ia faatauina oloa ia o lo o talitonu le Pule Sili o le Tiute e ao ona tuuina po o tausia i luga o latou nofoaga ma fale, po o ia tuuina atu pepa aloaia e faasino i le fesiitaiga o ia oloa ma o nei gaoioiga e ao ona faia e le tagata e fai le laisene, i le taimi lava lea ua faatonuina ai e le Pule Sili o le Tiute ina ia faapea ona faia.
- Fuaiupu 177:** - ua tuuina atu ai malosiaga i se Tagata Ofisa o le Tiute e poloaiina malosai ai le Tagata e fai le laisene mo Nofoaga e pulea e le Ofisa o Tiute ina ia tuuina mai o so o se oloa o lo o faamauiina e faapea o lo o i ai lava i totonu o lo latou Nofoaga e pulea e le Ofisa o Tiute.

- Fuaiupu 178:** - ua tuuina atu ai malosiaga i le Pule Sili o le Tiute ina ia manaomia ai so o se tagata o ia lea na te faia o se pepa tusia i lalo o le Tulafono Tau Faaofi, e tuuina atu o se faamaoniga e ala i se tautinoga po o isi pepa aloaia o le sao atoatoa o le pepa tusia. E mafai e le Pule Sili o le Tiute ona taofia oloa na faaulufale mai, ia e faasino i ai le pepa tusia, seia vagana ai ua faamalieina e faapea ua maea lava ona faamaonia atoatoa le pepa tusia.
- Fuaiupu 179:** - ua tuuina atu ai malosiaga i le Pule Sili o le Tiute pe a talafeagai ai, ina ia manaomia e faapea o se faamalumaluga faatonuina e ao ona tuuina atu mo le totogiina o le tiute.
- Fuaiupu 180:** - ua tuuina atu ai malosiaga i le Pule Sili o le Tiute e manaomia ai faamalumaluga fou po o faamalumaluga faaopoopo i lalo o le fuaiupu 179, pe afai e le o faamalieina le Pule Sili o le Tiute i le tulaga o le lava atoatoa o uluai faamalumaluga.
- Fuaiupu 181:** - ua tuuina atu ai malosiaga i se Tagata Ofisa o le Ofisa o Tiute ina ia manaomia ai se sooupu e tapa le pule faataga a le Sooupu mai le Tagata Ofisa autu ma ia teena foi.
- Fuaiupu 182:** - ua tuuina atu ai malosiaga i se Tagata Ofisa o le Ofisa o Tiute e ulufale ai i nofoaga ma fale mo le sueina faasuetusi po o le suesueina o faamaumauga, ma e tataua ona tuuina atu i le Tagata Ofisa o le Ofisa o Tiute le avanoa saoloto i so o se nofoaga ma fale o se pisinisi lea o lo o teuina ai faamaumauga e tusa ai ma le fuaiupu 111. O lo o taua i le fuaiupu o mea e mafai ona faia e le Tagata Ofisa o le Tiute e tusa ai ma ia faamaumauga ma faaee atu ai o noataga faapitoa i le

tagata o faafoeina nofoaga ma fale ina ia tausisia o so o se faatonuga a le Tagata Ofisa o leTiute.

- Fuaiupu 183:** - ua tuuina atu ai malosiaga i le Pule Sili o le Tiute e manaomia ai pepa aloaia mai so o se tagata, o ia lea sa aafia, po o ua masalomia e faapea sa aafia ai, i le gaosiga, faaulufale mai po o le auina ese atu o oloa, pe afai e i ai mafuaaga a le Pule Sili o le Tiute, e masalomia ai le faia o se gaioiga e lē tusa ai ma le tulafono, e faasino i oloa.
- Fuaiupu 184:** - ua aiaia ai mo se isi malosiaga o le Pule Sili o le Tiute e manaomia ai so o se tagata (e aofia ai se Tagata ofisa aloaia a le Malo) ina ia tuuina mai so o se pepa aloaia po o faamatalaga ia e ono mafai ona talafeagai i se suega faasuetusi e le Ofisa o le Tiute.
- Fuaiupu 185:** - ua amanaia ai tulaga taualoa o galuega faaloia o fautuaga faaletulafono.
- Fuaiupu 186:** - ua aiaia ai mo se tagata, o ia lea ua na tuuina mai o se pepa aloaia i se gagana a se atunuu ese i se tagata ofisa, ina ia tuuina mai foi o se faaliliuga faa-Peretania o le pepa aloaia i luga o se talosaga a le tagata ofisa, e faatinoina ai o so o se tiute tauave po o se malosiaga o le Ofisa o Tiute i lalo o le Tulafono.
- Fuaiupu 187:** - ua tuuina atu ai malosiaga i le Pule Sili o le Tiute e taofia ai pepa aloaia e faasino i se pepa tusia po o ua manaomia ina ia tuuina atu i lalo o le Tulafono Tau Faaofi.
- Fuaiupu 188:** - ua tuuina atu ai malosiaga i se Tagata Ofisa o le Tiute e faia ai ata o pepa aloaia pe a faatinoina o se suega, pe afai o le pepa aloaia e faasino i le faia o se soligatulafono.

- Fuaiupu 189:** - ua tuuina atu ai malosiaga i se Tagata Ofisa o le Tiute e taofia ai pepa aloaia ma oloa pe afai ua talitonuina i luga o mafuaaga talafeagai o oloa nei o le a avea ma molimau o se soligatulafono lea sa faia, i le noatia ma le fai fuafua i aiaiga o le faatinoga o le malosiaga e taofia ai pepa aloaia po o oloa.
- Fuaiupu 190:** - ua tuuina atu ai malosiaga i se Tagata Ofisa o le Tiute e faoa faamalosi, e aunoa ma se tusi poloaiga, ma taofia oloa o lo o ua masalomia i luga o mafuaaga talafeagai e faapea o oloa ua afaina mo faamoemoega o le Tulafono o Puipuiga mai Tupe e Faaofi mai Faasolitulafono 2007.
- Fuaiupu 191:** - ua faamanino ai e faapea ia faafoi atu e le Pule Sili o le Tiute o tinoitupe na taofia i lalo o le fuaiupu 190, pe afai ua faamalieina o ia e faapea, ua talafeagai le tinoitupe e faamalieina ai manaoga taua faale-tagata mo faamoemoega o le taofia o oloa i lalo o le fuaiupu 190.
- Fuaiupu 192:** - ua aiaia ai isi malosiaga e faasino i le faatinoga o le malosiaga e faoa faamalosi ai po o le taofia o oloa i lalo o le fuaiupu 190, e pei o le faaaogāina o le malosi talafeagai, pe afai ua tatau ai.
- Fuaiupu 193:** - ua aiaia ai mo le toe faafoiina o oloa na faoa faamalosi i lalo o le fuaiupu 190.
- Fuaiupu 194:** - ua aiaia ai mo le faaopoopoina o le vaitaimi e fitu (7) aso o faamaoti mai i le fuaiupu 193(1)(a).
- Fuaiupu 195:** - ua aiaia ai mo le malupuipua o oloa ua faoa faamalosi i lalo o le fuaiupu 191.

- Fuaiupu 196:** - ua tuuina atu ai malosiaga i se Faamasino o le Faamasinoga Sili, Faamasino o se Faamasinoga Faaitumalo, po o le Resitara, ina ia tuuina atu o se tusi poloaiga e sueina ai lea e faatagaina ai se Tagata Ofisa o le Tiute e ulufale i so o se nofoaga po o se mea lea ua talitonuina i se tulaga talafeagai o so o se mea lea e mafai ona faaaogā e avea ma faamatalaga molimau o se soligatulafono i po o so o se mea ua talitonu i luga o mafuaaga talafeagai e faapea sa faaaogā e faia ai o se soligatulafono e faasaga i lenei Tulafono Tau Faaofi.
- Fuaiupu 197:** - ua faatulagaina ai le faiga e faafoeina ai se suega i lalo o se tusi poloaiga e sueina ai, e aofia ai le faaaogāina o fesoasoani ma le malosi talafeagai.
- Fuaiupu 198:** - ua faatagaina ai se Tagata Ofisa o le Tiute e taofia ma sueina so o se tagata o ia lea ua maua i po o ua ulufale i le nofoaga ua sueina mo meataitasi matautia; ma faoa faamalosi o ia meataitasi.
- Fuaiupu 199:** - ua tuuina atu ai malosiaga i se Tagata Ofisa o le Tiute e taofia ai oloa na faoa faamalosi a o faagasolo le suega i lalo o le fuaiupu 197 po o le 198(2), pe afai o ia oloa ua maua, e faavae mai mafuaaga talafeagai e faapea o meataitasi matautia, e aofia ai le matafaioi a Leoleo e faasino i oloa.
- Fuaiupu 200:** - ua manaomia ai le Tagata Ofisa o le Tiute o faataunuuina le tusi poloaiga e sueina ai, ina ia tuuina atu le tusi poloaiga mo le asiasia e lē e ona po o lē o nofoia le fanua ma fale, a o le i ulufale atu i ai.
- Fuaiupu 201:** - ua manaomia ai le Tagata Ofisa o le Tiute o faataunuuina le tusi poloaiga e sueina ai ina ia faailoa atu i lē e ona po o lē o nofoia se fanua ma fale se

faasilasilaga tusitusia o so o se meataitasi ua faoa faamalosi, i totonu o le lima (5) aso faigaluega i le tuana'i ai o le faoa faamalosi, ae vagana ai ua poloaiina e se Faamasino i se isi faiga e ese ai.

Fuaiupu 202: - ua tuuina atu ai malosiaga i se Tagata Ofisa o le Tiute e tauaveina ai o se suega ma faoa faamalosi e aunoa ma se tusi poloaiga e sueina ai, e tusa ai o se tusi poloaiga i tulaga faafuasei ua tuuina atu e se Faamasino o le Faamasinoga Sili po o se Faamasino o le Faamasinoga Faaitumalo po o le Resitara.

Fuaiupu 203: - ua faatagaina ai se Tagata Ofisa o le Tiute po o se Leoleo ina ia faaaogā o fesoasoani faapitoa i taimi e faatinoina ai malosiaga o le ulufale i luga o vaa, ulufale, suesuega po o le suega.

Fuaiupu 204: - ua faatulagaina ai o aiaiga e mafai ai e se Tagata Ofisa o le Tiute ona faatino le malosiaga e ulufale ai i so o se fale, e tusa lava po o i lalo o le pule faataga a se tusi poloaiga, pe leai foi.

Fuaiupu 205: - ua tuuina atu ai malosiaga i se Tagata Ofisa o le Tiute, o ia lea ua i ai o se mafuaaga talafeagai e masalomia ai e faapea sa faia e se tagata po o ua na faia, po o ua taumafai e faia o se soligatulafono i lalo o le Tulafono o le Ofisa o le Tiute, e pueina faapagota ai o lena tagata e aunoa ma se tusi poloaiga.

Fuaiupu 206: - ua puipuia ai le Malo, o ona Minisita, le Pule Sili o le Tiute, se Tagata Ofisa o le Tiute, se sui o le Galuega Tau Leoleo, po o se tagata faatagaina, mai so o se noataga mo le leiloa, po o le tulaga faaleagaina ua faia i so o se pepa aloaia, oloa, taavale, e faapogai mai i so o se mea ua faia po o se mea

ua lē faia e se Tagata Ofisa o le Tiute, Sui o le Galuega Tau Leoleo po o se tagata faatagaina, i le agaga lelei.

Fuaiupu 207: - ua faatagaina ai se Tagata Ofisa o le Tiute e faoa faamalosi ma taofia oloa pe a faatinoina malosiaga e asiasia ai, sueina po o le suesueina pe afai o ia oloa ua maua o oloa matautia sa aveina faasolitulafono i luga o se vaalele.

Fuaiupu 208: - ua faatagaina ai se Tagata Ofisa o le Tiute e taofia pe faoa faamalosi so o se pepa malaga aloaia e lē tusa ai ma le tulafono, a o faagasolo le faatinoga o se suega po o se suesuega.

Fuaiupu 209: - ua faatagaina ai se Tagata Ofisa o le Tiute e faoa faamalosi ma taofia oloa po o pepa aloaia ua maua a o faagasolo se asiasiga, suega po o se suesuega, e faapea o meafaatino ua faatulafonoina lea e le i faamatuuina atu i ai se kilia tau le puipuiga faapaiolosi, ma ua i ai faamatalaga molimau o le faia o se soligatulafono e tasi (1) po le sili atu, i lalo o le Tulafono o Solitulafono 2013 po o le Tulafono o Faiga Faiva 1988.

VAEGA 14: SOLIGATULAFONO MA FAASALAGA

Vaevaega 1 - Soligatulafono e faasino i le Ofisa o le Tiute

Fuaiupu 210: - ua faia ai o se soligatulafono e faasaga i se tagata o ia lea ua na taumafai e, pe faaoolima i se Tagata Ofisa o le Tiute.

Fuaiupu 211: - ua faia ai o se soligatulafono e faasaga i se tagata, o ia lea ua faalavelaveina ma le loto i ai, se Tagata Ofisa o le Tiute pe aia fua i meatotino tau le tiute.

- Fuaiupu 212:** - ua faia ai o se soligatulafono e faasaga i se tagata, o ia lea ua na tuuina atu o ni tuuaiga sese po o lipoti sese i se Tagata Ofisa o le Tiute.
- Fuaiupu 213:** - ua faia ai o se soligatulafono e faasaga i se tagata ua faafoliga i se Tagata Ofisa o le Tiute.
- Fuaiupu 214:** - ua faia ai o se soligatulafono e faasaga i se tagata, o ia lea, e aunoa ma se pule faataga faaetulafono ua ia te ia po o ua na faaaogāina o so o se mea faafoliga, faamaufaailoga, faailoga tusi, maka po o se masini e faafoliga ai o so o se faamaufaailoga, faailoga tusi, maka po o se masini e faaaogāina e le Ofisa o Tiute.
- Fuaiupu 215:** - ua faia ai o se soligatulafono e faasaga i se tagata o ia lea ua lē mafai ona tausisia ma le loto i ai o so o se manaoga ua faaee atu e tusa ai ma le fuaiupu 28 e oo atu i le fuaiupu 36 (e ese mai ai i lo le fuaiupu 34).
- Fuaiupu 216:** - ua faia ai o se soligatulafono e faasaga i se tagata, o ia lea ua ulufale e aunoa ma se faatagaga i totonu o po o ua i ai pea i totonu o se nofoaga e pulea e le Tiute, pe a faatonuina e se Tagata Ofisa o leTiute ina ia tuumuli ese.
- Fuaiupu 217:** - ua faia ai o se soligatulafono e faasaga i se tagata, o ia lea ua na mauaina ma le iloa lelei ma e aunoa ma se pule faataga e tusa ai ma le tulafono po o ua taumafai e mauaina ma le iloa lelei ma e aunoa ma se pule faataga e tusa ai ma le tulafono, o le avanoa i so o se faiga faakomepiuta e faagasolo ai pepa tusia a le Tiute, po o ua na faailoa atu po o ua na faaaogāina ma le iloa lelei o faamatalaga ua maua mai i le faiga faakomepiuta mo se faamoemoe e le i faatagaina.

- Fuaiupu 218:** - ua faia ai o se soligatulafono e faasaga i se tagata, o ia lea ua aiaina i le faiga faakomepiuta e faagasolo ai pepa tusia a le Tiute.
- Fuaiupu 219:** - ua faia ai o se soligatulafono e faasaga i se tagata ua resitala e faaaogāina le faiga faakomepiuta e faagasolo ai pepa tusia a le Tiute, o ia lea ua lē mafai ona ia tausisia o so o se aiaiga ua faaee atu e le Pule Sili o le Tiute.

*Vaevaega 2 - Soligatulafono e faasino
i malosiaga o le tagata ofisa o le Tiute*

- Fuaiupu 220:** - ua faia ai o se soligatulafono e faasaga i se tagata, o ia lea ua lē mafai, teena po o ua na tuuina atu o se tali sese i so o se fesili tuuina atu ia te ia e pei ona manaomia i lalo o lenei Tulafono.
- Fuaiupu 221:** - ua faia ai o se soligatulafono e faasaga i se tagata, o ia lea ua lē mafai, e aunoa ma se mafuaaga talafeagai e tuuina atu ai faamatalaga molimau o le faailoga e iloagofie ai, faamanuiaga e malaga ai po o isi mataupu i lalo o le fuaiupu 162 po o le 163.
- Fuaiupu 222:** - ua faia ai o se soligatulafono e faasaga i se tagata, o ia lea, ua lē mafai, po o ua teena le tuuina atu po o le faamaopoopoina o so o se oloa pe a manaomia ina ia faapea ona faia i lalo o le fuaiupu 175, 176 po o le 177.
- Fuaiupu 223:** - ua faia ai o se soligatulafono e faasaga i se tagata, o ia lea ua lē mafai ona tausisia o se faasilasilaga o manaomia ai le tagata ina ia tuuina atu o pepa aloaia i lalo o le fuaiupu 183 po o le 184.
- Fuaiupu 224:** - ua faia ai o se soligatulafono e faasaga i se tagata, o ia lea ua lē mafai po o ua teena ona i ai pea i le nofoaga o lo o sueina i lalo o le fuaiupu 197(1)(a) po o ua lē mafai po o ua teena ona i ai

pea i le nofoaga lea o lo o sueina ai se tagata i lalo o le fuaiupu 197(3)(b) seia vagana ua maea le suega.

Fuaiupu 225: - ua faia ai o se soligatulafono e faasaga i se tagata, o ia lea ua na solia le fuaiupu 11.

Fuaiupu 226: - ua faia ai o se soligatulafono e faasaga i se tagata, o ia lea ua lē mafai ona tausisia o po o ua solia o so o se tuutuuga, aiaiga po o tulaga faasaina i le noatia ma le fai fuafua i ia itu sa faamatuuina atu ai o se laisene mo se Nofoaga e pulea e le Tiute, i lalo o le fuaiupu 12.

*Vaevaega 3 - Soligatulafono e faasino i le taunuu mai
ma le malaga ese atu o vaalele ma tagata*

Fuaiupu 227: - ua aiaia ai mo soligatulafono e faasaga i se tagata e faasino i le taunuu mai o se vaalele.

Fuaiupu 228: - ua aiaia ai mo soligatulafono e faasaga i se tagata o pulea se vaalele e aofia ai lē e ona le vaalele, pe afai o se lipoti o le auina ese atu na faaooina (ma pepa aloaia e lagolagoina ai) e sese, tau faasese po o ua faaseseina i so o se mau autu e faia.

Fuaiupu 229: - ua aiaia ai mo soligatulafono e faasaga i se tagata e faasino i le malaga ese atu o se vaalele.

Fuaiupu 230: - ua faia ai o se soligatulafono e faasaga i se tagata o pulea se vaalele, e aofia ai lē e ona le vaalele pe afai o se lipoti e auina ese atu ua faaooina (ma pepa aloaia o lagolagoina ai) e sese, tau faasese po o ua faaseseina i so o se mau autu e faia.

Fuaiupu 231: - ua faia ai o se soligatulafono e faasaga i se tagata, o ia lea ua lē tausisia o se manaoga e taofia ai le faaogāina o se masini tau fesootaiga faaeletoroni i lalo o le fuaiupu 34(3).

- Fuaiupu 232:** - ua aiaia ai se tetee i se soligatulafono e faasaga i le fuaiupu 229 e oo i le 231.

Vaevaega 4 - Isi soligatulafono

- Fuaiupu 233:** - ua faia ai o se soligatulafono e faasaga i se tagata o pulea ma lē e ona se vaalele lea na mauaina i totonu o Samoa ua maea ona fetuutuunai mo le faamoemoe o le natia o oloa po o tagata.
- Fuaiupu 234:** - ua faia ai o se soligatulafono e faasaga i se tagata o tatalaina, suia po o le tapeina o so o se mea o faamau ai, faamaufaailoga po o se loka na tuuina e se Tagata Ofisa o le Tiute i luga o so o se oloa, po o luga o se faitotoa vaalele po o isi nofoaga i luga o so o se vaalele (e aofia ai lē e ona le vaalele).
- Fuaiupu 235:** - ua aiaia ai mo soligatulafono e faasaga i se tagata e faasino i faamaufaailoga a le Ofisa o le Tiute ma Fuafuaga Faamaonia a le Tiute o Puipuigamalu o Oloa Auina Ese Atu.
- Fuaiupu 236:** - ua aiaia ai mo nisi tulaga aliae mai ia o lo o faia ai e se tagata le gaoioiga ma le tagata o pulea le vaalele, le aiaina o le uta.
- Fuaiupu 237:** - ua faia ai o se soligatulafono e faasaga i se tagata o laueseina se uta o oloa e aunoa ma se faatagaga.
- Fuaiupu 238:** - ua faia ai o se soligatulafono e faasaga i se tagata, e faasino i le gaosia, fesiitaiga, ma le teuina o oloa.
- Fuaiupu 239:** - ua faia ai o se soligatulafono e faasaga i se tagata, o ia lea ua aiaina oloa e aunoa ma se faatagaga a se Tagata Ofisa o Tiute.

- Fuaiupu 240:** - ua faia ai o se soligatulafono e faasaga i se tagata faatauina mai, o ia lea, vagana ua i ai faatasi ma le maliega a le Pule Sili o le Tiute, ua na solia se faatonuga na tuuina atu e le Pule Sili o le Tiute i lalo o le fuaiupu 114(5).
- Fuaiupu 241:** - ua aiaia ai nisi auala ia e faia ai e se tagata o se soligatulafono e faasino i pepa tusia o manaomia i lalo o lenei Tulafono.
- Fuaiupu 242:** - ua aiaia ai mo nisi auala ia e faia ai e se tagata o se soligatulafono e faasino i tautinoga ma pepa aloaia.
- Fuaiupu 243:** - ua faia ai o se soligatulafono e faasaga i se tagata, o ia lea ua lē mafai ona tausia faamaumauga o lo o manaomia ona tausia i lalo o le fuaiupu 111.
- Fuaiupu 244:** - ua faia ai o se soligatulafono e se tagata, o ia lea ua lē mafai, e aunoa ma se mafuaaga talafeagai, ona tuuina atu i le Ofisa o le Tiute avanoa i faamatalaga i lalo o le fuaiupu 46, 47 ma le 112.
- Fuaiupu 245:** - ua faia ai o se soligatulafono e faasaga i se tagata ua aafia i le fesiitaiga o oloa, tagata po o se vaalele, ua na lē faailoa atu faamatalaga i se isi tagata, o ia lea e le o le Pule Sili o le Tiute, se Tagata Ofisa o le Tiute, po o se sooupu po o se tagata faigaluega a le tagata.
- Fuaiupu 246:** - ua faia ai o se soligatulafono e faasaga i se tagata, e aunoa ma se pule faataga po o se mafuaaga, e tusa ai ma le tulafono, o lo o ia umia po o ua na aumaia i totonu o Samoa, o so o se pepa aloaia po o se pepa faatumu e le i maea ona faatumuina, lea ua uma ona sainia, faamaonia, po o ua i ai o so o se maka po o se faailoga ua lolomiina e iloa ai lona tulaga aloaia atoatoa, lea e ono mafai ona faaogā mo so o se faamoemoe i lalo o le Tulafono Tau Faaofi.

- Fuaiupu 247:** - ua faia ai o se soligatulafono e faasaga i se tagata e faaaogā pe tagofia ni oloa mo se faamoemoe e ese mai ai i lo le faamoemoe na tusia ai; po o ua lē mafai ona tausisia o aiaiga na faaee atu e le Minisita e fitoitonu i ai, e uiga i oloa ua tusia.
- Fuaiupu 248:** - ua aiaia ai e faapea, o se tautinoga, inivoisi, o mea faapena; po o teuteuga i se pepa tusia, ua avea lava ma vaega o se pepa tusia.
- Fuaiupu 249:** - ua faia ai o se soligatulafono e faasaga i se tagata, o ia lea ua faia se soligatulafono e faasino i le faaulufale mai po o le auina ese atu o oloa faasaina.
- Fuaiupu 250:** - ua aiaia ai mo auala eseese ia e faia ai e se tagata o se soligatulafono e faasino i le auina ese atu o oloa.
- Fuaiupu 251:** - ua faia ai o se soligatulafono e faasaga i se tagata, o ia lea ua tau faasese ina ia lē maua le tupe maua a le Ofisa o Tiute, e ala i le alofia o le totogiina o le tiute po o le tiute atoa i luga o oloa, mauaina mai po o ina ia mafai ai e so o se isi lava tagata ina ia mauaina mai se tupe, e ala i se tupe totogi o tiute toe faafoi, ina ua auaufau faatasi ma so o se isi lava tagata, ia tau faasese ina ia lē maua tupe maua po o tiute, po o le tau faaseseina i so o se isi lava faiga ina ia lē maua o tupe maua o tiute mo oloa.
- Fuaiupu 252:** - ua faia ai o se soligatulafono e faasaga i se tagata, o ia lea ua na umia ma le iloa lelei ma e aunoa ma se mafuaaga tatau, po o ia taofia i se puipugamalu oloa ia o lo o iloa e le tagata, o oloa e le i tiuteina po o oloa faulufale mai e faasaina.

- Fuaiupu 253:** - ua faia ai o se soligatulafono e faasaga i se tagata, o ia lea ua na faatau mai, faatau atu, faafesuiai, ma le iloa lelei e aunoa ma se mafuaaga tataua e tusa ai ma le tulafono, po o ua ia mauaina, po o ua lafoaia o, oloa ua iloa e le tagata o oloa e le i tiuteina po o oloa faaulufale mai e faasaina.
- Fuaiupu 254:** - ua faia ai o se soligatulafono e faasaga i se tagata o ia lea ua natia ma le iloa lelei o so o se oloa ua ia iloa o oloa e le i tiuteina po o oloa e faasaina.
- Fuaiupu 255:** - ua faia ai o se soligatulafono e faasaga i se tagata o lo o puipuia malu oloa ua faoa faamalosi i lalo o le fuaiupu 268, ma ua solia ai so o se manaoga ua faaee atu i lalo o le faafuaiupu (8) o lena fuaiupu.
- Fuaiupu 256:** - ua faia ai o se soligatulafono e faasaga i se tagata o lo o puipuia malu oloa ua taofia i lalo o le fuaiupu 195(1) ma ua solia ai se manaoga ua faaee atu i lalo o le fuaiupu 195(2) po o le (3).
- Fuaiupu 257:** - ua faia ai o se soligatulafono e faasaga i se tagata o ia lea ua na faaseseina ma le faamoemoe i ai po o ua faia o so o se faamatalaga sese pe tau faasese po o se mea ua lē faia i so o se faamatalaga ua tuuina atu i le Pulega o Talosaga a le Ofisa o Tiute.
- Fuaiupu 258:** - ua faia ai o se soligatulafono e faasaga i se tagata faigaluega a le Auaunaga Tau le Tiute, ua na lē faailoaina atu pe faaaogā o so o se faamatalaga ua mauaina e ala i, po o ua faaoo atu i, e ala i le tulaga tofi o le tagata faigaluega i totonu o le Auaunaga Tau le Tiute, seia vagana ai i le faagasologa o tiute tauave aloaia a le tagata faigaluega po o e pei ona faatagaina e le Pule Sili o le Tiute po o le Minisita.

- Fuaiupu 259:** - ua faia ai o se soligatulafono e faasaga i se Tagata Ofisa o le Tiute, o ia lea ua na taliaina o so o se totogifuapauina, tupe faameaalofa po o se tau mai so o se tagata mo so o se mea ua faia po o ua lē faia i le faatinoga o ona tiute tauave, e aunoa ma le faatagaga a le Minisita po o le Pule Sili o le Tiute.

Vaevaega 4 - Isi aiaiga e faasino i soligatulafono

- Fuaiupu 260:** - ua aiaia ai mo tagata ofisa eseese o nisi faalapotopotoga, o i latou foi ia e noatia i ia lava soligatulafono ua faia e a latou faalapotopotoga taitasi.
- Fuaiupu 261:** - ua aiaia ai mo nisi tagata o i latou ia ua faatatauina o sooupu o a latou tagata ofisa autu; ma o le tulaga lautele o noataga o sooupu ma tagata ofisa autu mo gaoioiga ua faia e solia ai le Tulafono.
- Fuaiupu 262:** - ua aiaia ai mo le taofiga faamalosi o se tagata, o ia lea ua taumafai e faia o se soligatulafono i lalo o le Tulafono.
- Fuaiupu 263:** - ua aiaia ai mo le faatoai atu o tagi i lalo o le Tulafono o Tualumaga Tau Soligatulafono 1972 mo se soligatulafono e faasaga i le Tulafono, e le Pule Sili o le Tiute po o so o se tagata ofisa o le tiute po o se isi tagata faigaluega o le Ofisa o le Tiute ma mo se soligatulafono e faasaga i le fuaiupu 257, o le tagi e ao ona faatoai atu e le Resitara o le Pulega o Talosaga a le Ofisa o Tiute, i le noatia ma le fai fuafua i le Mataupu 41 o le Faavae.
- Fuaiupu 264:** - ua tuuina atu ai malosiaga i le Faamasinoga e poloaiina ai le tagata ua faamaonia le solitulafono i se soligatulafono e tusa ai o le tiute e totogi i le Malo o sea aofaiga faasili, e pei ona ia manatu ua tatau ai e faaopoopo i so o se isi lava faasalaga.

- Fuaiupu 265:** - ua tuuina atu ai malosiaga i le Pule Sili o le Tiute e faafoe ai i se tulaga ootoo o soligatulafono mama e lē noatia i le nofosala i le falepuipui.

**VAEGA 15: OLOA UA TAOFIA E LĒ TOE
FAAFOIA MA LE FAOA FAAMALOSI**

Vaevaega 1 - Oloa ua taofia e lē toe faafoia

- Fuaiupu 266:** - ua faataatia atu ai le tulaga lautele o le Vaega 15 e faaaogā i oloa uma ua taofia e lē toe faafoia e faatulai mai i lalo o le Tulafono.
- Fuaiupu 267:** - ua faatulaga atu ai oloa eseese o le a taofia ma tuuina atu i le Malo.
- Fuaiupu 268:** - ua aiaia ai le tualumaga mo le faoa faamalosi lea e mafai e se Tagata Ofisa o le Tiute po o se Leoleo ona faaaogā pe a faoa faamalosi so o se oloa ua taofia e lē toe faafoia po o so o se oloa ua masalomia i luga o mafuaaga talafeagai e faapea o oloa ua taofia e lē toe faafoia.
- Fuaiupu 269:** - ua manaomia ai le Ofisa o le Tiute ina ia tuuina atu se faasilasilaga o le faoa faamalosi i se taimi vave e mafai ai ona faatino i se tulaga talafeagai, i so o se tagata ua silafia po o ua talitonuina e i ai se aia i oloa ia sa faoa faamalosi.
- Fuaiupu 270:** - ua faatagaina ai le taofia e lē toe faafoia, ina ia i ai lona tulaga aloaia mai le aso na amata faamamaluina ai (e faitau i tua i le aso o le gaoioiga lea ua aliae mai ai le taofia e lē toe faafoia).
- Fuaiupu 271:** - ua avanoa ai le Pule Sili o le Tiute e faaoo atu ai oloa ua faoa faamalosi i so o se taimi lava a o le i faatamaia, i lē e ona po o le tagata, o ia lea na faoa faamalosi mai ai, i le teuina o se aofaiga o tupe i le Ofisa o le Tiute.

- Fuaiupu 272:** - ua faatulagaina atu ai o isi oloa ua faoa faamalosi ia e mafai e le Pule Sili o le Tiute ona faatau atu, a o le i faatamaia.
- Fuaiupu 273:** - ua faatulaga atu ai le auala e faafoe ai oloa e faatau atu, i so o se taimi lava e tuuina atu ai malosiaga i le Pule Sili o le Tiute e faatau atu ai so o se oloa na faoa faamalosi.

Vaevaega 2 - Talosaga e faasaga i le faoa faamalosi

- Fuaiupu 274:** - ua faatulagaina ai le tualumaga e mafai ona faaaogā e se tagata o i ai se aia i oloa ua faoa faamalosi i lalo o le fuaiupu 268, pe afai e talosaga i le Pule Sili o le Tiute mo se iloiloga o le Foa Faamalosi o oloa.
- Fuaiupu 275:** - ua aiaia ai le tualumaga e mafai ai ona faafoe e le Pule Sili o le Tiute le iloiloga o se talosaga.
- Fuaiupu 276:** - ua faatulagaina ai o auala eseese ia e mafai ai ona faalēaogāina o se talosaga mo le iloiloga.
- Fuaiupu 277:** - ua aiaia ai nisi mataupu e mafai e le Pule Sili o le Tiute ona amanaia pe a iloiloina pe faamatuu atu pe leai foi o se faamama avega i se tagata, o ia lea e i ai sana aia i na oloa o lo o faapea ona noatia i se iloiloga.
- Fuaiupu 278:** - ua faatagaina ai le Pule Sili o le Tiute e faamatuu atu ai se faamama avega, faatasi ai ma aiaiga e tuuina atu i se tagata e i ai sana aia i na oloa o lo o noatia i se iloiloga.
- Fuaiupu 279:** - ua faatagaina ai le faatamaia o oloa na tuuina atu i le Malo, pe afai e faalēaogāina e le Pule Sili o le Tiute o se talosaga mo se iloiloga.

Vaevaega 3 - Talosaga mai iloiloga

- Fuaiupu 280:** - ua aiaia ai le aia tatau a se tagata ua lē faamalieina i se faaiuga a le Pule Sili o le Tiute, o le aia tatau e talosaga tetee ai i le Pulega o Talosaga a le Ofisa o Tiute, e uiga i le faaiuga.
- Fuaiupu 281:** - ua aiaia ai mo nisi tulaga, ia e taofia ai i le Malo, o oloa sa noatia i le talosaga.

*Vaevaega 4 - Aiaiga lautele
e uiga i le taofia e lē toe faafoia*

- Fuaiupu 282:** - ua aiaia ai mo le faalauiloa o le taofiga e lē toe faafoia oloa, e aunoa ma se tagi po o se faaiuga a le faamasinoga, o so o se oloa ia sa faoa faamalosi e faapea sa taofia e lē toe faafoia ina ua faamaonia le moliaga o so o se tagata mo se soligatulafono lea e faasino i ai oloa ua taofia e lē toe faafoia.
- Fuaiupu 283:** - ua aiaia ai mo le faamatuu atu i le Malo o le aia tatau e umia ai le pule i oloa ua taofia e lē toe faafoia, po o i totonu o so o se tupe teuina po o tupe maua mai i oloa faatau atu; ma faatagaina ai le Pule Sili o le Tiute e faatau atu, faaaogā po o le faalēaogāina o oloa i le maea ai ona faailoa le taofia e lē toe faafoia o ia oloa.
- Fuaiupu 284:** - ua aiaia ai mo aiaiga o le Tulafono o le Ofisa o Tiute e faalautele atu le taofia o oloa e lē toe faafoia, i so o se vaalele, taavale po o so o se mea ua taofia e lē toe faafoia i lalo o le Tulafono a le Ofisa o Tiute.

VAEGA 16: FAAMATALAGA MOLIMAU

- Fuaiupu 285:** - ua faatulagaina ai nisi mataupu ia e i ai o se tuuaiga e faasino i mataupu ua faia e avea ai ma Sui o le Malo, ua faatatauina e avea e moni seia vagana ai ua faamaonia i se isi faiga e ese ai.
- Fuaiupu 286:** - ua faatagaina ai le Faamasinoga ina ia talia i tulaga o faamatalaga molimau, ua avea ma faamaoniga o so o se mea moni ua fai ma mataupu, o se pepa aloaia ua faia i totonu o se isi atunuu e i fafo atu o Samoa.
- Fuaiupu 287:** - ua faatulagaina ai o nisi tulaga aliae mai, lea ua faatagaina ai e avea ma faamatalaga molimau, o se faamatalaga feaveai e lē faamaonia, i le noatia ma le fai fuafua i le Vaega III o le Tulafono o Faamatalaga Molimau 1961.
- Fuaiupu 288:** - ua faatulagaina ai nisi tulaga aliae mai, lea e mafai ona taliaina ai e fai ma faamatalaga molimau, o se faamatalaga feaveai e le i faamaonia i totonu o se faamaumauga faapisinisi, i le noatia ma le fai fuafua i le Vaega III o le Tulafono o Faamatalaga Molimau 1961.
- Fuaiupu 289:** - ua faatulagaina ai o faamatalaga eseese mo le faamatalaina o uiga o nisi upu o faaogāina i lalo o le Vaega 16.
- Fuaiupu 290:** - ua faatulagaina ai nisi tulaga aliae mai e mafai ai ona taliaina e avea ma molimau o se manatu o se tagata tomā faapitoa.
- Fuaiupu 291:** - ua aiaia ai mo pepa faatumu faamaonia ua faia i lalo o le fuaiupu 338 e avea e faapea o se faamatalaga molimau ua lava atoatoa i totonu o so o se tualumaga a se faamasinoga.

- Fuaiupu 292:** - ua faatagaina ai le taliaina, i totonu o faamasinoga uma, o se ata lolomi faakomepiuta o se ootoga o se faamaumauga o teuina e le Ofisa o Tiute i lalo o le fuaiupu 150, ua faamaonia e po o e avea ma sui o le Pule Sili o le Tiute i lalo o le faamaufaailoga a le Ofisa o Tiute, e avea o le ata moni lea, e avea ma faamatalaga molimau o le feau faaeletoni ua mauaina e, po o na auina mai i le Ofisa o Tiute, ae vagana ai ua faamaonia i se isi faiga e ese ai.
- Fuaiupu 293:** - ua aiaia ai e faapea o pepa aloaia uma ua faamoemoe e sainia e po o e avea ma sui o le Pule Sili o le Tiute po o ua faamaufaailogaina i le faamaufaailoga a le Ofisa o Tiute ua faapea ona faia i le pule faataga ua aloaia atoatoa i totonu o faamasinoga uma ma i taualumaga uma, ae vagana ai ua faamaonia i se isi faiga e ese ai.

VAEGA 17: PULEGA O TALOSAGA A LE TIUTE

Vaevaega 1 - Faatulagaga ma malosiaga

- Fuaiupu 294:** - ua faavaeina ai le Pulega o Talosaga a le Tiute lea e aofia ai sui auai e toatolu (3).
- Fuaiupu 295:** - ua faatulagaina ai le vaiitaimi i le tofi a le Pulega o Talosaga a le Tiute.
- Fuaiupu 296:** - ua aiaia ai mo manaoga o sui auai o le Pulega o Talosaga a le Tiute ina ia faia ma tuuina atu o se tautoga i luma o se Faamasino o le Faamasinoga Sili, a o le i tagofia o tiute tauave.
- Fuaiupu 297:** - ua aiaia ai totogi o sui auai o le Pulega o Talosaga.

- Fuaiupu 298:** - ua tuuina atu ai malosiaga i le Minisita e tofia ai so o se tagata agavaa e avea ma sui auai o le Pulega, e galue ai i le tulaga o se sui auai ua mafatia i se gasegase po o isi tulaga o le lē atoatoa o le malosi.
- Fuaiupu 299:** - ua puipuia ai sui auai o le Pulega mai le noatia ai na o ia lava mo se gaoioiga ua faia po o se mea ua lē faia i le agaga lelei a o tauaveina malosiaga o le Pulega o Talosaga.
- Fuaiupu 300:** - ua aiaia ai se Resitara o le Pulega ina ia tofia i lalo o le Tulafono o Galuega a le Malo 2004.
- Fuaiupu 301:** - ua aiaia ai mo se faamaufaailoga a le Pulega, lea e tatau ona amanaia i tulaga faa-faamasinoga i totonu o faamasinoga uma.
- Fuaiupu 302:** - ua aiaia ai malosiaga o le Pulega.

Vaevaega 2 - Talosaga

- Fuaiupu 303:** - ua aiaia ai le aia tatau a so o se vaega auai, o ia lea ua lē faamalieina i se faaiuga a le Pulega, e faapea e sese ma ua lē tusa ai ma le tulafono po o se mea moni, e talosaga ai i le Faamasinoga Sili.
- Fuaiupu 304:** - ua aiaia ai le aia tatau a se vaega auai, o ia lea ua lē faamalieina i se faaiuga a le Faamasinoga Sili, e talosaga ai i le Faamasinoga o Talosaga.
- Fuaiupu 305:** - ua tuuina atu ai malosiaga i le Pulega ina ia faailoa se mataupu mo se manatu o le Faamasinoga Sili, i luga o so o se mataupu faaletulafono ua faatulai mai e tusa ai o so o se talosaga ua i luma o le Pulega, i luga o se talosaga a so o se tasi o vaega auai po o i sana lava fuafuaga ua faia.

VAEGA 18: AIAIGA ESEESE

Vaevaega 1 - Faiga tau le puipuiga i tuaoi mai le solia o pule tau fatuga ma faailoga tau feafaatauaiga o oloa

- Fuaiupu 306:** - ua faatulagaina ai faamatalaga o uiga o upu ma fuaitau o faaaogāina i totonu o le Vaevaega 1 o le Vaega 18.
- Fuaiupu 307:** - ua aiaia ai mo se tagata, ina ia tuuina atu o se faasilasilaga tusitusia i le Pule Sili o le Tiute e talosagaina ai le taofia lē tumau o taualumaga o le kilia a le ofisa o tiute, o so o se oloa lea e faalavelaveina ai, o aia tatau a lē e ona meafaitino tau fatuga po o meafaitino tau mamanu, po o oloa ia o faaaogāina ai faailoga po o mamanu ua faalavelaveina.
- Fuaiupu 308:** - ua tuuina atu ai malosiaga i le Pule Sili o le Tiute e taofia lē tumau ai le kilia a le Ofisa o Tiute, o so o se oloa lea o lo o aofia ai meafaitino tau pule o fatuga ua faalavelaveina, meafaitino tau le aia tatau o mamanu ua faalavelaveina, faailoga, po o mamanu ua faalavelaveina ia ua faaulufale mai pe afai ua talia e le Pule Sili o le Tiute le faasilasilaga i lalo o le fuaiupu 307.
- Fuaiupu 309:** - e mafai e le Pule Sili o le Tiute ona teena le taofia lē tumau o le taualumaga tau le tiute e faasino i oloa, seia vagana ai ua tuuina atu o le faamalumaluga a lē o talosaga, mo tupe toe totogi i le Ofisa o Tiute mo tupe faaalu e ono faatupulaia, e afua mai i se taunuuga o le taofia lē tumau o taualumaga o le kilia a le Ofisa o Tiute.
- Fuaiupu 310:** - ua aiaia ai le tiute tauave o le Pule Sili o le Tiute e tuuina atu ai se faasilasilaga tusitusia i lē o talosaga ma lē o faaulufale mai oloa, i le taofia

lē tumau o taualumaga i se taimi vave lava e mafai ai, i le tuanai ai o le taofiga lē tumau.

Fuaiupu 311: - ua aiaia ai mo le tiute tauave o le Pule Sili o le Tiute e faatagaina ai lē o talosaga ma lē o faaulufale mai oloa, ina ia suesueina oloa ia o lo o taofia lē tumau ai le kilia a le Ofisa o Tiute ma aveese ai vaega mea faataitai mo le suesueina, sueina ma auiliili mo le faafoeina o taualumaga tau le faalavelaveina.

Fuaiupu 312: - ua aiaia ai e faapea o oloa o lo o taofia lē tumau ai le kilia a le Ofisa o Tiute, e ao ona aveina i se nofoaga malupuipua e taofia ai.

Fuaiupu 313: - ua aiaia ai mo le aia tatau a lē e faaulufale mai oloa, e ala i se faasilasilaga tusitusia i le Pule Sili o le Tiute, a o lumanai ai so o se taualumaga tau le faalavelaveina ua faatoai mai, ina ia tuuina atu se maliega i oloa ua taofia ua lē toe faafoia, i le Pule Sili o le Tiute, ia e ao ona lafoai e pei ona faatonuina e le Pule Sili o le Tiute.

Fuaiupu 314: - ua aiaia ai mo le faatamaia o oloa pe afai, i totonu o taualumaga i lalo o le Tulafono o Pule Tau Fatuga 1998 po o le Tulafono o Meatotino Tau le Atamai 2011, o le Faamasinoga e faia le faaiuga i le faalavelaveina o aia tatau a lē e ona, e faasino i pule tau fatuga, aia tatau i mamamu, o se faailoga po o se mamamu ua faamauina, i fafo atu o feuiuga tau pisinisi i se faiga e alofia ai le afaina o lē e ona.

- Fuaiupu 315:** - ua taua ai e faapea, e lē faaaogāina le Vaega 18 i aofaiga laiti o oloa faaulufale mai e lē faaaogāina faapisinisi o lo o faapea ona aofia ai i totonu o se ato malaga e patino i se pasese po o auina mai i ni uta laiti.
- Fuaiupu 316:** - ua puipuia ai tagata o galulue i lalo o le Vaega 18 mai so o se noataga tau le va o tagata po o se noataga tau solitulafono mo so o se gaoioiga po o se mea ua lē faia, sa faia i le agaga faamaoni ma e aunoa ma se uiga faatamala.
- Fuaiupu 317:** - ua tuuina atu ai malosiaga i le poloaiga a le Faamasinoga mo tauai mo le taofiga o oloa ua sese ona faia.

*Vaevaega 2 - Sooupu Tomai Faapitoa
ua Laiseneina mo Galuega Tau le Tiute*

- Fuaiupu 318:** - ua aiaia ai mo le aia tatau a se tagata e talosaga ai ina ia avea ma sooupu tomai faapitoa ua laiseneina mo galuega tau le Tiute ma le malosiaga o le Pule Sili o le Tiute e tuuina atu ai pe teena le faamatuu atu o se laisene.
- Fuaiupu 319:** - ua tuuina atu ai malosiaga i le Pule Sili o le Tiute e faalēaogāina ai se laisene o le sooupu tomai faapitoa mo galuega tau le tiute.
- Fuaiupu 320:** - ua aiaia ai mo ma faamaoti ai tagata o i latou ia e mafai ona avea ma sooupu faatagaina e galue e fai ma sui o lē e ona oloa mo se uta faapitoa mo se vaitaimi e lē silia le lima (5) tausaga.
- Fuaiupu 321:** - ua faailoa ai e faapea, o le sooupu faatagaina o galue e fai ma sui o lē e ona, ua faatatauina e faapea o ia lea e ona oloa, ma e noatia faale-tagata lava ia mo so o se tiute po o lafoga e mafai ona totogiina atu po o so o se faasalaga e mafai ona toe faaola mai i lalo o lenei Tulafono i lea lava faiga

tutusa ma lea lava tulaga, e peiseai ai o ia lava le tagata e ona.

Fuaiupu 322: - ua taua ai e faapea e noatia lē e ona mo gaoioiga a le sooupu tomai faapitoa mo galuega tau le tiute, talu ai ona o ana gaoioiga o lo o faatatauina lava e faapea o lo o faia ma le iloa ma le maliega a lē e ona.

Fuaiupu 323: - ua faia ai o se soligatulafono e faasaga i se sooupu tomai faapitoa ua laiseneina mo galuega tau le tiute po o so o se tagata o lo o galue e avea o se sooupu po o se sooupu tomai faapitoa ua laiseneina mo galuega tau le tiute, e aunoa ma se faatagaga tusitusia a lē e ona po o se tagata e le i laiseneina e avea o se sooupu tomai faapitoa ua laiseneina mo galuega tau le tiute, ua mafua ai ona talitonuina e faapea o lo o galue i lalo o sea laisene.

Vaevaega 3 - Aiaiga lautele

Fuaiupu 324: - ua aiaia ai mo le Pule Sili o le Tiute ina ia faia o tupe totogi o tupe faaaogā na faatulai mai i tupe a le Malo, i le noatia ma le fai fuafua i so o se tapulaa ua faaee atu i tulafono faatonutonu ua faia i lalo o lenei Tulafono.

Fuaiupu 325: - ua taua ai e faapea o aiaiga o lenei Tulafono e faaaogā i meafaitino e lafoina i le meli ma oloa o aofia ai i meafaitino o lafoina i le meli i lea lava faiga tutusa e pei o na aiaiga o lo o faaaogā i isi oloa.

Fuaiupu 326: - ua taua ai le faiga e faia ai o se tautinoga i lalo o lenei Tulafono ma pe faapefea foi ona faia pe afai ua manaomia le tautinoga ina ia faia i luma o so o se tagata ua faatagaina i lalo o le Tulafono o Tautoga, Faamatalaga Tauto ma Tautinoga 1963.

- Fuaiupu 327:** - ua aiaia ai mo ma faamaotiina ai malosiaga o le Pule Sili o le Tiute e fuafuaina ai o faamaufaaailoga, faailoga tusi ma maka mo le faaaogāina e le Ofisa o Tiute.
- Fuaiupu 328:** - ua tuuina atu ai malosiaga i le Ofisa o Tiute e aoina ai ma faaaogā o so o se faamatalaga e uiga i vaalele e sopoia tuaoi, tagata ma oloa, mo le faamoemoe o le faatinoina o latou tiute i lalo o le Tulafono, e taofia ai soligatulafono tau le Tiute o so o se ituaiga, e mataitu ma puipuia ai le malupuipuia o tatou tuaoi.
- Fuaiupu 329:** - ua tuuina atu ai malosiaga i le Pule Sili o le Tiute e faaoo atu ai so o se faamatalaga e uiga i vaalele e sopoia tuaoi, tagata ma oloa ua faamaoti i totonu o fuaiupu 328, i se lala sooupu, faalapotopotoga po o se tagata, e tusa lava pe o lo o i atunuu i fafo, e ana galuega tauave o lo o faamaotiina i lalo o lenei fuaiupu.
- Fuaiupu 330:** - ua aiaia ai le tiute o le Pule Sili o le Tiute ina ia tuuina atu o mafuaaga tusitusia mo faaiuga e avanoa i se talosaga tetee e tuuina atu i se Pulega o Talosaga a le Tiute, e aunoa ma se faatuai.
- Fuaiupu 331:** - ua taua ai po o ai e tauaaoina atu i ai se faasilasilaga a le Pule Sili o le Tiute po o se tagata ofisa o le tiute, mo se kamupani ua tuu faatasia faaletulafono i totonu o Samoa, kamupani i atunuu i fafo, faalapotopotoga ua tuu faatasia faaletulafono ma tagata taitoatasi, ma pe faapefea foi ona faaoina atu i ai o sea faasilasilaga.
- Fuaiupu 332:** - ua taua ai tulaga aliae mai pe a tagofia o se faasilasilaga e ao ona tuuina atu pe a mauaina po o pe afai e le i mauaina se faasilasilaga.

- Fuaiupu 333:** - ua tuuina atu ai malosiaga i Le Ao o le Malo e faia ai Tulafono Faatonutonu.
- Fuaiupu 334:** - ua aiaia ai mo le faamaoniga o aiaiga ua tuufaatasia faaletulafono i lalo o le fuaiupu 356, talu ai ona o lo o aiaia ai faamatalaga molimau ua atoatoa i taulumaga o le tuufaatasiga faaletulafono i totonu o tulafono faatonutonu o aiaiga.
- Fuaiupu 335:** - ua aiaia ai mo le tiute tauave o le Pule Sili o le Tiute e faamautinoa ai e faapea, o aiaiga ua tuufaatasia faaletulafono i lalo o le fuaiupu 356 ua tuuina atu i ai o se faasilasilaga faalauaitele ua atoatoa.
- Fuaiupu 336:** - ua faamanino ai e faapea, e lē faaaogāina le Tulafono o Tulafono Faatonutonu 1953, i aiaiga ua tuufaatasia faaletulafono i lalo o le fuaiupu 356.
- Fuaiupu 337:** - ua tuuina atu ai malosiaga i le Minisita, e faia ai poloaiga mo totogifuapauina, tau faaee atu ma tupe alu.
- Fuaiupu 338:** - ua tuuina atu ai malosiaga i le Pule Sili o le Tiute e faamaonia ai pepa faatumu mo so o se talosaga, tautinoga, faasilasilaga ma isi mea faapena.
- Fuaiupu 339:** - ua aiaia ai mo se tagata ofisa o le Tiute ina ia lipotia atu i le Pule Sili o le Tiute e ala i se lipoti tusitusia, le faaaogāina o le malosi ma tulaga aliae mai, lea sa faaaogāina i ai.
- Fuaiupu 340:** - ua tuuina atu ai malosiaga i le Pule Sili o le Tiute o faailoa atu ai so o se faamatalaga i lalo o le fuaiupu 365(1) i atunuu i fafo ma faapea foi ona faatulaga atu ai o galuega tauave a se lala sooupu i atunuu i fafo, faalapotopotoga po o se tagata, lea ua faatagaina i ai le faamatalaga e auina

atu i ai, e aofia ai aiaiga po o tulaga i taimi e tatau ona failoa atu i ai o nei faamatalaga.

Fuaiupu 341: - ua faamaotiina ai le ituaiga o faamatalaga e mafai ona faailoa atu i lalo o le fuaiupu 364, e le Pule Sili o le Tiute, i atunuu i fafo.

Fuaiupu 342: - ua aiaia ai mo nisi faamoemoega, ia e mafai ai e le Ofisa o Tiute ona aoina, faaaogā pe faailoa atu nisi faamatalaga ua silasila i ai le Ofisa o Tiute i lalo o le fuaiupu 50 po o le 54 ma le fuaiupu 112.

Vaevaega 4 - Teuteuga, soloia, aloaia, aiaiga faasoina ma aiaiga tau soloaiga

Fuaiupu 343: - ua aiaia ai mo Tulafono ua faapea ona teuteuina i tulaga faatupulaia, e pei ona faatulaga atu i le Faamatalaga Lona Tolu.

Fuaiupu 344: - ua taua ai tulafono ma tulafono faatonutonu ua soloia ma le faasoina o so o se tulafono faatonutonu ma poloaiga o i ai nei.

Fuaiupu 345: - ua aloaia ai gaoioiga ua faia i lalo o Maliega i le Va o Malo, e faasino i le taofia lē tumau o tiute a le Ofisa o Tiute, lea ua faaalua manino le faia lava i se tulaga aloaia.

Fuaiupu 346: - ua faasoina ai mataupu, e ui lava i le soloia o le Tulafono o le Ofisa o Tiute 1977, e pei o taualumaga, faaiuga ma isi mea faapena.

Vaevaega 5 - Aiaiga tau soloaiga

Fuaiupu 347: - ua aiaia ai mo aiaiga tau soloaiga e faasino i fuaitau o faaaogāina i le itu pe faapefea ona faitauina i le tuanai ai o le aso e amata faamamaluina ai.

- Fuaiupu 348:** - ua tagofia ai aiaiga tau soloaiga e uiga i le iloiloga ma le totoigiina o tiute, e ui lava i le soloia o le Tulafono o le Ofisa o Tiute 1977.
- Fuaiupu 349:** - ua aiaia ai e faapea o se nofoaga mo suesuega ua atofaina e le Pule Sili o le Tiute i lalo o le fuaiupu 32 o le Tulafono o le Ofisa o Tiute 1977, e ao ona faafoeina, mo faamoemoega o lenei Tulafono, e avea o se nofoaga e pulea e le Tiute.
- Fuaiupu 350:** - ua faatatauina ai o uafu e see i ai vaa ma uafu e avea ma nofoaga e pulea e le Tiute.
- Fuaiupu 351:** - ua faatatauina ai so o se nofoaga sa i ai i lea lava taimi a o lumanai ai le aso na faamamaluina ai, o se fale nofo mo le aufaigaluega, mea eseese e faaaogā ma fale teu oloa feaveai, e avea ma nofoaga e pulea e le Tiute.
- Fuaiupu 352:** - ua faatatauina ai fale teu oloa o se nofoaga e pulea e le Tiute.
- Fuaiupu 353:** - ua faatatauina ai se nofoaga gaosi oloa ma laiseneina i lalo o le Tulafono o le Ofisa o Tiute 1977 e avea o se nofoaga e pulea e le Tiute.
- Fuaiupu 354:** - ua aiaia ai e faapea o so o se faatulagaga maoti, tapulaa, aiaiga po o tulaga faasaina o faaaogāina i lalo o le Tulafono o le Ofisa o Tiute 1977 i nofoaga o taua i totonu o lenei fuaiupu a o lumanai ai le aso e faamamaluina ai, e faaaauau pea ona faaaogā, e ui lava i le pasia o lenei Tulafono.
- Fuaiupu 355:** - ua faamaoti ai e faapea o so o se tagata po o lē o nofoia, o lo o galue i totonu o so o se nofoaga lea e faaaogā i ai le fuaiupu 349 e oo i le 353,

e tatau, i totonu o le 40 aso faigaluega, ona faia o se talosaga mo se laisene e avea ai ma nofoaga e pulea e le Tiute.

Fuaiupu 356: - ua aiaia ai e faapea, o se nofoaga ua faatatauina e avea o se nofoaga e pulea e le Tiute, i lalo o le fuaiupu 349 e oo i le 353, e faaauau pea ona avea ma nofoaga e pulea e le Tiute, seia vagana ua faia o se talosaga, e tusa ai ma le fuaiupu e 355. Afai e leai se talosaga ua faia mo se laisene, o lena nofoaga o le a taofia loa le avea ma nofoaga e pulea e le Tiute.

Fuaiupu 357: - ua faailoa ai pe afai o se tagata ua faamaonia e tolopo le totogiina o le tiute ma tiute tauave foi o le Pule Sili o le Tiute e faatatau i le tagata ua faamaonia e pei ona taua.


Fuaiupu 358: - ua aiaia ai mo aiaiga e faasino i pisinisi e le o manaomia ona laiseneina. Ua faapea foi ona taua ai o aiaiga, manaoga e ao ona faamalieina ma mulimulitaia, e faatatau i pisinisi o le a avea ma pisinisi ua laiseneina.

Fuaiupu 359: - ua aiaia ai mo le faatinoga o malosiaga i lalo o le fuaiupu 161, 175, 183, 184, 188, 189, 196 ma le 202, e faasino i so o se suesuega o mataupu tau le va o tagata po o suesuega tau solitulafono, e faasaga i lenei Tulafono, e mafai ona faaauau le faatinoga o lena malosiaga mo faamoemoega ua taua i lalo o lenei fuaiupu.

Fuaiupu 360: - ua tuuina atu ai malosiaga i Le Ao o le Malo, e faia ai Tulafono Faatonutonu, i totonu o le lua (2) tausaga mai le aso e amata faamamaluina ai, ina ia tagofia ai o so o se isi lava mataupu faasaoina po o so o se isi lava mataupu tau soloaiga.

Faamatalaga 1:- ua faatulaga atu ai o oloa faaulufale mai e faasaina.

Faamatalaga 2:- ua faatulaga atu ai o teuteuga faatupulaia i isi Tulafono.


.....
(Hon TUILOMA Lameko)
MINISITA MO TUPE MAUA

**TULAFONO TAU FAAOFI O LE
OFISA O TIUTE 2014**

SAMOA

Faatulagaina o Aiaiga

**VAEGA 1
FAATOMUAGA**

1. Igoa puupuu ma le amataga
2. Faamatalaina o uiga o upu
3. Faaaogāina

**VAEGA 2
PULEAINA**

4. Auaunaga Tau le Tiute a Samoa
5. Tagata faatagaina
6. Tuuina atu o malosiaga e le Pule Sili o le Tiute
7. Pepa e iloagofie ai
8. Fu'a a le Ofisa o Tiute
9. Faamaufaailoga a le Ofisa o Tiute

**VAEGA 3
NOFOAGA TAU LE TIUTE
MA NOFOAGA E PULEA
E LE TIUTE**

*Vaevaega 1 - Nofoga
Tau le Tiute*

10. Nofoga Tau le Tiute

*Vaevaega 2 - Nofoga
e pulea e le Tiute*

11. Nofoga e pulea e le Tiute

12. Malosiaga e tuuina atu ai laisene
13. Talosaga mo laisene
14. Suiga po o le faalēaogāina o aiaiga
15. Faalēaogāina po o le taofia lē tumau o laisene
16. Toe faafoi o laisene
17. Tapunia o nofoaga e pulea e le Tiute
18. E lē aafia noataga e ala i le faamutaina ona galue e avea o se tagata e i ai le laisene
19. O mea eseese e faatino ai auaunaga i totonu o nofoaga e pulea e le Tiute
20. Tau faaee atu mo le teuina o oloa

**VAEGA 4
TAUNUU MAI MA LE
TUUVAA ESE ATU O
OLOA, TAGATA
MA VAALELE**

Vaevaega 1 - Oloa ma vaalele

21. O oloa e noatia i le vaavaaiga a le Tiute
22. Faasilasilaga o le taunuu mai ma isi tulaga faapena
23. Manaoga e tali atu ai i fesili
24. O le aumaia i totonu o vaa
25. Ia taunuu vaalele i nofoaga tau le Tiute ua atofaina

26. Vaalele e taunuu i nofoaga e ese ai i lo nofoaga atofaina e le Tiute
27. Lipoti e agai mai i totonu

Vaevaega 2 - O le taunuu mai o tagata

28. Ia lipoti atu tagata e taunuu mai i totonu o Samoa i se tagata Ofisa o le Tiute po o se ofisa o Leoleo
29. O le ulufafo mai vaalele
30. Ia tuuina atu ato malaga

Vaevaega 3 - O le faimalaga ese atu o tagata

31. Ia malaga ese atu tagata mai Samoa mai nofoaga tau le Tiute
32. Ulufale atu i totonu o vaalele
33. Ia tuuina atu ato malaga mo fafo

Vaevaega 4 - O nisi manaoga e faasino i tagata e taunuu mai i totonu o po o e malaga ese atu mai Samoa

34. E faasa le faaaogāina o masini tau fesootaiga faaeletoroni i nisi nofoaga
35. Faamaeaina o le faagasologa o tualumaga o tulafono o le ulufale mai ma tulafono tau le puipuiga mai meaola faalafua ma le salalau o faamai
36. Mataupu e manaomia ai suesuega mo faamoemoega o le soifua maloloina o tagata po o le faamalosi o tulafono

Vaevaega 5 - Tuuvaa ese atu o vaalele

37. Kiliaina o vaalele
38. Tusi faamaonia o le kilia
39. O le ulufale atu i vaalele e malaga ese atu i fafo

40. Tuuina atu o tusi faamaonia o le kilia
41. Ia na o le nofoaga tau le Tiute e malaga ese atu ai
42. Poloaiga faa-Minisita i oloa mo vaalele

**VAEGA 5
AVANOA O LE TIUTE
I MA LE FAAAOGĀINA
O FAAMATALAGA E
UIGA I OLOA, TAGATA
MA VAALELE I
TUAOI FESOPOAI**

Vaevaega 1 - Tulaga Lautele

43. Faamatalaina o uiga o upu
44. Faamoemoe

Vaevaega 2 - Avanoa i faamatalaga

45. Tagata e faaaogā i ai le fuaiupu 46 po o le 47

Vaevaega 3 - Faamatalaga e tatau ona tuuina atu i ai le avanoa e mauaina ai

46. Faamatalaga e uiga i vaalele e sopoia tuaoi
47. Faamatalaga e uiga i tagata e sopoia tuaoi
48. O nisi aiaiga e uiga i le tuuina atu i le Tiute o avanoa i faamatalaga i lalo o le fuaiupu 46 po o le 47

Vaevaega 4 - Faaaogāina o faamatalaga ia e tatau ona tuuina atu ai avanoa

49. Fafoega o lo o faaaogāina ai e le Tiute o faamatalaga
50. Faamatalaga e uiga i malaga i totonu o se vaitaimi e 28 aso
51. E mafai ona sueina faamatalaga e uiga i isi malaga, mo faamatalaga e faasino i tagata malaga i totonu o le vaitaimi e 28 aso

52. Tusi poloaiga e sueina ma mataitu ai
53. Sueina ma le mataituina e aunoa ma se tusi poloaiga, i taimi o faalavelave tutupu faafuasei
54. Taulumaga pe afai e le o faatagaina le mataituina o faamatalaga
55. Malupuipua o talosaga mo tusi poloaiga
56. Faamatalaga ma le Faailoaina atu i le fuaiupu 55(7)

Vaevaega 5 - O isi aiaiga

57. Faalēaogāina o faamatalaga ua aoina e le Tiute
58. PuiPUiPUi o tagata o galulue i lalo o le pule faataga a lenei Vaega
59. E lē faatapulaaina e lenei Vaega isi avanoa i po o le faaaogāina o faamatalaga

**VAEGA 6
PEPA TUSIA MA LE
FAAMALAMALAMAINA
O OLOA**

*Vaevaega 1 - Faaulufaleina
mai o oloa*

60. Pepa tusia o oloa faaulufale mai
61. Pepa tusia faa-tuutuuga o oloa
62. Faaooina atu o oloa i luga o pepa tusia faa-tuutuuga
63. Poloaiga faa-Minisita i pepa tusia o oloa faaulufale mai
64. Tuuina atu o inivoisi ma tautinoga
65. Poloaiga faa-Minisita i totogifuapauina ma tau faaee atu i le faaulufaleina mai o oloa
66. Ia tagofia oloa faaulufale mai i le faia o se pepa tusia
67. Faalēaogāina ma teuteuga o pepa tusia

68. Laueseina o oloa
69. Faaulufale mai o se vaalele, e ese ai i lo se uta
70. Vaegamea faataitai po o faataitaiga

*Vaevaega 2 - Felauaiga
o oloa i totonu o Samoa*

71. Felauaiga o oloa faaulufale mai
72. Aveesea o oloa mai nofoaga e pulea e le Tiute
73. Aveesea lē tumau o oloa mai nofoaga e pulea e le Tiute

*Vaevaega 3 - Auina
ese atu o oloa*

74. Pepa tusia o oloa mo le auina ese atu
75. Poloaiga faa-Minisita i pepa tusia o oloa mo le auina ese atu
76. Tusi faamaonia a Samoa o le atunuu e faapogai mo oloa e auina ese atu i vaega auai i feagaiga tau fefaatauaiga saoloto
77. Faalapotopotoga faatagaina e tuuina atu tusi faamaonia a Samoa o le atunuu e faapogai
78. Poloaiga faa-Minisita i tusi faamaonia a Samoa o le atunuu e faapogai ma faalapotopotoga tau le faamaoniga
79. Ia tagofia oloa e auina ese atu i le faia o pepa tusia
80. Oloa mo le auina ese atu e lē tatau ona faatulaueleeleina
81. Taimi e auina atu ai i fafo

*Vaevaega 4 - Faamaufaailoga
a le Ofisa o le Tiute*

82. E mafai ona faaaogā le Faamaufaailoga a le Tiute i oloa mo le auina ese atu

83. Faasilasilaga tau lapataiga mo pusa o faaaogāina ai le faamaufaailoga

Vaevaega 5 - Fuafuaga faamaonia a le Tiute mo oloa auina ese atu ia malupuipua

84. E mafai e le Pule Sili o le Tiute ona faamaonia le fuafuaga mo oloa auina ese atu ia malupuipua
85. Faamoemoe o le Fuafuaga mo oloa auina ese atu ia malupuipua
86. E ao ona faamaoti mataupu i totonu o le fuafuaga mo oloa auina ese atu ia malupuipua
87. Mataupu e ao ona faailoaina i fuafuaga mo oloa auina ese atu ia malupuipua
88. O oloa o le a auina ese atu i lalo o le fuafuaga faamaonia a le Tiute mo oloa e auina ese atu ia malupuipua, e mafai ona auina ese atu i lalo o se tulaga toe faafoi
89. O le faaaogāina o faamaufaailoga a le Tiute e faasino i oloa o le a auina ese atu i lalo o le fuafuaga faamaonia a le Tiute mo oloa e auina ese atu ia malupuipua
90. E mafai ona aafia tagata e auina ese atu oloa, i le auina ese atu o oloa i fafo atu o le fuafuaga faamaonia a le Tiute mo oloa auina ese atu ia malupuipua

**VAEGA 7
O OLOA FAAULUFALE
MA OLOA AUINA ESE
ATU UA FAASAINA**

91. Oloa faaulufale mai e faasaina

92. Oloa auina ese atu e faasaina
93. Tuuina atu o se laisene po o se pemitā mo oloa

**VAEGA 8
TIUTE**

Vaevaega 1 - Fuafuaina o tau o oloa

94. Ia faamaoti e lē e faaulufale mai oloa le tau aogā a le Tiute i pepa tusia
95. Teuteuga o le iloiloga o le fuafuaina o tau
96. Tupe ma le faafesuaiga o tupe
97. Aia tatau a le Malo o le mauaina faamalosi

Vaevaega 2 - Atunuu e faapogai ma aiaiga faapitōa o le faasologa o tiute

98. Atunuu e faapogai mai ai oloa gaosi mai i'a po o isi oloa gaosi o le sami
99. Poloaga faa-Minisita mo le fuafuaina o atunuu o oloa gaosi po o atunuu o gaosia mai ai
100. Aiaiga a o lumanai ai le faaulufale mai o oloa i le fua faatatau o le tiute e talafeagai
101. Talosaga talafeagai e le o faamautuina

**VAEGA 9
ILOILOGA, TUPE
TOE FAAFOI MA
TUPE TOTOGI TOE
FAAFOI O TIUTE**

Vaevaega 1 - Iloiloga ma le toe faaolaina mai

102. O se aitalafu i le Malo, tiute o oloa faaulufale mai

103. Malosiaga o le Minisita e taofia lē tumau, auina atu, toe faafoi po o le faia o tuusaunoaga mai tiute o oloa gaosi i le atunuu, ma isi tulaga faapena
104. Tiute faaopoopo faaeeina atu
105. Iloiloga o tiute
106. Teuteuga o iloiloga
107. Aso ua tatau ona totogiina ai le tiute
108. Iloiloga ua avefa e faapea ua sao
109. Noataga ina ia totogi tiute e le o taofia lē tumau e ala i se talosaga tetee
110. Faatapulaaina o le taimi mo teuteuga o se iloiloga
111. Tausiga o faamaumauga faapisinisi
112. Tuuina atu i le Tiute o avanoa i faamaumauga faapisinisi
113. Uiga o le upu “e fesootai”
114. O le tiute o se tau faaee atu i luga o oloa
115. Faaogāina o le fuaiupu 116
116. Faatulagaga o tiute
117. Faamatuu atu o oloa o noatia i tiute
118. Noataga mo tiute o oloa na sese ona aveeseina po o ua lē maua
119. Noataga o ē ona se vaalele mo tiute o oloa na faatulaualeele i se ala faasolitulafono
120. Aafiaga o le totogiina o le tiute e se tagata e toatasi i noataga a isi tagata
121. O se mea ua tulai mai i tiute ua suia
122. Iloiloga o tiute i ni mataupu faapitoa
123. Toe faaulufale mai o oloa na auina ese atu
124. Totogiina o tiute e le tagata o faaulufaleina mai oloa, lē o auina ese atu oloa, po o se tagata e fai le laisene, ua tuua Samoa
- Vaevaega 2 - Tupe toe faafoi, faamagaloga, ma tupe totogi toe faafoi o tiute*
125. E mafai e le Pule Sili o le Tiute ona toe faafoi atu le tiute na sese ona totogi
126. Tupe toe faafoi o tiute o oloa o lo o i lalo o tulafono o le faasologa o tiute
127. O isi tupe toe faafoi ma faamagaloga o tiute
128. Malosiaga e faaogā ai tupe toe faafoi i le totogiina o isi tiute
129. Toe faaolaina mai o tiute na sese ona toe faafoi atu
130. Oloa o faaulufale mai i se tulaga lē tumau
131. Tupe toe faafoi o tiute o nisi oloa
- VAEGA 10
FAAIUGA A LE TIUTE**
132. Talosaga mo faaiuga a le Tiute
133. Faia o faaiuga a le Tiute
134. Faasilasilaga o faaiuga a le Tiute
135. O le aloaia o faaiuga a le Tiute
136. Faamaoniga o le faiga na faavae ai faaiuga a le Tiute
137. Teuteuga o faaiuga a le Tiute
138. Faamutaina o faaiuga a le Tiute
139. Talosaga tetee i faaiuga a le Pule Sili o le Tiute
140. E leai se noataga pe afai o faatuatuaina se faaiuga a le Tiute

**VAEGA 11
FAASALAGA TAU PULEGA**

- 141. Faaeina atu o faasalaga
- 142. Noataga ina ia totogi faasalaga e le o taofia lē tumau e se talosaga
- 143. E leai se faasalaga i nisi mataupu

**VAEGA 12
FAIGA E FAAGASOLO
AI PEPA TUSIA
FAAKOMEPIUTA
A LE TIUTE**

- 144. Faavaeina o ma avanoa i faiga e faagasolo ai pepa tusia faakomepiuta a le Tiute
- 145. Tagata e faaogāina ua faamauina
- 146. Faailoga faapitoa e iloagofie ai lē e faaogāina
- 147. Faaogāina o faailoga faapitoa e iloagofie ai lē o faaogāina
- 148. E mafai ona faaee atu aiaiga i tagata o faaogāina ua faamauina
- 149. Taofia lē tumau po o le faalēogāina o le faamauina o tagata e faaogāina ua faamauina
- 150. Ia tausia e le Tiute faamaumauga o le feaveaiina

**VAEGA 13
MALOSIAGA O TAGATA
OFISA O LE TIUTE**

- 151. Leoleoga faasolo ma le mataituina
- 152. Faatulaeleeleina po o le faatonutonuina o le vave tulaeleele o vaalele o le Tiute
- 153. O le ulufale atu i luga o vaalele
- 154. Sueina o vaalele

- 155. Puipuigamalu o oloa i luga o vaalele
- 156. Faapaina o fana i luga o vaa
- 157. Taofia o se vaalele
- 158. Sueina o taavale
- 159. Fesiligia o tagata e uiga i oloa ma aitalafu
- 160. Fesiligia o tagata e uiga i faailoga e iloagofie ai, tuatusi, ma isi mea faapena
- 161. Fesiligia o tagata faigaluega o kamupani vaalele, kamupani vaa ma isi
- 162. Faamatalaga molimau o faailoga e iloagofie ai ma faamanuiaga tau malaga
- 163. Faamatalaga molimau o tali i fesili i lalo o le fuaiupu 160
- 164. Taofia o tagata na fesiligia e uiga i oloa po o aitalafu
- 165. Taofia o tagata na fesiligia i lalo o le fuaiupu 160
- 166. Taofia o tagata o faia po o o le a faia o nisi soligatulafono
- 167. Taofia mo faamoemoega tau le soifua maloloina lautele po o le faamamaluina o tulafono
- 168. Tagata e faaogā i ai fuaiupu 169, 170(1), ma le 171
- 169. Uluai sueina o tagata e ala i le faaogāina o tulaga tau fesoasoani
- 170. Sueina o tagata pe afai ua i ai mafuaaga talafeagai e masalomia ai meataitasi o natia
- 171. Sueina o tagata mo meataitasi matautia
- 172. Faoa faamalosi o meataitasi ua maua
- 173. Avanoa o tagata ofisa o le Tiute i nofoaga e pulea e le Tiute

174. Suesueina o oloa e noatia i le vaavaaiga a le Tiute
175. Suesueina o oloa e le o toe noatia i le vaavaaiga a le Tiute
176. Tuuina atu o se faamalamalama o oloa
177. Tuuina atu o oloa
178. Faamaoniga o pepa tusia
179. Faamalumaluga mo le tologiina o tiute
180. E ono manaomia ni faamalumaluga fou
181. Pule faataga tusitusia a sooupu
182. Suga faasuetusi po o le suesueina o faamaumauga
183. Manaoga ina ia tuuina mai pepa aloaia
184. O nisi malosiaga e faasino i pepa aloaia
185. Tulaga aloaia o le galuega faaloia
186. Pepa aloaia i gagana a atunuu ese
187. E mafai e le Pule Sili o le Tiute ona umia o ma taofia pepa aloaia ma faamaumauga
188. Faiga o ata o pepa aloaia na mauaina i suesuga faagasolo
189. Taofiga o pepa aloaia ma oloa
190. Taofia o oloa ua masalomia o meatotino ua afaina
191. Toe faafoiina o tinoitupe e talafeagai ina ia faamalieina ai manaoga taua faale-tagata
192. O nisi aiaiga e uiga i le taofiga i lalo o le fuaiupu 190
193. Toe faafoiina o oloa na taofia i lalo o le fuaiupu 190
194. Faaopoopoina o le vaitaimi e 7 aso i totonu o le fuaiupu 193(1)(a)
195. Puipuigamalu o nisi oloa ua taofia i lalo o le fuaiupu 190
196. Tusi poloaiga e sueina ai
197. Ulufale ma sueina i lalo o se tusi poloaiga
198. Sueina o tagata mo meataitasi matautia a o faatino le tusi poloaiga e sueina ai
199. Taofia o meataitasi matautia
200. Ia tuuina atu tusi poloaiga e sueina ai
201. O le tiute tauave le faailoa i lē e ona pe afai ua faoa faamalosi ni mea
202. Tusi poloaiga i taimi o faalavelave tutupu faafuasei
203. Faaaogāina o fesoasoani e tagata ofisa o le Tiute
204. Aiaiga e faaogā i le ulufale atu i fale
205. Pueina faapagota o tagata solitulafono ua masalomia
206. Puipuiga o tagata o galulue i lalo o le pule faataga
207. Faoa faamalosi ma le taofiga o oloa matautia
208. Pepa malaga faasolitulafono
209. Faoa faamalosi ma le taofia o oloa ua masalomia e i ai nisi tulaga lamatia po o ua molimauina le faia ai o nisi soligatulafono
- VAEGA 14**
SOLIGATULAFONO
MA FAASALAGA
- Vaevaega 1 - Soligatulafono e faasino i le Tiute*
210. Tau faamatau po o le tetee atu i tagata ofisa o le Tiute

211. Faalavelaveina o tagata ofisa o le Tiute po o le aiaina o meatotino a le Tiute
212. Tuuaiga po o lipoti sese i tagata ofisa o le Tiute
213. Faafoliga i se tagata ofisa o le Tiute
214. Faamaufaailoga po o faailoga ua gaosia ma faafoliga pepelo
215. Noataga o tagata e taunuu mai i pe tuuvaa ese atu mai Samoa
216. O le auai e le i faatagaina i nisi nofoaga e pulea e le Tiute
217. Avanoa e le i faatagaina i po o le faaaogāina ma le faale-tatau o le faiga faakomepiuta e faagasolo ai pepa tusia a le Tiute
218. O le aiaina o le faiga faakomepiuta e faagasolo ai pepa tusia a le Tiute
219. Soligatulafono e faasino i le puipuiamalu o, po o le faaaogāina e le i faatagaina o, faailoga e iloagofie ai tagata faapitoa e faaaogāina
- Vaevaega 2 - Soligatulafono e faasino i malosiaaga o tagata ofisa o le Tiute*
220. O le lē mafai ona tali atu i fesili
221. O le lē mafai ona tuuina atu o faamatalaga molimau o faailoga e iloagofie ai, faamanuiaga i malaga po o isi mataupu
222. O le lē mafai ona tuuina atu po o le faamalamalamaina o oloa
223. O le lē mafai ona tausisia o manaoga
224. O le lē mafai po o le teena o le i ai pea i se nofoaga
225. Faaaogāina o le nofoaga e aunoa ma se laisene
226. O le lē mafai ona tausisia aiaiga o se laisene
- Vaevaega 3 - Soligatulafono e faasino i le taunuu mai ma le malaga ese atu o vaalele ma tagata*
227. Soligatulafono e faasino i le taunuu mai o vaalele
228. Soligatulafono e faasino i lipoti e auina mai i totonu
229. Soligatulafono e faasino i le malaga ese atu o vaalele
230. Soligatulafono e faasino i lipoti e auina atu i fafo
231. O le lē mafai ona tausisia o manaoga e taofia ai le faaaogāina o masini tau fesootaiga faaeletoroni
232. Tetee atu i moliaga
- Vaevaega 4 - O isi soligatulafono*
233. Fetuunaiga o vaalele mo oloa e aumai pe aveeseina faanana
234. Aiaina o faamaufaailoga ma fusi e faamauina ai
235. Soligatulafono e faasino i faamaufaailoga a le Tiute ma fuafuaga faamaonia a le Tiute mo le malupuipua o oloa auina ese atu
236. Aiaina o uta
237. Laueseina o oloa e aunoa ma se faatagaga
238. Soligatulafono e faasino i le gaosia, feaveaia ma le teuina o oloa
239. Aiaina o oloa
240. Soliga o faatonuga a le Pule Sili o le Tiute i lalo o le fuaiupu 114
241. Soligatulafono e faasino i pepa tusia

242. Soligatulafono e faasino i tautinoga ma pepa aloaia
243. Soligatulafono e faasino i faamaumauga
244. Soligatulafono e faasino i le lē mafai ona tuuina atu i le Tiute o avanoa i faamatalaga
245. Soligatulafono e faasino i le faailoaina atu e tusa lava pe manaomia le tuuina atu i le Tiute o avanoa i faamatalaga
246. Umia o pepa faamaonia e le o maea
247. Soligatulafono e faasino i le faaaogāina o oloa
248. Aiaiga e faasino i soligatulafono e faasaga i fuaiupu 241 e oo i le 247
249. Soligatulafono e faasino i le faaulufale mai po o le auina ese atu o oloa faasaina
250. Soligatulafono e faasaga i le auina ese atu o oloa
251. Faiga tau faasese ia lē maua ai tupe maua a le Tiute
252. Umia po o le puipuigamalu o oloa e le i tiuteina po o oloa faaulufale mai e faasaina
253. Faatau mai, faatau atu, faafesuiai ma isi tulaga faapena, o oloa e le i tiuteina po o oloa faaulufale mai e faasaina
254. Umia po o le vaavaaiga o oloa ua natia
255. Soligatulafono e faasino i oloa ua faoa faamalosi
256. Soligatulafono e faasino i nisi oloa ua taofia
257. Soligatulafono e faasino i le Pulega o Talosaga a le Tiute
258. Faailoaina atu o faamatalaga e le i faatagaina
259. Amioga lē pulea a tagata ofisa o le Tiute

Vaevaega 4 - O isi aiaiga e faasino i soligatulafono

260. Noataga o tagata ofisa o faalapotopotoga
261. Noataga o le tagata ofisa atu ma sooupu
262. Taumafaiga
263. Faatoai atu o tagi
264. E mafai e le Faamasinoga ona poloaina le totogiina o tupe e tusa ai ma tiute
265. Malosiaga o le Pule Sili o le Tiute e tuufaatasia ai soligatulafono

**VAEGA 15
OLOA UA TAOFIA
MA OLOA UA FAOA
FAAMALOSI**

Vaevaega 1 - Oloa ua taofia e lē toe faafoia

266. Faaaogāina
267. Oloa ua taofia e lē toe faafoia
268. Taulumaga mo le faoa faamalosi
269. Faasilasilaga o le faoa faamalosi
270. Ia toe tuu i tua le aso na taofia ai se mea e lē toe faafoia
271. Faaooina atu o oloa ua faoa faamalosi ina ua totogi mai se tupe e tutusa ma le tau aogā
272. Faatauina atu o nisi oloa ua faoa faamalosi
273. Auala e faatino ai le faatauina atu o oloa

Vaevaega 2 - Talosaga e faasaga i le faoa faamalosi

274. Talosaga ina ia toe iloilo oloa ua faoa faamalosi
275. Toe iloiloga
276. Faaiuga ua toe iloilo
277. Mataupu e uiga i le tuuina atu o se faamama avega

278. Faaiuga i mataupu ua tuuina atu ai faamama avega
279. O le faatamaia o oloa ua faoa faamalosi

Vaevaeaga 3 - Talosaga mai iloiloga

280. Talosaga tetee i le Pulega o Talosaga a le Tiute
281. Faatamaia o oloa ua noatia i talosaga tetee

Vaevaeaga 4 - Aiaiga lautele e uiga i oloa ua taofia e lē toe faafoia

282. Faatamaia o oloa ua faoa faamalosi i luga o se moliaga ua faamaonia
283. Faalēaogāina o oloa ua taofia e lē toe faafoia
284. Faaaogāina o aiaiga o oloa ua taofia e lē toe faafoia

**VAEGA 16
FAAMATALAGA
MOLIMAU**

285. Faamatalaga molimau e faamaonia ai
286. Pepa aloaia e faia i atunuu i fafo
287. Taliaina i se tulaga lautele o faamatalaga fatu fua
288. Taliaina o faamatalaga fatu fua o lo o i totonu o faamaumauga faapisinisi
289. Faamatalaina o uiga o upu ma le faaaogāina
290. Taliaina o faamatalaga molimau o manatu o tagata tomai faapitoa
291. Faamaoniga o pepa faatumu ua faia i lalo o le fuaiupu 338
292. E taliaina faamatalaga molimau o Faamaumauga a le Tiute o feaveai i masini faakomepiuta

293. Manatu taulagi i le tulaga faamaonia o pepa aloaia

**VAEGA 17
PULEGA O TALOSAGA
A LE TIUTE**

Vaevaeaga 1 - Faatulagaga ma malosiaga

294. Faavaeina
295. Vaitaimi i le tofi, faamavaega, faamalolo lē tumau ma le aveesea
296. Tautoga o le tofi
297. Totogi
298. Gasegase po o le lē atoatoa o le malosi o le tino
299. E lē noatia taitoatasi sui auai
300. Resitara o le Pulega
301. Faamaufaailoga
302. Malosiaga o le Pulega

Vaevaeaga 2 - Talosaga

303. Talosaga i le Faamasinoga Sili
304. Talosaga i le Faamasinoga o Talosaga
305. O le faailoaina o se mataupu mo le Faamasinoga Sili

**VAEGA 18
AIAIGA ESEESE**

Vaevaeaga 1 - Faiga tau le puiipuiga i tuaoi mai le solia o Pule Tau Fatuga ma Faailoga Tau Fefaatauaiga o Oloa

306. Faamatalaina o uiga o upu
307. E mafai ona tuuina atu i le Pule Sili o le Tiute se faasilasilaga e talosagaina ai le taofia lē tumau o le kiliaina o oloa e le Tiute

308. Malosiaga e taofia lē tumau ai taualumaga a le Tiute mo le kiliaina o oloa
309. Puipuigamalu
310. Faasilasilaga
311. Asiasiga ma le suesueina o oloa
312. Taofia ma le faamatuu atu o oloa
313. Taofia o oloa e lē toe faafoia e ala i se maliega
314. Faatamaia o oloa
315. E lē aofia ai ni aofaiga laiti o oloa faaulufale mai
316. Puipuiga o tagata o galulue i lalo o lenei Vaega
317. Tau i mo le taofia sese o oloa
- Vaevaega 2 - Sooupu Tomai Faapitoa i Galuega Tau le Tiute*
318. Tuuina atu po o le teena o laisene
319. Faalēaogāina po o le taofia lē tumau o laisene
320. Sooupu ua faatagaina
321. Tuuina atu o pule faataga
322. Noataga o lē e ona mo gaoioiga a se sooupu tomai faapitoa mo galuega tau le tiute
323. O le galue faasolitulafono e aveia o se sooupu tomai faapitoa mo galuega tau le tiute
- Vaevaega 3 - Aiaiga lautele*
324. O tupe e totogi atu e le Pule Sili o le Tiute mai tupe a le Malo
325. Faaaogāina o Tulafono i mea e lafoina i le meli
326. Tautinoga i lalo o lenei Tulafono
327. Malosiaga o le Pule Sili o le Tiute e fuafuaina ai faamaufaailoga, faailogatusi ma faailoga
328. Faamatalaga e uiga vaalele, tagata ma oloa e sopoia tuaoi
329. Tuuina atu o faamatalaga e uiga i vaalele, tagata ma oloa e sopoia tuaoi
330. Ia tuuina atu e le Pule Sili o le Tiute o mafuaaga tusitusia mo faaiuga e avanoa i talosaga tuuina atu i le Pulega o Talosaga a le Tiute
331. Tuuina atu o faasilasilaga
332. Aiaiga faaopoopo e faasino i faasilasilaga i lalo o lenei Tulafono
333. Tulafono Faatonutonu
334. Faamaoniga o aiaiga ua tuufaatasia i faasinomaga
335. Avanoa i aiaiga ua tuufaatasia i faasinomaga
336. Faaaogāina o le Tulafono o Tulafono Faatonutonu 1953 i aiaiga ua tuufaatasia i faasinomaga
337. Totogifuapauina, tau faaee atu, ma tupe alu
338. Pepa faatumu ua faamaonia
339. E ao ona lipotia le faaaogāina o le malosi
340. Faailoaina atu o faamatalaga i atunuu i fafo
341. O faamatalaga e mafai ona faailoa atu
342. E mafai e le Tiute, mo nisi faamoemoe, ona aoina, faaaogā pe faailoa atu nisi faamatalaga
- Vaevaega 4 - Teuteuga, soloia, aloaia, aiaiga faasaoina ma aiaiga tau soloaiga*
343. Teuteuga faatupulaia
344. Soloia

345. Aloaia o gaioiga i lalo o Maliega i le Va o Malo e faasino i le taofia lē tumau o tiute a le Ofisa o Tiute
346. Faasaoina mo Tualumaga ma isi mataupu
- Vaevaega 5 - Aiaiga tau soloaiga*
347. Aiaiga tau soloaiga e faasino i fuaitau faaaogāina
348. Aiaiga tau soloaiga e uiga i le iloiloga ma le totogiina o tiute
349. Nofoga tau suesuega ua faatatauina e ave ma nofoaga e pulea e le Tiute
350. Uafu e faasee i ai, ma uafu ua faatatauina e ave ma nofoaga e pulea e le Tiute
351. Apitaga o le aufaigaluega, mea esee e faaaogā ma fale e faasee i ai ua faatatauina e ave ma nofoaga e pulea e le Tiute
352. Fale teu oloa mo oloa auina ese atu ua faatatauina e ave ma nofoaga e pulea e le Tiute
353. Nofoga e gaosi ai oloa ua faatatauina e ave ma nofoaga e pulea e le Tiute
354. Aiaiga tau soloaiga e faasino i aiaiga o tofiga po o laisene
355. Talosaga mo laisene e ave ai se nofoaga ma nofoaga e pulea e le Tiute ina ia faia i totonu o le 40 aso faigaluega
356. Tulaga tau soloaiga e faaauau seia faia o se talosaga ma faalēaogāina ai
357. Aiaiga tau soloaiga e faasino i tagata ua faamaonia ina ia tolopo le totogiina o tiute
358. Aiaiga tau soloaiga e faasino i pisinisi e lē manaomia ona laiseneina
359. Aiaiga tau soloaiga e faasino i so o se suesuega i mataupu tau le va o tagata po o suesuega tau solitulafono i lalo o le Tulafono o le Ofisa o Tiute 1977
360. Tulafono faatonutonu tau soloaiga
- Faamatalaga

2014, Nu.

O SE TULAFONO TAU FAAOFI UA TAU

O SE TULAFONO e faatonutonuina ai faaletulafono o faiga tau pulega a le Ofisa o Tiute, faafoega ma le faamamaluina, puleaina o tupe maua, faiga tau le puleaina ma le faafoeina o tuaoi, faafaigofieina o fefaatauaiga ma femalagaiga, puipuigamalu ma mo faamoemoega e fesootai i ai.

UA FAIA e le Fono Aoaio Faitulafono a Samoa i totonu o le Palemene ua potopoto e faapea:

**VAEGA I
FAATOMUAGA**

1. Igoa puupuu ma le amataga-(1) O lenei Tulafono, ua taua o le Tulafono o le Ofisa o Tiute 2014.

(2) O lenei Tulafono e amata faamamaluina i le aso e tuuina i ai le maliega a Le Ao o le Malo.

(3) I le avea ai ma tuusaunoaga i le faafuiaiupu (2), o fuaiupu 12(7), 14(2), 15(4), 19(3), 67(3), 72(4), 84(6), 95(4), 97(8), 101(3), 102(9), 104(5), 105(4), 106(3), 107(4), 118(6), 119(4), 125(4), 126(2), 127(3), 139, 141(12), 145(5), 148(3) ma le (4), 149(4), 179(6), 180(3), 276(6), 279, Vaevaega 5 o le Vaega 6 ma le Vaega 17, e amata faamamaluina i se aso po o ni aso e filifilia e le Minisita.

2. Faamatalaina o uiga o upu - I totonu o lenei Tulafono, ae vagana ai ua manaomia e le mataupu se isi uiga e ese ai:

“vaalele” o lona uiga o se masini lea e mafai ona maua lona lagolagoina i le vanimonimo mai gaoioiga a le ea;

“taunuu mai”:

(a) mo se vaalele, e aofia ai le taunuu mai o le vaalele e tusa lava pe faaletulafono pe leai foi, i totonu o Samoa, mai se nofoaga i fafo atu o Samoa, e tusa lava pe tulaeleele le vaalele pe leai foi, faapepepepe i luga, taula, tauina o vaa, tuutaula, po o le taofi i, po o le taunuu i so o se isi nofoaga e ese ai i totonu o Samoa; ma

(b) mo se tagata, o lona uiga o le ulufale o le tagata e ala i so o se auala, pe ua tusa ai ma le tulafono pe leai foi, i totonu o Samoa, mai se nofoaga i fafo atu o Samoa.

“tagata faatagaina” o lona uiga o se tagata ua faatagaina i lalo o le fuaiupu 5;

“pia” o lona uiga o le oloa gaosi mai le faapalaga faa-ava malosi e ala i le suavai o mea faafefete e maua mai i le suavai ua faafefilo ma le molo ma fatu laau e

- maua ai le molo faatasi ma sua o le laau o le hop e maua ai le aava po o mea e maua mai ia laau;
- “vaa” o lona uiga o se vaa e ese mai ai i se vaa folau;
- “Laisene o se Nofoga e Pulea e le Tiute” o lona uiga o se laisene mo se nofoaga e pulea e le Tiute ua tuuina atu i lalo o le fuaiupu 12, ma o le “tagata e fai le laisene mo nofoaga e pulea e le Tiute” e i ai lona uiga tutusa;
- “Ofisa Sili o Pulega”, o le Matagaluega, o lona uiga o le tagata ua tofia faapena, i lalo o le fuaiupu 12 o le Tulafono o Galuega a le Malo 2004;
- “Pule Sili o le Ofisa o le Tiute” po o le “Pule Sili” o lona uiga o le Ofisa Sili o Pulega o le Matagaluega;
- “tagata galue faakonekarate” o lona uiga o se tagata, o ia lea e faia galuega mo iloiloga o tau aogā i luga o po o mo so o se oloa i se talosaga a so o se isi tagata (e ese ai i lo le avea ma tagata faigaluega a le isi lena tagata) i tulaga aliae mai pe afai o le isi lena tagata o lo o faaoo atu, ae o lo o taofia pea le pule e umia ai o, nisi po o meafaitino uma o faaogā i le galuega;
- “vaa” e aofia ai so o se vaalele, vaa folau, vaa alofoe po o isi masini po o vaa, o faaogāina po o e mafai ona faaogāina mo le aveina po o le felauaiga o tagata po o oloa, po o ia itu uma e lua, e ala i le ea po o le sami po o i luga po o lalo o le sami;
- “Tiute” o lona uiga o le Auaunaga Tau le Tiute a Samoa;
- “malae vaalele tau le Tiute” o lona uiga o se malae vaalele ua atofaina e aveina o se malae vaalele tau le Tiute i lalo o le fuaiupu 10;
- “Pulega o Talosaga a le Tiute” po o “Pulega” o lona uiga o le Pulega o Talosaga a le Tiute ua faavaeina e le fuaiupu 294;
- “fuafuaga faamaonia a le Tiute o puipuigamalu o oloa auina ese atu” o lona uiga, e faasino i oloa o le a auina ese atu (tusa lava po o i lalo o oloa toe faafoi pe leai), o se fuafuaga ua faamaonia e le Pule Sili o le Tiute i lalo o le fuaiupu 84:
- (a) mo le tuupusaina o oloa, i totonu o se pusa malupuipua ua faamaonia e le Tiute, e tagata ua faamaonia, i totonu o aiaiga ua faamaonia, ma e noatia ma fai fuafua i manaoga ua

faamaonia (e aofia ai, e aunoa ma ni tapulaa, o se manaoga e ao ona faaaogā o se faamaufaailoga po o ni faailoga i totonu o se pepa faatumu ua faamaonia, i le pusa, i se taimi vave lava e faamautuina ai -

(i) ina ia faaalua ai e faapea, o le taimi na faamautu ai ia malupuipua, o le pusa sa na o oloa lava na aofia ai i totonu, ma sa faamautuina ia malupuipua i se faiga ua maea ona faamaonia; ma

(ii) ia fesoasoani e faailoagofie ai le faalavelaveina po o le faaleagaina o le pusa ina ua maea ona faamautu ia malupuipua); ma

(b) mo le faaooina atu i se taimi vave lava (i le maea ai o le teuina afifi o oloa i lena faiga) o pusa oloa mautu ua faamaonia e le Tiute, e tagata ua faamaonia ma i se faiga ua faamaonia, i le nofoaga o uta oloa auina ese atu mo le auina ese atu i vaa, po o pe afai e le o le auala lea e faaooina ai i se taimi vave ma auina ese atu i vaa, i se isi nofoaga po o nofoaga e saogalemu e ui atu i le nofoaga o le auina ese atu i vaa; ma

(c) mo oloa mai le taimi na uluai faamautuina ai i totonu o se pusa mautu ua faamaonia e le Tiute, seia oo i le taimi o le auina ese atu o oloa i se nofoaga e i fafo atu o Samoa, e avea ma oloa, e noatia ma fai fuafua i le vaavaaiga a le Tiute; ma

(d) mo malosiaga o le taofiga ma le sueina, i totonu o le fuaiupu 158 ina ia avanoa e tusa ai o se taavale i totonu o Samoa, pe afai o masalomia e faapea o lo o i ai i totonu po o i luga o le taavale, oloa o lo o, po o ua masalomia e faapea -

(i) e noatia i le vaavaaiga a le Tiute; ma

(ii) i totonu o se pusa mautu ua faamaonia e le Tiute; ma

(e) mo se Tagata Ofisa o le tiute o le a tuuina atu i ai malosiaga, i lalo o le fuaiupu 161(2), ina ia fesiligia se toatasi (1) po o le sili atu o tagata

nei ua taua, e uiga i so o se uta o oloa ua faamoemoe o le a auina ese atu mai Samoa -

(i) se tagata o ia lea o lē ona po o lē o faagaioia se taavale, lea o lo o i ai i le tagata ofisa o le Tiute o mafuaaga talafeagai e masalomia ai o lo o i ai i totonu po o i luga o le taavale, po o sa i ai i totonu o le 72 itula talu ai, o oloa e noatia i le vaavaaiga a le Tiute ma o lo o i ai i totonu o se pusa mautu ua faamaonia e le Tiute;

(ii) o se tagata o ia lea o lē e ona po o lē o nofoia se nofoaga ma fale, lea o lo o i ai i le tagata ofisa o tiute, o mafuaaga talafeagai e masalomia ai le i ai i totonu po o i luga o lea nofoaga ma fale po o sa i ai i totonu o le 72 itula talu ai, po o i luga o lea nofoaga ma fale, o oloa e noatia i le vaavaaiga a le Tiute ma i totonu o se pusa mautu ua faamaonia e le Tiute;

(iii) o se tagata o lo o faafaigaluegaina e se tagata o lo o faamatalaina i totonu o le faaparakalafa (i) po o le (ii); ma

(f) mo malosiaga i totonu o le fuaiupu 174 (ia e aofia ai malosiaga tau suesuega) ina ia avanoa e tusa ai o oloa o lo o ua masalomia po o o le a masalomia e faapea -

(i) e noatia i le vaavaaiga a le Tiute; ma

(ii) i totonu o se pusa mautu ua faamaonia e le Tiute.

“pusa mautu ua faamaonia e le Tiute” o lona uiga o so o se ituaiga o pusa ua faamaonia e le Pule Sili o le Tiute i lalo o le fuaiupu 84, mo faamoemoega o le fuafuaga a le Tiute ua faamaonia mo le malupuipua o oloa e auina ese atu;

“nofoaga e pulea e le Tiute”, “nofoaga ua laiseneina”, po o le “CCA nofoaga ua laiseneina” o lona uiga o se nofoaga ua laiseneina i lea lava tulaga, i lalo o lena Tulafono, mo se faamoemoe se tasi (1) pe sili atu foi, i lalo o le fuaiupu 11;

“faatonuga a le Tiute”:

(a) o lona uiga o se talosaga, poloaiga, faatonuga malosi, po o se faatonuga ua faia e tusa ai ma le tulafono (e tusa lava pe i se faiga tusitusia po o le tuufofoga) e tuuina atu e le tagata ofisa o le Tiute (po o se tagata faatagaina) i so o se tagata ina ia faapea ona fai po o ia aloese mai le faia o se gaoioiga po o ia gauai atu i se taualumaga mo faamoemoega o lenei Tulafono; ma

(b) e aofia ai -

(i) so o se faasilasilaga, faasilasilaga faatosina po o se faailoga faailoilo ua faalauiloa faalauaitele i totonu o se nofoaga tau le Tiute po o se nofoaga e pulea e le Tiute; ma

(ii) se faatonuga o aofia ai i totonu o se pepa faatumu ua faamaonia i lalo o lenei Tulafono.

“tagata ofisa o le Tiute” po o le “tagata ofisa”:

(a) o lona uiga, mo le faamoemoe o lenei Tulafono, ma so o se isi lava tulafono, o se tagata -

(i) ua tofia i sea tofiga e le Pule Sili o le Tiute; po o

(ii) ua faafaigaluegaina e le Pule Sili o le Tiute ma ua faaalia manino, e tusa lava po o i le taimi o le, po o i le tuanai ai o le tofiga, e le Pule Sili o le Tiute, ina ia avea ma tagata ofisa o le Tiute; ma

(b) e aofia ai (vagana ai mo fuaiupu 5(4), 7, 58 ma le 208), o se tagata faatagaina, o ia lea -

(i) o lo o tauaveina o ana galuega tauave ma ona malosiaga i lalo o se pule faataga; ma

(ii) ua manaomia e le fuaiupu 5(4) ina ia faatatauina mo faamoemoega o lena fuaiupu e avea o se tagata ofisa o le Tiute.

“nofoaga tau le Tiute” o lona uiga o se taulaga tau le Tiute po o se malae vaalele tau le Tiute ua atofaina i lalo o le fuaiupu 10;

“taulaga tau le Tiute” o lona uiga o se taulaga e ulufale ai ua atofaina ua avea o se taulaga tau le Tiute i lalo o le fuaiupu 10;

“tupe maua a le Tiute” po o “tupe maua a le Ofisa o le Tiute” o lona uiga o tupe maua e faafoeina e le Ofisa o Tiute e avea ai ma sui o le Malo;

“faamaufaailoga a le Tiute”, mo se pusa o oloa o le auina ese atu, o lona uiga o se faamaufaailoga ua faamaonia e le Pule Sili o le Tiute mo le faaaogāina i luga o le pusa, i le taimi lava e faamautuina ai le faamaufaailoga (ma e tusa ai ma se faasilasilaga i lalo o le fuaiupu 82), ina ia faataunuaina ai, a le o le tasi o faamoemoega po o faamoemoega uma e lua ua taua:

- (a) ina ia faailoa ai e faapea, i le taimi na faamautuina ai le faamaufaailoga, sa na o oloa na aofia ai i totonu o le pusa, ma sa faamautuina i se faiga na faamaonia; ma
- (b) ina ia fesoasoani e faamautinoa le aiaina po o le faaleagaina o le pusa ina ua maea ona faamautuina le faamaufaailoga.

“tau aogā a le Tiute” po o “tau aogā”, mo oloa, o lona uiga o le tau aogā a le Tiute o oloa e pei ona fuafuaina, e tusa ai ma Tulafono Faatonutonu ua faia i lalo o lenei Tulafono;

“meataitasi matautia” o lona uiga:

- (a) o so o se auupega faasolitulafono e pei ona faamatalaina i le fuaiupu 2 o le Tulafono o Auupega 1960; ma
- (b) so o se auupega matautia po o se auupega tau osofaiga po o se meafaigaluega o so o se ituaiga i le a lava lona fausaga; po o
- (c) so o se pulu fana; po o
- (d) so o se mea faapapa matautia po o se masini po o so o se isi vailaau oona e faamanualia ai po o se masini o so o se ituaiga, po o le a lava le mea e mafai ona faaaogāina e lamatia ai le saogalemu o se tagata.

“tautinoga” o lona uiga o le tuuina atu o faamatalaga uma i le Tiute, e tusa lava pe tuufofoga pe tusitusia i totonu o se pepa aloaia po o i se faiga faaeletoroni, e se tagata e faasino i:

- (a) le faaulufale mai po o le auina ese atu o oloa; po o
- (b) le taunuu mai po o le malaga ese atu o se vaalele; po o

(c) le taunuu mai po o le malaga ese atu o se tagata.
“pepa aloaia”:

(a) o lona uiga o se pepa aloaia i so o se ituaiga, e tusa lava pe ua sainia pe leai foi, pe ua sainia na o mataitusi faapuupuu o le igoa, po o ua faamaonia aloaia e lē na ia faia; ma

(b) e aofia ai -

(i) so o se ituaiga o tusitusiga i luga o se meafaitino;

(ii) faamatalaga ua faamauina, auina atu, po o teuina i se masini pueleo, komepiuta, po o isi masini, ma isi faamatalaga na maua mulimuli ane mai faamatalaga na faapea ona pueina, auina atu, pe sa teuina;

(iii) se igoa e faailoa ai, faailoga, po o isi ituaiga tusitusiga lea o lo o faailoagofie ai se mea lea ua avea ai ma vaega po o lea ua faapipiina atu i ai i so o se faiga lava;

(iv) o se tusi, faafanua, fuafuaga, ata kalafi po o ata tusi;

(v) o se ata pue, lipine pue ata, lipine ata e le i faavailaauina, lipine pue ata/leo, po o isi masini ia o lo o i ai i totonu foliga vaaia, ina ia faapea ona mafai ai (i le i ai faatasi pe aunoa ma le fesoasoani o nisi lava meafaigaluega) i le toe gaosiina.

“uta oloa i totonu o le atunuu” o lona uiga o oloa ia, ina ua aumaia i totonu o se nofoaga e pulea e le Tiute i se tasi nofoaga tau le Tiute mo le aveina i luga o le ea po o i le sami i so o se isi nofoaga tau le Tiute i totonu o Samoa, a le i luga o:

(a) se vaalele lea -

(i) e amata lana faiga malaga i fafo atu o Samoa; ma

(ii) i le faagasologa o lena faiga malaga, ua ulufale ai i Samoa ma malaga ai i le va, a itiiti o le lua (2) nofoaga tau le Tiute i totonu o Samoa; po o

(b) o se vaalele lea -

(i) e amata lana faiga malaga i se nofoaga tau le Tiute i totonu o Samoa; ma

(ii) a o faagasolo lena faiga malaga, ma malaga atu i, a itiiti mai o le tasi o isi nofoaga tau le Tiute i totonu o Samoa, a o le i tuua Samoa,

o lo o i totonu o lena nofoaga e pulea e le Tiute po o o lo o tauaveina i luga o le vaalele mai le tasi nofoaga tau le Tiute i le isi nofoaga tau le Tiute po o, i le tauaveina ai faapena i luga o le vaalele, o lo o talia le aveesea mai se nofoaga e pulea e le Tiute i se nofoaga tau le Tiute.

“tagata pasese o le atunuu” o lona uiga o se pasese, e le o se pasese o faimalaga i se pepa malaga faava o malo, o ia lea o i ai o se faamanuiaga i malaga o le ea po o le sami mo se vaega o le malaga i le atunuu, i so o se:

(a) vaalele lea e -

(i) amata lana faigamalaga i fafo atu o Samoa; ma

(ii) a o faagasolo lea faigamalaga, ua ulufale i Samoa ma faimalaga ai i le va, a itiiti mai, e lua (2) nofoaga tau le Tiute i totonu o Samoa; po o

(b) se vaalele lea e -

(i) amata lana faigamalaga i se nofoaga tau le Tiute i totonu o Samoa; ma

(ii) a o faagasolo lea faigamalaga, e faimalaga atu i, a itiiti mai e tasi le isi nofoaga tau le Tiute i totonu o Samoa, a o le i tuua Samoa.

“vaega tau le lotoifale o le atunuu” o lona uiga o se faiga malaga mai le tasi nofoaga tau le Tiute i le isi i totonu lava o Samoa;

“oloa e tatau ona tiute” o lona uiga o so o se ituaiga o oloa e noatia i le tiute i lalo o lenei Tulafono;

“tiute”:

(a) o lona uiga o se tiute, tiute faaopopo, lafoga, totogifuapauina, tau faaee atu, po o se lafoga faaee atu i luga o oloa e tusa ai ma lenei Tulafono; ma

(b) e aofia ai -

(i) tiute o oloa gaosia i le atunuu ua faaee atu i lalo o le Tulafono o Lafoga o Oloa e Gaosi i le Atunuu (Pulega i totonu o le Atunuu) 1984, ma le Tulafono o Lafoga o Oloa Gaosi i le Atunuu (Pulea o Oloa Faaulufale Mai) 1984;

(ii) se tiute ua faaee atu i lalo o le Tulafono o le Faasologa o Tiute 1975;

(iii) se tiute po o se lafoga ua faaee atu i lalo o le fuaiupu 9 o le Tulafono o Lafoga o Oloa ma Galuega Faatino e Faia i Luga o Aofaiga o Tau 1992/1993.

“pepa tusia” o lona uiga o se tautinoga ua faatoai mai e se tagata e faaulufale mai oloa po o lē auina ese atu oloa mo le kiliaina o oloa mai le vaavaaiga a le Tiute;

“faiga e faagasolo ai pepa tusia” o lona uiga o se faiga faakomepiuta e faagasolo ai pepa tusia a le Tiute, ua aiaia i lalo o le Vaega 12;

“lomiga faasalalau faaeletoroni” o lona uiga o se mea (e aofia ai ae lē faatapulaaina i se tisiketi, po o se faila faaeletoroni po o se faila faakomepiuta) lea o lo o faamauina ai po o faamatalaga e teuina ai e faapea, o le faaaogāina o se komepiuta po o isi masini faaeletoroni, e mafai lava ona toe gaosia ai pe faaalua ai e tasi (1) po o le sili atu (po o se tuufaatasiga o le tasi (1) po o le sili atu) o tulaga vaaia, ata, faailoga faailoilo, faamatalaga, po o upu;

“oloa e gaosia i totonu o le atunuu” o lona uiga o oloa ia e tatau ona tologiina ai le tiute o oloa e gaosia i totonu o le atunuu, e tusa ai ma lenei Tulafono, o le Tulafono o Lafoga o Oloa Gaosia i le Atunuu (Puleaina i le Atunuu) 1984 ma le Tulafono o Lafoga o oloa gaosia i le atunuu (Pulea o oloa faaulufale mai) 1984;

“auina ese atu”:

(a) ae vagana ai ua aiaia manino i se isi faiga e ese ai, o lona uiga o so o se uta i totonu o so o se vaalele mo le felauaiga i se nofoaga i fafo atu o Samoa; ma

(b) mo se lomiga faasalalau faaeletoroni ua faasinomia i totonu o le fuaiupu 92 po o se poloaiga ua faia i lalo o le fuaiupu 92, e aofia ai le auina atu o se lomiga faasalalau faaeletoroni mai Samoa e ala i so o se auala (e ese ai i lo le faasalalauina) i se nofoaga i fafo atu o Samoa; ma

(c) “ia auina ese atu” ma le “ua auina ese atu” e i ai o la uiga tutusa.

“lē e auina ese atu oloa”:

(a) o lona uiga o se tagata e po o o ia lea o lo o auina ese atu oloa; ma

(b) e aofia ai se tagata, o ia lea ua po o ua avea ma lē e ona po o ua agavaa i le umia o po o ua faamanuiaina i tulaga o aia i oloa o po o i so o se taimi i le tuanai ai ona tusia mo le auina ese atu ma a o le i auina ese atu ia oloa.

“oloa na taofia e lē toe faafoia” o lona uiga o oloa ua taofia e lē toe faafoia ae tuuina atu i le Malo i lalo o le fuaiupu 282;

“oloa” o lona uiga o ituaiga uma o meatotino feaveai tau le tagata lava ia, e aofia ai meaola;

“oloa e noatia i le vaavaaiga a le Tiute” e i ai lona uiga i totonu o le fuaiupu 21;

“faaulufale mai”:

(a) mo oloa, o lona uiga o le taunuu mai o oloa i totonu o Samoa i so o se faiga, e tusa lava pe ua talafeagai ma le tulafono pe faasolitulafono, mai se nofoaga i fafo atu o Samoa; ma

(b) mo lomiga faasalalau faaeletoroni i lalo o le fuaiupu 91, e aofia ai le taunuu mai o se lomiga faasalalau faaeletoroni i totonu o Samoa, e ala i le auina mai i so o se auala (e ese ai i lo le faasalalauina) mai se nofoaga i fafo atu o Samoa;

“lē e faaulufaleina mai”:

(a) o lona uiga o se tagata o ia lea po o e mo ia oloa o lo o faaulufaleina mai; ma

(b) e aofia ai lē o lo o auina mai i ai o oloa ma se tagata o ia lea, po o ua avea o lē e ona oloa po o ua tatau ona umia e ia po o e aia ma

faamanuiaina i so o se oloa i lea taimi po o i so o se taimi a ua tuanai ai le faaulufaleina mai o ia lava oloa ma a o le i faamutaina le noatia o oloa i le vaavaaiga a le Ofisa o Tiute.

“uta oloa faava o malo” o lona uiga o so o se uta oloa ua taunuu mai so o se nofoaga e fafo atu o Samoa po o ua faamoemoe o le a auina ese atu mai Samoa;

“auvaa faava o malo” o lona uiga o le auvaa po o so o se sui o le auvaa o se vaalele lea o lo o i luga o se faiga malaga na:

(a) amata mai fafo atu o Samoa; po o

(b) amata i Samoa ma o le a faaauau i fafo atu o Samoa.

“pasese faava o malo” o lona uiga o se tagata o ia lea e i ai faamanuiaga e malaga ai i luga o se vaalele i totonu o Samoa pe afai o lea malaga o se vaega o se faiga malaga faava o malo lea na:

(a) amata mai fafo atu o Samoa; po o

(b) amata i totonu o Samoa ma o le a faaauau i fafo atu o Samoa.

“pasese malaga i se pepa malaga faava o malo”, o lona uiga o se tagata o ia lea ua maua o se faamanuiaga i malaga i le ea po o le sami mo se vaega i le atunuu, o se vaega lea e aofia ai i totonu o pepa malaga mo se faiga malaga faava o malo lea:

(a) na amata mai fafo o Samoa; po o

(b) na amata i totonu o Samoa ma o le a faaauau i fafo atu o Samoa.

“inivoisi” mo so o se oloa faaulufaleina mai, o lona uiga, o uluai inivoisi, pepa totogi o le tulaeleele o oloa, pepa totogi o afifi, faiga faavae tau inisiua, tusi ma isi pepa aloaia o faaalua ai le tau aogā o oloa i le nofoaga lea na faatauina mai ai, faatasi ai ma tupe totogi o le auina mai, inisiua ma isi tau faaee atu i luga o oloa;

“Faamasino” o lona uiga o se Faamasino o le Faamasinoga Sili;

“gaosia”, mo oloa ua faamaotiina i totonu o le Tulafono o le Faasologa o Lafoga o Oloa e Gaosia i le Atunuu 1984, o lona uiga:

(a) pe afai o oloa o ni oloa tau tapaa, o le gaioioiga o le tipiina, oomiina, oloina, nutiina po o le miliina o tapaa mata po o lau tapaa, po o le

saunia i se isi faiga e ese ai o tapaa mata po o lautapaa po o le gaosia o tapaa po o le tapaa e gaosia se vaega, ma le faiga o sikaleti e tusa lava pe mai tapaa ua totogiina le tiute po o e mai tapaa e lē totogiina se tiute, ma i le tuuina atu mo le faaaogāina po o le vaega e lafoai o tapaa e taumafaina, tapaa lafoai, tipiga ninii o tapaa, 'au o tapaa po o mutiga- tapaa e maua mai i le gaosiina o tapaa;

(b) afai o oloa o oloa tau suauu, o so o se gaioioiga po o se faagasologa, e aafia ai i le gaosiga o oloa;

(c) afai o oloa, ua le o ni oloa tau tapaa, po o ni oloa tau suauu -

(i) o so o se gaioioiga po o se faagasologa o aafia ai i le gaosiga o oloa; ma

(ii) so o se faagasologa fesoasoani (e pei ona faamatalaina i totonu o le faafuaiupu (2) o lenei fuaiupu) lea o lo o faatino i luga o nofoaga ma fale ia e le o laiseneina, po o manaomia ina ia laiseneina i lalo o le Tulafono o le Ava 2011.

“tapaa ua gaosiina” o lona uiga o tapaa ua maea ona gaosiina po o ua saunia mo le ulaina po o so o se isi lava faamoemoe;

“nofoaga e gaosiina ai” o lona uiga o se nofoaga ua laiseneina i lalo o le fuaiupu 12 mo le faamoemoe ua faamatalaina i totonu o le fuaiupu 11(a);

“leoleo” o lona uiga o se sui ua faatautoina o le Galuega Tau Leoleo a Samoa, ua tofia i lalo o le Tulafono o Galuega tau Leoleo 2009;

“Minisita” o lona uiga o le Minisita e nafa mo le Galuega Tau le Tiute;

“Matagaluega” o lona uiga o le Matagaluega e nafa mo le Galuega Tau le Tiute;

“teena”, mo lomiga faasalalau:

(a) o lona uiga o se lomiga faasalalau lea o lo o faamatalaina ai, faaataata mai ai, faaalua, po o ua tagofia i se isi faiga e ese ai, mataupu e pei o faigaaiga, vaaiga tau faafefe, solitulafono, sauaga, po o uiga faatupu vevesi, i se faiga

e faapea ai, o le avanoa e maua ai o nei lomiga faasalalau, e ono aveva ma itu e faamanualia ai le nofo lelei o tagata o le atunuu; ma

(b) e aofia ai so o se lomiga faasalalau o lo o faalauiloaina ai po o lagolagoina, po o, o mafuli atu ina ia faalauiloa pe lagolagoina -

(i) le soona faaaogāina o tagata e i lalo o le 18 tausaga le matutua, po o ia itu uma, mo faamoemoega tau faiga aiga; po o

(ii) le faaaogāina o uiga faatupu vevesi po o le faatauanau ina ia faamalosi so o se tagata ina ia auai i, po o le gauai i, le faatinoga o faiga aiga; po o

(iii) faatinoga o faiga aiga ma po o i luga o se tino o se tagata maliu; po o

(iv) le faaaogāina o feau lata po o otaotavale o tagata e fesootai ma le amioga faalumaina po o amioga e lē tusa ai faale-tagata soifua po o amioga tau faiga aiga; po o

(v) amioga faamanu; po o

(vi) gaoioiga o le faamanualia o le tino po o le faaoo o tulaga vevesi ogaoga po o sauaga matuia;

(vii) so o se isi lava gaoioiga po o se amioga e tataua ona teena ua faatonuina.

“lē o nofoia”, se fanua:

(a) o lona uiga o lē e ona; ma

(b) e aofia ai se tagata o lisiina atu i ai po o o lo o nofoia, se kamupani ua laisene, po o se tagata o ia lea e i ai le aia tataua e nofoia ai le fanua i lalo o isi pulega.

“tagata e faafoeina” o se pisinisi:

(a) o lona uiga o le tagata o lo o galue malosi, e tusa lava pe na o ia po o o faatasi ai ma nisi, i le faatinoina o le pisinisi, ma e tusa lava foi pe ua faamauina lea pisinisi faapena; ma

(b) mo se faalapotopotoga ua tuufaatasia faaletulafono, e aofia ai -

(i) se faatonu, pule, failautusi, po o isi tagata ofisa faapena o faafaigaluega i le faafoega tuusao po o le puleaina tuusao o ana pisinisi; ma

(ii) se tagata o ia lea ua faamoemoe e galue i so o se tulaga tofi i lalo o le faaparakalafa (i).

“kamupani mai fafo” o lona uiga o so o se kamupani e ese mai ai i lo se kamupani ua tuu faatasia faaletulafono i totonu o Samoa;

“tusi resitala i atunuu i fafo” o lona uiga o le tusi resitala o kamupani ia o lo o tuu faatasia faaletulafono i fafo atu o Samoa, lea o lo o tausia i lalo o le Tulafono o Kamupani 2001;

“lē e ona”:

(a) mo se vaalele, e aofia ai lē e ona po o se tagata o togipauina le vaalele, ma se tagata o galue e avea ma sooupu mo lē e ona po o le tagata o togipauina le vaalele; ma

(b) mo oloa, e aofia ai lē e faaulufaleina mai, po o se tagata o lo o ia umia o po o e i ai aia e faamanuiaina ai i ia oloa; ma

(c) mo fanua, o lona uiga o le tagata ua agavaa e mauaina se lisi mo le fanua, po o o ia lea o le a faapea ona agavaa i ai pe afai o le fanua o le a faaavanoa atu i se tagata e nofoia, mo so o se lisi.

“pusa” e aofia ai so o se faiga e faaaogāina po o e mafai ona faaaogāina e teuina ai, ufiina, puipui ai, aofia ai po o e tuu pusaina ai oloa mo le aveina, o se pusa teu oloa i aofaiga tetele, o se paleti po o se masini foliga tutusa faapena;

“faatonuina” o lona uiga mo so o se mataupu, ua faatonuina e tulafono faatonutonu i lalo o lenei Tulafono;

“olua auina ese atu ua faasaina” o lona uiga o oloa po o lomiga faasalalau faaeletoroni ua faasaina le auina ese atu, e tusa lava pe i luga o aiaiga po o e aunoa ma ni aiaiga, e po o i lalo o le fuaiupu 92;

“olua faasaina” o lona uiga o oloa auina ese atu ua faasaina po o oloa faaulufale mai ua faasaina;

“oloa faaulufale mai ua faasaina” o lona uiga o oloa po o lomiga faasalalau faaeletoroni ua faasaina le faaulufale mai, e tusa lava pe i luga o aiaiga po o e aunoa ma ni aiaiga, e po o i lalo o le fuaiupu 91;

“lomiga faasalalau” o lona uiga:

(a) so o se ata tifaga, tusi, masini pue leo, ata, nusipepa, ata pue, lipine o ata pue e faia ai ata, fausaga mafolafola e faia ai ata pue, po o ata pue faasolo;

(b) so o se pepa lolomi po o se tusitusiga;

(c) o se pepa po o se isi mea sa lolomiina po o ua oomiina i ai i luga, po o ua faaalua i ona luga i se isi faiga e ese ai, tasi (1) pe sili atu (po o se tuufaatasiga o se tasi (1) po o le sili atu) o foliga, faamatalaga, faailoga faailoilo, faamatalaga tusitusia, po o upu;

(d) o se mea (e aofia ai, ae lē faatapulaaina ai i, se tisiketi, po o se faila faaeletoroni po o se faila faakomepiuta) lea o lo o pueina ai po o teuina ai faamatalaga ia, e ala i le faaaogāina o se komepiuta po o isi masini faaeletoroni, e mafai ona toe gaosia ai po o faaalua ai i le tasi (1) po o le sili atu (po o le tuufaatasiga o le tasi (1) po o le sili atu) o foliga vaaia, faamatalaga tusitusia, faailoilo, faamatalaga, po o upu;

“faasilasilaga faalauaitele” o lona uiga:

(a) o se faasilasilaga po o se lomiga faasalalau i totonu o le Savali, *Kaseti* po o so o se isi lava lomiga faasalalau aloaia a le Malo;

(b) se faasilasilaga ua lomua i totonu o so o se ituaiga o auala tau faasalalauga e pei o leitio, televise po o nusipepa; ma

(c) afai e lomua faasalalau se faasilasilaga i luga o se tuatusi faainitaneti lea o lo o maua ai le avanoa saoloto o tagata lautele, e aofia ai o lena faasilasilaga.

“Galuega a le Malo” e i ai lona uiga i totonu o le fuaiupu 20 o le Tulafono o Galuega a le Malo 2004;

“toe faaleleia” o sipili, o lona uiga o le faamamaina e ala i le faiga o le toe faaliu ausaina;

- “tagata e faaaogāina ua faamauina” o lona uiga o se tagata e toatasi ua faamauina i lalo o le Vaega 12, ua avea o se tagata e faaaogāina le faiga faakomepiuta e faagasolo ai pepa tusia a le Tiute;
- “Resitara” o lona uiga o le tagata ua tofia i lea tulaga i lalo o le fuaiupu 300;
- “Lala Sooupu e Tali Atu” o lona uiga o le Lala Sooupu e Tali Atu ua faavaeina e le fuaiupu 11 o le Tulafono o Faafoega o Faalavelave Matuia ma Faalavelave Tutupu Faafuasei 2007;
- “Komiti Faatino o Tupe Maua” o lona uiga o le Komiti Faatino o Tupe Maua a le Atunuu, ua faavaeina i lalo o le Tulafono o le Pulega o Tupe a le Malo 2001;
- “Galuega Tau le Tiute a Samoa” o lona uiga o le Vaega o le Tiute o le Matagaluega mo Tupe Maua, e aofia ai le Galuega Tau le Tiute a Samoa ua faavaeina e le fuaiupu 4;
- “faamalumaluga” o lona uiga o so o se faamalumaluga mo le totogiina o le tiute e tatau ona totogi i lalo o lenei Tulafono, e aofia ai so o se tupe totogi faaopoopo ua faatupulaia e le Tiute i le faafoeina o le faamalumaluga;
- “vaa” o lona uiga o se vaa ua faaaogāina i folauga, ae le o se vaa e faatoa unaia e toe taualo, ma e aofia ai se vaalele faapepepepe po o se vaa mauulu;
- “uta oloa” po o “ia aveina atu i vaa” e aofia ai le utaina po o le utaina i totonu o se vaalele;
- “sipili”:
- (a) o lona uiga o le alakaholo e tele ai le gao, e tusa lava pe ua liua lona natura pe leai foi; ma
 - (b) e aofia ai meainu tau sipili, e pei o le meainu malosia gaosia mai le uaina, sini, meainu gaosi mai le tolo (rum), voka, uisiki, ma so o se faamatalaga o ava malosia tau sipili e maua mai le alakaholo e tele ai le gao (ethyl alcohol).
- “Faasologa o Tiute” o lona uiga o le Faamatalaga 1 o le Tulafono o le Faasologa o Tiute 1975;
- “tapaa” e aofia ai sika, sikareti, ma tapaa pauta e sinifi;
- “olua e le i tiuteina” o lona uiga o oloa ia ua tatau ona totogi ai se tiute ma ua oo ina tatau ona totogi ae le i totogiina;

“faailoga faapitoa e iloagofie ai lē e faaaogāina” o lona uiga o se faailoga e iloagofie lē e faaaogāina, mo le faaaogāina e le tagata o faaaogāina ua resitalaina, i totonu o se faiga faakomepiuta o faagaoioia ai pepa tusia;

“auina ese atu faasolitulafono” o lona uiga o le auina ese atu ua solia ai lenei Tulafono po o so o se isi lava tulafono;

“faaulufaleina mai faasolitulafono” o lona uiga o le faaulufaleina mai ua solia ai lenei Tulafono po o so o se isi lava tulafono;

“taavale” o lona uiga o se fausaga e feaveai ai ni mea mo le faaaogāina i luga o le lauelele, e tusa lava pe mafai ona faaaogāina i po o i luga o le vai, pe leai foi;

“aso faigaluega” o lona uiga o se aso o le vaiaso, e ese mai ai i lo se Aso Toonai, Aso Sa, po o se aso malolo mo tagata uma.

(2) I totonu o le parakalafa (c)(ii) o le faamatalaga o le upu “gaosia” i totonu o le faafuaiupu (1), “gaoioiga faaopoopo”, mo le gaosiina o oloa ua faamaotiina mo le faamoemoe o lenei faafuaiupu i totonu o le Tulafono o le Faasologa o Lafoga o Oloa Gaosia i Totonu o le Atunuu 1984, ia e le o se tapaa po o se suauu, o lona uiga o so o se tasi (1) po o le sili atu o gaoioiga nei:

(a) le faamamaina o oloa, o le faaitiitia o le malosi i le suavai faaopoopo i oloa, po o le faafefiloaina o oloa ma isi oloa (e tusa lava po o isi oloa e tutusa ma, tai foliga i ai, po o e ese mai, o oloa);

(b) fafaoina o oloa mo le uluai taimi i totonu o se pusa oloa (mo se faataitaiga, o se ato, paelo, fagu, apa tuu vaiinu, paelo pia, kalone, po o se paelo laitiiti) lea e ono mafai ona tuuina atu, po o mai ia mea e mafai ona tufatufaina atu ai, mo le faatau atu i tagata lautele, po o so o se sui o le atunuu;

(c) tusia o igoa faapipii po o le makaina, mo le taimi muamua, pusa oloa ua faatumuina i oloa.

3. Faaaogāina-(1) O lenei Tulafono e faaaogā i le Atunuu ma le Malo, e aofia ai:

- (a) se Matagaluega a le Malo, ofisa po o se lala sooupu;
- (b) o se tofiga po o se tagata e faatinoina tiute ma matafaioi aloaia a le Malo;
- (c) o se faalapotopotoga a le Malo ua faamaotiina i lalo o le Tulafono o le Pulega o Tupe a le Malo 2001 po o le Tulafono o Faalapotopotoga a le Malo (Galuega Faatino ma le mafai ona tali atu) 2001;
- (d) o se pulega faaetulafono po o se faalapotopotoga ua tuufaatasia faaetulafono;
- (e) se tagata o galue i totonu o se faalapotopotoga ua faamaotiina i lalo o parakalafa (a) e oo i le (d).

(2) O lenei Tulafono e faalautele atu i le sone faapitoa o Samoa mo faamoemoega o le faamamaluina.

(3) O lenei Tulafono ma Tulafono ua faatulagaina atu i totonu o le faafuaiupu (4):

- (a) e tagofia ai o lea lava mataupu autu; ma
- (b) i lea tulaga, e ao ona faitauina ma faauigaina faatasi o le tasi ma le isi;
- (c) e ao ona faasinomia i le aotelega o “Tulafono o le Tiute”.

(4) O Tulafono ia e faaaogā i ai le faafuaiupu (3) o:

- (a) le Tulafono o le Ava 2011 (mo le faaulufaleina mai ma le gaosiina o le ava malosi);
- (b) le Tulafono o le Faasologa o Tiute 1975;
- (c) le Tulafono o Lafoga o Oloa e Gaosi i le Atunuu (Pulega i totonu o le Atunuu) 1984;
- (d) le Tulafono o Lafoga o Oloa Gaosi i le Atunuu (Pulea o Oloa Faaulufale Mai) 1984;
- (e) le Tulafono o Fua Faatatau o Lafoga o oloa e gaosia i le atunuu 1984;
- (f) le Tulafono o Lafoga o Oloa ma Galuega Faatino e Faia i Luga o Aofaiga o Tau 1992/1993;
- (g) Vaega 2 o le Tulafono o Puipuiga e taofia ai le ofi mai ma le salalau o faamai (Puipuigamalu mai meaola faalafua ma faamai) 2005;

- (h) so o se isi lava Tulafono ua faatonuina;
- (i) so o se tulafono laitiiti ua faia i lalo o Tulafono ua lisiina atu i totonu o parakalafa (a) e oo i le (g).

VAEGA 2 PULEAINA

4. Auaunaga Tau le Tiute a Samoa-(1) O le Auaunaga Tau le Tiute a Samoa ua faavaeina i lalo o le Tulafono o le Ofisa o Tiute 1977 ua soloia, e faaaauau pea e peiseai ua faavaeina i lalo o lenei Tulafono.

(2) O le Ofisa Sili o Pulega:

- (a) o le Pule Sili o le Tiute o le Ofisa o Tiute; ma
- (b) i lea tulaga, o ia foi o se tagata ofisa o le Tiute.

(3) E mafai e le Pule Sili o le Tiute, i se faiga tusingusia ona tofia tagata ofisa po o isi tagata faigaluega o le Matagaluega e avea ma tagata ofisa o le Tiute mo faamoemoega o lenei Tulafono.

5. Tagata faatagaina-(1) E mafai e le Pule Sili o le Tiute, i se faiga tusingusia, (e aofia ai se pepa faatumu faaeletoroni) ona faatagaina so o se tagata talafeagai e agavaa ma ua aoaoina lelei, e ese mai ai i lo se tagata ofisa o le Tiute, o ia lea o se tagata ofisa o le tiute po o se isi Matagaluega po o se lala sooupu a le Malo po o so o se isi lava tagata, ina ia tauaveina o so o se galuega tauave po o malosiaga o se tagata ofisa o le Tiute i lalo o lenei Tulafono po o se isi tulafono.

(2) O le faatagaga e ao ona taua ai:

- (a) le galuega tauave po o malosiaga ua faatagaina; ma
- (b) le vaitaimi o le faatagaga e oo atu i le tolu (3) tausaga.

(3) O le tagata faatagaina:

- (a) e faatatauina mo faamoemoega o lenei Tulafono (e ese mai ai i lo le fuaiupu 2, o lenei faafuaiupu, ma fuaiupu 7, 58 ma le 208) e avea o se tagata ofisa o le Tiute, pe a tauaveina le galuega tauave ma malosiaga ua faatagaina; ma

(b) e ao ona faaoo atu i le Pule Sili o le Tiute so o se mea po o se pepa aloaia ua mauaina e le tagata faatagaina i lalo o le faatagaga.

(4) E mafai e le Pule Sili o le Tiute:

(a) ona faalautele atu o se faatagaga mo se isi vaitaimi e oo atu i le tolu (3) tausaga; po o

(b) le faalēaogāina o se faatagaga i luga o so o se tasi o mafuaaga nei -

(i) lē atoatoa o le malosia o le tino, faatalale i tiute, po o se amioga lē pulea; po o

(ii) na talosagaina le Pule Sili o le Tiute i se faiga tusitusia, e le tagata galue fua ua faatulagaina, ina ia faalēaogāina le faatagaga; po o

(iii) so o se isi lava mafuaaga, pe afai, i le manatu o le Pule Sili o le Tiute, o le faatagaga ua lē toe talafeagai ai.

(5) I totonu o lenei fuaiupu, “tagata talafeagai ua agavaa ma aoaoina lelei” o lona uiga o se tagata ofisa po o se tagata faigaluega o le Matagaluega, o ia lea, e le o se tagata ofisa o le Tiute na tofia po o se tagata ofisa po o se tagata faafaigaluega o se isi Matagaluega po o so o se isi lava tagata.

6. Tuuina atu o malosia e le Pule Sili o le Tiute-(1)

E mafai e le Pule Sili o le Tiute ona tuuina atu i so o se tagata, so o se galuega tauave po o malosia o le Pule Sili o le Tiute i lalo o lenei Tulafono po o so o se isi lava tulafono.

(2) E mafai e se tagata, o ia lea ua tuuina atu i ai so o se galuega tauave po o se malosia i lalo o le faafuaiupu (1), i le i ai faatasi ma le uluai faamaoniga a le Pule Sili o le Tiute, ona toe tuuina atu o so o se galuega tauave po o malosia na tuuina atu, i so o se isi tagata.

(3) E mafai e se tagata ua tuuina atu i ai malosia, ona tauaveina o galuega tauave ma malosia tuuina atu, i lea lava faiga tutusa ma e i ai faatasi ma tulaga tutusa e aloaia, e peiseai ai sa faaeina atu o na galuega tauave ma malosia i se faiga tuusao, e lenei Tulafono ae le o se malosia tuuina atu.

- (4) O le tuuina atu o malosiaga:
- (a) e mafai ona noatia i so o se aiaiga lautele po o ni aiaiga faapitoa e faaee atu e le Pule Sili o le Tiute; ma
 - (b) e tatau ona faia i se faiga tusitusia; ma
 - (c) e tatau ona tuuina atu mo se vaitaimi maoti peitai e mafai ona faalēaogāina; ma
 - (d) e lē aafia pe taofia ai le faatinoga o so o se galuega tauave po o malosiaga e le Pule Sili o le Tiute; ma
 - (e) e lē aafia ai le matafaioi a le Pule Sili o le Tiute mo gaoioiga a le tagata na tuuina atu i ai malosiaga.
- (5) I totonu o lenei fuaiupu:
- “tagata ua tuuina atu i ai malosiaga” o lona uiga o se tagata o ia lea ua tuuina atu i ai po o ua toe tuuina atu i ai so o se galuega tauave po o malosiaga i lalo o lenei fuaiupu;
- “tuuina atu o malosiaga” o lona uiga o se tuuina atu o malosiaga po o le toe tuuina atu o malosiaga, ua faia i lalo o lenei fuaiupu.

7. Pepa e iloagofie-(1) E tatau i le Pule Sili o le Tiute ona tuuina atu o se pepa e iloagofie ai po o isi faiga e faailoagofie ai, i tagata ofisa taitoatasi o le tiute ma so o se tagata faatagaina, e ese mai ai i se leoleo.

(2) I le faatinoga o so o se malosiaga i lalo o lenei Tulafono, e tatau i se tagata ofisa o le Tiute po o se tagata ofisa ua faatagaina, i luga o se talosaga, ona tuuina atu le pepa e iloagofie ai po o isi faiga e faailoagofie ai, mo le asiasia.

(3) E tatau i se tagata, o ia lea ua faamutaina ona avea ma tagata ofisa o le Tiute po o se tagata faatagaina, i se taimi vave lava e mafai ai, ona faafoi atu le pepa e iloagofie ai po o isi faiga e faailoagofie ai, i le Pule Sili o le Tiute.

8. Fu’a a le Ofisa o Tiute - O le fu’a a le Ofisa o Tiute, o le fu’a lea a Samoa, faatasi ai ma le faaopoopoga i le fu’a o upu “Auaunaga Tau le Tiute a Samoa” i mataitusi matamata tetele.

9. Faamaufaailoga a le Ofisa o Tiute - O le faamaufaailoga a le Ofisa o Tiute, o le Tagavai a Samoa, o i ai upu “Ofisa o Tiute a Samoa”, o lo o lioina ai le Tagavai.

VAEGA 3
NOFOAGA TAU LE TIUTE MA
NOFOAGA E PULEA E LE TIUTE

Vaevaega 1 - Nofoga tau le Tiute

10. Nofoga tau le Tiute-(1) E mafai e le Pule Sili o le Tiute:

- (a) e ala i se faasilasilaga i le Savali, ona atofaina se taulaga e avea o se taulaga tau le Tiute po o se malae vaalele e avea o se malae vaalele tau le Tiute;
- (b) ona faaee atu ni aiaiga po o ni tapulaa i luga o so o se taulaga tau le Tiute ma so o se malae vaalele tau le Tiute ua maea ona faaalua manino.

(2) O taulaga tau le Tiute ma malae vaalele tau le Tiute ua taua o nofoaga tau le Tiute i se tuufaatasiga.

(3) A o le i faatinoina o so o se malosiaga i lalo o lenei fuaiupu, e ao i le Pule Sili o le Tiute ona feutagai ma:

- (a) le Ofisa Sili o Pulega o le Matagaluega o Galuega, Felauaiga ma Atinae Eseeese;
- (b) le Ofisa Sili o Pulega o le Matagaluega a le Palemia ma le Kapeneta; ma
- (c) le Ofisa Sili o Pulega o le Matagaluega o Faatoaga ma Faiga Faiva;
- (d) ma so o se isi lava tagata ua faatonuina.

(4) O le malosiaga o le Pule Sili o le Tiute i lalo o lenei fuaiupu, e aofia ai:

- (a) le malosiaga e teuteu ai, taofia lē tumau pe faalēaogāina le tautinoga;
- (b) le malosiaga e teuteu ai, taofia lē tumau pe faalēaogāina so o se aiaiga po o ni tapulaa;
- (c) le malosiaga e faaee atu ai ni aiaiga fou po o ni tapulaa fou.

Vaevaega 2 - Nofoga e pulea e le Tiute

11. Nofoga e pulea e le Tiute - I le noatia ma le fai fuafua i so o se tuusaunoaga ua faatonuina ma i le fuaiupu 12(4), e lē mafai ona faaaogāina o se nofoaga mo so o se tasi o faamoemoega nei, seia vagana ua laiseneina le nofoaga e avea ma nofoaga e pulea e le Tiute:

- (a) le gaosia o oloa ua faamaotiina mo le faamoemoe o lenei parakalafa i totonu o le Tulafono o Lafoga o Oloa e Gaosi i le Atunuu (Pulega i totonu o le Atunuu) 1984 ma le Tulafono o Lafoga o Oloa Gaosi i le Atunuu (Pulea o Oloa Faaulufale Mai) 1984; po o
- (b) le teuina, tausia, po o le puipugamalu o oloa faaulufale mai po o oloa gaosi i le atunuu e aunoa ma le totogiina o tiute i luga o oloa, a o talia le auina ese atu o na oloa; po o
- (c) le umia mo se taimi lē tumau o oloa faaulufale mai mo faamoemoega o oloa po o le suesueina o na oloa i lalo o le fuaiupu 174 (e aofia ai le umia o oloa a o talia ai le suesueina o ia oloa); po o
- (d) le ulufafo po o le ulufale atu i totonu, po o le faagaoioia o taualumaga o se tagata ua taunuu mai i totonu o po o ua tuuvaa ese atu mai Samoa; po o
- (e) le faagaoioia o taualumaga o se vaalele ua taunuu mai i totonu o po o e tuuvaa ese atu mai Samoa po o le utaina i luga po o le laueseina o se uta i luga o po o mai sea vaalele; po o
- (f) so o se isi lava faamoemoe ua faatonuina.

12. Malosiaga e tuuina atu ai laisene-(1) E mafai e le Pule Sili o le Tiute ona:

- (a) faamatuu atu se laisene o se Nofoga e Pulea e le Tiute mo se nofoaga, i le noatia ma le fai fuafua i aiaiga po o tapulaa ma le totogiina o so o se totogifuapauina faaletausaga ua faatonuina mo laisene o Nofoga e Pulea e le Tiute; po o
- (b) le teena o le talosaga.

(2) O le laisene mo Nofoga e Pulea e le Tiute e tatau ona taua ai:

- (a) le nofoaga ua laiseneina; ma
- (b) le igoa o le tagata e fai le laisene; ma
- (c) so o se faamoemoe i lalo o le fuaiupu 11 lea o lo o ua laiseneina ai le nofoaga.

(3) E mafai e le Pule Sili o le Tiute, e ala i se faatonuga ona teena se talosaga ina ia laisene o se nofoaga e avea ma nofoaga e pulea e le Tiute, pe afai ua faamalieina le Pule Sili o le Tiute e faapea, e lē tatau ona laiseneina o lena nofoaga i sea tulaga talu ai ona:

- (a) e le o se itu e manuia ai tagata lautele; ma
- (b) e lē mafai ona faatinoina po o e lē talafeagai ona laiseneina le nofoaga.

(4) O le faatonuga i lalo o le faafuaiupu (3):

- (a) e mafai ona aofia ai le pisinisi atoa po o sona vaega o faatinoina i totonu o le nofoaga; ma
- (b) e tatau ona tuusaunoa le nofoaga mai fuaiupu ua faamaotiina o lenei Tulafono.

(5) E tatau i le Pule Sili o le Tiute, e ala i se faasilasilaga tusitusia, ona logoina le tagata talosaga i so o se faaiuga po o se faatonuga i lalo o lenei fuaiupu.

(6) O se tagata talosaga, o ia lea ua lē malie i se faaiuga po o se faatonuga a le Pule Sili o le Tiute i lalo o lenei fuaiupu, e mafai, i totonu o le 20 aso faigaluega, i le tuanai ai o le aso na tuuina atu ai le faasilasilaga o le faaiuga, ona talosaga tetee i le Pulega o Talosaga a le Tiute, e faasaga i lenei faaiuga.

13. Talosaga mo laisene-(1) O se talosaga mo se nofoaga ina ia laiseneina e avea ma nofoaga e pulea e le Tiute:

- (a) e mafai ona faia e lē e ona po o lē o nofoia le, po o se tagata o lo o galue i totonu o, le nofoaga; ma
- (b) e tatau ona faia i totonu o le pepa faatumu ua faamaonia; ma
- (c) e tatau ona aofia ai so o se isi lava faamatalaga faapitoa ua faamaonia.

(2) E mafai e le Pule Sili o le Tiute ona talosaga nisi faamatalaga mai se tagata talosaga, pe afai e manatu le Pule Sili o le Tiute e faapea, o le faamatalaga e talafeagai i le talosaga.

(3) E mafai, e se tagata talosaga i so o se taimi, a o le i faia o se faaiuga a le Pule Sili o le Tiute i le talosaga, ona fautuaina le Pule Sili o le Tiute, i so o se suiga lea e manao le tagata talosaga ina ia faia i le talosaga.

14. Suiga po o le faalēaogāina o aiaiga-(1) E mafai e le Pule Sili o le Tiute, e ala i se faasilasilaga tusitusia ona:

- (a) suia, taofia lē tumau pe faalēaogāina ni tuutuuga, aiaiga po o ni tapulaa o le laisene mo se Nofoaga e Pulea e le Tiute; po o
- (b) faalēaogāina o tuutuuga, aiaiga, po o tapulaa ma faaee atu o tuutuuga, aiaiga po o tapulaa fou o le laisene o le Nofoaga e Pulea e le Tiute.

(2) E mafai e se tagata e fai le laisene mo se Nofoaga e Pulea e le Tiute, o ia lea ua lē malie i se faaiuga a le Pule Sili o le Tiute i lalo o lenei fuaiupu, i totonu o le 20 aso faigaluega i le tuanai ai o le aso na tuuina atu ai le faasilasilaga o le faaiuga, ona talosaga tetee i le Pulega o Talosaga a le Tiute, e faasaga i lena faaiuga.

15. Faalēaogāina po o le taofia lē tumau o laisene-(1) E mafai e le Pule Sili o le Tiute ona taofia lē tumau pe faalēaogāina se laisene mo se Nofoaga e Pulea e le Tiute, pe afai:

- (a) ua solia se tuutuuga, aiaiga, po o se tapulaa o le laisene; po o
- (b) ua faamutaina le faaaogāina o se nofoaga ua laiseneina, mo so o se faamoemoe ua faamatalaina i totonu o le fuaiupu 11(a) e oo i le (f); po o
- (c) ua faamutaina le avea o le tagata e fai le laisene ma lē e ona po o lē o nofoia le, po o se tagata o galue i totonu o, le nofoaga ua laiseneina; po o
- (d) ua manatu le Pule Sili o le Tiute e faapea, o le tagata e i ai le laisene, ua le o se tagata e toe agavaa ma talafeagai ona umia o se laisene; po o
- (e) e le i totogiina lava o so o se totogifuapauina faaletausaga ua tataua ona totogi.

(2) E tatau i le Pule Sili o le Tiute ona muai tuuina atu i le tagata e fai le laisene o se faasilasilaga tusitusia o le faamoemoe ina ia faalēaogā pe taofia lē tumau le laisene mo se Nofoga e Pulea e le Tiute, seia vagana ai ua manatu le Pule Sili o le Tiute e faapea, o lo o i ai se mafuaaga lelei e lē tatau ai ona tuuina atu o se faasilasilaga tusitusia o lea faamoemoe.

(3) E tatau i le Pule Sili o le Tiute, i se faiga tusitusia, ona logoina le tagata e fai le laisene, e tusa ai ma le faalēaogāina po o le taofia lē tumau o le laisene mo se Nofoga e Pulea e le Tiute.

(4) E mafai, e se tagata e fai se laisene mo se Nofoga e Pulea e le Tiute, o ia lea ua lē malie i se faaiuga a le Pule Sili o le Tiute, i lalo o lenei fuaiupu, i totonu o le 20 aso faigaluega, i le tuanai ai o le aso na tuuina atu ai le faasilasilaga o le faaiuga, ona talosaga tetee i le Pulega o Talosaga a le Tiute, e faasaga i le faaiuga.

16. Toe faafoi o laisene - E mafai e se tagata e fai le laisene mo se Nofoga e Pulea e le Tiute ona toe faafoi le laisene mo se Nofoga e Pulea e le Tiute, e ala i le tuuina atu o se faasilasilaga tusitusia i le masina e tasi (1), i le Pule Sili o le Tiute.

17. Tapunia o Nofoga e pulea e le Tiute - Afai o se laisene i se Nofoga e Pulea e le Tiute ua taofia lē tumau, faalēaogāina, po o ua toe faafoi, o le tiute ua tatau ona totogi ma ia totogiina atu mo oloa uma o i totonu o lena nofoaga, ia ua noatia po o sa noatia i le vaavaaiga a le Tiute, i lea lava taimi a o lumanai ai le taofiga lē tumau, faalēaogāina, po o le toe faafoi atu, seia vagana ai ua faatagaina e le Pule Sili o le Tiute, oloa ina ia aveeseina atu i se isi Nofoga e pulea e le Tiute po o le auina ese atu.

18. E lē aafia noataga e ala i le faamutaina ona galue ai o se tagata e i ai le laisene - O matafaioi ma noataga i lalo o lenei Tulafono, a se tagata e fai le laisene mo se Nofoga e Pulea e le Tiute, mo so o se mea ua faia po o ua lē faia e le tagata e fai le laisene a o laiseneina o ia, e lē aafia, talu ai ona o le tulaga moni e faapea:

(a) ua faamutaina le tagata e fai le laisene e galue ai faapena; po o

- (b) o le laisene ua toe faafoi, po o ua taofia lē tumau po o ua faalēaogāina.

19. O mea eseese e faatino ai auaunaga tau le Tiute i totonu o Nofoga e pulea e le Tiute-(1) E tatau i se tagata e fai le laisene mo Nofoga e Pulea e le Tiute, e aunoa ma so o se tofogi e faaee atu i le Tiute, ona saunia ma tausia so o se vaega e faagaoioia ai galuega, apitaga, mea e faatino ai auaunaga, fale, meafaigaluega ma fale e teu ai oloa, e pei ona fuafuaina e le Pule Sili o le Tiute, o lo o ua alagatatau lava ma talafeagai mo le tauaveina o galuega faatino ma matafaioi a le Tiute, e aofia ai so o se vaega o nofoaga e faatino ai galuega, i totonu o se nofoaga e pulea e le Tiute, pe afai o lena vaega o nofoaga e faatino ai galuega o lo o faaaogāina mo:

- (a) tualumaga faagasolo o tagata e taunuu mai i totonu o po o ua faimalaga ese atu mai Samoa; po o
- (b) le tualumaga faagasolo o vaalele e taunuu mai po o le a faimalaga ese atu mai Samoa; po o
- (c) le tualumaga faagasolo o mea e lafoina i le meli ua taunuu mai i totonu o po o o le a auina ese atu mai Samoa; po o
- (d) le tualumaga faagasolo o uta a vaalele e taunuu mai i totonu o po o o le a auina ese atu mai Samoa; po o
- (e) apitaga, mea e faatino ai auaunaga, fale, fale e teu ai oloa ma nofoaga e pakaina ai taavale o faaaogāina e tagata faigaluega a le Tiute mo faamoemoega e pei ona taua i luga.
- (2) E tatau i se tagata e fai le laisene mo se Nofoga e Pulea e le Tiute ona:
- (a) teuina oloa i le noatia ma le fai fuafua i le vaavaaiga a le Tiute i se faiga ma i totonu o se nofoaga e pei ona faatonuina e le Pule Sili o le Tiute; ma
- (b) ia fautuaina i se faiga tusitusia e le Tiute, o se faaiuga i lalo o le faafuaiupu (1) po o se faatonuga i lalo o le parakalafa (a).
- (3) O se tagata e fai le laisene mo se Nofoga e Pulea e le Tiute, o ia lea ua lē fiafia i se faaiuga i lalo o le faafuaiupu (1) po o se faatonuga i lalo o le faafuaiupu (2)(a) e mafai, i totonu o le 20 aso faigaluega, i le tuanai ai o le aso na tuuina

atu ai le faasilasilaga o le faaiuga po o le faatonuga, ona talosaga tetee i le Pulega o Talosaga a le Tiute, e faasaga i lena faaiuga po o le faatonuga.

20. Tau faaee atu mo le teuina o oloa - E lē tatau, i se tagata e fai le laisene mo se Nofoaga e Pulea e le Tiute, ona faaee atu so o se tau faaee atu mo le taliaina po o le teuina o so o se oloa faaulufale mai, i totonu o se nofoaga e pulea e le Tiute, i le noatia ma le fai fuafua i so o se tulaga aliae mai ma mo so o se taimi ua faatonuina.

VAEGA 4
TAUNUU MAI MA LE TUUVAA ESE
ATU O OLOA, TAGATA MA VAALELE

Vaevaega 1 - Oloa ma vaalele

21. O oloa e noatia i le vaavaaiga a le Tiute-(1) O oloa e noatia i le vaavaaiga a le Tiute:

- (a) mo oloa ua faaulufale mai, mai le taimi na faaulufaleina mai ai seia oo i le taimi na aveeseina ai faaletulafono oloa mo le faaaogāina i totonu o le atunuu po o le auina ese atu mai se nofoaga e pulea e le Tiute; po o
- (b) mo oloa ua aveesea faaletulafono mai se nofoaga e pulea e le Tiute i lalo o se pemita ua i ai ni aiaiga ua faamatuu atu i lalo o le fuaiupu 72(1)(c), seia vagana o so o se taimi ua faamalieina ai le Pule Sili o le Tiute e faapea, o aiaiga o le pemita ua faamalieina; po o
- (c) mo oloa o le a auina ese atu (e tusa lava pe o i lalo o tupe toe faafoi na totogi pe leai foi) ma o lo o i ai i totonu o se pusa lea sa faaaogāina i ai le faamaufaailoga a le Tiute, mai le taimi na uluai faaaogāina i ai le faamaufaailoga a le Tiute, i le taimi na auina ese atu o oloa i se nofoaga i fafo atu o Samoa; po o
- (d) mo oloa o le a auina ese atu (e tusa lava pe o i lalo o tupe toe faafoi na totogi pe leai foi) i lalo o se fuafuaga a le Tiute ua faamaonia mo oloa auina ese atu ua malupuipuia, mai le taimi muamua na faatoa malupuipuia ai oloa

i totonu o se pusa a le Tiute ua faamaonia ai le malupuipua seia oo i le taimi e auina ese atu ai oloa i se nofoaga i fafo atu o Samoa; po o

(e) mo oloa o le a auina ese atu i lalo o se tupe toe faafoi na totogiina mai i le a lava le tulaga e muamua atu o taimi nei ua taua, seia oo i le taimi e auina ese atu ai oloa i se nofoaga i fafo atu o Samoa -

(i) o le taimi o le talosaga mo le tupe toe faafoi na totogiina; po o

(ii) le taimi na aumai ai oloa i se nofoaga e pulea e le Tiute (e tusa lava pe na felauai atu oloa mulimuli ane pe leai foi mai lena nofoaga i se isi nofoaga o so o se ituaiga, ma, pe afai na faapea ona felauai oloa, a o faagasolo le felauaiga); po o

(f) mo oloa o le a auina ese atu i se isi faiga e ese ai na i lo lalo o se tupe toe faafoi na totogiina, mai le taimi ina ua aumai oloa i se nofoaga e pulea e le Tiute, mo le auina ese atu seia oo i le taimi e auina ese atu ai i se nofoaga i fafo atu o Samoa; po o

(g) mo oloa o lo o i luga o se vaalele, pei ona faamatalaina i le fuaiupu 153(1), i taimi uma o lo o faapea ona i ai le vaalele i totonu o Samoa;

(h) mo oloa ua gaosia i totonu o se nofoaga e pulea e le Tiute, mai le taimi na gaosia ai seia oo i le taimi e aveesea ai faaletulafono mo le faaaogāina i totonu o le atunuu, mai se nofoaga e pulea e le Tiute, po o ua auina ese atu oloa i se nofoaga i fafo atu o Samoa, po o le a lava le tulaga e muamua ona tulai mai; po o

(i) mo oloa a lē e ona po o lo o umia e se tagata malaga o faimalaga i se pepa malaga faava o malo, po o se sui o se auvaa faava o malo o ia lea o lo o faaaogāina malaga i le ea po o le sami mo se vaega i totonu o le atunuu po o se

tagata malaga i totonu o le atunuu, o ia lea o lo o fai malaga i le ea po o le sami mo se vaega i totonu o le atunuu, o ia oloa -

(i) e aumai i totonu o se nofoaga e pulea e le Tiute, lea ua laiseneina mo le aveeseina mai, auina ese atu, po o le faagasologa o tagata e taunuu mai i totonu o po o le faimalaga ese atu mai Samoa;

(ii) taliaina e ala i le aveina e se kamupani vaalele po o se kamupani vaa, ina ua maea ona feaveai i le vaega tau lotoifale o le atunuu, ua aveeseina atu faaletulafono oloa mai se nofoaga e pulea e le Tiute ua laiseneina mo le aveeseina mai, auina ese atu, po o le faagasologa o tagata e taunuu mai i totonu po o e tuua Samoa;

(j) mo uta i totonu o le atunuu (e le o oloa ia o lo o faaaogā i ai le parakalafa (i)), mai le taimi na aumai ai oloa i totonu o se nofoaga e pulea e le Tiute, lea o lo o i ai i totonu o se nofoaga tau le Tiute, seia oo i le taimi e aveesea ai faaletulafono oloa mai lena po o so o sea lava nofoaga e pulea e le Tiute.

(2) Mo faamoemoega o le faafuaiupu (1), o oloa ua aveesea mai se nofoaga e pulea e le Tiute i se isi nofoaga e pulea e le Tiute, e lē aveesea mo le faaaogāina i totonu o aiga.

22. Faasilasilaga o le taunuu mai, ma isi tulaga faapena-(1) E tatau i se tagata o lo o pulea se vaalele, lea o lo o uia Samoa mai se nofoaga i fafo atu o Samoa, seia vagana ai ua faamaonia e le Pule Sili o le Tiute:

(a) ona tuuina atu i le Tiute, i se pepa faatumu ma se faiga (mo se faataitaiga, i totonu o se pepa ma se faiga faaeletoroni) e pei ona mafai ona faamaonia i se faiga tusitusia e le Pule Sili o le Tiute (i se tulaga lautele po o mo se mataupu po o ni mataupu faapitoa) o se faasilasilaga ua faamaonia le tuuina mai muamua, o le tasi (1) po o le sili atu o mataupu nei ua taua e faapea -

(i) le talia o le taunuu mai o le vaalele;

(ii) o lana faiga malaga;

- (iii) o ana pasese;
 - (iv) o lona auvaa;
 - (v) o ana uta e tuu i Samoa (e tusa lava po o uta oloa faapisinisi pe e le o ni uta oloa faapisinisi);
 - (vi) o lana uta oloa faapisinisi e le o faamoemoe e tuu i Samoa;
 - (vii) le nofoaga tau le Tiute lea o le a taunuu i ai le vaalele; ma
- (b) i le taunuu mai i totonu o Samoa, ia faagasolo sao loa i lona nofoaga tau le Tiute, seia vagana ai ua faatonuina i se isi nofoaga e se tagata ofisa o le Tiute.

(2) E mafai e lē e ona po o le tagata o faatautaia le vaalele ua faasinomia i totonu o le faafuaiupu (1), po o le sooupu a lē e ona po o le sooupu a le tagata o faatautaia le vaalele, ona tuuina atu le faamatalaga ua faasinomia i totonu o le faafuaiupu (1)(a) i le Tiute e avea ai ma sui o le tagata o pulea le vaalele.

23. Manaoga e tali atu ai i fesili-(1) O lenei fuaiupu e faaaogā i so o se tasi o itu nei:

- (a) se vaalele ua taunuu mai i totonu o Samoa mai se nofoaga i fafo atu o Samoa;
- (b) se vaalele ua tuuvaa ese atu mai Samoa mo se nofoaga i fafo atu o Samoa;
- (c) se vaalele o lo o i totonu o Samoa ma o lo o aveina se uta faava o malo po o auvaa faava o malo po o so o se pasese faava o malo, e tusa lava foi pe o lo o aveina e le vaalele se uta o oloa i totonu o le lotoifale o le atunuu pe leai foi;
- (d) so o se isi lava vaalele lea o lo o i totonu o Samoa ma o lo o ua i ai i se tagata ofisa o le Tiute, se mafuaaga talafeagai, e masalomia ai, le i ai, po o le a ono tulai mai, le aafia i le faia ai o se soligatulafono e faasaga i lenei Tulafono po o le faaulufaleina mai po o le auina ese atu o so o se oloa e totogi le tiute, oloa e lē totogiina se tiute, oloa faasaina, po o oloa ua taofia e lē toe faafoia.

(2) O le tagata o lo o pulea se, o lē e ona le, so o se sui o le auvaa o, ma so o se pasese i luga o se vaalele, lea e faaaogāina i ai lenei fuaiupu, e tatau ona:

(a) tali i so o se fesili e fesiligia ai e se tagata ofisa o le Tiute, e faatatau i le vaalele ma lana faiga malaga ma so o se tagata po o oloa ia o lo o po o sa faapea ona aveina e le vaalele; ma

(b) i lea lava taimi, pe a talosagaina e so o se tagata ofisa o le Tiute ina ia tuuina atu so o se pepa aloaia o lo o umiaina po o o lo o faafoeina e lena tagata, e faatatau i so o se tasi o na mataupu.

(3) O se tagata o lo o taua i totonu o le fuaiupu 160(1) e tatau ona:

(a) tali so o se fesili e fesiligia ai e se tagata ofisa o le Tiute i lalo o le fuaiupu 162; ma

(b) ia tuuina atu so o se pepa aloaia o lo o umia po o faafoeina e le tagata, lea ua tapa faamalosi e se tagata ofisa o le Tiute i lalo o le fuaiupu 163.

24. O le aumaia i totonu o vaa-(1) E tatau i le aliivaa po o le tagata o lo o pulea se vaa ua taunuu mai i totonu o Samoa, pe afai e faatonuina e se tagata ofisa o le Tiute ina ia faapea ona fai:

(a) taofi ma aumai le vaa i mo le ulufale atu i totonu; ma

(b) ia faamautinoa o lo o tu pea le vaa seia vagana ua faatonuina e se tagata ofisa o le Tiute e faapea ua mafai ona faagasolo le vaa.

(2) E tatau i le vaa o lo o aveina ai le tagata ofisa po o tagata ofisa o le Tiute, ona faailoagofie o le vaalele o se vaalele a le Malo.

(3) E tatau i le aliivaa po o le tagata o puleaina se vaa, ona faafaigofie, i auala talafeagai uma, le ulufale atu o tagata ofisa o le Tiute i totonu o le vaa.

(4) E tatau i le aliivaa o se vaa i totonu o Samoa, pe afai e faapea ona faatonuina e so o se tagata ofisa o le Tiute o lo o galue i le pule faataga a le Pule Sili o le Tiute, ona taulamua e faapea, ia tuua loa Samoa i le taimi lava lea.

(5) E tatau i se tagata ofisa o le Tiute, o ia lea ua fuafua e tuuina atu o se faatonuga i lalo o le faafuaiupu (4), ona feutagai ma le Pule Sili o le Tiute po o se tagata ua faatagaina e le Pule Sili o le Tiute.

25. Ia taunuu vaalele i nofoaga ua atofaina e le Tiute-(1) I le noatia ma le fai fuafua i fuaiupu 22 ma le 26, o le tagata o puleaina se vaalele:

(a) lea e taunuu mai i totonu o Samoa i se faiga malaga mai se nofoaga i fafo atu o Samoa;

(b) lea o lo o aveina -

(i) ni tagata na aumai i totonu o lena vaalele po o so o se isi lava vaalele mai se nofoaga i fafo atu o Samoa; po o

(ii) oloa o lo o noatia i le vaavaaiga a le Tiute na aumai i totonu o lena vaalele po o so o se isi lava vaalele mai se nofoaga i fafo atu o Samoa,

e tatau ona faamautinoa le tulaueleele o le vaalele, taulaina, po o le taunuu mai i se isi faiga e ese ai, i le na o se nofoaga tau le Tiute, lea, e mo se vaalele o lo o faaaogā i ai le fuaiupu 22, e tatau lava ona taunuu i le nofoaga tau le Tiute ua atofaina e lena tagata i lalo o lena fuaiupu.

(2) I le taunuu ai i le nofoaga tau le Tiute ua atofaina po o le nofoaga e pulea e le Tiute i totonu o lena nofoaga, ma, seia vagana ai ua faia o se lipoti e tuuina mai i lalo o le fuaiupu 27, e lē mafai e se tagata ona tuua pe ulufale i luga o le vaalele, vagana ua faatagaina ina ia faapea ona fai, e se tagata ofisa o le Tiute.

26. Vaalele e taunuu mai i se nofoaga e ese ai i lo nofoaga ua atofaina e le Tiute-(1) O le fuaiupu e 25 e lē faaaogāina i se vaalele:

(a) lea e manaomia po o ua faamalositia ina ia tauina, tulaueleele, taulaina, po o e taunuu i se isi faiga e ese ai i se nofoaga e ese mai ai i lo se nofoaga tau le Tiute ua atofaina i lalo o le fuaiupu 22(1)(a), pe afai o le taunuu mai o lena vaalele -

(i) e manaomia e ala i so o se manaoga faaletulafono po o isi manaoga e faatatau i folauga i le ea; po o

(ii) ua faamalosiā i tulaga o faalavelave faafuasei, o le louloua o le tau, po o isi mafuaaga ua tata ai; po o

(b) lea ua faatagaina e le Pule Sili o le Tiute ina ia tauina, tulaueleele, taulaina, po o le taunuu i se isi faiga e ese ai i se nofoaga e ese mai ai i lo se nofoaga tau le Tiute.

(2) O se faatagaga ua tuuina atu i lalo o le faafuaiupu (1)(b) e mafai ona faamatuu atu i le noatia ma le fai fuafua i so o se aiaiga ua manatu le Pule Sili o le Tiute ua talafeagai ai, e aofia ai aiaiga e uiga i pasese ma oloa ia e mafai ona aveina i luga o le vaalele.

(3) E lē mafai e le Pule Sili o le Tiute ona faamatuu atu o se faatagaga i lalo o le faafuaiupu (1)(b) e aunoa ma le feutagai ma le Ofisa Sili o Pulega o Matagaluega nei:

(a) o le Matagaluega o Faatoaga ma Faiga Faiva; ma

(b) le Matagaluega o Mataupu Tau le Va i Fafu ma Fefaatauaiga; ma

(c) le Matagaluega o le Soifua Maloloina; ma

(d) Galuega Tau Leoleo a Samoa; ma

(e) pe afai o le faatagaga ua fuafuaina e faatatau i se vaalele, o le Pulega o le Malae Vaalele; ma

(f) pe afai o le faatagaga ua fuafuaina e faatatau i se vaa, o le Pulega o Taulaga; ma

(g) so o se isi Matagaluega po o se lala soupupu a le Malo, o ana galuega e mafai, i le manatu o le Pule Sili o le Tiute, ona aafia e ala i le faamatuuina atu o se faatagaga i lalo o le faafuaiupu (1)(b).

(4) Afai o so o se vaalele ua tauina, tulaueleele, taulaina, po o ua taunuu i se isi faiga e ese ai i se nofoaga e ese mai ai i lo se nofoaga tau le Tiute, ona o se mafuaaga o se faatagaga i lalo o le faafuaiupu (1)(b):

(a) e mafai ona faatinoina o ia lava malosiaga tutusa, i lalo o lenei Tulafono, e faasino i lenei vaalele, e peiseai ai o lea vaalele sa taunuu i se Nofoaga Tau le Tiute i lalo o le Vaega 3, ma e faaaogā i ai ia lava noataga tutusa; ma

(b) e mafai ona faatinoina o ia lava malosiaga tutusa i lalo o lenei Tulafono e faasino i tagata ma oloa i luga o lenei vaalele, e peiseai ai o na tagata po o oloa sa i ai i totonu o se nofoaga

e pulea e le Tiute, ina ua mavae le taunuu o le vaalele i lalo o le Vaega 3, ma e faaaogā i ai o ia lava noataga tutusa.

(5) O le tagata o lo o puleaina le vaalele:

(a) e tatau ona vave lipoti atu i se tagata ofisa o le Tiute po o se leoleo; ma

(b) e lē tatau, e aunoa ma le maliega a se tagata ofisa o le Tiute, ona faatagaina o so o se oloa o lo o tauaveina i totonu o le vaalele, ina ia lau ese mai le vaalele, pe alu ese atu so o se tasi o le auvaa po o pasese, mai le mea o lo o i ai le vaalele; ma

(c) e tatau ona tausisi i so o se faatonuga e tuuina atu e se tagata ofisa o le Tiute, e tusa ai ma so o se oloa, auvaa po o pasese o lo o aveina i totonu o le vaalele.

(6) I le noatia ma le fai fuafua i le fuaiupu 68(a), e lē mafai e se sui o le auvaa ma se pasese i luga o le vaalele, e aunoa ma le maliega a se tagata ofisa o le Tiute ona:

(a) laueseina oloa mai le vaalele; po o

(b) le tuua o le mea o i ai le vaalele,

ma e tatau ona tausisi i so o se faatonuga e tuuina atu e se tagata ofisa o le Tiute.

(7) Afai ua faatonuina se vaalele e se tagata ofisa o le Tiute i lalo o le fuaiupu 24(1)(b) ina ia taunuu i se nofoaga e ese mai ai i lo le nofoaga tau le Tiute ua atofaina i lalo o le fuaiupu 24(1)(a), e lē mafai e se tagata ona tuua le, pe ulufale atu i luga o le vaalele, seia vagana ua faatagaina ina ia faapea ona fai, e se tagata ofisa o le Tiute.

27. Lipoti agai mai i totonu-(1) Ae vagana ai o se vaalele ua tuusaunoaina e le Pule Sili o le Tiute, o lenei fuaiupu e faaaogā i se vaalele:

(a) lea e taunuu mai i totonu o Samoa i se faiga malaga mai se nofoaga i fafo atu o Samoa; po o

(b) o lo o tauaveina -

(i) ni tagata; po o

(ii) ni oloa e noatia i le vaavaaiga a le Tiute,

na aumai i totonu o lena vaalele po o so o se isi lava vaalele mai se nofoaga i fafo atu o Samoa.

(2) I le taunuu ai i se nofoaga tau le Tiute o se vaalele, lea e faaaogā i ai lenei fuaiupu, o le tagata o pulea po o lē e ona le vaalele e tatau ona ia:

(a) faaoo atu i le Tiute i totonu o sea taimi po o taimi e pei ona mafai ona faamaonia, o se lipoti e agai mai i totonu, i sea pepa faatumu ma le faiga, ma ia aofia ai o ia faamatalaga faapitoa ua faamaonia i se tautinoga e pei ona mafai ona faamaonia, ma ia tuuina atu faatasi ma ni pepa aloaia e lagolagoina ai, e pei ona manaomia e le Pule Sili o le Tiute; ma

(b) ia tausisi i so o se faatonuga tau le Tiute e tusa ai ma le faagaioioiga o le vaalele i totonu o le nofoaga tau le Tiute, ma i le itu foi i le laueseina o oloa po o le ulufafo ese mai o le auvaa po o pasese mai le vaalele.

(3) O faamatalaga faapitoa ma pepa aloaia e lagolago ai o lo o taua i totonu o le faafuaiupu (2)(a) e lē manaomia ona aofia ai faamatalaga ia ua maea ona faaoo atu i le Tiute, i so o se pepa faatumu ma le faiga ua faamaonia i se faiga tusitusia e le Pule Sili o le Tiute, i lalo o le fuaiupu 22(1)(a) po o i se isi faiga e ese ai.

Vaevaega 2 - O le taunuu mai o tagata

28. Ia lipoti atu tagata e taunuu mai i Samoa, i se tagata ofisa o le Tiute po o se ofisa o Leoleo-(1) Ae vagana ai ua manaomia i se isi faiga e ese ai, i lalo o so o se aiaiga o lenei Tulafono, e tatau i se tagata e taunuu mai i totonu o Samoa, i lona toai taunuu, ona lipoti atu i se tagata ofisa o le Tiute po o se ofisa o Leoleo, i se taimi vave lava.

(2) O se tagata, o ia lea ua lipoti atu i se tagata ofisa o le Tiute po o i se ofisa o Leoleo, i lalo o le faafuaiupu (1), e tatau ona i ai pea i le nofoaga lea na lipoti atu i ai le tagata mo so o se taimi talafeagai e pei ona mafai ona manaomia ai e le Tiute, mo faamoemoega ina ia mafai ai e so o se tagata ofisa o le Tiute ona faatino, e tusa ai o lona tagata, so o se malosiaga i lalo o lenei Tulafono.

29. O le ulufafo mai vaalele-(1) I le noatia ma le fai fuafua i tuusaunoaga ua faatonuina, o se tagata o ia lea o lo o i luga o se vaalele lea ua taunuu mai i totonu o Samoa mai se nofoaga i fafo atu o Samoa, e tatau ona tausisi i so o se faatonuga tau le Tiute e uiga i le ulufalo mai le vaalele.

(2) Mo faamoemoega o lenei fuaiupu, o se faatonuga tau le Tiute, e aofia ai se faatonuga na tuuina atu e se tagata e pulea le vaalele po o e se sui o le auvaa, mai se faatonuga a se tagata ofisa o le Tiute.

(3) I le noatia ma le fai fuafua i tuusaunoaga ua faatonuina, o se tagata, o ia lea ua ulufafo mai se vaalele, lea e faaaogā i ai o lenei fuaiupu, e tatau, seia vagana ai ua faatonuina e le Tiute i se isi faiga e ese ai:

(a) ona alu atu i se nofoaga e pulea e le Tiute; ma

(b) ia i ai pea i ina mo so o se taimi talafeagai e pei ona manaomia e le Tiute, mo faamoemoega ina ia mafai ai e so o se tagata ofisa o le Tiute ona faatino, e tusa ai ma lena tagata, o so o se malosiaga i lalo o lenei Tulafono.

30. Ia tuuina atu ato malaga-(1) I le noatia ma le fai fuafua i tuusaunoaga ua faatonuina, o se tagata, o ia lea ua ulufafo mai se vaalele, lea sa taunuu mai i totonu o Samoa mai se nofoaga i fafo atu o Samoa po o se vaalele lea ua i ai i le si'ui o le malaga, i le vaega o le lotoifale o le atunuu, e tatau ona:

(a) faaavanoa o lana ato malaga o ia aumaia mo le suesueina e se tagata ofisa o le Tiute; ma

(b) ia tausisi o so o se faatonuga tau le Tiute e faatatau i le fegasoloaiga o ato malaga i totonu o le nofoaga tau le Tiute po o se nofoaga e pulea e le Tiute po o mai so o se vaalele i se nofoaga e pulea e le Tiute.

(2) O se tagata, o ia lea o lo o faagasoloa po o tagofia se ato malaga o taua i totonu o le faafuaiupu (1), e tatau ona tausisi i so o se faatonuga tau le Tiute e faasino i le feoaiga o ato malaga i totonu o le nofoaga tau le Tiute, po o se nofoaga e pulea e le Tiute po o mai so o se vaalele i se nofoaga e pulea e le Tiute.

Vaevaega 3 - O le fai malaga ese atu o tagata

31. Ia malaga ese atu tagata mai Samoa mai nofoaga tau le Tiute - I le noatia ma le fai fuafua i le fuaiupu 41, ma i so o se tuusaunoaga ua faatonuina po o seia vagana ua faatagaina i se isi faiga e ese ai e le Tiute, e lē tatau ona malaga ese atu se tagata mai Samoa, vagana ua malaga ese atu mai se nofoaga tau le Tiute.

32. Ulufale atu i totonu o vaalele - E tatau i se tagata ua sauni e ulufale atu i totonu o se vaalele mo le malaga ese atu mai Samoa, ona tausisi i so o se faatonuga tau le Tiute ua tuuina atu i le tagata, e uiga i le ulufale atu i luga o se vaalele.

33. Ia tuuina atu ato malaga mo fafo-(1) I le noatia ma le fai fuafua i so o se tuusaunoaga ua faatonuina, o se tagata, o ia lea ua taunuu i se nofoaga tau le Tiute po o se nofoaga e pulea e le Tiute, mo le ulufale atu i luga o se vaalele, lea ua faamoemoe e toai taunuu, i se nofoaga i fafo atu o Samoa, e tatau ona:

- (a) faaavanoa o lana ato malaga o lo o tauaveina mo le suesueina e se tagata ofisa o le Tiute; ma
- (b) tausisi i so o se faatonuga tau le Tiute e faasino i le feaveaiga o ato malaga i totonu o le nofoaga tau le Tiute po o se nofoaga e pulea e le Tiute po o mai se nofoaga e pulea e le Tiute, e agai atu i so o se vaalele.

(2) O se tagata, o ia lea o lo o feaveaiina po o o lo o tagofia ato malaga o lo o faasinomia i totonu o le faafuiauupu (1), e tatau ona tausisi i so o se faatonuga tau le Tiute i le feaveaiga o ato malaga i totonu o le nofoaga tau le Tiute, po o se nofoaga e pulea e le Tiute po o mai i se nofoaga e pulea e le Tiute, i so o se vaalele.

Vaevaega 4 - O nisi manaoga e faasino i tagata e taunuu mai i totonu o po o e malaga ese atu mai Samoa

34. E faasa le faaaogāina o masini tau fesootaiga faaeletoroni i nisi nofoaga-(1) O lenei fuaiupu e faaaogā i se nofoaga tau le Tiute po o se nofoaga e pulea e le Tiute, lea o lo o faaaogāina e tagata na taunuu mai i totonu o po o ua malaga ese atu mai Samoa.

(2) E mafai e se tagata ofisa o le Tiute ona faatuina o se faailoilo e faasaina ai, i totonu o se nofoaga po o se vaega o nofoaga lea e faasino tonu i ai lenei fuaiupu, le faaaogāina o so o se masini tau fesootaiga faaeletoroni ua faailoagofieina i luga o se faailoilo (e ala i upu, po o ata vaaia po o mea uma e lua).

(3) Afai ua faatuina o se faailoilo i totonu o se nofoaga i lalo o le faafuaiupu (2), e mafai e se tagata ofisa o le Tiute ona manaomia se tagata i totonu o lena nofoaga, ina ia aua nei faaaogāina, po o ia taofia le faaaogāina, o se masini tau fesootaiga faaeletoroni ua faailoagofieina i luga o le faailoilo.

(4) E tatau i se tagata ona tausisia o se manaoga a se tagata ofisa tau le Tiute i lalo o le faafuaiupu (3).

(5) I totonu o lenei fuaiupu, “masini tau fesootaiga faaeletoroni”, e aofia ai se masini tau fesootaiga faaeletoroni (vagana ai mo se masini lea o lo o faaaogāina e fesoasoani ai i tulaga o le lē atoatoa o le malosi) lea e mafai ona faatinoina o se tasi (1) po o le sili atu o gaoioiga nei:

- (a) faaooina atu o le leo;
- (b) galueaina faa-komepiuta o faamatalaga;
- (c) faagaoioiga e faapei o se telefoni;
- (d) fesootaiga i so o se isi lava auala e faaaogāina ai so o se tekonoosi (e aofia ai fesootaiga televavave, fesootaiga tau leitio, ma tekonoosi tau faasalalauga).

35. Faamaeaina o le faagasologa o tualumaga i lalo o tulafono o le ulufale mai ma tulafono tau le puipuiga mai meaola faalafua ma le salalau o faamai-(1) O lenei fuaiupu e faaaogā i se tagata i totonu o se nofoaga ua atofaina, o ia lea ua taunuu mai i totonu o Samoa po o ia lea ua malaga ese atu po o ua taumafai e malaga ese atu, mai Samoa.

(2) E tatau i le tagata ona i ai pea i le nofoaga ua atofaina, seia vagana ua maea le faagasologa o tualumaga, i lalo o le Tulafono o le Ulufale mai o Tagata 2004 ma, pe afai e talafeagai ai ona faaaogā, o le Tulafono o Puipuiga e taofia ai le ofi mai ma le salalau o faamai (Puipuigamalu mai meaola faalafua ma faamai) 2005, i le taunuu mai o lena tagata i totonu o po o le malaga ese atu mai Samoa.

(3) E mafai e se tagata ofisa o le Tiute ona faatonuina le tagata ina ia tausisia ana noataga i lalo o le faafuaiupu (2).

(4) O le faagasologa o tualumaga ua faasinomia i totonu o le faafuaiupu (2) e maea ina ua:

(a) tausisia e le tagata o noataga uma ua faaee atu ia te ia, e tusa ai ma lona taunuu mai i totonu o, po o le malaga ese atu mai Samoa, i lalo o le Tulafono o le Ulufale mai o Tagata 2004 ma pe afai e talafeagai ai ona faaaogā o le Tulafono o Puipuiga e taofia ai le ofi mai ma le salalau o faamai (Puipuigamalu mai meaola faalafua ma faamai) 2005; ma

(b) malosiaga ma tiute tauave i lalo o na Tulafono, ia o lo o manaomia ina ia faagaoioia pe faatino, e faasino i le tagata, i totonu o le nofoaga ua atofaina, i le a lava le tulaga e mafai ona faatinoina, sa faagaoioia pe sa faatinoina i totonu o lona nofoaga.

(5) I totonu o leni fuaiupu:

“tagata ofisa faatagaina” o lona uiga o se tagata ofisa faatagaina i lalo o le Tulafono o le Ulufale mai o Tagata 2004 po o le Tulafono o Puipuiga e taofia ai le ofi mai ma le salalau o faamai (Puipuigamalu mai meaola faalafua ma faamai) 2005;

“nofoaga atofaina” o lona uiga:

(a) o se nofoaga e pulea e le Tiute; po o

(b) se nofoaga tau le Tiute; po o

(c) se nofoaga ua faamaonia e le Pule Sili o le Tiute mo faamoemoega o -

(i) le taunuu mai o se vaalele i totonu o Samoa; po o

(ii) le malaga ese atu o se vaalele mai Samoa; po o

(d) se ofisa o Leoleo, lea e lipoti atu i ai se tagata, i lalo o le fuaiupu 28(1).

“faagasologa o tualumaga” e aofia ai:

(a) iloiloga e so o se tagata ofisa faatagaina, i le itu i le talafeagai ai ona faaaogā o malosiaga ma tiute tauave i lalo o le Tulafono o le Ulufale mai o Tagata 2004, po o le Tulafono o Puipuiga e taofia ai le ofi mai ma le salalau o faamai (Puipuigamalu mai meaola faalafua ma faamai) 2005; ma

- (b) le toe iloiloina e so o se tagata ofisa faatagaina, e tusa ai ma so o se faamatalaga, o se faagaoioiga po o se faatinoga talu ai o se malosiaga po o se tiute tauave i lalo o le Tulafono o le Ulufale mai o Tagata 2004 po o le Tulafono o Puipuiga e taofia ai le ofi mai ma le salalau o faamai (Puipuigamalu mai meaola faalafua ma faamai) 2005; ma
- (c) so o se taimi talafeagai i le maea ai o se talosaga a se tagata ofisa o le Tiute e faapea ua manatu, faagaoioi, po o ua faatino e se tagata ofisa faatagaina, o ia lea e le o i ai i le nofoaga ua atofaina, se malosiaga, po o se tiute faapitoa i lalo o le Tulafono o le Ulufale mai o Tagata 2004 po o le Tulafono o Puipuiga e taofia ai le ofi mai ma le salalau o faamai (Puipuigamalu mai meaola faalafua ma faamai) 2005 lea e -
 - (i) mafai, i le manatu o le tagata ofisa o le Tiute, ona faaaogāina i le tagata; ma
 - (ii) e lē mafai ona faagaoioia pe faatino, e se tagata ofisa faatagaina o i ai i le nofoaga atofaina, i le taimi o le talosaga; peitai
 - (iii) e mafai ona faagaoioia pe faatino e le tagata ofisa faatagaina, o ia lea ua faia i ai lena talosaga.

36. O mataupu e manaomia ai suesuega mo faamoemoega o le soifua maloloina o tagata po o le faamalosia o tulafono-(1) O lenei fuaiupu e faaaogā i se tagata o se nofoaga atofaina o ia lea na taunuu mai i totonu o Samoa po o le a malaga ese atu, po o ua taumafai e malaga ese atu, mai Samoa, pe afai e i ai mafuaaga talafeagai a se tagata ofisa o le Tiute, e masalomia ai e faapea o le tagata:

- (a) o lo o noatia i lalo o se tulafono, ina ia taofia, ona o se faamai pipisi, po o
- (b) o lo o noatia ina ia pueina faapagota i lalo o se tusi poloaiga na tuuina atu e se faamasinoga po o e so o se resitara; po o

- (c) o lo o taumafai e malaga ese mai Samoa po o i le taumafai e aveesea o se isi tagata mai Samoa, ua solia ai, po o o le a solia ai, se tulafono po o se poloaiga ua tuuina atu e se faamasinoga; po o
 - (d) o lo o noatia, ina ia molia mo se soligatulafono e faasalaina i le nofosala i le falepuipui; po o
 - (e) ua solia so o se tasi o tulafono nei -
 - (i) Tulafono o Puipuiga e taofia ai le ofi mai ma le salalau o faamai (Puipuigamalu mai meaola faalafua ma faamai) 2005;
 - (ii) Tulafono o Nakoti 1967;
 - (iii) so o se tulafono ua faatonuina, lea ua avea ma tulafono o lo o aofia ai o se soligatulafono, e aafia ai le ulufale mai faasolitulafono i totonu o Samoa, po o le aveese faasolitulafono mai Samoa, o se tagata, mataupu, po o se mea; po o
 - (f) o lo o lamatia ai, po o le faamatauina ina ia lamatia ai le ola, soifua maloloina, po o le saogalemu o se tagata po o se vaega o tagata.
- (2) E mafai e le tagata ofisa o le Tiute, ona faatonuina le tagata, ina ia i ai pea i le nofoaga atofaina, mo faamoemoega o le mauaina mai o le auai o, po o le faia o suesuega o, se isi tagata ofisa, o ia lea ua faatagaina, e tusa ai o se mataupu ua faamaotiina i totonu o le faafuaiupu (1), i le faia ai o le tasi (1) po o le sili atu o mea nei:
- (a) fesiligia le tagata;
 - (b) faamautinoa po o le fuafuaina o le tulaga o le tagata;
 - (c) taofia le tagata;
 - (d) pueina faapagota le tagata.
- (3) E tatau i le tagata ona tausisi i so o se faatonuga ua tuuina atu i lalo o lenei fuaiupu.
- (4) O se faatonuga i lalo o lenei fuaiupu e faamutaina ona aloaia, i le fa (4) itula talu ona tuuina atu.
- (5) I totonu o lenei fuaiupu:
- “o se isi tagata ofisa” o lona uiga:
- (a) o se leoleo; po o
 - (b) o se tagata ofisa o le faamasinoga e nafa mo le tautuaina po o le tauaveina o taualumaga a le faamasinoga; po o

(c) se tagata faigaluega a le Malo po o se isi tagata faigaluega po o se sooupu a se Matagaluega po o se lala sooupu a le Malo.

“nofoaga atofaina” o lona uiga:

(a) o se nofoaga e pulea e le Tiute; po o

(b) o se nofoaga tau le Tiute; po o

(c) o se nofoaga ua faamaonia e le Pule Sili o le Tiute, mo faamoemoega o -

(i) le taunuu mai o se vaalele i totonu o Samoa; po o

(ii) le malaga ese atu o se vaalele mai Samoa.

Vaevaega 5 - Malaga ese atu o se vaalele

37. Kiliaina o vaalele-(1) O se tagata o lo o pulea se vaalele lea, o lo o fuafua e taunuu i se nofoaga i fafo atu o Samoa, e lē mafai ona ia tuu atu lea vaalele ina ia malaga ese atu mai so o se nofoaga tau le Tiute, seia vagana ua mauaina e lena tagata se tusi faamaonia o le kilia i le pepa faatumu ua faamaonia.

(2) I le noatia ma le fai fuafua i so o se tuusaunoaga ua faatonuina, o se tagata o pulea se vaalele lea ua taunuu mai i Samoa mai se nofoaga i fafo atu o Samoa, e lē mafai ona ia tuu atu lena vaalele e malaga ese atu mai le nofoaga i Samoa, lea na taunuu muamua i ai, po o mai so o se nofoaga mulimuli ane na afea i totonu o Samoa, e aunoa ma le faatagaga a le Ofisa o Tiute ma e noatia i le tuuina atu i le Ofisa o Tiute o so o se pepa aloaia, lea e mafai ona manaomia e le Pule Sili o le Tiute, ma i so o se aiaiga ua faaee atu e le Pule Sili o le Tiute.

(3) E mafai e le Pule Sili o le Tiute ona tuusaunoa o se vaalele mai manaoga mo se tusi faamaonia o le kilia, i lalo o le faafuaiupu (1).

38. Tusi faamaonia o le kilia-(1) A o le i faamatuuina atu se tusi faamaonia o le kilia, i le tagata o pulea se vaalele, lea e faaaogā i ai le fuaiupu 37, e tataui i le tagata ona:

(a) faaoo atu i le Ofisa o Tiute, i totonu o so o se taimi po o taimi ua faatonuina, o se lipoti e agai atu i fafo, i le pepa faatumu ma le faiga ua faamaonia, lea o lo o aofia ai auiliiliga ua

taliaina ma ua faamaonia e ala i se tautinoga, ma o lo o tuuina atu faatasi ma so o se pepa aloaia e lagolagoina ai e pei ona manaomia e le Pule Sili o le Tiute; ma

(b) tali o so o se fesili e fesiligia ai e se tagata ofisa o le Tiute, e uiga i le vaalele ma lana pasese, lona auvaa, uta, oloa ma lana malaga po o le faiga malaga fuafuaina; ma

(c) tuuina atu so o se isi lava pepa aloaia e pei ona mafai ona manaomia e se tagata ofisa o le Tiute, e faatatau i le vaalele ma lana pasese, o lona auvaa, uta, oloa ma lana malaga po o le faiga malaga fuafuaina; ma

(d) tausisia o manaoga uma i totonu o lenei Tulafono po o so o se isi lava Tulafono, e uiga i le vaalele ma lana pasese, o lona auvaa, uta, oloa, ma lana malaga po o le faiga malaga fuafuaina.

(2) E mafai e le Pule Sili o le Tiute ona faamaonia e faapea, e lē tau tausisia e se tagata o pulea se vaalele, manaoga o le faafuaiupu (1).

39. O le ulufale atu i vaalele e malaga ese atu i fafo - E tatau, i se tagata o pulea se vaalele e malaga ese atu mai se nofoaga tau le Tiute, e tusa lava pe o le nofoaga e taunuu i ai le vaalele i se taimi vave, o se nofoaga i fafo atu o Samoa, pe leai foi, pe afai e manaomia e so o se tagata ofisa o le Tiute, ina ia faapea ona fai, i auala uma talafeagai, e faafaigofie ai le ulufale atu i ai o tagata ofisa o le Tiute.

40. Tuuina atu o tusi faamaonia o le kilia - E tatau i se tagata o pulea se vaalele, o ia lea na faamatuuina atu i ai o se tusi faamaonia o le kilia, pe a tapa faamalosi e se tagata ofisa o le Tiute, ona tuuina atu le tusi faamaonia o le kilia mo le suesueina e le tagata ofisa, ma tali so o se fesili lea e mafai ona fesiligia ai o ia, e uiga i le vaalele ma lana pasese, o lona auvaa, uta, oloa ma lana malaga po o le faiga malaga fuafuaina.

- 41. Ia na o se nofoaga tau le Tiute e malaga ese atu ai-**(1) I le noatia ma le fai fuafua i so o se tuusaunoaga ua faatonuina ma le faafuaiupu (2), vagana ua i ai faatasi ma le uluai faatagaga a le Pule Sili o le Tiute mo le malaga ese atu, o se tagata o pulea se vaalele, e lē tatau ona ia:
- (a) tuu atu lena vaalele ina ia malaga ese atu mo se nofoaga i fafo atu o Samoa mai se nofoaga i totonu o Samoa e ese mai ai i lo se nofoaga tau le Tiute; po o
 - (b) i le mauaina ai o se tusi faamaonia o le kilia mai se nofoaga tau le Tiute i totonu o Samoa e malaga ese ai mo so o se nofoaga i fafo atu o Samoa, ua mafua ai -
 - (i) ona lē malaga ese atu i lea lava taimi mai lea nofoaga;
 - (ii) ona lele ese atu i so o se isi lava nofoaga i totonu o Samoa.
- (2) E lē faaaogāina le faafuaiupu (1) i se vaalele:
- (a) lea e manaomia le tauina, tulaueleele, taulaina po o le toe foi atu i se isi faiga i se nofoaga i totonu o Samoa, lea e le o se nofoaga tau le Tiute, pe afai o lona toe foi atu -
 - (i) e manaomia e so o se manaoga faaletulafono, po o isi manaoga e fesootai ma folauga; po o
 - (ii) ua faamalosi ona o se faalavelave faafuasei, tulaga loulouā o le tau, po o isi itu ua alagatatau ai; po o
 - (b) ua faatagaina e malaga ese atu mo se nofoaga i fafo atu o Samoa mai se nofoaga i totonu o Samoa, e ese mai ai i lo se nofoaga tau le Tiute, e le Pule Sili o le Tiute.
- (3) O le fuaiupu 26(2) e oo i le (4) e faaaogā, faatasi ai ma suiga, i:
- (a) se faatagaga ua tuuina atu e le Pule Sili o le Tiute i lalo o le faafuaiupu (2)(b); ma
 - (b) so o se malaga ese atu mai se nofoaga i totonu o Samoa (e ese mai ai i lo se nofoaga tau le Tiute), e faalagolago i luga o le faatagaga.

42. Poloaiaga faa-Minisita i oloa mo vaalele - E mafai e le Minisita, i le faia i luga o le fautuaga a le Pule Sili o le Tiute, ona faia Poloaiaga e faatonuina ai:

- (a) vasega o oloa ia e, po o e lē avea ma oloa mo le faaaogāina e pasese ma auvaa po o le auunaga a le vaalele lea o le a malaga ese atu mai so o se nofoaga tau le Tiute; ma
- (b) aiaiga ia e mafai ai ona utaina o so o se oloa e aunoa ma se tiute po o, i lalo o tupe totogi toe faafoi o tiute; ma
- (c) aiaiga ia o lo o noatia ai o so o sea oloa i le tiute, ma le pepa faatumu ma le faiga e tatau ona tusia ai o na oloa.

VAEGA 5

AVANOA O LE TIUTE I MA LE FAAAOGĀINA O FAAMATALAGA E UIGA I OLOA, TAGATA MA VAALELE I TUAOI FESOPOAI

Vaevaega 1 - Tulaga Lautele

43. Faamatalaina o uiga o upu - I totonu o lenei Vaega: “oloa feaveai i tuaoi,” o lona uiga o oloa ua faamauina e se tagata o aafia i le feaveaina o oloa, tagata, po o se vaalele:

- (a) e faapea sa faaulufale mai i totonu, po o sa auina ese atu mai, Samoa; po o
- (b) e faapea ua faaulufale mai i totonu, po o ua auina ese atu mai, Samoa; po o
- (c) ua faamoemoe o le a faaulufale mai i totonu, po o le a auina ese atu mai, Samoa.

“tagata po o vaalele fesopoai i tuaoi” o lona uiga o se tagata (mo se faataitaiga, o se pasese, po o se sui o le auvaa o se vaalele) o ia lea po o se vaalele e faapea, ua faamauina e se tagata o aafia i le feaveaiina o oloa, tagata, po o se vaalele:

- (a) e faapea sa taunuu mai i totonu po o sa malaga ese atu mai Samoa; po o
- (b) e faapea ua taunuu mai i totonu, po o ua malaga ese atu mai Samoa; po o
- (c) e faapea ua faamoemoe e taunuu mai i totonu, po o le a malaga ese atu mai, Samoa.

“tagata e aafia i le feaveaiga o oloa, tagata, po o vaalele”
o lona uiga so o se tasi o i latou nei:

- (a) o lē e ona, po o se tagata o lo o aveina po o feaveaia oloa po o tagata, po o ia mea e lua, mai Samoa, i se nofoaga i fafo atu o Samoa, po o mai se nofoaga i fafo atu o Samoa, i Samoa, mo faamoemoega faapisinisi, po o le sooupu a lē e ona, po o se tagata faafoe o lea ituaiga;
- (b) o se tagata e faagaoioia malaga po o le sooupu a le tagata e faagaoioia malaga;
- (c) o lē e ona, tagata o nofoia, po o se tagata o faafoeina se nofoaga e pulea e le Tiute o faaogāina mo le faamoemoe ua faamaotiina i totonu o le fuaiupu 11(d) po o le (e);
- (d) se tagata o faafoeina se pisinisi lea o lo o tagofia ai, teu-pusaina, teuina, po o le felauaiga o oloa ia o le a felauai mai i Samoa i se nofoaga i fafo atu o Samoa;
- (e) so o se tagata po o so o se vasega o tagata, o aafia i so o se isi lava auala i le aveina, tauaaoina po o le felauaiga o oloa, po o tagata, po o mea uma e lua mai Samoa i se nofoaga i fafo atu o Samoa, po o mai se nofoaga i fafo atu o Samoa i Samoa, mo faamoemoega faapisinisi, o tagata ia po o vasega o tagata ia ua faamaonia mo faamoemoega o lenei parakalafa.

“tagata e faagaoioia malaga” o lona uiga o se tagata o ia lea, na te fuafuaina le tauaveina, tauaaoina, po o le felauaiga o oloa po o tagata, po o ia vaega uma e lua, mai Samoa i se nofoaga i fafo atu o Samoa po o mai se nofoaga i fafo atu o Samoa i Samoa, mo faamoemoega faapisinisi.

44. Faamoemoe-(1) O le faamoemoe o lenei Vaega, o le faafaigofieina lea:

- (a) o le tauaveina po o le faatinoga o malosiaga, galuega tauave, po o tiute tauave i lalo o lenei Tulafono;

- (b) o le taofiga, mauaina, suesuega, moliaga ma faasalaga o soligatulafono ia e, po o e faapea ana faia i totonu o Samoa, o le a avea ma -
 - (i) soligatulafono tau le Tiute o so o se ituaiga; po o
 - (ii) isi soligatulafono e faasalaina i le nofosala i le falepuipui;
 - (c) o le faagasologa o taualumaga o pasese faava o malo i le tuaoi, e pulega a le Malo;
 - (d) o le puipuiga o le tulaga malupuipua o tuaoi;
 - (e) o le puipuiga o le soifua maloloina ma le saogalemu o tagata o le atunuu.
- (2) I lena itu, o lenei Vaega:
- (a) e manaomia ai nisi tagata e aafia i le feaveaiina o oloa, tagata po o vaalele, e tuu atu i ai i le Tiute o avanoa i nisi faamatalaga e uiga i oloa feaveai i tuaoi, tagata ma vaalele; ma
 - (b) pulea le faaaogāina o lena faamatalaga e le Tiute.

Vaevaega 2 - Avanoa i faamatalaga

45. Tagata e faaaogā i ai le fuaiupu 46 po o le 47 - O le fuaiupu e 46 po o le 47, e faatoa faaaogā lava i se tagata, pe afai o le tagata:

- (a) o se tagata o lo o aafia i le feaveaiina o oloa, tagata po o se vaalele; ma
- (b) sa manaomia e le Pule Sili o le Tiute e ala i se faasilasilaga tusitusia ina ia tausisia o lena fuaiupu i luga ma i le tuanai ai o se aso ua faamaotiina i totonu o le faasilasilaga tusitusia.

Vaevaega 3 - Faamatalaga e tatau ona tuuina atu i ai le avanoa e mauaina ai

46. Faamatalaga e uiga i vaalele e sopoia tuaoi-(1) E tatau i se tagata o ia lea e faaaogā i ai o lenei fuaiupu, ona tuuina atu i le Tiute o avanoa, i luga ma i le tuanai ai o le aso ua faamaotiina i le faasilasilaga ua faasinomia i totonu o le fuaiupu 45(b), i faamatalaga:

- (a) o le ituaiga ua faamaotiina i totonu o le faafuaiupu (2); ma

- (b) o lo o umia e le tagata (tusa lava po o i totonu o Samoa po o i atunuu i fafo) po o ua i ai le avanoa i, e uiga i so o se vaalele e sopoia tuaoi.
- (2) O faamatalaga ua taua i totonu o le faafuaiupu (1)(a), o faamatalaga e uiga i:
 - (a) le vaalele o sopoia tuaoi;
 - (b) o mea o lo o ia aveina po o felauaia;
 - (c) o lana faiga malaga i po o mai Samoa; ma
 - (d) o lona taunuu mai i, po o lona malaga ese atu mai, Samoa, e tusa lava pe o lena faiga malaga po o le taunuu mai po o le malaga ese atu sa tulai mai, ua faatulai mai po o o le a tulai mai.
- (3) O lea faamatalaga e mafai ona aofia ai, peitai e lē faatapulaaina i, faamatalaga nei e uiga i le vaalele e sopoia tuaoi:
 - (a) pe afai o le vaalele o lo o aveina po o felauaia oloa -
 - (i) o faamatalaga auiliili o le utaina ma le laueseina;
 - (ii) faamatalaga auiliili o le teuina o oloa; ma
 - (iii) faamaumauga o oloa; ma
 - (b) pe afai o le vaalele o lo o aveina po o fealauaia tagata -
 - (i) le aofai o tagata i luga o le vaalele (tusa lava pe o pasese, po o le auvaa po o isi tagata); ma
 - (ii) le faatulagaga o nofoa, po o le faatulagaga o mea e nonofo ai i luga o le vaalele;
 - (iii) faamatalaga auiliili o le teuina o ato malaga; ma
 - (c) pe afai o le vaalele o lo o aveina po o felauaia oloa ma tagata, o faamatalaga i totonu o parakalafa (a) ma le (b).

47. Faamatalaga e uiga i tagata e sopoia tuaoi-(1) E tatau i se tagata, o ia lea e faaaogā i ai lenei fuaiupu, ona tuuina atu avanoa i le Tiute, i luga o ma i le tuanai ai o le aso ua faamaotiina i totonu o le faasilasilaga ua taua i le fuaiupu 45(b) i faamatalaga:

- (a) o le ituaiga ua faamaotiina i totonu o le faafuaiupu (2); ma
- (b) o lo o umia e le tagata (tusa lava po o i totonu o Samoa, po o i atunuu i fafo) po o ua maua le avanoa i, e uiga i so o se tagata e sopoia tuaoi.

(2) O le faamatalaga ua taua i totonu o le faafuaiupu (1) o le faamatalaga lea o lo o umia e le tagata, po o lea ua avanoa i ai le tagata, mo le faamoemoe o le faafaigofieina o le malaga a le tagata e sopoia tuaoi i, po o le malaga ese atu mai Samoa, e tusa lava pe o lona malaga po o le malaga ese atu, sa tulai mai, ua tulai mai, po o o le a tulai mai.

(3) O lona faamatalaga, e mafai ona aofia ai, peitai, e lē faatapulaaina i, so o se tasi o faamatalaga nei, e uiga i le tagata e sopoia tuaoi:

- (a) le igoa o le tagata, aso fanau, nuu na fanau ai, tagatanuu, alii po o le tamaitai ma faamatalaga o le tusi folau;
- (b) o auiliiliga o faamatalaga e fesootai atu i ai (e aofia ai le numera o le telefoni, tuatusi ma tuatusi imeli);
- (c) faamatalaga e iloagofie ai le vaalele lea sa malaga ai le tagata, o lo o malaga ai po o ua faamoemoe e malaga ai;
- (d) so o se aiaiga faapitoa po o ni fuafuaga ua faia e le tagata e uiga i lana malaga;
- (e) le ofisa sa faia ai lona avanoa e malaga ai;
- (f) le aso na faia ai e le tagata lona avanoa e malaga ai;
- (g) pe e i ai se ato malaga ua siakiina a le tagata.

48. O nisi aiaiga e uiga i le tuuina atu i le Tiute o avanoa i faamatalaga i lalo o le fuaiupu 46 po o le 47-(1) E tatau i se tagata, o ia lea e faaogā i ai le fuaiupu 46 po o le 47, ona tuuina atu i le Tiute, le avanoa i faamatalaga ua faasinomia i totonu o le fuaiupu 46 po o le 47, i le pepa faatumu ma le faiga ua faamaonia (mo se faataitaiga, i totonu o se pepa faatumu ma le faiga faaeletoroni).

(2) E mafai e le Pule Sili o le Tiute, e ala i se faasilasilaga tusitusia, i tulaga uma aliae mai ua faamaotiina po o so o se tulaga aliae mai ua faamaotiina, ona tuusaunoa se tagata, o ia lea e faaogā i ai le fuaiupu 46 po o le 47:

(a) mai le tausisia o nisi po o noataga uma a le tagata i lalo o lena fuaiupu; ma

(b) mai le tausisia o nisi po o noataga uma a le tagata, i lalo o le faafuaiupu (1).

(3) O le fuaiupu 46 po o le 47, e lē manaomia ai se tagata, o ia lea e faaaogā i ai le fuaiupu, ina ia tuuina atu i le Tiute o avanoa i faamatalaga o lo o umia e le tagata, po o lo o i ai le avanoa i, e uiga i se tagata faigaluega (mo se faataitaiga, e uiga i se sui o le auvaa o se vaalele), vagana ai o le faamatalaga, o se faamatalaga o se ituaiga o lo o faapea foi ona umia i se tulaga masani e le tagata, po o o ia lea e maua ai i se tulaga masani e le tagata o avanoa, e faasino i pasese.

*Vaevaega 4 - Faaaogāina o faamatalaga
ia e tatau ona tuuina atu ai avanoa*

49. Faafoega o lo o faaaogāina ai e le Tiute faamatalaga-(1) E mafai e le Tiute, e aunoa ma se tusi poloaiga, ona mataitu faamatalaga uma lea ua tuuina atu ai le avanoa, i lalo o le fuaiupu 46.

(2) Peitai, e mafai e le Tiute ona mataitu faamatalaga lea ua tuuina atu i ai le avanoa, i le na o le fuaiupu 47, e pei ona aiaia i totonu o le fuaiupu 50 e oo atu i le 53.

(3) O le fuaiupu 342 e faaaogā, i le aoina mai, faaaogāina ma le faailoaina atu e le Tiute, o faamatalaga ua mataitu i ai le Tiute, i lalo o lena fuaiupu po o le fuaiupu 50 e oo atu i le 53.

50. Faamatalaga e uiga i malaga i totonu o se vaitaimi e 28 aso-(1) O faamatalaga ia ua tuuina atu i ai le avanoa i lalo o le fuaiupu 47, e mafai ona mataituina e le Tiute, e aunoa ma se tusi poloaiga, pe afai o le faamatalaga e uiga i se malaga i totonu o le vaitaimi e 28 aso.

(2) E mafai e le Tiute, e aunoa ma se tusi poloaiga, ona sueina faamatalaga ia e mafai ona ia mataituina, i lalo o le faafuaiupu (1), e fuafuaina ai pe o lena faamatalaga, o aofia ai faamatalaga ia e talafeagai i le taijala faataatia tau suesuega ua faamaotiina e le Tiute.

(3) Ae peitai, afai o le faamatalaga ua mataituina, i lalo o le faafuaiupu (1), e mafai e le Tiute ona aoina mai, faaaogā ma faailoa atu lena faamatalaga i lalo o le fuaiupu 342,

e tusa lava pe o le faamatalaga na oo mai i le Tiute pe leai foi, e afua mai i se taunuuga o se suesuega.

(4) O malosiaga i lalo o lenei fuaiupu, i le mataituina po o i le suega, e mafai ona faatinoina i se mataupu faapitoa, e ui lava, i tulaga aliae mai o lena mataupu, o le faamoemoe o le mataituina po o le sueina o le a lē avea lea, po o e ono lē tulai mai ai se tulaga ua faaluafesasi pe afai o le mataituina po o le sueina sa faatuai seia vagana se tusi poloaiga i lalo o le fuaiupu 52, e mafai ona mauaina ina ia faatagaina o lea itu.

(5) Mo faamoemoega o lenei fuaiupu ma le fuaiupu 51, “faamatalaga e uiga i se malaga i totonu o se vaitaimi e 28 aso”, o lona uiga, o faamatalaga ia, i so o se taimi faapitoa lava, e fesootai i:

(a) le taunuu mai i po o le malaga ese atu mai, Samoa e faapea, e tusa ai ma faamatalaga -

(i) na tulai mai i totonu o le 14 aso a o lumanai ai o lena taimi; po o

(ii) ua tulai mai i lea taimi; po o

(iii) o le a tulai mai i totonu o le 14 aso pe a tuanai ai o lena taimi; po o

(b) i malaga ia, e tusa ai ma faamatalaga, sa tulai mai, ua tulai mai po o o le a tulai mai, e fesootai ma se taunuu mai po o le malaga ese atu o faasinomia i totonu o le parakalafa (a) -

(i) e tusa lava pe o lena malaga o se malaga i totonu o Samoa i se atunuu i fafo; ma

(ii) e tusa lava pe o lena malaga o se malaga na tulai mai, ua tulai mai, po o o le a tulai mai, a o lumanai po o i le tuanai ai o lena taunuu mai po o le malaga ese atu o lena ituaiga.

51. E mafai ona sueina faamatalaga e uiga i isi malaga mo faamatalaga e faasino i tagata malaga i totonu o le vaitaimi e 28 aso-(1) I totonu o lenei fuaiupu, “faamatalaga e uiga i isi malaga” o lona uiga o faamatalaga:

(a) lea ua tuuina atu i ai avanoa i lalo o le fuaiupu 47; ma

(b) e le o se faamatalaga e uiga i se malaga i totonu o le vaitaimi e 28 aso.

(2) O lenei fuaiupu e faaaogā i tulaga nei:

(a) o le Tiute, i le iloiloina o faamatalaga ua mataituina, i lalo o le fuaiupu 50, ua na maua o faamatalaga e uiga i le malaga i totonu o le vaitaimi e 28 aso, lea e fesootai i le taunuu mai po o le malaga ese atu, ma i malaga, e faia e se tagata;

(b) o manaoga o le Tiute -

(i) ia sueina faamatalaga e uiga i isi malaga, e fuafuaina ai pe o lo o aofia ai faamatalaga ia e fesootai i lena tagata; ma

(ii) ia mataituina so o se faamatalaga lea e fesootai i lena tagata ma ua maua, e tusa ai o se taunuuga o le suega.

(3) I lena tulaga, e mafai e le Tiute, e aunoa ma se tusi poloaiga:

(a) ona sueina faamatalaga e uiga i isi malaga e fuafuaina ai pe o lo o aofia ai faamatalaga e fesootai i le tagata; ma

(b) ia mataituina faamatalaga e tusa ai ma le faafuaiupu (5).

(4) Ae peitai, o le suega e faatoa mafai lava ona faatinoina pe afai e mafai ona faamaeaina i totonu o le 14 aso, i le tuanai ai ona taunuu mai po o le malaga ese atu, lea e faasino i ai faamatalaga e uiga i le malaga i totonu o le vaitaimi e 28 aso (silasila i le fuaiupu 50(5)(a)).

(5) E lē tatau i le Tiute ona silasila i faamatalaga e uiga i isi malaga ae vagana ai o lena faamatalaga e faasino i le tagata ma ua mauaina e tusa ma le taunuuga o le suega.

(6) O malosiaga i lalo o lenei fuaiupu e mataituina pe sueina ai, o lo o faatinoina i se mataupu faapitoa, e ui lava, i tulaga aliae mai o lena mataupu, o le faamoemoe o le mataituina po o le sueina, o le a lē avea lea ma, po o o le a lē ono avea lea ma tulaga e faaluafesasi ai pe afai o le mataituina po o le sueina sa faatuai, seia mafai ona mauaina o se tusi poloaiga i lalo o le fuaiupu 52, e faatagaina ai o lea itu.

52. Tusi poloaiga e sueina ma mataitu ai-(1) O lenei fuaiupu e faaaogā i so o se tasi o tulaga nei:

(a) ua manatu le Pule Sili o le Tiute, i le itu i faamatalaga o so o se ituaiga lea ua avanoa

i le Tiute, e faapea, o lo o i ai mafuaaga talafeagai e masalomia ai e faapea -

(i) o lo o i ai se tulaga lamatia po o se tau faamatau e tulai mai e talafeagai i le faamoemoe o taua i le fuaiupu 44(1); po o

(ii) o se soligatulafono talafeagai (e pei ona faamatalaina i le faafuaiupu (6)) sa faapea ona faia, ua faia, po o o le a faapea ona faia;

(b) o manaoga o le Tiute -

(i) ia sueina faamatalaga ia ua tuuina atu i ai le avanoa i lalo o le fuaiupu 47, e fuafuaina ai pe ia aofia ai faamatalaga e talafeagai i le taiala faataatia tau suesuega ua faamaotiina e le Tiute (lea ua avea ma taiala faataatia tau suesuega e alagatau ai ona fesootai i le faamatalaga ua avanoa i le Tiute, lea e faatulai mai ai o mafuaaga talafeagai e masalomia ai, e pei ona manaomia e le parakalafa (a)); ma

(ii) ia silasila i so o se faamatalaga lea e talafeagai i le taiala faataatia tau suesuega ua faamaotiina e le Tiute ma ua maua i se taunuuga o le suesuega;

(c) ua lē mafai ona faatautaia o le suega ma ua maea ona mataituina, i lalo o le fuaiupu 50 po o le 51, po o ua manatu le Tiute, o le a faatuatua ai ona faia o na mea, i lalo o le fuaiupu 50 po o le 51.

(2) I lea tulaga, e mafai e le Pule Sili o le Tiute, e ala i se talosaga tusitusia, ua faia i luga o se tautoga ona talosaga i se Faamasino mo se tusi poloaiga e sueina ma mataituina ai, e faatagaina ai:

(a) le faatinoina o le suega i totonu o le 14 aso, i le tuana'i ai o le aso lea na faamatau atu ai le tusi poloaiga (po o i totonu o so o se faaopoopoga o lena vaitaimi ua faamatau atu e se Faamasinio i luga o se talosaga tusitusia mo le faamoemoe na faia i totonu o lena vaitaimi); ma

(b) le mataituina e le Tiute i so o se faamatalaga lea e talafeagai i le taiala faataatia tau suesuega ua faamaotiina e le Tiute ma o lo o aofia ai

i totonu o faamatalaga ia ua tuuina atu ai le avanoa i lalo o le fuaiupu 47, peitai e lē mo nisi lava faamatalaga.

(3) O le talosaga e tatau ona tuuina mai ai o auiliiliga o mafuaaga talafeagai e masalomia ai, e pei ona manaomia e le faafuaiupu (1), o le faamatalaga e avanoa i le Tiute, lea e faatulai mai ai o na mafuaaga talafeagai ua masalomia ai, ma i le itu i le taiala faataatia tau suesuega ua faamaotiina e le Tiute, ma e tatau foi ona ia faailoa mai pe o le suega o le faapea ona faia mo vaega uma, po o mo na o se vaega ua faamaotiina po o ni vaega, o faamatalaga ia ua tuuina atu i ai le avanoa i lalo o le fuaiupu 47.

(4) I luga o se talosaga, i lalo o le faafuaiupu (2), e mafai e se Faamasino ona faamatuu atu o se tusi poloaiga e sueina ma mataituina ai, i totonu o le pepa faatumu ua faamaonia, peitai, seia vagana lava pe afai ua faamalieina o ia e faapea:

- (a) o mafuaaga talafeagai e masalomia ai, o manaomia e le faafuaiupu (1) o lo o i ai; ma
- (b) le taiala faataatia tau suesuega ua faamaotiina e le Tiute e talafeagai lelei ona fesootai i faamatalaga ua avanoa i le Tiute lea e faatulai mai ai o na mafuaaga talafeagai o masalomia ai.

(5) O le tusi poloaiga o le pule faataga lea ua atoatoa mo le faia o mea ua faamaotiina i totonu o le faafuaiupu (2)(a) ma le (b).

(6) I totonu o lenei fuaiupu ma le fuaiupu 53, “soligatulafono talafeagai” o lona uiga o se soigatulafono ua faamatalaina i totonu o le fuaiupu 44(1)(b), po o e talafeagai i le faamoemoe ua taua i totonu o le fuaiupu 44(1).

53. Sueina ma le mataituina e aunoa ma se tusi poloaiga i taimi o faalavelave tutupu faafuasei-(1) O lenei fuaiupu e faaogā i tulaga nei:

- (a) le tulaga ua faamaotiina i totonu o le fuaiupu 52(1);
- (b) ua manatu le Pule Sili o le Tiute e faapea, afai o le a ia talosaga i se Faamasino mo se tusi poloaiga e sueina ma mataituina ai, i lalo o le fuaiupu 52, o le a faapea ona faamatuu mai e le Faamasino le tusi poloaiga;

(c) ua manatu foi le Pule Sili o le Tiute e faapea, o le faatuai o se suega ma so o se tulaga mataitu e mulimuli ane ai, seia vagana ua mafai ona maua o se tusi poloaiga e sueina ma mataituina ai, i lalo o le fuaiupu 52, o le a tulai mai ai o se lamatiaga moni e faapea -

(i) o le tetee atu i le tulaga lamatia po o se tau faamatau ua faasinomia i totonu o le fuaiupu 52(1)(a)(i), o le a avea ma itu e faaluafesasi ai; po o

(ii) o le puipuiga, mauaina, suesuega, moliaga, po o se faasalaga o se soligatulafono talafeagai, o le a avea ma itu e faaluafesasi ai.

(2) I se tulaga ua taua i le faafuaiupu (1), e mafai e le Pule Sili o le Tiute, i le leai ai o se isi pule faataga e ese mai ai i lo lenei fuaiupu, ona i ai o mea ua faamaotiina i totonu o le fuaiupu 52(2)(a) ma le (b) ua faia, e peiseai o le faia o na mea sa faatagaina i se tusi poloaiga o le sueina ma le mataituina i lalo o le fuaiupu 52(4).

(3) Ae peitai, afai e galue le Pule Sili o le Tiute i lalo o le faafuaiupu (2), e tatau ia te ia i totonu o le lima (5) aso faigaluega, ona talosaga i lalo o le fuaiupu 52(2), mo se tusi poloaiga e sueina ma mataituina ai, e faasino i le mataupu.

54. Tausalumaga pe afai e le o faatagaina le mataituina o faamatalaga-(1) O lenei fuaiupu e faaaogā i tulaga uma nei e lua ua taua:

(a) o le vaitaimi e lima (5) aso faigaluega ua taua i le fuaiupu 53(3) ua faamutaina ma e le i faia e le Pule Sili o le Tiute le talosaga o manaomia e lena faafuaiupu;

(b) ua faia o le talosaga o manaomia e le fuaiupu 53(3) peitai, i le tali atu i ai, po o le leai o se tusi poloaiga ua faamatuu atu i lalo o le fuaiupu 52(4), po o ua faamatuu atu o se tusi poloaiga i lalo o le fuaiupu 52(4) o faatagaina ai le faia na o nisi o mea na faia, i le agaga faatuatuaina o le fuaiupu 53(2).

(2) I se tulaga lea e faaaogāina ai le faafuaiupu (1) o mea ua faia i se tulaga faatuatuaina o le fuaiupu 53(2) e tatau, i le tulaga e faapea, o le faia o na mea e le i faatagaina i se tusi poloaiga na faamatuu mai i lalo o le fuaiupu 52(4),

ona tagofia mo na o faamoemoega lava o le tetee atu i le tulaga lamatia po o se tau faamatau o taua i le fuaiupu 52(1)(a)(i) po o i le puipuia, mauaina, suesuega, moliaga, po o se faasalaga o le soligatulafono talafeagai, e peiseai sa faia o ia mea e aunoa ma le pule faataga a le fuaiupu 53, po o se tusi poloaiga na faamatuu atu i lalo o le fuaiupu 52(4).

(3) I se tulaga o lo o faaogāina i ai le faafuaiupu (1):

(a) e tatau i le Tiute ona faatamaia loa lava i lea taimi o faamatalaga na ia mataituina i luga o le tulaga faatuatuaina o le fuaiupu 53(2) ma na ia aoina mo se faamoemoe ua faamaotiina i totonu o le fuaiupu 328, pe afai o le mataituina o lena faamatalaga e le i faatagaina e se tusi poloaiga na faamatuu atu i lalo o le fuaiupu 52(4); ma

(b) e tatau i isi tagata po o faalapotopotoga ona faatamaia loa lava i se taimi vave o faamatalaga na mataituina e le Tiute i luga o le tulaga faatuatuaina o le fuaiupu 53(2) ma na ia faailoaina atu i isi tagata po o faalapotopotoga mo se faamoemoe ua faamaotiina i le fuaiupu 328(2) ma aoina e isi tagata po o faalapotopotoga, pe afai o le mataituina o lena faamatalaga e le o faatagaina e se tusi poloaiga e tuuina atu i lalo o le fuaiupu 52(4).

55. Malupuipuia o talosaga mo tusi poloaiga-(1) E tatau i le Resitara, i le taimi lava lea ua faia ai e le Faamasino o se faaiuga i se talosaga i lalo o le fuaiupu 52(2), ona teuina o pepa aloaia uma e faasino i le talosaga (vagana ai le tusi poloaiga lava ia) i totonu o se pusa, ma faamauina le pusa, ma, a maea lea, ona teuina lea o le pusa i se tulaga e malupuipuia lelei, seia vagana ai e pei ona aiaia i totonu o lena fuaiupu.

(2) E ui lava i so o se tulafono po o le pulega o tulafono po o tulafono e puipui ai le Faamasinoga, e agavaa ai se vaega auai i taualumaga e tapa faamalosi ai le tuuina atu o pepa aloaia, o se vaega auai o lena ituaiga e le agavaa e tapa faamalosi le tuuina atu o pepa aloaia o lo o umia i se tulaga malupuipuia i lalo o le faafuaiupu (1), seia vagana ua tusa ai ma lena fuaiupu.

(3) E tatau i se vaega auai o le na ituaiga o lo o manaomia le tuuina atu o se pepa aloaia o lo o umia i se tulaga malupuipua i lalo o le faafuaiupu (1), vagana i se mataupu lea e faaogā i ai le faafuaiupu (9) po o le (10), ona talosaga i se faiga tusitusia i le Resitara, o ia lea e tatau lava ona vave logo le Pule Sili o le Tiute.

(4) Afai, i totonu o le tolu (3) aso, talu ona tuuina atu le faasilasilaga i le Pule Sili o le Tiute i lalo o le faafuaiupu (3), o le Pule Sili o le Tiute e tuuina atu le faasilasilaga tusitusia i le Resitara, e faapea ua faamoemoe le Pule Sili o le Tiute e tete e i le tuuina atu o pepa aloaia, e tatau i le Resitara ona faasee atu le mataupu i se Faamasino.

(5) Afai e lē tuuina atu e le Pule Sili o le Tiute le faasilasilaga tusitusia, i lalo o le faafuaiupu (4), e tatau i le Resitara ona tuuina atu pepa aloaia i le vaega auai o lo o talosagaina le tuuina atu o ia pepa aloaia.

(6) Afai ua faasee atu se mataupu i se Faamasino i lalo o le faafuaiupu (4), e tatau ona tuuina atu o se avanoa, e le gata i le tagata o talosagaina le tuuina atu o pepa aloaia ae faapena foi i le Pule Sili o le Tiute o lo o ia teena le tuuina atu o ia pepa aloaia, ina ia fofogaina ai i totonu o le faamasinoga.

(7) E mafai e le Faamasino ona poloaia e faapea, o vaega uma po o se vaega ua faamaotiina o se pepa aloaia, o le tuuina atu o ia pepa aloaia lea ua finauina, ia le tuuina atu, pe afai ua faamalieina le Faamasino e faapea:

(a) o le pepa aloaia po o se vaega o lo o aofia ai faamatalaga o se ituaiga o lo o faasinomia i totonu o le fuaiupu 56(1); ma

(b) o le tuuina atu o lena faamatalaga o le a aafia ai le faailoaina atu o se ituaiga ua faasinomia i totonu o le fuaiupu 56(2).

(8) I le noatia ma le fai fuafua i le faafuaiupu (7), e tatau i le Faamasino ona poloaiina le tuuina atu o pepa aloaia i le vaega auai o lo o talosagaina ia pepa aloaia.

(9) Afai ua faia o se talosaga mo le tuuina atu o se pepa aloaia o teuina i se tulaga malupuipua i lalo o le faafuaiupu (1), a o faagasolo taualumaga o lo o taitaifono ai se Faamasino ma ua teena le talosaga, e tatau i le Faamasino, ona fofogaina ma faia o le faaiuga o le mataupu e peiseai o le mataupu sa faasee atu ia te ia i lalo o le faafuaiupu (4).

(10) Afai ua faia o se talosaga o lena ituaiga, ao faagasolo o so o se isi tualumaga, o le tagata ofisa o le faamasinoga o lo o seei i le nofoa e tatau ona ia vave faasee atu le mataupu i se Faamasino ina ia fofogaina ma faia i ai o se faaiuga i lalo o le faafuaiupu (9).

(11). E ui lava i so o se mea i totonu o lenei fuaiupu, e agavaa se Faamasino o ia lea o seei i le nofoa i so o se tualumaga lea o lo o avea ai ma autu, le mataupu o se tusi poloaiga i lalo o le fuaiupu 52, e asiasia o so o se pepa aloaia talafeagai o lo o umia i lalo o le faafuaiupu (1).

56. Faamatalaga ma le faailoaina atu i le fuaiupu 55(7)-(1) O faamatalaga o lo o palasi tonu i le fuaiupu 55(7)(a) pe afai o le faamatalaga:

- (a) e ono tatai atu ai i le faailoaina mautinoa o, po o le tuuina atu o auililiga o, le pogai autu o faamatalaga o le uiga, mataupu o aofia ai, po o le aotelega o faamatalaga, po o le uiga po o le ituaiga o fesoasoani, po o faiga o faagaoioia ai o avanoa i le Tiute; po o
- (b) e faatatau i gaioiga faapitoa ia sa faatinoina, po o o lo o faatino po o ua fuafuaina o le a faatino, e tusa ai ma so o se galuega tauave a le Tiute; po o
- (c) sa faapea ona tuuina atu i le Tiute e le Malo o se isi atunuu po o e se lala sooupu o se Malo o se isi atunuu po o e se faalapotopotoga faava o malo, ma o se faamatalaga e lē mafai ona faailoa atu e le Tiute talu ai ona o le Malo po o le lala sooupu poo se faalapotopotoga, ia e sa tuuina atu i ai le faamatalaga, o le a lē mafai ona tuuina atu o se maliega i le faailoaina atu.

(2) O le faailoaina atu o faamatalaga e palasi tonu i le fuaiupu 55(7)(b) pe afai o le faailoaina atu o le a ono avea ma ala:

- (a) e afaina ai le saogalemu po o le puipuiga o Samoa po o sootaga faava o malo o le Malo o Samoa; po o
- (b) e afaina ai le tuuina atu i se tulaga faatuatuaina o faamatalaga i le Malo o Samoa i luga o se faiga o le talitonuina e le Malo o se isi atunuu

po o so o se lala sooupu o sea Malo, po o e so o se faalapotopotoga faava o malo; po o

(c) e afaina ai le tausiga o le tulafono, e aofia ai le puipuiga, suesuega, ma le mauaina o soligatulafono, ma le aia tatau i le faamasinoina ma le tonu; po o

(d) e lamatia ai le saogalemu o so o se tagata.

(3) I totonu o leni fuaiupu:

“atunuu” e aofia ai so o se Malo, teritori, itumalo, po o isi vaega o se atunuu;

“faalapotopotoga faava o malo” o lona uiga o so o se faalapotopotoga o Malo po o Faiga Malo a Malo, po o so o se vaega po o se lala sooupu o so o se faalapotopotoga o lena ituaiga.

Vaevaega 5 - O isi aiaiga

57. Faalēaogāina o faamatalaga ua aoina e le Tiute-(1) O leni fuaiupu e faaaoga i faamatalaga:

(a) na mataituina i lalo o so o se tasi o fuaiupu 49 e oo i le 53; ma

(b) na aoina mo se faamoemoe ua faamaotiina i le fuaiupu 329(2).

(2) E tatau i le Tiute, a itiiti mai e faatasi i le tai ono (6) masina uma, i le tuanai ai ona faamamaluina o leni fuaiupu, ona fuafuaina, pe o le taofia o faamatalaga e le Tiute e faaauau pea ona talafeagai mo lena faamoemoe ma, ae afai e leai, ua tatau loa ona faalēaogāina le faamatalaga i se taimi vave.

(3) O leni fuaiupu e lē faatapulaaina ai le fuaiupu 54(3)(a).

58. Puipuiga o tagata o galulue i lalo o le pule faataga a leni Vaega - O le Malo, o le Pule Sili o le Tiute, o se tagata ofisa o le Tiute, po o se tagata ua faatagaina, e lē noatia mo so o se mea ua faia po o ua lē faia po o ua faamoemoe ina ia faia, i le agaga lelei po o le i ai o se faaeteetega talafeagai, i taimi e tauaveina ai o so o se galuega tauave po o malosiaga ua faaeeina atu e leni Vaega.

59. E lē faatapulaaina e lenei Vaega isi avanoa i poo le faaaogāina o faamatalaga - O lenei Vaega e lē:

- (a) taofia ai se tagata o aafia i le feaveaina o oloa, tagata po o vaalele mai le tuuina atu i le Tiute o avanoa i faamatalaga, e ese mai ai i lo ia faamatalaga o manaomia e po o i lalo o lenei Vaega;
- (b) taofia ai le Tiute mai le faaaogāina, e ese mai ai i lo faamatalaga e pe i ona aiaia i totonu o lenei Vaega, o faamatalaga ia ua tuuina atu ai le avanoa i le Tiute, e ese mai ai i lo avanoa ia e manaomia e po i lalo o lenei Vaega;
- (c) aafia ai o so o se noataga e mafai ona i ai i se tagata, e tuuina atu ai i le Tiute o se faasilasilaga e faia muamua i mataupu i lalo o le fuaiupu 22;
- (d) aafia ai o so o se noataga e mafai ona i ai i se tagata i lalo o lenei Tulafono e faia ai o se pepa tusia o oloa ua faaulufale mai po o oloa o le a faaulufale mai; po o
- (e) aafia ai o so o se malosiaga o lo o i ai o le Tiute e aoina ma faaaogāina ai faamatalaga i lalo o le fuaiupu 329.

**VAEGA 6
PEPA TUSIA MA LE
FAAMALAMALAMAINA O OLOA**

Vaevaega 1 - Faaulufaleina mai o oloa

60. Pepa tusia o oloa faaulufale mai-(1) I le noatia ma le fai fuafua i so o se poloaiga ua faia i lalo o le fuaiupu 63, o oloa ua faaulufale mai po o oloa o le a faaulufale mai, e tatau ona tusia e le tagata o faaulufaleina mai oloa:

- (a) i totonu o se pepa faatumu ma le faiga ua faamaonia (e aofia ai, se faiga faaeletoni i totonu o se komepiuta po o isi masini); ma
- (b) i totonu o se taimi ua faamaonia po o so o se isi taimi e pei ona mafai ona faatagaina e le Pule Sili o le Tiute.

(2) Afai o se pepa tusia e manaomia e lenei fuaiupu e fesootai i oloa ia e mafai ona totogi ai tiute, i lalo o le aofaiga o le tele o le ava malosia o lo o maua i totonu o oloa,

e tatau i le tagata o lo o faia le pepa tusia, i le faiga ua faamaonia, ona faamaoti mai le aofaiga o le tele o le ava malosi.

(3) O se tagata o lo o tusiaina oloa i lalo o lenei fuaiupu, e tatau ona:

(a) tali atu i soo se fesili e fesiligia ai e se tagata ofisa o le Tiute, e tusa ai ma oloa; ma

(b) i luga o se talosaga a se tagata ofisa o le Tiute, ona tuuina atu oloa i le tagata ofisa, aveese o so o se ufiufi mai oloa, laueseina o uta mai so o se ala o felauaiga po o le tatalaina o so o sona vaega, po o le tatala ma aveeseina o le ufiufi o so o se afiafi lea e manao le tagata ofisa e suesueina.

(4) Afai:

(a) ua taua le faaletonu o oloa ua faaulufale mai i lalo o lenei fuaiupu; po o

(b) e le i tapaina oloa i totonu o se vaitaimi faatonuina,

ua tatau loa ona totogiina le tiute o oloa, ma ua mafai ona faatauina atu oloa po o le faamatuu ese atu o oloa i se isi faiga e ese ai e le Pule Sili o le Tiute.

61. Pepa tusia faa-tuutuuga o oloa-(1) Afai o le tagata o lo o faaulufaleina mai oloa:

(a) ua ia lē mafai i se taimi lava ona tuuina atu o faamatalaga auiliili atoa mo le faia ai o le pepa tusia; ma

(b) faia (e ia lava po o le sui sooupu a le tagata e faaulufaleina mai oloa) se tautinoga i lea tulaga i luma o le Pule Sili o le Tiute po o se isi tagata ofisa o le Tiute,

e mafai e le tagata e faaulufaleina mai oloa po o le sui sooupu ona faia se pepa tusia faatuutuuga i le pepa faatumu faamaonia.

(2) O se pepa tusia faatuutuuga, ina ua maea ona pasia e le Pule Sili o le Tiute, e faamaonia mo le taunuu mai ma le suesuega o oloa e le tagata e faaulufaleina mai.

(3) O le tagata e faaulufaleina mai oloa o lo o aofia ai i se pepa tusia faatuutuuga:

(a) e ao ona ia faamaea ona tusia i totonu o le fitu (7) aso i le tuana'i ai ona tusia lea pepa po o i so o se isi taimi faaopoopo e faatagaina e le Pule Sili o le Tiute; ma

(b) afai ua lē mafai ona totogiina e le tagata e faaulufaleina mai, e mafai ona tagofia oloa e le Pule Sili o le Tiute e faapei ai e le i faia se pepa tusia faatuutuuga.

(4) E ao ona faia se pepa tusia maeaea o oloa o aofia ai i se pepa tusia faatuutuuga i le faiga lava lea e faapei ai e le i faia se pepa tusia faatuutuuga.

62. Faaooina atu o oloa i luga o pepa tusia faa-tuutuuga-(1) E mafai e le Pule Sili o le Tiute, pe afai ua ia manatu e talafeagai ai, ona faao atu oloa mai lalo o le vaavaaiga a le Tiute mo le faaaogāina i totonu o le atunuu e tusa ai ma se pepa tusia faa-tuutuuga, ae peitai ua na o le tulaga i le mauaina mai o so o se faamaoniga lea ua manatu o ia ua lava atoatoa e aofia uma ai le aofaiga atoa o le tiute.

(2) E ao ona faia se pepa tusia maeaea o oloa mo le faaaogāina i totonu o le atunuu e le tagata ua ia faaulufaleina mai i totonu o so o se taimi ua atofaina e le Pule Sili o le Tiute.

63. Poloaiga faa-Minisita i pepa tusia o oloa faaulufale mai - E mafai e le Minisita, i le faia i luga o le fautuaga a le Pule Sili o le Tiute, ona faia le Poloaiga:

(a) e faatonuina ai le taimi e faatatauina ai se pepa tusia e faapea na faia mo faamoemoega o lenei Tulafono; ma

(b) e faatonuina ai tuutuuga ia ua faatatauina ai se pepa tusia e faapea na pasia mo faamoemoega o lenei Tulafono; ma

(c) tuusaunoa ai oloa faapitoa po o oloa o se vasega faapitoa mai manaoga o le fuaiupu 60(1), i le noatia ma le fai fuafua i so o se tuutuuga ua faatonuina; ma

(d) faatonuina ai oloa po o vasega o oloa ia ua faatatauina e faapea na tusia i lalo o le fuaiupu 60(1) ma tulaga ia na aliae mai ma tuutuuga na noatia ai ia oloa e ao ona faatatauina e faapea na tusia ai.

64. Tuuina atu o inivoisi ma tautinoga-(1) I luga o le pepa tusia muamua (e ese ai na i se pepa tusia mo le aveeseina o so o se oloa), e ao i le tagata e faaulufaleina mai oloa po o lana sooupu ona:

(a) tuuina atu i le Pule Sili o le Tiute po o isi tagata ofisa o le Tiute le inivoisi mo oloa; ma

(b) faia, ma faaoo atu i le Pule Sili o le Tiute po o isi tagata ofisa o le Tiute, se tautinoga i le pepa faatumu faamaonia e faamaonia ai lea inivoisi ma faatulaga le tau aogā moni mo faamoemoega o tiute o oloa ma so o se isi lava faamatalaga auiliili faamaonia.

(2) E mafai e le Pule Sili o le Tiute ona faatonuina, e faasino i so o se vasega po o vasega o oloa po o feuiaga tau tupe, e faapea e ao i se tagata ofisa o Tiute ona taofia le inivoisi ua faapea ona tuuina atu, po o se ata e mafai ona faitauina ua faia i le kaponi po o isi faagasologa o le faia o ata e, po o e avea ma sui o lē na faatauina atu po o lē na auina mai oloa.

(3) Afai ua maitauina ua lē mafai ona tuuina atu le inivoisi e pei ona manaomia i lenei fuaiupu mo le faamalieina o le Pule Sili o le Tiute po o le tagata ofisa o le Tiute, e mafai ona taliaina le faamaoniga o mea o lo o aofia ai e ala i se ata po o se isi faiga e ese ai na i lo le toe faia.

65. Poloaiga faa-Minisita i totogifuapauina ma tau faaee atu i le faaulufaleina mai o oloa-(1) E mafai e le Minisita, i le faia i luga o le fautuaga a le Pule Sili o le Tiute ma faatasi ai ma le faamaoniga a le Komiti Faatino o Tupe Maua, ona faia Poloaiga o totogifuapauina faatonuina po o tau faaee atu, po o mea uma e lua, ia e totogi atu i le Tiute e faamalieina ai po o e lagolagoina ai tupe totogi ma tupe faaalu ua faatupulaia e le Tiute i le faatinoga o ana galuega tauave po o malosiaga, po o tiute faatino, po o le tuuina atu o auunaga, i lalo o lenei Tulafono ia e faasino i le faaulufaleina mai o oloa.

(2) O se aiaiga o le Vaega 9 lea e faasino i le aoina mai ma le toe faaolaina o tiute e faaoga i totogifuapauina ma tau faaee atu i lalo o le faafuaiupu (1), e faapei ai o ia totogifuapauina ma tau faaee atu o ni tiute.

(3) A o lumanai ai le faia o se poloaiga, e ao ona faamalieina le Minisita e faapea o tagata ia e manatu le Minisita o sui e faaono i ai a latou aia ia e matua aafia e ala

i le poloaiga ua fuafuaina lea na fautuaina e uiga i le poloaiga ua fuafuaina, i lona tulaga lautele e faapea, e talafeagai ona faatinoina i le amanaia ai o tulaga aliae mai o le mataupu.

(4) Mo faamoemoega o le faafuaiupu (3), e mafai e le Minisita ona amanaia so o se faatalanoaga talafeagai e faia e po o e avea ai ma sui o le Minisita ao lumanai ai le faamamaluina o lenei fuaiupu.

(5) O le lē tausisia ai o le faafuaiupu (3) o le a le aafia ai le aloaia o so o se poloaiga ua faia i lalo o le faafuaiupu (1).

66. Ia tagofia oloa faaulufale mai i le faia o le pepa tusia - O oloa ia ua faia ai le pepa tusia ma pasia e tagofia ai i le taimi lava lea e tusa ai ma le pepa tusia ma lenei Tulafono mo oloa ua faapea ona tusia.

67. Faalēaogāina ma teuteuga o pepa tusia-(1) E mafai e le Pule Sili o le Tiute ona:

(a) faalēaogāina po o le teuteuina pepa tusia e puipuia ai ma le tusia faa-lua po o le faasaoina ai o se pepa tusia po o se vaega o se pepa tusia; ma

(b) ma e noatia i le fuaiupu 125, e toe faaolaina se tiute e faasino i le faalēaogāina po o le teuteuga o se pepa tusia.

(2) O se faalēaogāina po o le teuteuga o se pepa tusia e le Pule Sili o le Tiute i lalo o le faafuaiupu (1), o le a lē aafia ai so o se faasalaga, noataga e faoa faamalosi ai, po o noataga tau solitulafono ua maea ona faaputupu po o faatupulaia i lalo o lea pepa tusia e le tagata na ia faia.

(3) O se tagata o ia lea ua lē faamalieina i se faaiuga a le Pule Sili o le Tiute i lalo o le faafuaiupu (1) e mafai, i totonu o le 20 aso faigaluega i le tuanai ai o le aso lea na tuuina atu ai le faasilasilaga o le faaiuga, ona talosaga tetee i le Pulega o Talosaga a le Tiute e faasaga i lea faaiuga.

68. Laueseina o oloa - E lē mafai e se tagata ona lauina uta oloa ia e noatia i lalo o le vaavaaiga a le Tiute mai se vaalele vagana ai:

(a) o lalo o se pemita po o se isi faatagaga ua tuuina atu e le Pule Sili o le Tiute, i le noatia ma le fai fuafua i so o se tuutuuga ua fuafuaina e le Pule Sili o le Tiute; po o

- (b) pe afai o le saogalemu o le vaalele, po o oloa po o tagata i totonu o le vaalele, ua aafia e ala i le fetai o vaalele, mu, o le leaga o le tau po o tulaga e aliae mai faapena, po o isi lava tulaga e pei ona faatonuina.

69. Faaulufale mai o se vaalele, e ese ai i lo se uta-(1)

E ui lava i so o se mea i totonu o lenei Tulafono, e ao ona faia se pepa tusia o se vaalele ua faaulufale mai i totonu o Samoa, e ese ai na i lo se uta, e pei ona mafai e le Pule Sili o le Tiute, e ala i se faasilasilaga faalauitele, ona fuafuaina mo se vaalele po o vasega o vaalele.

(2) Mo le faamoemoega o le faia o pepa tusia mo se vaalele ua faaulufale mai i totonu o Samoa, e ese ai na i lo se uta, ua faatatauina le vaalele e faapea na faaulufale mai e ave a se uta ma lauina faapea ina ua taunuu mai.

70. Vaegamea faataitai, po o faataitaiga-(1) E ao i lē e faaulufaleina mai oloa, ona tuuina atu e aunoa ma se totagi so o se vaegamea e faataitai, o faataitaiga, o ata tusia, o pepa aloaia po o fuafuaga e faasino i oloa e pei ona mafai ona manaomia e se tagata ofisa o le Tiute mo faamoemoega o suesuega auiliili, faavasegaina po o faamaumauga.

(2) E ao i se mea faataitai ua manaomia ina ia tuuina atu i lalo o le faafuaiupu (1) ona lava atoatoa mo le faamoemoe na ala ai ona aveina.

Vaevaega 2 - Felauaiga o oloa i totonu o Samoa

71. Felauaiga o oloa faaulufale mai - Ae vagana ai ua faatagaina e le Pule Sili a le Tiute, e lē mafai ona lauina ni oloa ia e noatia i le pule a le Tiute, i luga o se vaa, taavale po o isi ala mo felauaiga i totonu o Samoa seia vagana ai ua faia se pepa tusia o oloa i lalo o le fuaiupu 60(1).

72. Aveesea o oloa mai nofoaga e pulea e le Tiute-(1) O oloa ia e noatia i lalo o le vaavaaiga a le Tiute, e lē tatau ona faaooina atu i po o le aveeseina mai se nofoaga e pulea e le Tiute, vagana ai:

- (a) e pei ona aiaia e lenei Tulafono; po o
(b) i le noatia ma le fai fuafua i le faafuaiupu (3), i le i ai o se faatagaga a se tagata ofisa o le Tiute i le maea ai ona faia se pepa tusia ma ua pasia

i totonu o se pepa faatumu ma le faiga ua faamaonia; po o

(c) i lalo o se pemitā faatuutuuga po o isi faatagaga ua tuuina atu e le Pule Sili o le Tiute mo ia oloa, i le noatia ma le fai fuafua i so o se tuutuuga ua mafai ona fuafuaina e le Pule Sili o le Tiute; po o

(d) e se tagata ofisa o le Tiute pe afai e tauaveina ona tiute tauave i lalo o lenei Tulafono.

(2) E mafai e le Pule Sili o le Tiute e ala i se faasilasilaga i se faiga tusinga ona:

(a) fetuutuunai po o le faalēaogā o so o se tuutuuga o le pemitā po o le faatagaga; po o

(b) le faalēaogāina o tuutuuga o le pemitā po o le faatagaga ma faaee atu ni tuutuuga fou; po o

(c) le faalēaogā o le pemitā po o isi faatagaga.

(3) E ui lava i le faafuaiupu (1)(b), pe afai o tumau pea ona noatia oloa i le vaavaaiga a le Tiute, e mafai e le Pule Sili o le Tiute ona faalēaogā so o se faasilasilaga o le faaoo atu na tuuina atu mo na oloa.

(4) E mafai e se tagata o ia lea ua lē faamalieina i se faaiuga a le Pule Sili i lalo o le faafuaiupu (1)(c) po o le faafuaiupu (2), i totonu o le 20 aso faigaluega i le tuana'i ai o le aso na tuuina atu ai le faasilasilaga o le faaiuga, ona talosaga tetee i le Pulega o Talosaga a le Tiute, e faasaga i lea faaiuga.

73. Aveesea lē tumau o oloa mai nofoaga e pulea e le Tiute-(1) I le noatia ma le fai fuafua i le fuaiupu 180 ma i so o se isi lava aiaiga o lenei Tulafono, e mafai e le Pule Sili o le Tiute ona faatagaina oloa ina ia aveesea i se taimi lē tumau mai se nofoaga e pulea e le Tiute e aunoa ma le totogiina o le tiute mo so o se taimi ma i so o se aofaiga e pei ona ia mafai ona faamaonia.

(2) O oloa ua faapena ona aveesea e tumau pea le noatia i le pule a le Tiute ma ua faatatauina o lo o i ai i totonu o nofoaga e pulea e le Tiute, mai le nofoaga e pei ona sa aveesea mai ai, ma e faaauau pea le faaogāina o aiaiga o lenei Tulafono, e tusa ai ma lea tulaga.

Vaevaega 3 - Auina ese atu o oloa

74. Pepa tusia o oloa mo le auina ese atu-(1) I le noatia ma le fai fuafua i so o se poloaiga ua faia i lalo o le fuaiupu 75, o oloa ia ua auina ese atu po o o le a auina ese atu e tatau ona tusia e le tagata e auina ese atu oloa:

(a) i totonu o se pepa faatumu ma se faiga ua faamaonia (e aofia ai faiga faaeletoroni i totonu o se komepiuta po o isi masini); ma

(b) i totonu o se taimi faamaonia po o so o se isi lava taimi e pei ona mafai ona faatagaina e le Pule Sili o le Tiute.

(2) O se tagata o ia lea ua faia se pepa tusia o oloa i lalo o lenei fuaiupu e ao ona:

(a) tali atu i so o se fesili e talafeagai i mataupu e tulai mai i lalo o lenei Tulafono, ua fesiligia ai e se tagata ofisa o le Tiute e tusa ai o oloa; ma

(b) i le talosaga a se tagata ofisa o le Tiute, ia tuuina atu oloa i le tagata ofisa, aveesea so o se ufiufi mai oloa, la'u i lalo oloa mai ala o felauaiga po o le tatalaina o so o sona vaega, po o le tatala ma la'u i lalo so o se afifi lea ua mana'o le tagata ofisa e susesueina.

(3) Mo oloa o le a auina ese atu i fafo i lalo o le toe faafoi o tupe totogi o tiute, o le faiga o so o se pepa tusia o oloa ua faatatauina e avea o se faiga o se talosaga mo le toe faafoi o tupe totogi o tiute.

(4) Ae vagana ai ua fuafuaina e le Pule Sili o le Tiute so o se mataupu faapitoa, o le aia tatau e toe faafoi ai tupe totogi o tiute e le o i ai lea mo oloa ua teuina i luga o se vaa a o lumanai ai le faia ma le pasia o se pepa tusia o oloa.

(5) Ae vagana ai ua faatagaina e le Pule Sili o le Tiute, e lē tatau ona lauina oloa mo le auina ese atu, seia vagana ua faia se pepa tusia i le pepa faatumu ma le faiga ua faamaonia.

(6) E ui lava i se pepa tusia o oloa ua pasia i lalo o le faafu'aiupu (5), e mafai e le Pule Sili o le Tiute ona faalēaogāina le faatagaga e auina ese atu ai oloa i fafo pe afai o i ai i le Pule Sili o le Tiute se mafuaaga talafeagai e masalomia ai le tulaga lamatia o oloa po o le tau faamatau e lamatia ai:

(a) puipuigamalu o tuaoi; po o

- (b) aia tau fefaatauaiga po o noataga faava o malo a Samoa; po o
- (c) le soifua, soifua maloloina, po o le saogalemu o se tagata po o se vaega o tagata; po o
- (d) le saogalemu o le vaalele lea o le a ave ai oloa, po o nisi oloa o le a aveina i luga o lea vaa.

75. Poloaiga faa-Minisita i pepa tusia o oloa mo le auina ese atu - E mafai e le Minisita, i le faia i luga o le fautuaga a le Pule Sili o le Tiute, e ala i se poloaiga ona:

- (a) tuusaunoa oloa ua faamaotiina po o oloa o se vasega ua faamaotiina mai manaoga o le fuaiupu 74(1), i le noatia ma le fai fuafua i tuutuuga ua faatonuina i le poloaiga; ma
- (b) faatonuina oloa po o vasega o oloa ia ua faatatauina e faapea ua tusia i lalo o le fuaiupu 74(1) ma tulaga aliae mai ma tuutuuga ia ua noatia ai na oloa ua faapea ona faatatauina.

76. Tusi faamaonia a Samoa o le atunuu e faapogai mo oloa e auina ese atu i vaega auai i feagaiga tau fefaatauaiga saoloto-(1) O se faalapotopotoga tau le faamaoniga ua faatagaina e le Pule Sili o le Tiute i lalo o le fuaiupu 77 (o se “faalapotopotoga faamaonia”) mo se vaega auai i se maliega tau fefaatauaiga saoloto e mafai ona tuuina atu i ai se tusi faamaonia a Samoa o le atunuu e faapogai ai oloa mo le auina ese atu i lena vaega auai.

(2) O se tusi faamaonia a Samoa, o le atunuu e faapogai mai ai e tusa ai o oloa mo le auina ese atu i se vaega auai i se maliega tau fefaatauaiga saoloto, o se pepa aloaia lea ua tuuina atu e le faalapotopotoga tau faamaoniga o lo o:

- (a) faailoa ai oloa lea e fesootai i ai; ma
- (b) faamaonia e faapea o ia oloa na faapogai mai i Samoa.

(3) O oloa e faapogai i Samoa, pe afai, mo faamoemoega o le feagaiga tau fefaatauaiga saoloto talafeagai, ua faamalieina e oloa manaoga o tulafono faafoe o le atunuu e faapogai ai ua faatonuina mo lena feagaiga.

77. Faalapotopotoga faatagaina e tuuina atu tusi faamaonia a Samoa o le atunuu e faapogai-(1) E mafai e le Pule Sili o le Tiute ona tofia se faalapotopotoga e avea o se faalapotopotoga tau le faamaoniga pe afai ua faamalieina le Pule Sili o le Tiute e faapea ua ausia e le faalapotopotoga taiala faatonuina (pe afai e i ai).

(2) E mafai ona noatia se tofiga i:

- (a) so o se tuutuuga ma aiaiga faatonuina; ma
- (b) so o se tuutuuga ma aiaiga faaopopo ua faaee atu e le Pule Sili o le Tiute.

78. Poloaiga faa-Minisita i tusi faamaonia a Samoa o le atunuu e faapogai ma faalapotopotoga tau le faamaoniga - E mafai e le Minisita, i le faia i luga o le fautuaga a le Pule Sili o le Tiute, ona faia ni poloaiga mo so o se faamoemoe ua taua e faapea:

- (a) e faatonuina ai pepa faatumu mo faamoemoega o fuaiupu 76 ma le 77; ma
- (b) faatonuina ai le faiga lea e ao ona faia ai se talosaga mo le tofiga e avea ai o se faalapotopotoga tau le faamaoniga; ma
- (c) faatonuina ai taiala mo faalapotopotoga tau le faamaoniga; ma
- (d) faatonuina ai aiaiga ma tuutuuga ia e noatia ai tofiga e avea o se faalapotopotoga tau le faamaoniga; ma
- (e) faatonuina ai totogifuapauina i le noatia ma le fai fuafua i le faamaoniga muamua o totogifuapauina e le Komiti Faatino o Tupe Maua.

79. Ia tagofia oloa e auina ese atu i le faia o pepa tusia-(1) Mo oloa ua faapea ona tusia mo le auina ese atu e ao i le tagata e faia pepa tusia o oloa po o lē e ana oloa ona vave auina atu oloa i fafo, i se nofoaga i fafo atu o Samoa e tusa ai ma pepa tusia o oloa ma lenei Tulafono e uiga i le auina ese atu o oloa.

(2) Afai o oloa ua tusia mo le auina ese atu i fafo ua lē auina ese atu e tusa ai ma le pepa tusia o oloa, e ao i le tagata e faia pepa tusia o oloa ona vave tuuina atu le faasilasilaga i le Ofisa o Tiute e uiga i le lē mafai ona auina ese atu oloa ma ona mafuaaga, i so o sea tulaga, o le Pule Sili o le Tiute:

(a) e ao ona faalēaogāina po o le toe teuteu le pepa tusia o oloa; ma

(b) e mafai, pe afai e talafeagai ai, ona faatagaina oloa ina ia faamatuu ese mai le vaavaaiga a le Ofisa o Tiute.

(3) E ui lava i le faafuaiupu (1), pe afai e faatagaina e tuutuuga o se laisene o se nofoaga e pulea e le Tiute, e mafai ona faia o se pepa tusia o oloa e auina ese atu, mo oloa ua aveesea mai lea nofoaga mo oloa faatau atu e faaooina atu i tagata, i le taunuu ai o na oloa i totonu o Samoa mai se nofoaga i fafo atu o Samoa.

80. Oloa mo le auina ese atu e lē tatau ona faatulaueleeleina - E lē mafai ona faatulaueleeleina ni oloa ua lauina mo le auina ese atu e aunoa ma le faatagaga e se tagata ofisa o le Tiute, vagana ai i se nofoaga i fafo atu o Samoa.

81. Taimi e auina atu ai i fafo - Mo faamoemoega o lenei Tulafono, o le taimi o le auina ese atu o oloa, o le taimi lea ua tuua ai e le vaalele e auina ese atu ai oloa le nofoaga mulimuli tau le Tiute, lea sa vave afea e lea vaalele a o le i faagasolo atu i se nofoaga i fafo atu o Samoa.

Vaevaega 4 - Faamaufaaailoga a le Ofisa o Tiute

82. E mafai ona faaaogā le faamaufaaailoga a le Tiute i oloa mo le auina ese atu-(1) E mafai e le Pule Sili o le Tiute, e ala i se faasilasilaga tusia o faamaoti ai le aso lea na aloaia ai ma le aso na tuanai ai le aloaia o le tofiga, ona tofia se tagata ofisa o le Tiute ina ia faaaogā faamaufaaailoga a le Ofisa o Tiute i pusa o oloa e auina ese atu.

(2) E ao i le faasilasilaga ona:

(a) faamaoti ai tulaga aliae mai ia e mafai e le tagata ofisa po o se isi tagata ona faaaogā i ai se faamaufaaailoga a le Ofisa o Tiute i se pusa o oloa; ma

(b) faasaina le tagata ofisa po o isi tagata mai le faaaogāina o se faamaufaaailoga a le Ofisa o Tiute i so o se isi lava tulaga e aliae mai.

(3) E aunoa ai ma le faatapulaaina o le faafuaiupu (2), e ao i le faasilasilaga ona faamaoti ai e faapea, e mafai e le tagata ofisa po o se isi tagata ona faaaogā se faamaufaaailoga

a le Ofisa o Tiute i se pusa o oloa lea e le i faaaogāina i ai muamua le faamaufaailoga a le Ofisa o Tiute, pe afai e na o le:

- (a) tagata e auina ese atu oloa o aafia ai (po o lona sooupu po o se tagata faigaluega) ua malie i le faaaogāina o le faamaufaailoga; po o
 - (b) ua faaaogāina le faamaufaailoga i se tulaga e tulai mai i, ma i se taimi vave i le tuanai ai, o le faatinoga e so o se tagata o se malosiaga i lalo o lenei Tulafono e suesueina ai po o le sueina o oloa o so o se ituaiga.
- (4) E ao i le faasilasilaga ona:
- (a) faamaoti ai foi tulaga aliae mai ia ua mafai ai e se tagata ofisa a le Tiute po o se isi tagata ona fetuunai, aveese, faaleaga, lafoaia, po o le faalavelaveina i se isi faiga e ese ai se faamaufaailoga a le Ofisa o Tiute ua faaaogāina i se pusa o oloa; ma
 - (b) faasaina ai le tagata ofisa po o se isi tagata mai i so o se ala e faalavelaveina ai se faamaufaailoga a le Ofisa o Tiute o lea ituaiga i so o se isi lava tulaga e aliae mai.
- (5) O se faasilasilaga o tofiga i lalo o lenei fuaiupu e mafai ona teuteuina po o le faalēaogāina e le Pule Sili o le Tiute e ala i se isi faasilasilaga tusitusia e tuuina atu i le tagata ofisa o le Tiute, po o se isi lava tagata e faatatau i ai ma faamaotiina ai le aso tonu po o le aso na tuanai ai ona aloaia le teuteuga po o le faalēaogāina.

83. Faasilasilaga tau lapataiga mo pusa o faaaogāina ai faamaufaailoga - O se faasilasilaga o tofiga i lalo o le fuaiupu 82 e ao foi ona manaomia ai le tagata ofisa o le Tiute po o se isi tagata o aafia ai, i le faaaogāina o se faamaufaailoga a le Ofisa o Tiute i se pusa o oloa lea e le o ni oloa e ao ona auina ese atu i lalo o se fuafuaga faamaonia a le Tiute o puipuigamalu o oloa auina ese atu, ina ia faamautinoa ai e faapea, o lo o i ai se faasilasilaga tau lapataiga o faapipii ai i le pusa lea o lo o faamatala ai tuutuuga ua faamaonia e le Pule Sili o le Tiute:

- (a) e faapea o oloa o lo o i ai i le pusa, o oloa e noatia i le vaavaaiga a le Ofisa o Tiute, mai le taimi na faaaogāina muamua i ai se faamaufaailoga

a le Ofisa o Tiute i le pusa, seia oo ina auina ese atu oloa i se nofoaga i fafo atu o Samoa;

(b) e faapea o malosiaga e sueina ma taofia ai i lalo o le fuaiupu 158 ua avanoa i ai e tusa ai o se taavale i Samoa pe afai o lo o masalomia o i ai i totonu po o luga o le taavale, oloa o lo o, po o ua masalomia e -

(i) noatia i le vaavaaiga a le Ofisa o Tiute; ma

(ii) o i totonu o se pusa lea e faaaogā i ai se faamaufaailoga a le Ofisa o Tiute;

(c) e faapea e mafai e se tagata ofisa a le Tiute, i lalo o le fuaiupu 161(2), ona fesiligia se toatasi (1) po o le sili atu o tagata ua taua, e uiga i so o se uta ua faamoemoe e auina ese atu mai Samoa -

(i) o lē e ona po o se tagata o faagaioia se taavale lea e i ai i se tagata ofisa o le Tiute se mafuaaga talafeagai e masalomia ai o lo o i ai i totonu po o i luga o se taavale po o sa i ai i totonu o le 72 itula talu ai, sa i ai i totonu po o i luga o le taavale ni oloa e noatia i le vaavaaiga a le Ofisa o Tiute ma i totonu o se pusa lea sa faaaogā i ai le faamaufaailoga a le Ofisa o Tiute;

(ii) o lē e ona po o lē o nofoia nofoaga ma fale lea ua i ai i se tagata ofisa o le Ofisa o Tiute se mafuaaga talafeagai e masalomia ai le i ai i totonu po o i luga o nofoaga ma fale po o sa i ai i totonu o le 72 itula talu ai, sa i ai i totonu po o i luga o nofoaga ma fale ni oloa e noatia i le vaavaaiga a le Ofisa o Tiute ma i totonu o le pusa lea sa faaaogā i ai le faamaufaailoga a le Ofisa o Tiute;

(iii) o se tagata faigaluega a se tagata ua faamatalaina i le faaparakalafa (i) po o le (ii);

(d) e faapea o malosiaga o i le fuaiupu 174 (lea e aofia ai malosiaga o sutesuega) ua avanoa e tusa ai o oloa ia ua, po o ua masalomia le -

- (i) noatia i le vaavaaiga a le Ofisa o Tiute; ma
- (ii) i totonu o se pusa lea sa faaaogā i ai se faamaufaailoga a le Ofisa o Tiute.

*Vaevaega 5 - Fuafuaga faamaonia a le Tiute
mo oloa auina ese atu ia malupuipuia*

84. E mafai e le Pule Sili o le Tiute ona faamaonia le fuafuaga mo oloa auina ese atu ia malupuipuia-(1) I totonu o lenei fuaiupu ma fuaiupu 86 ma le 90, o le “tagata e auina ese atu oloa” o lona uiga o se tagata o lo o aafia i le aveina, tagofiaina, felauaiga, po o le auina atu o oloa mo oloa auina ese atu.

(2) O le Pule Sili o le Tiute:

- (a) e mafai, i luga o se talosaga a se tagata e auina ese atu oloa, ona faamaonia se fuafuaga tau puipuigamalu o oloa e auina ese atu e avea o se fuafuaga faamaonia a le Tiute ia malupuipuia mo oloa e auina ese atu; ma
- (b) e ao ona faamautinoa e faapea ua logoina aloaia le tagata e auina ese atu oloa ua faatatau i ai ma i se faiga tusitusia o so o se faaiuga e tuuina atu po o le faalēaogāina ai o se faamaoniga i lalo o lenei fuaiupu.

(3) O se faamaoniga i lalo o lenei fuaiupu:

- (a) e ao ona faia i se faiga tusitusia, i le noatia ma le fai fuafua i so o se tuutuuga ua faamaotiina e le Pule Sili o le Tiute i totonu o le faamaoniga; ma
- (b) e aloaia a le o le aso i tua atu o le aso na tuuina atu ai le faamaoniga po o so o se aso mulimuli ane ua faamaotiina i le faamaoniga; ma
- (c) e mafai ona faalēaogāina e le Pule Sili o le Tiute e ala i se faasilasilaga tusitusia e tuuina atu i le tagata e auina ese atu oloa ua faatatau i ai ma faamaotiina ai so o se tuutuuga o le faalēaogāina ma le aso tonu po o le aso na tuanai ai o le aloaia o le faalēaogāina.

(4) E faaaogā le faafuaiupu (2) ma le (3) (faatasi ai ma fesuaiga) i so o se teuteuga i se fuafuaga tau puipuigamalu o oloa auina ese atu.

(5) E ao i le Pule Sili o le Tiute, i luga o se talosaga a le tagata e auina ese atu oloa, ona faalēaogā se faamaoniga o se fuafuaga tau puipugamalu o oloa auina ese atu, i le noatia ma le fai fuafua i tuutuuga e faapea o lo o tumau pea le noatia o oloa i le fuafuaga, seia oo ina auina ese atu pe afai, i le taimi na aloaia ai le faalēaogāina, o lo o malupuipua oloa i se pusa malupuipua ua faamaonia a le Ofisa o Tiute i lalo o le fuafuaga, ae peitai e le i oo ina auina ese atu.

(6) E mafai, e se tagata talosaga o ia lea ua lē faamalieina i se faaiuga a le Pule Sili o le Tiute, i lalo o lenei fuaiupu, ona talosaga tetee i le Pulega o Talosaga a le Tiute e faasaga i lea faaiuga, i totonu o le 20 aso faigaluega i le tuanai ai o le aso na tuuina atu ai le faasilasilaga o lena faaiuga.

85. Faamoemoe o le fuafuaga mo oloa auina ese atu ia malupuipua - O le faamoemoe o se fuafuaga tau puipugamalu o oloa auina ese atu, o le fesoasoani lea e faamautinoa oloa o le a auina ese atu i lalo o le fuafuaga ua:

- (a) malupuipua ona teuina i pusa ma e leai nisi lava oloa; ma
- (b) malupuipua le felauaiga ma e aunoa ma le faalavelave i nofoaga e lauina ai oloa i le vaa ma le aveeseina o oloa.

86. E ao ona faamaoti mataupu i totonu o le fuafuaga mo oloa auina ese atu ia malupuipua-(1) E ao i se fuafuaga faamaonia a le Tiute o puipugamalu o oloa auina ese atu ona faamaoti ai le faiga o teu ai oloa o le a auina ese atu i lalo o le fuafuaga, e aofia ai:

- (a) le pusa ua malupuipua e ao ona faaogāina;
- (b) o le faamaufailoga po o failoga e ao ona faaogā i le pusa, i se taimi vave lava e malupuipua ai -
 - (i) ina ia faailoa ai e faapea, o le taimi sa malupuipua ai, na o oloa sa i ai i le pusa, ma sa malupuipua i se auala ua faamaonia; ma
 - (ii) ia fesoasoani e faailoagofie tulaga satia po o le faalavelaveina o pusa i le maea ai o lona malupuipua.

(2) O se fuafuaga faamaonia a le Tiute o puipuigamalu o oloa auina ese atu e ao foi ona faamaoti ai so o se tuutuuga o manaomia e le Pule Sili o le Tiute e faasino i:

- (a) tagata o i latou ia e teuina oloa ma e ao ona faaaogā suesuega tau puipuigamalu i na tagata;
- (b) o tuutuuga ia o le a tulai mai i le teuina o oloa (mo se faataitaiga, o le nofoaga po o nofoaga ia o le a tulai mai e paka ai, ma faafoega o le ulufale ma le ulufafo o tagata ma oloa i lea nofoaga po o na nofoaga);
- (c) so o se isi lava manaoga e faasino i le faiga o le a teuina ai oloa.

(3) O oloa e auina ese atu ua malupuipua e ao foi ona faamaoti ai faiga o le a felauai ai oloa i le nofoaga o oloa e lau i le vaa ma le aveeseina o oloa, i luga o le maea teuina o oloa, e aofia ai so o se tuutuuga e manaomia e le Pule Sili o le Tiute e faasino i:

- (a) tagata o i latou ia e felauaia oloa, ma le faaaogāina o suesuega tau puipuigamalu i na tagata;
- (b) o le faiga lea e ao ona felauai ai oloa;
- (c) so o se nofoaga po o nofoaga o puipuigamalu e agai atu i le nofoaga e la'u ai oloa i le vaa lea e ao ona teuina ai oloa a o faagasolo le felauaiga i nofoaga e la'u ai oloa i le vaa ma le aveeseina o oloa.

87. Mataupu e ao ona faailoaina i fuafuaga mo oloa auina ese atu ia malupuipua - O se fuafuaga faamaonia a le Tiute o puipuigamalu o oloa auina ese atu e ao ona aofia ai le faailoa manino e le tagata e auina ese atu oloa o aafia ai:

- (a) e faapea o oloa o le a auina ese atu i lalo o le fuafuaga, o oloa ia o lo o noatia i le vaavaaiga a le Ofisa o Tiute, mai le taimi muamua na malupuipua ai i se fuafuaga faamaonia a le Tiute o puipuigamalu o oloa auina ese atu, seia oo ina auina ese atu oloa i se nofoaga i fafo atu o Samoa;

(b) e faapea o malosiaga e sueina ma taofia ai oloa i lalo o le fuaiupu 158 e avanoa e tusa ai o se taavale i Samoa, pe afai o masalomia o lo o i totonu po o i luga o le taavale ni oloa ua masalomia po o ua ono masalomia le -

(i) noatia i le vaavaaiga a le Ofisa o Tiute; ma

(ii) i totonu o se pusa ua faamaonia tau puipugamalu a le Ofisa o Tiute;

(c) e faapea e mafai e se tagata ofisa o le Tiute, i lalo o le fuaiupu 161(2), ona fesiligia se toatasi (1) po o le sili atu o tagata nei ua taua e uiga i so o se uta ua faamoemoe o le a auina atu mai Samoa -

(i) o se tagata o ia lea e ona po o faagaioia se taavale lea e i ai i se tagata ofisa o le Tiute se mafuaaga talafeagai e masalomia ai o lo o i ai i totonu po o i luga o sea taavale, i totonu o le 72 itula talu ai sa i ai i totonu, po o i luga o le taavale ni oloa e noatia i le vaavaaiga a le Tiute ma i totonu o se pusa ua faamaonia le malupuipua a le Ofisa o Tiute;

(ii) o se tagata o ia lea e ona po o nofoia nofoaga ma fale lea ua i ai i se tagata ofisa o le Tiute se mafuaaga talafeagai e masalomia ai le i ai i totonu po o i luga o fale ma nofoaga, ni oloa e noatia i le vaavaaiga a le Ofisa o Tiute ma i totonu o se pusa ua faamaonia le malupuipua a le Ofisa o Tiute;

(iii) o se tagata o faafaigaluegaina e se tagata ua faamatalaina i faaparakalafa (i) po o le (ii);

(d) e faapea o malosiaga o i le fuaiupu 174 (lea e aofia ai malosiaga o suesuega) e avanoa e tusa ai o oloa ia ua po o o le a masalomia le -

(i) noatia i le vaavaaiga a le Ofisa o Tiute; ma

(ii) i totonu o se pusa ua faamaonia le malupuipua a le Ofisa o Tiute.

88. O oloa o le a auina ese atu i lalo o le fuafuaga faamaonia a le Tiute mo oloa e auina ese atu ia malupuipua, e mafai ona auina ese atu i lalo o se tulaga toe faafoi-(1) O oloa o le a auina ese atu i lalo o se fuafuaga faamaonia a le Tiute o puipugamalu o oloa auina ese atu, e mafai ona auina ese atu i lalo o tupe toe faafoi o tiute.

(2) Afai o oloa o le a auina ese atu i lalo o se fuafuaga faamaonia a le Tiute o puipugamalu o oloa auina ese atu, ua auina ese atu i lalo o tupe toe faafoi o tiute, o lona uiga, o so o se tuutuuga faatonuina mo le faatagaina o tupe toe faafoi o tiute, e tataua ona faamalieina, e ui lava o le faamalieina o na tuutuuga e mafai ona aafia ai le felauaiga po o le tagofiaina po o le teuina o oloa i se auala e le o faamaotiina i totonu o le fuafuaga.

89. O le faaaogāina o faamaufaailoga a le Tiute e faasino i oloa o le a auina ese atu i lalo o fuafuaga faamaonia a le Tiute o puipugamalu o oloa auina ese atu-(1) O lenei Tulafono e lē taofia ai se faamaufaailoga a le Ofisa o Tiute mai le faaaogāina i luga o se pusa ua faamaonia le malupuipua a le Ofisa o Tiute i le tuanai ai o le faaaogāina o se faamaufaailoga ua faamaonia po o faailoga o le ituiga o faasinomia i le fuaiupu 86(1)(b) i le pusa, i lalo o le fuafuaga faamaonia a le Tiute o puipugamalu o oloa auina ese atu.

(2) O oloa o le a auina ese atu i lalo o se fuafuaga faamaonia a le Tiute o puipugamalu o oloa auina ese atu, o le a lē faatatauina e faapea o le a le toe auina ese atu i lalo o le fuafuaga ona ua faaaogāina le tasi (1) po o le sili atu faamaufaailoga a le Ofisa o Tiute i pusa ua faamaonia le malupuipua a le Ofisa o Tiute o aafia ai.

90. E mafai ona aafia tagata e auina ese atu oloa i le auina ese atu o oloa i fafo atu o le fuafuaga faamaonia a le Tiute o puipugamalu o oloa auina ese atu-(1) E faaaogā lenei fuaiupu i se tagata e auina ese atu oloa o aafia ai i le aveina, tagofiaina, felauaiga po o le auina ese atu o oloa mo le auina ese atu i lalo o le tasi (1) po o le sili atu o fuafuaga faamaonia a le Tiute o puipugamalu o oloa auina ese atu.

(2) O leni Tulafono e lē taofia ai le tagata e auina ese atu oloa mai le aafia ai i le aveina, tagofiaina, felauaiga po o le auina ese atu o oloa mo le auina ese atu i se isi faiga e ese ai na i lo i lalo o lea fuafuaga po o na fuafuaga.

VAEGA 7
O OLOA FAAULUFALE MAI MA
OLOA AUINA ESE ATU E FAASAINA

91. Oloa faaulufale mai e faasaina-(1) E ao ona lē faaulufaleina mai e se tagata i Samoa:

- (a) so o se oloa ua faamaotiina i le Faamatalaga 1; po o
- (b) lomiga uma ia e lē talafeagai ma le uiga o leni Tulafono o taulimaina e tagata uma ma mo faamoemoega uma; ma isi mea uma e lē tusa ai po o e mataga;
- (c) oloa po o ni lomiga faaeletoroni, o le faaulufaleina mai o oloa ia e faasaina e ala i se poloaiga ua faia i lalo o le faafuaiupu (3), po o so o se isi lava tulafono tusia a Samoa pe afai o le faaulufaleina mai o ia oloa e faasaina.

(2) O lomiga faaeletoroni, lea e faasaina le faaulufaleina mai e le faafuaiupu (1) e ao ona faatatauina e faapei ai o ni oloa mo faamoemoega o leni Tulafono.

(3) Afai e talafeagai ai mo le manuia o tagata uma, e mafai e le Minisita i le faia i luga o le fautuaga a le Pule Sili o le Tiute, e ala i se poloaiga, ona faasaina le faaulufaleina mai i Samoa o:

- (a) so o se oloa po o lomiga faaeletoroni ua faamaotiina; po o
- (b) ni oloa po o ni lomiga faaeletoroni o se vasega po o ni vasega ua faamaotiina.

(4) O se tulaga faasaina ua faaee atu i lalo o leni fuaiupu:

- (a) e mafai ona faalauaiteleina; po o
- (b) e mafai ona faatapulaaina i le faaulufaleina mai o oloa po o lomiga faaeletoroni mai se nofoaga ua faamaotiina po o e ala po o e mai se tagata po o se vaega o tagata ua faamaotiina; po o

- (c) e mafai, tusa lava pe faalauaiteleina po o le faatapulaaina, ona faasaina atoatoa po o luga o ni tuutuuga.
- (5) E mafai i se tuutuuga faasaina ona faatagaina le faaulufale mai o oloa po o lomiga faaeletoroni:
 - (a) i lalo o le pule faataga a se laisene po o se pemitā (tusa lava pe na faatagaina a o lumanai ai po o ua tuanai ai le faaulufaleina mai o oloa) po o se maliega, o le a faatagaina e le Pule Sili o le Tiute po o e so o se tasi lava tagata ua taua i le poloaiga, i luga po o i le noatia ma le fai fuafua i so o se aiaiga po o tuutuuga e ogatasi ma aiaiga o le faasaina, e ono mafai ona faaee atu e le Pule Sili o le Tiute po o se isi tagata ua tuuina atu i ai le laisene, pemitā, po o le maliega; po o
 - (b) i luga po o i le noatia ma le fai fuafua i so o se tasi lava tuutuuga ua faatonuina.
- (6) E leai ni oloa e tiuteina i se isi faiga e ese ai, e tuusaunoa mai tiute ona e faasolitulafono lo latou faaulufaleina mai.

92. Oloa e auina ese atu e faasaina-(1) E lē tataui se tagata ona auina ese atu oloa mai Samoa:

- (a) so o se lomiga lea e lē talafeagai ona taulimaina e se tagata ma mo so o se faamoemoega; ma
 - (b) oloa po o ni lomiga faaeletoroni ia e faasaina le auina ese atu i se poloaiga ua faia i lalo o le faafuuiupu (3), po o so o se isi lava tulafono lea e faasaina ai le auina ese atu o oloa.
- (2) O lomiga faaeletoroni (o le auina ese atu o oloa ia e faasaina e le faafuuiupu (1)) e ao ona faatatauina e faapei ai o ia oloa e mo faamoemoega o lenei Tulafono.
- (3) Afai ua talafeagai tulaga faasaina mo le manuia o tagata uma, e mafai e le Minisita i le faia i luga o le fautuaga a le Pule Sili o le Tiute, e ala i se poloaiga ona faasaina le auina ese atu mai Samoa o:
- (a) so o se oloa po o lomiga faaeletoroni ua faamaotiina; po o
 - (b) ni oloa po o ni lomiga faaeletoroni o se vasega po o ni vasega ua faamaotiina.

- (4) O se tulaga faasaina i lalo o lenei fuaiupu:
- (a) e mafai ona faalauaiteleina; po o
 - (b) e mafai ona faatapulaaina i le auina ese atu o oloa po o lomiga faaeletoroni i se nofoaga ua faamaotiina po o e po o i se tagata po o vasega o tagata ua faamaotiina; po o
 - (c) e mafai, tusa lava pe faalauaiteleina po o le faatapulaaina, ona faasaina atoatoa, po o i luga o ni tuutuuga.
- (5) E mafai e se tuutuuga faasaina ona faatagaina ai le auina ese atu o oloa po o lomiga faaeletoroni:
- (a) i lalo o le pule faataga o se laisene, pemitā po o se maliega e tuuina atu e le Pule Sili o le Tiute po o e so o se isi lava tagata ua taua i le poloaiga, i luga po o i le noatia ma le fai fuafua i so o se aiaiga po o se tuutuuga e ogatasi ma aiaiga o le faasaina, lea e ono mafai ona faaee atu e le Pule Sili o le Tiute po o se tagata tuuina atu i ai le laisene, pemitā po o le maliega; po o
 - (b) i luga po o i le noatia ma le fai fuafua i so o se isi lava tuutuuga ua faatonuina.
- (6) O se tuutuuga faasaina i lalo o lenei fuaiupu e lē faaaogāina i oloa ia ua maea ona utaina i le vaalele e auina ese atu ai oloa i le taimi na faamamaluina ai le tuutuuga faasaina.
- (7) Ae vagana ai ua faatonuina i se isi faiga e ese ai e ala i se poloaiga i lalo o lenei fuaiupu, o se poloaiga i lalo o lenei fuaiupu e faasaina ai le auina ese atu o oloa e faalatele atu i ma faaaogā i le lauina atu o oloa mo le faaaogāina e avea ma oloa e teuina a se vaalele.

93. Tuuina atu o se laisene po o se pemitā mo oloa - Afai, i lalo o lenei Tulafono, po o so o se isi lava tulafono, e faasaina le faaulufaleina mai po o le auina ese atu o oloa, po o oloa o so o se vasega po o se ituaiga, vagana ai i lalo o le pule faataga a se laisene, po o se pemitā i lalo o se tulafono, e mafai e le Pule Sili o le Tiute ona teina le pasia o se pepa tusia mo na oloa, po o mo oloa o lena vasega po o ituaiga seia vagana ai ua faamalieina o ia e faapea, ua tuuina atu se laisene po o se pemitā.

VAEGA 8
TIUTE TAUAVE

Vaevaega 1 - Fuafuaina o tau o oloa

94. Ia faamaoti e lē e faaulufale mai oloa, le tau aogā a le Tiute i pepa tusia-(1) E ao i se tagata o ia lea e faia se pepa tusia o oloa e faaulufale mai po o o le a faaulufale mai, ona faia se pepa tusia o oloa e faamaoti ai tau aogā o oloa a le Ofisa o Tiute, ua fuafuaina e tusa ai ma Tulafono Faatonutonu ua faia i lalo o lenei Tulafono.

(2) E ao i se tagata e faaulufaleina mai oloa po o se sooupu a le tagata e faaulufaleina mai oloa, o ia lea ua faia se iloiloga i lalo o le faafuaiupu (1) ona:

(a) tausia pepa aloaia, o faamaumauga, ma faamatalaga e tusa ai o lea pepa tusia o oloa i se faiga ma mo se vaitaimi e pei ona manaomia ai e le fuaiupu 111 ma so o se isi tulafono faatonutonu ua faia mo faamoemoega o lea fuaiupu; ma

(b) pe afai e manaomia e le Ofisa o Tiute, ia tuuina atu na pepa aloaia, faamaumauga ma faamatalaga mo le faamoemoega o le faamautuina o le sao atoatoa o le iloiloga.

95. Teuteuga o le iloiloga o le fuafuaina o tau-(1) Afai ua faamalieina le Pule Sili o le Tiute, e tusa lava pe o se taunuuga o se suesuega sa tauaveina i lalo o le fuaiupu 178 po o se taunuuga o se suega faasuetusi po o se suesuega sa tauaveina i lalo o le fuaiupu 182, po o mo so o se isi lava mafuaaga, e faapea o se iloiloga sa faia i lalo o le fuaiupu 94(1) e tusa ai ma oloa e:

(a) lē ogatasi ma Tulafono Faatonutonu ua faia i lalo o lenei Tulafono e faatonuina ai le faia o tau o oloa mo faamoemoega o le Faasologa o Tiute; po o

(b) mo so o se isi lava mafuaaga, e lē sao, e mafai e le Pule Sili o le Tiute ona teuteu lea iloiloga, ma o lea iloiloga toe teuteu, o le tau aogā lea a le Ofisa o Tiute mo faamoemoega o lenei Tulafono.

(2) E ao ona tuuina atu i le tagata e faaulufaleina mai oloa se faaaliga tusinga o:

(a) se iloiloga toe teuteu ua faia i lalo o le faafuaiupu (1); ma

(b) le faavae na faia ai le iloiloga toe teuteu, ma afai e talafeagai ai, o fuaiupu talafeagai o Tulafono Faatonutonu o taua i le faafuaiupu 95(1)(a) lea ua faalagolago i ai le faia o tau aogā o oloa mo faamoemoega o le Tulafono o le Faasologa o Tiute 1975, lea e talafeagai i le iloiloga toe teuteu.

(3) E faaaogā le faafuaiupu (1) tusa lava pe ua po o e le i:

(a) faamatuina mai oloa mai le vaavaaiga e le Ofisa o Tiute; po o

(b) ua totogiina so o se tiute sa iloiloina.

(4) O se tagata e faaulufaleina mai oloa o ia lea ua lē faamalieina i se faaiuga a le Pule Sili o le Tiute i lalo o leni fuaiupu, e mafai i totonu o le 20 aso faigaluega i le tuanai ai o le aso na tuuina atu ai le faasilasilaga o le faaiuga, ona talosaga tetee i le Pulega o Talosaga a le Tiute e faasaga i le faaiuga.

96. Tupe ma le faafesuaiga o tupe-(1) E tataua ona fuafuaina tau aogā a le Tiute pe faaaliga manino i tupe Samoa.

(2) Afai o se aofaiga ua faapea ona manaomia i lalo o leni Tulafono ina ia faatatauina mo faamoemoega o le iloiloina o tiute po o mo so o se isi lava faamoemoe, e le o se aofaiga i tupe Samoa, o le aofaiga e ao ona faatatauina, o le aofaiga tutusa lea i tupe Samoa e tusa ai ma se fua faatatau talafeagai o faafesuaiga ua faatulagaina i tulaga masani ma fuafuaina e le Pule Sili o le Tiute.

(3) O le fuafuaga masani o le fua faatatau talafeagai o le faafesuaiga o tupe a atunuu i fafo ua faia e le Pule Sili o le Tiute, e ao ona faalauiloa faalauaitele.

(4) Afai ua manaomia se aofaiga ia faaliliuina i tupe a Samoa i lalo o le faafuaiupu (1), e ao ona faaliliuina le aofaiga:

(a) mo oloa ia ua faia i ai se pepa tusia, i le fua faatatau ua faaaogāina talu mai le aso na faia ai le pepa tusia muamua (e le o se pepa tusia mo le aveeseina) mo na oloa;

- (b) mo isi oloa (i le fua faatatau ua faaaogāina talu mai le aso o le iloiloga muamua o tiute a le Ofisa o Tiute i luga o na oloa).

97. Aia tatau a le Malo o le mauaina mai faamalosi-(1) Mo le puipuia o tupe maua e faasaga i le lē sao o le fuafuaina o tau o oloa e noatia i tiute *e tusa ai ma le aogā o le oloa*, e mafai i oloa ia ua faia i ai pepa tusia, i so o se taimi, a o tumau pea lo latou noatia i le pule a le Ofisa o Tiute, ona mauaina mai e le Malo.

(2) O le aia tatau o le aveina o oloa i lalo o le faafuaiupu (1) e mafai ona faatino e le Pule Sili o le Tiute, ma e aloaia le maua mai o oloa, i se taimi vave lava e sainia ai e le Pule Sili o le Tiute, se tusi faapoloaiga i totonu o le pepa faatumu faatonuina mo lo latou mauaina mai.

(3) E avea oloa ma meatotino a le Malo i lalo o lenei fuaiupu i luga o le sainia o se tusi faapoloaiga.

(4) O le faasilasilaga tusitusia e faapea ua sainia e le Pule Sili o le Tiute se tusi faapoloaiga i lalo o lenei fuaiupu, e ao ona tuuina atu i le tagata e faaulufaleina mai oloa i se taimi vave lava e maea ai le sainia o le tusi faapoloaiga.

(5) E ao i oloa ua maua mai e le Malo i lalo o lenei fuaiupu, pe afai e leai se talosaga tetee ua faia i lalo o le faafuaiupu (8), ona faatau atu e le Pule Sili o le Tiute po o sana lala sooupu, ma o tupe maua o le faatauina atu o oloa e ao ona faatatauina e avea o tupe maua a le Ofisa o Tiute.

(6) O le tau e ono totogiina e le Malo mo oloa ua maua mai i lalo o lenei fuaiupu e ao ona:

(a) tutusa ma le tau aogā a le Tiute ua faaalua manino faatasi ai ma le faaopoopoga o -

(i) so o se tau faaee atu mo le feaveaiga, inisiua ma isi mataupu e ono tutupu mai i lo latou faaulufaleina mai e pei ona manatu le Pule Sili o le Tiute ua talafeagai ai; ma

(ii) so o se tiute ua maea ona totogi i luga o oloa; ma

(b) totogi atu i le tagata e faaulufaleina mai oloa e aunoa ma nisi tupe faatatauina e ese ai i lo lenei fuaiupu i totonu o le 20 aso faigaluega o le mauaina mai o oloa.

(7) E lē faatapulaaina i lenei fuaiupu pe aafia ai so o se isi lava malosiaga o le Ofisa o Tiute i luga o oloa po o so o se noataga o le tagata e faaulufaleina mai po o, so o se tasi lava tagata mo se soligatulafono ua faia e tusa ai o oloa.

(8) E mafai e se tagata e faaulufaleina mai o ia lea ua lē faamalieina i se faaiuga a le Pule Sili o le Tiute i lalo o lenei fuaiupu, i totonu o le 20 aso faigaluega i le tuanai ai o le aso na tuuina atu ai le faasilasilaga o le faaiuga, ona talosaga tetee i le Pulega o Talosaga a le Tiute e faasaga i lea faaiuga.

*Vaevaega 2 - Atunuu e faapogai ma
aiaiga faapitoa o le faasologa o tiute*

98. Atunuu e faapogai mai ai oloa gaosi mai i'a po o isi oloa gaosi o le sami-(1) Mo i'a po o isi oloa o le sami, po o oloa ua galueaina po o gaosia atoatoa po o se vaega mai i'a po o oloa i le sami, o so o se mea ua faia e po o i luga o se vaa e faasino i se atunuu (e ese mai i lo Samoa) ua faatatauina, mo faamoemoega o lenei Tulafono ma so o se tulafono ua faia i lea atunuu, ma o oloa o le sami po o oloa ua faapena ona galueaina po o gaosia i le sami, pe afai e aumai tuusao i Samoa, ua faatatauina o le a faaulufaleina mai i totonu o Samoa mai lea atunuu.

(2) E ao i le Pule Sili o le Tiute ona faia se faaiuga o so o se mataupu lea e mafai ona tulai mai e tusa ai o le atunuu lea e faasino i ai so o se vaa mo faamoemoega o le faafuuiupu (1); ma e mausali le faaiuga a le Pule Sili o le Tiute.

99. Poloaiga faa-Minisita mo le fuafuaina o atunuu o oloa gaosi po o atunuu o gaosia mai ai - E mafai e le Minisita i le faia i luga o le fautuaga a le Pule Sili o le Tiute, e ala i se poloaiga ona:

(a) faatonuina oloa po o so o se ituaiga po o vasega o oloa lea ua faatatauina o lo o galueaina po o gaosia a so o se kamupani po o so o se faalapotopotoga o atunuu -

(i) mo faamoemoega o lenei Tulafono; po o

(ii) mo faamoemoega o le Tulafono o le Faasologa o Tiute 1975; ma

- (b) faatonuina ai tuutuuga e ao ona faataunuina a o lumanai ai le faatatauina o oloa e avea ma oloa sa galueaina po o oloa gaosia a so o se atunuu po o so o se faalapopotoga o atunuu; ma
- (c) faatagaina ai le Pule Sili o le Tiute e fuafuaina (e faasino i oloa ua faaalua maoti) -
 - (i) e faapea o le pasene o fale gaosi oloa po o le tau o galuega e ao ona siitia po o le faaitiitia;
 - (ii) o le fuafuaina o tau po o auala e fuafuaina ai tau (e aofia ai se faaitiitiga po o o le leai o se tau faatatauina) pe afai o so o se meafaitino, leipa, po o tupe alu e tulai mai i tau masani ua faaaogāina i le gaosia o oloa ua tuuina atu e aunoa ma se tau faaee atu po o i se tau ua faaitiitia;
 - (iii) o le pasene manaomia o le tulaga agavaa o mea o i ai i le nofoaga i tulaga e aliae mai e le i fuafuaina lea e ono lē mafai ai ona faaauuina;
 - (iv) fetuunaiga po o tuutuuga e faasino i oloa ua faaulufale atu i faiga faapisinisi a se isi atunuu.

100. Aiaiga a o lumanai ai le faaulufale mai o oloa i le fua faatatau o tiute e talafeagai-(1) Afai ua talosagaina e faapea ua agavaa so o se oloa i lalo o lenei Tulafono, po o so o se isi lava tulafono po o se pule faataga ina ia faaulufale mai e aunoa ma se tiute, po o i so o se fua faatatau o le tiute e maualalo ifo na i lo le fua faatatau o i le Faasologa o Tiute mo oloa, e mafai e le Pule Sili o le Tiute ona manaomia le talosaga ina ia faamaonia i le taimi na tusia ai po o i se taimi e mulimuli ane ai (e aofia ai so o se taimi i le tuanai ai o le faamutaina o le noatia o oloa i le vaavaaiga a le Ofisa o Tiute).

(2) Afai ua manaomia e le Pule Sili o le Tiute le talosaga ina ia faamaonia i le taimi e tusia ai oloa, ma ua lē faamaonia le talosaga e faamalieina ai o le Pule Sili o le Tiute i lea taimi, e ao i oloa ua faia i ai le talosaga ona aua ne i faaulufaleina mai.

101. Talosaga talafeagai e le o faamautuina-(1) Afai ua faamalieina le Pule Sili o le Tiute:

(a) e tusa ai o se taunuuga o se suesuega na tauaveina i lalo o le fuaiupu 178; po o

(b) e tusa ai o se taunuuga o se suega faasuetusi, po o suesuega na tauaveina i lalo o le fuaiupu 182; po o

(c) mo so o se isi lava mafuaaga,

e faapea o le atunuu lea e galueaina ai po o gaosia ai oloa e le o faamautinoaina ona e le o maua ni faamatalaga molimau, ua faatatauina oloa, mo faamoemoega o lenei Tulafono po o so o se isi lava tulafono po o pule faataga, e avea o ni oloa na galueaina po o na gaosia a se atunuu e noatia i fua faatatau o tiute ua faatulaga atu i le Faasologa o Tiute.

(2) E ao ona fautuaina se tagata e faaulufale mai oloa e ala i se faasilasilaga tusia i se faaiuga a le Pule Sili o le Tiute i lalo o lenei fuaiupu.

(3) E mafai e se tagata e faaulufale mai oloa o ia lea ua lē faamalieina i se faaiuga a le Pule Sili o le Tiute i lalo o lenei fuaiupu, i totonu o le 20 aso faigaluega i le tuanai ai o le aso na tuuina atu ai le faasilasilaga o le faaiuga, ona talosaga tetee i le Pulega o Talosaga a le Tiute e faasaga i lea faaiuga.

(4) E faaaogā lenei fuaiupu e tusa lava po o ua faamatuu atu oloa pe leai foi mai le vaavaaiga a le Ofisa o Tiute.

VAEGA 9

ILOILOGA, TUPE TOE FAAFOI MA TUPE TOTOGI TOE FAAFOI O TIUTE

Vaevaega 1 - Iloiloga ma le toe faaolaina mai

102. O se aitalafu i le Malo tupe o oloa faaulufale mai-(1) O se aitalafu e tataua ona totogi i le Malo le tiute o oloa uma e faaulufale mai ua i le taimi lava e faaulufaleina mai ai oloa.

(2) E nofo aitalafu le tagata e faaulufaleina mai oloa i le tiute, ma, afai e sili atu i le tasi (1) (e tusa lava po le taimi lea po o i so o se taimi i le tuanai ai o le faaulufaleina mai), o lona uiga e nofo aitalafu i se tulaga sofofaatasi ma taitoatasi i latou uma ia.

(3) I le noatia ma le fai fuafua i lenei Tulafono, e ao ona totogi le aitalafu ma e ono mafai ona totogi pe afai ua:

- (a) tusia oloa i lalo o le fuaiupu 60 ma ua pasia le pepa tusia mo le faaaogāina i le atunuu; po o
- (b) ua tusia oloa i lalo o le fuaiupu 60 mo le aveesea i se nofoaga e gaosia ai; po o
- (c) ua sese ona faatulaueleele oloa po o ua sese ona tagofia i se isi faiga e ese ai e aunoa ma le tusiaina i lalo o le fuaiupu 60; po o
- (d) ua faia se soligatulafono e faasaga i lenei Tulafono e tusa ai o oloa.

(4) E mafai ona toe faaolaina mai se aitalafu e ala i le faia o se tagi e le Pule Sili o le Tiute, e avea ai ma sui o le Malo.

(5) O le aia tatau e toe faaola mai ai tiute ua avea ma aitalafu e tatau ona totogi i le Malo, e lē aafia ona o le tulaga e faapea:

- (a) ua lē toe noatia oloa i lalo o le vaavaaiga a le Ofisa o Tiute; po o
- (b) ua uma ona tuuina atu se feagaiga tusia po o se isi faamalumaluga mo le totogiina o le tiute; po o
- (c) e le i faia se iloiloga aloaia o tiute i lalo o lenei Tulafono po o e faapea ua maea ona faia se iloiloga e lē atoatoa o tiute.

(6) E mafai e le Pule Sili o le Tiute:

- (a) i le noatia ma le fai fuafua i so o se tuutuuga ma aiaiga, ua faamaonia e so o se tagata po o se vasega o tagata, e avea ai ma tagata o i latou ia e mafai ona tolopoina le totogiina o tiute ua tatau ona totogi i lalo o lenei fuaiupu; ma
- (b) mo le faamoemoe o le parakalafa (a), ia fuafuaina se vaitaimi o faamatalaga tau tupe o tiute; ma
- (c) e mafai ona teuteu, taofia lē tumau pe faau i tua le faamaoniga; po o
- (d) le fetuunai, taofia lē tumau, po o le faau i tua o so o se tuutuuga po o aiaiga lea ua tuuina atu i ai le faamaoniga po o, le faaee atu ai o tuutuuga po o aiaiga fou; po o
- (e) le fetuunai o le vaitaimi o faamatalaga tau tupe o tiute.

(7) E ao i le Pule Sili o le Tiute, i se faiga tusitusia ona logoina se tagata po o se vasega o tagata o aafia e ala i se faaiuga i lalo o le faafuaiupu (6).

(8) O oloa uma ua faaalia maoti i totonu o lipoti e tuuina mai i totonu e so o se vaalele, ua faatatauina e faapea sa faaulufaleina mai lava, seia vagana ai ua faamaonia i se isi faiga e ese ai.

(9) E mafai e se tagata o ia lea ua lē faamalieina i se faaiuga a le Pule Sili o le Tiute i lalo o le faafuaiupu (6), i totonu o le 20 aso faigaluega i le tuanai ai o le aso lea na tuuina atu ai le faasilasilaga o le faaiuga, ona talosaga tetee i le Pulega o Talosaga a le Tiute e faasaga i lea faaiuga.

103. Malosiaga o le Minisita e taofia lē tumau, auina atu, toe faafoi po o le faia o tuusaunoaga mai tiute, tiute i luga o oloa gaosi i le atunuu ma isi tulaga faapena-(1) E mafai e le Minisita i le faia i luga o le fautuaga a le Pule Sili o le Tiute, e ala i se poloaiga ona taofia lē tumau, poloaia le faamagaloga po o le toe faafoi o, po o le faia o ni tuusaunoaga mai, tiute po o tiute i luga o oloa gaosi i le atunuu, e tusa ai o oloa po o ni vasega o oloa ua gaosia i Samoa po o ua faaulufale mai i totonu o Samoa ia e:

(a) tuuina atu atoatoa mo le faaaogāina e ia faalapotopotoga, o faamoemoega faapitoa, po o isi itutino e pei ona mafai ona faamaonia e le Minisita ma, e pei ona mafai mai lea taimi i lea taimi ona faamautuina, po o le i ai lē tumau i Samoa i lalo o se maliega po o se tuutuuga, ua sainia e, po o e avea ai ma sui o le Malo o Samoa ma le Malo o so o se isi lava atunuu, po o ma Malo Aufaatasi; po o

(b) tuuina atu atoatoa mo le faaaogāina e tagata e lē nofomau i Samoa mo faamoemoega o le galue e avea o se sui auai o so o sea faalapotopotoga ua faamaonia, o faamoemoega faapitoa, po o isi itutino.

(2) E mafai e le Pule Sili o le Tiute ona faaee atu so o se tuutuuga i luga o oloa po o se vasega o oloa ia ua faia i ai se poloaiga i lalo o lenei fuaiupu.

104. Tiute faaopoopo ua faaee atu-(1) Afai o se tiute sa tolopo lona totogiina i lalo o le fuaiupu 102(6), o tumau pea ona lē totogiina i le aso e tatau ona totogi ai, e ao ona faaee atu i ai le tiute faaopoopo e faapea:

- (a) o le tiute faaopoopo e 10% o le aofaiga o tiute e le i totogiina i le aso e tatau ona totogi ai; ma
- (b) o le tiute faaopoopo e 2% o le aofaiga o tiute e aofia ai tiute faaopoopo e le i totogiina i le faaiuga o le vaitaimi e 30 aso i le tuanai ai o le aso e tatau ona totogi ai; ma
- (c) le tiute faaopoopo e 2% o le aofaiga o tiute, e aofia ai tiute faaopoopo, e le i totogiina i le faaiuga o vaitaimi taitasi e 30 aso o lo o mulimuli ane ai.

(2) E ui lava i le faafuaiupu (1), e mafai e le Pule Sili o le Tiute ona auina atu po o le toe faafoi atu so o se tiute faaopoopo atoa po o so o se vaega ua faaee atu e lea faafuaiupu.

(3) Afai ua teuteuina le aofaiga o le tiute lea sa faaee atu i ai le tiute faaopoopo i lalo o le faafuaiupu (1), mo so o se mafuaaga, e ao i le tiute faaopoopo pe afai e talafeagai ai ona fetuunai faapena.

(4) O se tagata o ia lea ua lē mafai ona totogiina le tiute po o se tiute faaopoopo i lalo o le faafuaiupu (1) i le aso e tatau ona totogi ai, e mafai ona taofia lē tumau e le Pule Sili o le Tiute mai se fuafuaga e tolopo ai le totogiina o tiute.

(5) E mafai e se tagata ua noatia mo le totogiina o le tiute, o ia lea ua lē faamalieina i se faaiuga a le Pule Sili o le Tiute i lalo o le faafuaiupu (3), i totonu o le 20 aso faigaluega, i le tuanai ai o le aso na tuuina atu ai le faasilasilaga o le faaiuga, ona talosaga tetee i le Pulega o Talosaga a le Tiute e faasaga i lea faaiuga.

105. Iloiloga o tiute-(1) Ua faatatauina se pepa tusia mo oloa ua faia i lalo o lenei Tulafono e avea o se iloiloga ua faia e le tagata e faaulufale mai oloa po o se tagata ua laiseneina, i le a lava le tulaga e mafai ai, e faasino i tiute e ono totogiina e tusa ai o na oloa.

(2) Afai o i ai i le Pule Sili o le Tiute se mafuaaga talafeagai e masalomia ai e faapea e totogiina tiute i luga o oloa e se tagata o ia lea e le i faia se pepa tusia i luga o oloa, e mafai e le Pule Sili o le Tiute ona fuafua le tiute i se aofaiga e pei ona ia manatu ua talafeagai ai.

(3) E ao ona logoina i le tagata o lo o noatia mo le totogiina o le tiute e tusa ai ma le iloiloga o le tiute e ala i se faasilasilaga tusitusia.

(4) E mafai e se tagata ua noatia mo le totogiina o le tiute, o ia lea ua lē faamalieina i se faaiuga a le Pule Sili o le Tiute i lalo o le faafuaiupu (2), i totonu o le 20 aso faigaluega i le tuanai ai o le aso lea na tuuina atu ai le faasilasilaga o le faaiuga, ona talosaga tetee i le Pulega o Talosaga a le Tiute e faasaga i lea faaiuga.

106. Teuteuga o iloiloga-(1) I le noatia ma le fai fuafua i le fuaiupu 110, e mafai e le Pule Sili o le Tiute ona teuteu se iloiloga o tiute ina ia faamautinoa ai le sao atoatoa o le iloiloga e ui lava:

(a) o oloa ia e faasino i ai le tiute e le o toe noatia i le pule a le Ofisa o Tiute; po o

(b) le tiute sa muai fuafuaina ua maea ona totogi.

(2) Afai o i ai i le teuteuga le aloaia o le faaeeina atu o se noataga fou po o se isi noataga o i ai, e ao ona tuuina atu se faasilasilaga tusitusia e le Pule Sili o le Tiute i le tagata o lo o noatia i le tiute.

(3) E mafai e se tagata ua noatia mo le totogiina o le tiute o ia lea e le o faamalieina i se faaiuga a le Pule Sili o le Tiute i lalo o lenei fuaiupu, i totonu o le 20 aso faigaluega i le tuanai ai o le aso lea na tuuina atu ai le faasilasilaga o le faaiuga, ona talosaga tetee i le Pulega o Talosaga a le Tiute e faasaga i lea faaiuga.

107. Aso ua tatau ona totogiina ai tiute-(1) Ae vagana ai ua faaalua maoti i se isi faiga e ese ai i totonu o lenei Tulafono, o le aso e tatau ona totogi ai le tiute:

(a) ua iloiloaina i lalo o le fuaiupu 105(2); po o

(b) ua toe iloiloaina i lalo o le fuaiupu 106; po o

(c) ua tapa faamalosi i lalo o le fuaiupu 118 po o le 119,

o le aso lea e 30 i ai aso i le tuanai ai o le aso lea na tuuina atu ai le faasilasilaga tusitusia o le iloiloga, iloiloga toe teuteu po o ua tapa faamalosi e le Pule Sili o le Tiute.

(2) E ui i lea, afai o i ai i le Pule Sili o le Tiute se mafuaaga talafeagai e talitonu ai e faapea o le a lē mafai e se tagata ona totogiina le tiute i le aso e tatau ona totogiina

ai i lalo o le faafuaiupu (1), e mafai e le Pule Sili o le Tiute, e ala i se faasilasilaga tusitusia ona manaomia lea tagata e totogi le tiute i se aso i luma mai.

(3) O se faasilasilaga ua tuuina atu i lalo o le faafuaiupu (2) o se tulaga lea ua tapa faamalosi mo le totogiina, ma ua tatau ona totogiina le tiute i le aso ua atofaina e le Pule Sili o le Tiute.

(4) E mafai e se tagata ua noatia mo le totogiina o le tiute o ia lea ua lē faamalieina i le faaiuga a le Pule Sili o le Tiute i lalo o le faafuaiupu (2), i totonu o le 20 aso faigaluega i le tuanai ai o le aso lea na tuuina atu ai le faasilasilaga o le faaiuga, ona talosaga tetee i le Pulega o Talosaga a le Tiute e faasaga i lea faaiuga.

(5) Afai e tumau pea ona lē totogia uma le tiute po o sona vaega i le aso e tatau ai ona totogi, o le aofaiga e le i totogia ua faatatauina, o le a siitia e ala i se aofaiga ua fuafuaina i lalo o le fuaiupu 104(1).

108. Iloiloga ua avea e faapea ua sao-(1) O se iloiloga ua faia e le Pule Sili o le Tiute i lalo o lenei Tulafono, e aofia ai se iloiloga toe teuteu, ua faatatauina e ao ona faapea ua sao, ma e tatau ona totogiina le tiute e tusa ai, seia vagana ua fuafuaina se aofaiga e ese ai i luga o se talosaga, e avea ma tiute ua tatau ona totogiina i luga o oloa, ua fuafuaina e faapea e leai se tiute e totogiina.

(2) E ui lava i so o se mea o i totonu o lenei Tulafono, pe afai ua faatoai atu se talosaga i lalo o le Vaega 8, 9, po o le 11, e mafai e le Pule Sili o le Tiute i le noatia ma le fai fuafua i le taliaina o so o se faamalumaluga e pei ona ia manatu ua lava atoatoa e totogi uma ai le aofaiga atoa o le tiute, ona faamatuu atu oloa mai le vaavaaiga a le Ofisa o Tiute.

109. Noataga ina ia totogi tiute e le o taofia lē tumau e ala i se talosaga tetee-(1) I le noatia ma le fai fuafua i le faafuaiupu (3), o le noataga e totogi ai ma le aia tatau e taliaina ai ma toe faaola le tiute i lalo o lenei Tulafono, e le o taofia lē tumau e ala i so o se talosaga tetee, po o ni taualumaga faaletulafono.

(2) I le noatia ma le fai fuafua i le faafuaiupu (3), pe afai ua faamanuiaina le tagata talosaga i le talosaga po o taualumaga:

- (a) so o se aofaiga o tiute po o so o se faamalumaluga ua talia e le Pule Sili o le Tiute e sili atu i le aofaiga e faapea, i lalo o le faaiuga o le talosaga po o taualumaga sa lelei ona tologiina, e ao ona toe faafoi vave atu ia tupe i le tagata talosaga e le Pule Sili o le Tiute; po o
- (b) e ao ona faasaoloto le tagata talosaga mai tuutuuga o le faamalumaluga sa faaee atu i lalo o le fuaiupu 179.

(3) Ua taofia lē tumau se noataga e le Pule Sili o le Tiute i lalo o le faafuaiupu (2) a o talia le taunuuga o so o se talosaga ua faaulu atu e le Pule Sili o le Tiute i lalo o lenei Tulafono, po o so o se isi lava tulafono e faasaga i se faaiuga ua manaomia ai le toe faafoi o le tiute.

110. Faatapulaaina o le taimi mo teuteuga o se iloiloga-(1) Afai ua faia se iloiloga o le tiute i lalo o lenei Tulafono, e tataui i le Pule Sili o le Tiute ona teuteu le iloiloga ina ia siitia ai le tulaga o le iloiloga, i le tuanai ai o le faamutaina o le fa (4) tausaga mai le aso lea sa faia ai le uluai iloiloga.

(2) E ui lava i le faafuaiupu (1), pe afai, i le manatu o le Pule Sili o le Tiute, o le pepa tusia o oloa po o so o se tautinoga na faia mo oloa, sa faatogafiti ona fai po o sa tau faasese ma le loto i ai, e mafai e le Pule Sili o le Tiute ona toe teuteu le iloiloga i so o se taimi ina ia siitia ai le aofai o le iloiloga.

111. Tausiga o faamaumauga faapisinisi-(1) E ao i se tagata ua laiseneina, tagata e faaulufaleina mai, tagata e auina ese atu, po o se faalapotopotoga faamaonia ua faatagaina e le Pule Sili o le Tiute i lalo o le fuaiupu 77 (“tagata”), ona tausaga po o le faapogai ina ia tausaga i totonu o Samoa, so o se faamaumauga, mo se vaitaimi faatonuina e lē silia le fitu (7) tausaga.

(2) E ao i le tagata, e pei ona ma pe a oo ina manaomia e se tagata ofisa o le Tiute ona:

- (a) faia faamaumauga e avanoa i ai le Ofisa o Tiute; ma
- (b) tuuina atu ata o faamaumauga e pei ona manaomia; ma

(c) tali atu i so o se fesili e talafeagai i mataupu e tulai mai i lalo o lenei Tulafono, e fesiligia ai e so o se tagata ofisa e tusa ai o ia faamaumauga.

(3) Afai e mo faamoemoega o le tausisia o le faafuaiupu (2) ua faamauina ai se faamatalaga po o ua teuina ai e ala i se masini faaeletoroni po o se isi masini, e ao i le tagata po o le sooupu a le tagata, i le talosaga atu a le tagata ofisa o le Tiute, ona faagaioia le masini po o le taulamua ina ia faagaioia le masini, ia avanoa atu faamatalaga i le tagata ofisa o le Tiute.

112. Tuuina i Tiute o avanoa i faamaumauga faapisinisi-(1) E faatoa faaaogā lenei fuaiupu i se tagata pe afai o ia:

(a) o se tagata lea e faaaogā i ai le fuaiupu 111(1) po o se tagata o aafia ai i se isi faiga e ese ai i le lauina, tagofiaina, po o le felauaiga o oloa ia ua faaulufale mai i po o ua auina ese atu mai Samoa, e aafia ai se tagata o aafia ai i le felauaiga o oloa i se nofoaga tau le Tiute, lea o le a faagasolo mai ai oloa mo le auina ese atu i se nofoaga autu i fafo atu o Samoa; ma

(b) ua manaomia e le Pule Sili o le Tiute e ala i se faasilasilaga tusitusia ina ia tausisia ai lenei fuaiupu i le aso po o le tuanai ai o le aso ua faaalua maoti i le faasilasilaga tusitusia.

(2) I le aso po o le tuanai ai o le aso ua faaalua maoti i le faasilasilaga tusitusia, e ao i se tagata o ia lea ua faaaogā i ai lenei fuaiupu:

(a) afai o le tagata, o ia lea ua faasino i ai lenei fuaiupu 111(1), ia tuuina atu i le Tiute avanoa i faamaumauga lea e manaomia ai le tagata e tausisia i lalo o le fuaiupu 111; ma

(b) afai o le tagata, o ia lea ua aafia i se isi faiga e ese ai i le lauina, tagofiaina, po o le felauaiga o oloa lea ua faaulufale mai i, po o ua auina ese atu mai Samoa, ia tuuina atu i le Tiute avanoa i so o se faamaumauga ua mafai e le tagata ona tausisia i le taimi nei, o se ituaiga ua manaomia ina ia tausisia i lalo o le fuaiupu 111.

(3) E ao i se tagata o ia lea ua faasino i ai lenei fuaiupu ona:

- (a) tuuina atu i le Tiute lea avanoa i totonu o le pepa faatumu ma faiga ua faamaonia, e aofia ai pepa faatumu ma faiga faaeletoroni; ma
- (b) faamautinoa e faapea o lo o i ai i le Ofisa o Tiute lea avanoa i taimi uma e talafeagai ai.

(4) E mafai e le Pule Sili o le Tiute, e ala i se faasilasilaga tusitusia, ona tuusaunoa se tagata o ia lea o lo o faaaogā i ai lenei fuaiupu, mai le tausisia ai o nisi po o noataga uma o le tagata i lalo o lenei fuaiupu i tulaga uma e aliae mai po o so o se tulaga e aliae mai ua faamaotiina.

(5) O lenei fuaiupu e lē aafia ai se noataga i lalo o le fuaiupu 111 ina ia tausia po o le taulamua ina ia tausia, ia avanoa i ai, tuuina atu ata o, po o le tali atu i fesili e tusa ai o faamaumauga.

113. Uiga o le “e fesootai” - I totonu o le fuaiupu 114 o le tasi tagata o (A) “e fesootai” i le isi tagata o (B):

- (a) afai o A e fesootai ia B e ala i sootaga tau toto, faaipoipoga, vaega tama, po o pe afai o A o se tasi mavaega o se manaoga tasi lea e faamanuiaina ai B, ma mo faamoemoega o lenei parakalafa -

- (i) e fesootai tagata e ala i sootaga tau toto pe afai ua maua i totonu o le augatupulaga, lona fa, e ala i se tupuaga e fesootai ai;

- (ii) ua fesootai tagata e ala i faaipoipoga, faatasiga tau le va o tagata, po o se sootaga faapouliuli pe afai ua faaipoipo i latou i, i se faatasiga tau le va o tagata ma, po o i se sootaga faapouliuli o le tasi i le isi (“paaga”), ma e aofia ai se sootaga i le va o se paaga e tasi ma se tagata e fesootai i sootaga tau toto ma le isi paaga;

- (iii) ua fesootai tagata e ala i vaega tama pe afai ua vaetamaina se tasi e avea ma tamaitiiti a le isi po o e avea ma tamaitiiti a se tagata o ia lea o lo o i totonu o le auga tupulaga lona tolu i le isi;

- (b) afai o B o se kamupani, lea e avea ai A o se faatonu po o se tagata ofisa a B, po o e fesootai (i totonu o le uiga o le parakalafa (a)) i se faatonu po o se tagata ofisa a B, po o ua mafai ona faalautele atu lana pule i mataupu a B i se faiga tuusao po o e lē tuusao foi;
- (c) afai o A o se kamupani, lea e avea ai B o se faatonu po o se tagata ofisa a A, po o e fesootai (i totonu o le uiga o le parakalafa (a)) i se faatonu po o se tagata ofisa a A, po o ua mafai ona faatino lana pule i mataupu a A i se faiga tuusao po o e lē tuusao foi;
- (d) afai o A ma B o ni kamupani uma i laua -
 - (i) afai o le isi kamupani o le kamupani e umia, po o se kamupani o le lala o le isi kamupani, i le a lava le tulaga e i ai; po o
 - (ii) afai o so o tasi o ia kamupani e lua e umia po o e pulea sea ia, o le tuufaatasiga e i ai le aia tatau e faatino ai po o e pulea ai le faatinoga o le 20% po o le sili atu o malosiaga tau palota i fonotaga a le kamupani; po o
 - (iii) pe afai o ia kamupani uma e lua e i ai lea lava kamupani e umia, po o se isi tagata e umia po o e pulea sea i ia kamupani taitoatasi lea e tauaveina le aia tatau e faatino ai po o e pulea ai le faatinoga o le 20% po o le sili atu, o malosiaga tau palota i fonotaga a ia kamupani taitasi.

114. O le tiute o se tau faaee atu i luga o oloa-(1) I le noatia ma le fai fuafua i le faafuaiupu (3), o le tiute i luga o so o se oloa e faavae ai se tau faaee atu i luga o na oloa, e ave i ai le faamuamua i lo so o se isi lava tau faaee atu seia oo ina maea ona totogi atoa.

(2) I le noatia ma le fai fuafua i aiaiga o lenei fuaiupu, afai o so o se tiute ua faaee atu i luga o so o se isi oloa i lalo o lenei fuaiupu ua tatau ona totogi ma, e le i totogiina, e mafai e le Pule Sili o le Tiute, e tusa lava po o ua tuuina atu

pe leai foi le meatotino i oloa i se isi vaega auai, ia umia oloa ma faatau atu ia oloa po o e faamalieina ai ma o se vaega o le tau faaee atu.

(3) E lē faaaogāina le faafuaiupu (1) i se tagata na faatauina mai oloa mo se fuafuaga taua ma le aunoa ai ma le iloa e faapea o lo o aitalafu i le tiute, ae peitai e le i totogiina.

(4) Afai ua talosaga se tagata po o a o lumanai ai le aveina o oloa e le Pule Sili o le Tiute, e faapea o lea tagata sa faatauina mai oloa lea e faaaogā i ai le faafuaiupu (3) ma o lo o i ai se finauga pe faaaogā i ai lea faafuaiupu, e mafai e le Pule Sili o le Tiute:

(a) pe afai o lo o umia oloa po o pulea e lē na faaulufaleina mai, ona aveina oloa ma i le noatia ma le fai fuafua i le faafuaiupu (6), ona taofia le umiaina o oloa; po o

(b) afai o lo o umia oloa po o pulea e le tagata na faatauina mai, e ala i se faasilasilaga tusitusia, ia faatonuina lē na faatauina mai oloa, i le noatia ma le fai fuafua i le faafuaiupu (6), e taofia le umiaina po o le puleaina o oloa,

a o talia ai se faaiuga o le finauga, ma e faaaogāina le faafuaiupu (6) e oo i le (8).

(5) Afai:

(a) o le umiaina o oloa ua tauaveina lea e le Pule Sili o le Tiute ae peitai e le i faatauina atu ia oloa; ma

(b) ua logoina e se tagata le Pule Sili o le Tiute e faapea o ia na talosaga e faapea o ia lea na faatauina mai oloa lea e faasino i ai le faafuaiupu (3); ma

(c) o lo o i ai se finauga pe faaaogāina lea faafuaiupu,

e ao i le Pule Sili o le Tiute, i le noatia ma le fai fuafua i le faafuaiupu (6), ona taofia le umiaina o oloa a o talia le faaiuga o le finauga, ma e faaaogāina le faafuaiupu (6) e oo i le (8).

(6) Afai o so o se oloa lea ua umiaina e le Pule Sili o le Tiute po o sa faatonuina ai se tagata na faatauina mai ia taofia i lalo o lenei fuaiupu, o lo o aofia atoa ai po o i sona vaega o so o se meaola ninii po o so o se mea lea ua i ai i le manatu o le Pule Sili o le Tiute, ua i se tulaga faaleagaina po o ua mafai ona faaititia lona aogā i se isi faiga e ese ai,

pe afai e lē vave faatauina ese atu, e mafai e le Pule Sili o le Tiute, po o e mafai e le tagata na faatauina mai o lo o umia po o pulea oloa, i le i ai o le uluai maliega a le Pule Sili o le Tiute, ona faatauina ese atu oloa, ma o tupe faasili o totoe i le faatauga, ua faatatauina e ao ona faasoasoina mo oloa sa faapena ona faatauina atu.

(7) E mafai e le Pule Sili o le Tiute po o le tagata na faatauina mai oloa ona talosaga i le faamasinoga mo se tautinoga e faasino i oloa pe na maua mai e le tagata na faatauina mai mo se faamoemoe taua ma le aunoa ai ma le iloa e faapea o lo o i ai le tiute sa tatau ona totogi ma e le i totogiina.

(8) I so o se taualumaga i lalo o le faafuaiupu (7), pe afai e fesootai le tagata na faatauina mai ma se tagata o noatia ai, o le matafaioi mo le faamaoniga e faapea sa maua mai oloa e le tagata na faatauina mai mo se faamoemoe taua, ma le aunoa ai ma le iloa e faapea o lo o i ai le tiute e tatau ona totogi ae peitai e le i totogiina, e i luga lea o le tagata na faatauina mai.

(9) I totonu o lenei fuaiupu, “tagata na faatauina mai” o lona uiga:

- (a) o se tagata o ia lea sa mauaina mai oloa (e ese ai i lo se tagata o noatia e totogi le tiute); po o
- (b) se tagata na faatauina mai oloa mulimuli ane, o ia lea i so o se itu e lē fesootai i le tagata o lo o noatia e totogi le tiute.

115. Faaaogāina o le fuaiupu 116 - E faaaogāina le fuaiupu 116 i le toe faaolaina mai o tiute e le i totogiina:

(a) lea e tatau ona totogiina e -

(i) se tagata e toatasi o ia lea ua gaumativa po o ua lē mafai ona totogi aitalafu; po o

(ii) se kamupani lea ua faamaapeina faaletulafono; po o

(iii) se kamupani e faataapeina meatotino; po o

(iv) se faalapotopotoga o tagata e le i tuufaatasia faaletulafono (e aofia ai se faiga faapaaga po o se pisinisi soofaatasi po o tausī mavaega o se mavaega tausī) lea na faamaapeina faaletulafono; po o

(v) se faalapotopotoga o tagata e le i tuufaatasia faaletulafono (e aofia ai se faiga faapaaga po o se pisinisi soofaatasi po o tausi mavaega o se mavaega tausi) e tusa ai o mea totino ia ua tofia i ai le tagata e faataapeina; po o

(vi) se kamupani lea e i ai faafoega e faia i le lotomalie; po o

(vii) se kamupani lea ua lē mafai ona totogi aitalafu; po o

(viii) se mavaega tausi lea ua lē mafai ona totogiina aitalafu; ma

(b) e faapea e le o aofia ai se tau faaee atu i luga o oloa.

116. Faatulagaga o tiute-(1) O tiute e le i totogiina lea e faasino i ai lenei fuaiupu e ao ona totogiina i lalo o aiaiga ua taua o lenei fuaiupu.

(2) Mo se tagata e toatasi, i luga o le gaumativa o le tagata po o i luga o se tagata o faia se galuega mo le manuia o le tagata o nofo aitalafu i se tagata, o le aofaiga o so o se tiute lea e faasino i ai lenei fuaiupu, e ao ona faatulagaina, i le faasologa o tulaga e ave i ai le faamuamua i le taimi lava e maea ai le taliaina o talosaga faapitoa mo totogi ma isi vaegatupe e ono totogi i so o se tagata faigaluega, ma le tulaga faamuamua i isi talosaga uma, ae vagana ai lafoga e faia i luga o aofaiga o tau o oloa, e totogi e tusa ai ma le Tulafono o Lafoga o Oloa ma Galuega Faatino e Faia i Luga o Aofaiga o Tau 1992/1993.

(3) Mo se kamupani, i luga o le faamaapeina o se kamupani po o i luga o le tofiaina o se tagata e faataapeina meatotino, e ave ai ma sui o lē e umia so o se tupe faaaitalafu ua tuuina atu e le kamupani ua faamautuina e se tau faaee atu i luga o meatotino a le kamupani, po o i luga o le umiaina ua faia e ave ai ma sui o lē o lo o umia tupe faaaitalafu o meatotino, o le aofaiga o so o se tiute lea e faaaogā i ai lenei fuaiupu, e ao ona vave faatulaga i le tuanai ai o le taliaina o talosaga faapitoa mo totogi ma isi vaegatupe e ono totogi i so o se tagata faigaluega, ma i tulaga e ave i ai le faamuamua i isi talosaga uma.

(4) Mo se faalapotopotoga o tagata e ese ai i lo se kamupani, i luga o le tofiaina o se tagata e faataapeina meatotino e avea ai ma sui o so o se tagata i lalo o so o se poloaiga ua faia e se faamasinoga, tulafono po o se maliega, o le aofaiga o so o se tiute lea e faaaogā i ai lenei fuaiupu e ao ona faatulaga, i le itu e ave i ai le faamuamua, i se taimi vave lava e tuana'i ai le taliaina o so o se talosaga faapitoa mo totogi po o isi vaegatupe e ono totogi i so o se tagata faigaluega, ma i le tulaga faamuamua i so o se talosaga a tagata o umia ni aitalafu i lalo o se tau faaee atu lē tumau, e aofia ai se tau faaee atu (lea sa avea ma tau faaee atu tumau pe faapitoa talu ona faia) sa faia e lea faalapotopotoga ma o le a totogiina atu e tusa ai o so o se tulaga e ave i ai faamuamua po o i le noatia ma le fai fuafua i lea tau faaee atu.

(5) E faaaogā lenei fuaiupu e ui lava i so o se mea o i totonu o so o se isi lava tulafono.

(6) O lenei fuaiupu po o le fuaiupu 114 e lē aafia ai i le fuaiupu 117.

117. Faamatuu atu o oloa o noatia i tiute-(1) Ae vagana ai ua aiaia i se isi faiga e ese ai i totonu o lenei Tulafono, po o i se isi tulaga e pei ona mafai ai ona faamaonia e le Pule Sili o le Tiute, ma i le noatia ma le fai fuafua i so o se faamalumaluga e pei ona mafai ona manaomia e le Pule Sili o le Tiute, e lē agavaa se tagata ia mauaina le faamatuu atu o oloa mai le pule a le Ofisa o Tiute, seia vagana ai ua totogiina atoa le vaegatupe e tatau ona totogi e ala i tiute i luga o oloa.

(2) E lē mafai ona faia se tagi po o se isi taualumaga e faasaga i le Malo po o le Pule Sili o le Tiute po o so o se tagata ofisa o le Tiute, mo le taofia o oloa a o faagasolo le vaitaimi a o lumanai ai le totogiina o le vaegatupe atoa e tatau ona totogiina.

(3) Afai ua manatu le Pule Sili o le Tiute e faapea o le a tulai mai se tulaga faigata mai le totogiina o se tiute e pei ona manaomia ai e lenei fuaiupu, e mafai e le Pule Sili o le Tiute, i le noatia ma le fai fuafua i tuutuuga e pei ona ia manatu ua talafeagai ai, ona faaee atu, faatonuina le faamatuu atu o oloa mai le pule a le Tiute ma talia le totogiina o le tiute e ala i le totogi auauai i luga o se vaitaimi ua faamaotiina.

118. Noataga mo tiute o oloa na sese ona aveeseina po o ua lē maua-(1) E noatia se tagata e fai le laisene o se Nofoga e Pulea e le Tiute, mo tiute e tatau ona totogiina i luga o oloa ia ua faamalieina ai le Pule Sili o le Tiute, ua ave seseina mai po o ua lē maua mai lea nofoaga e pulea e le Tiute, e faapei ai o oloa sa faaulufaleina mai po o sa gaosia e le tagata e fai le laisene ma tusia i lalo o le fuaiupu 60.

(2) E lē faamatuuina atu se tagata e fai le laisene o se Nofoga e Pulea e le Tiute, mai noataga i lalo o lenei fuaiupu i lalo o so o se isi lava aiaiga o lenei Tulafono po o so o se isi lava tulafono.

(3) Afai:

(a) o oloa e tatau ona tiute ua aveesea mai se nofoaga e pulea e le Tiute e aunoa ma le pule faataga a le Ofisa o Tiute; po o

(b) oloa e tatau ona tiute ua lē tuuina atu e le tagata e fai le laisene i le Tiute ma ua lē faatatauina e faapea sa faaooina atu e tusa ai ma le tulafono mai le nofoaga e pulea e le Tiute,

ua tatau ona totogi tiute ma e faapei ai sa aveesea oloa mo le faaaogāina i le atunuu po o ua faia le pepa tusia o oloa ma pasia mo le faaaogāina i le atunuu.

(4) E mafai e le Pule Sili o Tiute, e ala i se faaaliga tusitusia, ona tapa faamalosi mai lē e ona po o le tagata e faaulufaleina mai oloa po o se tagata e fai le laisene o se nofoaga e pulea e le Tiute, se totogi o so o se vaegatupe lea e i ai i le Pule Sili o le Tiute se mafuaaga talafeagai e masalomia ai, e le i totogiina i lalo o lenei fuaiupu.

(5) O tiute e ono totogi i lalo o lenei fuaiupu, ua faavae ai se aitalafu e tatau ona totogi i le Malo e le tagata e fai le laisene o se Nofoga e Pulea e le Ofisa o Tiute, ma le tagata e faaulufaleina mai oloa, ma lē e ona oloa o i latou ia ua noatia soofaatasi ma taitoatasi i noataga.

(6) O se tagata o noatia mo le totogiina o le tiute, o ia lea ua lē faamalieina i se faaiuga a le Pule Sili o le Tiute i lalo o lenei fuaiupu, e mafai, i totonu o le 20 aso faigaluega i le tuanai ai o le aso lea na tuuina atu ai le faasilasilaga o le faaiuga, ona talosaga tetee i le Pulega o Talosaga a le Tiute e faasaga i lea faaiuga.

119. Noataga o ē e ona se vaalele mo tiute o oloa ua faatulaueleele i se ala faasolitulafono-(1) Afai o uta po o oloa po o nisi oloa ua faatulaueleele faasolitulafono i totonu o Samoa, i totonu po o mai se vaa lea o lo o i totonu o Samoa, o lē e ona ma le tagata o vaaia le vaa (e aunoa ma le aafia ai i noataga o so o se isi lava tagata), e noatia faatasi ma taitoatasi mo le totogiina o le tiute i luga o uta ma oloa po o nisi oloa, e faapei ai o lea uta po o na oloa po o nisi oloa sa o latou faaulufaleina mai ma ua faia pepa tusia, o oloa ua pasia mo le faaaogāina i le atunuu, i lalo o le fuaiupu 60.

(2) E mafai e le Pule Sili o le Tiute, e ala i se faasilasilaga tusitusia, ona tapaina mai lē e ona po o le tagata e vaaia le vaa le totogiina o se vaegatupe lea ua i ai i le Pule Sili o le Tiute se mafuaaga talafeagai e masalomia ai e le i totogiina i lalo o lenei fuaiupu.

(3) I so o se tualumaga mo le toe maua mai po o le toe faafoiga o le tiute i lalo o le faafuaiupu (1), o le vaegatupe na faapea ona tapaina e le Pule Sili o le Tiute, ua faatatauina lava e ao ona totogi ma ua tataua ona totogi vagana ai ua faamaonia i se isi uiga e ese ai.

(4) O se tagata o lo o noatia mo le totogiina o le tiute o ia lea ua lē faamalieina i se faaiuga a le Pule Sili o le Tiute i lalo o lenei fuaiupu e mafai, i totonu o le 20 aso faigaluega i le tuana'i ai o le aso na tuuina atu ai le faasilasilaga o le faaiuga, ona talosaga tetee i le Pulega o Talosaga a le Tiute e faasaga i lea faaiuga.

120. Aafiaga o le totogiina o le tiute e se tagata e toatasi o le noataga a isi tagata - O le noataga o se tagata i lalo o aiaiga o lenei Tulafono mo le totogiina o tiute i luga o oloa ua faamutaina e ala i le totogiina o lea tiute e so o se tasi lava tagata o noatia mo le totogiina o le tiute i lalo o so o se aiaiga o lenei Tulafono, ae vagana ai o lea tiute ua toe faafoi mulimuli ane po o ua toe tuuina atu.

121. O se mea ua tulai mai i tiute ua suia-(1) Mo se teuteuga i se tulafono i luga o noataga o oloa i tiute po o le fua faatatau o tiute lea e noatia ai oloa, o le noataga po o le fua faatatau e ao ona fuafuaina, ae vagana ai ua aiaia manino i se isi uiga e ese ai:

- (a) mo oloa o lo o taofia i totonu o se vaega ua laiseneina o se Nofoga e Pulea e le Ofisa o Tiute mo faamoemoega o le fuaiupu 11(b), po o gaosia i totonu o se nofoaga e gaosi ai, e ala i se tulafono ua faamamaluina i le taimi na aveesea ai oloa mai fale e teu ai oloa auina ese atu i fafo po o nofoaga e gaosia ai oloa;
- (b) mo nisi oloa, e ala i se tulafono ua faamamaluina i le taimi na faaulufale mai ai oloa i totonu o Samoa.

(2) I totonu o lenei fuaiupu, “teuteuga i se tulafono” e aofia ai teuteuga lea ua faia i so o se taimi po o e faavaitaimi i noataga o oloa i tiute po o i le fua faatatau o tiute lea e noatia ai oloa.

122. Iloiloga o tiute i ni mataupu faapitoa-(1) O tiute ua faaee atu e tusa ai ma se aofaiga, mamafa, lapoa po o le tau aogā, ua faamaotiina, e ao ona faatatauina le tau faaee atu i luga o se aofaiga tele po o se aofaiga laitiiti, mamafa, lapoa po o le tau aogā.

(2) Mo faamoemoega o le fuafuaina o tiute o ava malosi, pe afai o le a faatulagaina i le tiute e faasino i mea o i ai i le ava malosi:

- (a) o faiga o le faamautinoaina o le tele o le ava malosi o i ai i totonu o le suavai e ao ona fuafuaina e le Pule Sili o le Tiute i faatalanoaga ma se tagata agavaa e auiliiliina; ma
- (b) pe afai, i luga o pepa tusia o oloa i lalo o le fuaiupu 60, ua faamautinoa ai e faapea o le tele o le ava malosi ua siitia po o ua faaitiitia e ala i le faagasologa masani o suiga a o noatia i le pule a le Tiute, e ono tataua ona totogiina le tiute e tusa ai o le tele o le ava malosi e pei ona ua faapena ona siitia po o ua faaitiitia.

123. Toe faaulufale mai o oloa na auina ese atu-(1) I le noatia ma le fai fuafua i le faafuaiupu (2), e mafai i oloa sa auina ese atu mai Samoa, i sea tulaga ma i lalo o so o se tuutuuga e pei ona mafai ona faamaonia mai lea taimi i lea taimi e le Pule Sili o le Tiute, ona faaulufale mai e aunoa ma

se tiute po o i so o se fua faatatau o le tiute sa fuafuaina e le Pule Sili o le Tiute, e lē silia le tiute lea e ono tatau ona totogiina i luga o oloa pe a na fai e faaulufale mai mo le taimi muamua.

(2) E faaaogā leni fuaiupu i oloa ia, pe afai e toe faaulufaleina mai, o lo o tumau pea le tulaga taua sa i ai e pei o le taimi na auina ese atu ai.

(3) E ui lava i le faafuaiupu (1), pe afai ua tapaina tupe toe faafoi o tiute po o le toe tuuina o tiute i luga o oloa, o le a tatau ona totogi le tiute i luga o le toe faaulufaleina mai o oloa.

124. Totogiina o tiute e le tagata e faaulufaleina mai oloa, lē o auina ese atu oloa po o se tagata e fai le laisene ua tuua Samoa-(1) I luga o le talosaga a se tagata e faaulufaleina mai, tagata e auina ese atu po o se tagata e fai le laisene (“o le tagata”) i lalo o leni Tulafono o le a tuua o Samoa, pe afai ua faamalieina le Pule Sili o le Tiute:

(a) e faapea e le o noatia le tagata e totogi so o se tiute; po o

(b) e faapea o tiute uma e ono totogiina e le tagata, ua maea ona totogi; po o

(c) e faapea ua faia po o o le a faia fuafuaga lelei mo le totogiina o tiute uma lea e po o e mafai ona totogiina e le tagata,

e mafai e le Pule Sili o le Tiute ona tuuina atu se tusi faamaonia i le tulaga e faapea e le o i ai le tagata i lalo o so o se noataga mo tiute o manaomia ina ia faamatuu ese a o le i tuua e le tagata ia Samoa.

(2) O le tusi faamaonia ua tuuina atu i lalo o le faafuaiupu (1) e tumau pea ona faamamaluina mo se vaitaimi po o seia oo i se aso ua faamaoti mai i totonu o le tusi faamaonia.

(3) Afai ua sauni le tagata e tuua Samoa, ma:

(a) o lea tagata o lo o noatia e totogi so o se tiute; po o

(b) o tiute uma e tatau ona totogi e lea tagata e le i totogia; po o

(c) e le i faia ni fuafuaga lelei mo le totogiina o tiute uma lea ua po o e mafai ona totogiina e lea tagata,

e mafai e le Pule Sili o le Tiute ona tuuina atu se tusi faamaonia i le tulaga e faapea o lo o i ai le tagata i lalo o se noataga mo tiute lea e manaomia ina ia faamatuu ese a o le i tuua e le tagata ia Samoa.

(4) E mafai e le Pule Sili o le Tiute ona auina atu le tusi faamaonia ua tuuina atu i lalo o le faafuaiupu (3) i luga o se vaalele faava o malo o faatino ni faiga malaga i ma alu ese atu ma Samoa ma e ao i lea kamupani vaalele ona lē faatagaina le tagata ua taua i le tusi faamaonia, ina ia aveesea mai Samoa i luga o lana vaalele seia vagana ai ua tuuina atu i le vaalele se tusi faamaonia mai le Pule Sili o le Tiute, ua tuuina atu i lalo o le faafuaiupu (1).

(5) E ao i le Pule Sili o le Tiute ona auina atu se tusi faamaonia ua tuuina atu i lalo o le faafuaiupu (3) i luga o le tagata ua taua le igoa i le tusi faamaonia, ma e ao i le tagata ona lē toe faia se isi laasaga e tuua ai Samoa e ala i so o se isi lava faiga seia vagana ai:

- (a) ua tuuina atu e le Pule Sili o le Tiute se tusi faamaonia i lalo o le faafuaiupu (1); po o
- (b) ua faatagaina e se Faamasino o le Faamasinoga Sili i lalo o le tulafono faafoe 184 o le Tulafono Faafoe o le Faamasinoga Sili (Taalumaga Tau le Va o Tagata) 1980.

(6) I le faaopoopo atu i le auina atu o le tusi faamaonia i lalo o le faafuaiupu (4), e mafai e le Pule Sili o le Tiute ona talosaga i se Faamasino o le Faamasinoga Sili mo se tusi faapoloaiga tau tagata nofo aitalafu e sola ese faasolitulafono i lalo o le tulafono faafoe 184 o le Tulafono Faafoe o le Faamasinoga Sili (Taalumaga Tau le Va o Tagata) 1980.

*Vaevaega 2 - Tupe toe faafoi, faamagaloga,
ma tupe totogi toe faafoi o tiute*

125. E mafai e le Pule Sili o le Tiute ona toe faafoi atu le tiute na sese ona totogi-(1) Afai ua faamalieina le Pule Sili o le Tiute e faapea o le tiute na sese ona totogi, tusa lava po o le itu i le tulafono poo le mea moni, e ao i le Pule Sili o le Tiute, ae vagana ai o i ai se mafuaaga lelei e lē tatau ai, ona toe faafoi atu tiute:

- (a) i so o se taimi i totonu o le fa (4) tausaga i le tuanai ai ona totogi; po o

(b) i so o se taimi, i luga o se talosaga sa faia i totonu o le fa (4) tausaga i le tuanai ai o lona totogiina.

(2) O lenei fuaiupu e faalatele atu ma faaaogā i tiute sa sese ona totogi a o le i amata faamamaluina lenei fuaiupu.

(3) Afai o se fuafuaga po o se toe fuafuaina o le tiute lea ua manino mai ai le tulai mai o se faamanuiaga i se tupe toe faafoi i lalo o le faafuaiupu (1), ua faavae i luga o se sese ua faaalia i meafaigaluega faaletulafono lea e faailoa ai tiute e tatau ona totogi, o se mafuaaga lelei lea i lalo o lea faafuaiupu mo le Pule Sili o le Tiute e lē toe faafoiina ai le tiute.

(4) O se tagata o ia lea ua lē faamalieina i se faaiuga a le Pule Sili o le Tiute i lalo o lenei fuaiupu e mafai, i totonu o le 20 aso faigaluega i le tuanai ai o le aso na tuuina atu ai le faasilasilaga o le faaiuga, ona talosaga tetee i le Pulega o Talosaga a le Tiute e faasaga i lea faaiuga.

126. Tupe toe faafoi o tiute o oloa o lo o i lalo o tulafono o le faasologa o tiute-(1) Afai na totogiina tiute i luga o oloa faaulufale mai ma sa faamaonia mulimuli ane ai e le Minisita, i lalo o le fuaiupu 3 o le Tulafono o le Faasologa o Tiute 1975, se fua faatatau maualalo o tiute po o le tuusaunoa o oloa mai tiute, e ao i le Pule Sili o le Tiute ona toe faafoi atoa po o se vaega o le tiute sa totogiina ina ia faapea ai o le aofaiga atoa o le tiute na totogiina i luga o oloa ua tusa ai ma tuutuuga (e aofia ai le aso e faamamalu ai) o le faamaoniga.

(2) O se tagata o ia lea ua lē faamalieina i se faaiuga a le Pule Sili o le Tiute i lalo o lenei fuaiupu e mafai, i totonu o le 20 aso faigaluega, i le tuanai ai o le aso na tuuina atu ai le faasilasilaga o le faaiuga, ona talosaga tetee i le Pulega o Talosaga a le Tiute e faasaga i lea faaiuga.

127. O isi tupe toe faafoi ma faamagaloga o tiute-(1) I le noatia ma le fai fuafua i so o se tuusaunoaga, tapulaa, po o tuutuuga ua faatonuina, e mafai e le Pule Sili o le Tiute ona toe faafoi po o le toe totogi atu so o se tiute pe afai ua faamalieina le Pule Sili o le Tiute e faapea o oloa sa faaulufale mai, po o oloa sa gaosia i Samoa:

- (a) ua faaleagaina, faatamaia, gaoia, po o ua leiloa, po o ua faaitiitia le tau aogā po o ua tulaga faaleagaina, a o lumanai ai lo latou faamatuu ese mai le pule a le Ofisa o Tiute; po o
- (b) ua leaga le gaosiga; po o
- (c) ua tuuina atu atoa i le Malo mo le faatamaia po o nisi faiga e lafoaia ai a o lumanai lo latou faamatuu ese mai le pule a le Ofisa o Tiute.

(2) O oloa faataitai o so o se uiga ua faatonuina po o tau aogā ua faatonuina ma mea faataitai o se aofaiga tele o oloa e noatia i le pule a le Ofisa o Tiute e mafai, i le noatia ma le fai fuafua i so o se tuutuuga faatonuina, ona faaoo atu e aunoa ma se tiute.

(3) E mafai e se tagata o ia lea ua lē faamalieina i se faaiuga a le Pule Sili o le Tiute i lalo o lenei fuaiupu, i totonu o le 20 aso faigaluega i le tuanai ai o le aso na tuuina atu ai le faasilasilaga o le faaiuga, ona talosaga tetee i le Pulega o Talosaga a le Tiute e faasaga i lea faaiuga.

128. Malosiaga e faaaogā ai tupe toe faafoi i le totogiina o isi tiute - Afai o le tiute ua po o e ono toe faafoi i se tagata i lalo o lenei Tulafono, e mafai e le Pule Sili o le Tiute ona:

- (a) faaaogā le vaega tupe atoa po o se vaega o le tiute ua faapena ona toe faafoi, i le totogiina o so o se isi lava tiute lea e ono totogiina e lea tagata; po o
- (b) le toe faafoi atu o le vaega tupe atoa i lea tagata.

129. Toe faaolaina mai o tiute na sese ona toe faafoi atu - O tupe na sese ona toe faafoi atu e le Ofisa o Tiute i luga o le mea moni po o le tulafono, e toe maua mai e ala i se tagi e faaulu e le Pule Sili o le Tiute e avea ma sui o le Malo i so o se taimi i totonu o le fa (4) tausaga talu mai le aso na totogi atu ai po o i so o se taimi pe afai na maua le tupe ua toe faafoi atu i se faiga tau faasese.

130. Oloa o faaulufale mai i se tulaga lē tumau-(1) I le noatia ma le fai fuafua i lenei fuaiupu, pe afai ua faamalieina le Pule Sili o le Tiute e faapea sa faaulufale mai oloa i se taimi lē tumau, o se vaegatupe e tutusa i le aofaiga o le tiute e ono totogiina i luga o oloa e ao ona puiuiamalu, i lalo o le fuaiupu 179, i so o se itu e faamaonia e le Pule Sili o le

Tiute, ma i luga o le maua mai o se puipuiamalu, e mafai e le Pule Sili o le Tiute ona faamatuu atu oloa mai le pule a le Ofisa o Tiute e aunoa ma le tologiina o se tiute.

(2) I le noatia ma le fai fuafua i so o se tuutuuga ua faatonuina:

(a) o le tagata na tuuina atu le faamalumaluga e ao ona tatalaina mai tuutuuga o le faamalumaluga; po o

(b) i le noatia ma le fai fuafua i le faafuaiupu (3), o se tupe sa teuina e ao ona toe faafoi atu i le tagata lea na fai agai i ai,

pe afai, i totonu o le 12 masina talu mai le aso o lo latou faaulufale mai, ua faamalieina ai le Pule Sili o le Tiute e faapea o oloa sa:

(aa) auina ese atu; po o

(bb) sa lauina mo le auina ese atu; po o

(cc) sa teuina mo le auina ese atu i pusa o uta tetele i totonu o nofoaga e pulea e le Tiute ma ua puipuiamalu le pusa e tusa ai ona faamalieina ai o le Pule Sili o le Tiute; po o

(dd) e le i faatamaia i se tulaga na faamoemoeina seia vagana ai ua i ai le faatagaga a le Pule Sili o le Tiute; po o

(ee) le tagofia i sea faiga e pei ona mafai ona faatagaina e le Pule Sili o le Tiute.

(3) Afai ua faaulufale mai oloa i se taimi lē tumau ma faaaogāina:

(a) mo faamoemoea tau alamanuia po o faiga faapisinisi; po o

(b) so o se isi lava faamoemoe e pei ona manatu le Pule Sili o le Tiute ua talafeagai ai,

e tataua ona tologiina le tiute i luga o le aofaiga lea e itiiti ifo ai lo latou tau aogā mo tiute, e pei ona faamautinoaina e tusa ai ma lenei Tulafono, i le taimi o lo latou faaulufale mai (e pei ona fuafuaina e le Pule Sili o le Tiute i le taimi lea ua faamalieina ai o ia i lalo o le faafuaiupu (2) e faapea sa tagofia oloa i lalo o so o se parakalafa (aa) e oo i le (ee) o lea faafuaiupu).

(4) Afai o se aofaiga o tiute ua tataua ona tologiina i lalo o le faafuaiupu (3), e mafai ona toesea lea tiute mai so o se tupe teu ua tuuina atu e avea ma faamalumaluga i lalo o le faafuaiupu (1).

(5) E ui lava i le faafuaiupu (3), ae peitai i le noatia ma le fai fuafua i so o se tuutuuga ua faaee atu e le Minisita, e lē totogia se tiute i luga o oloa sa faaulufale mai i se taimi lē tumau i lalo o so o se feagaiga, maliega po o se fuafuaga ua faia i ai le faaiuga e le Malo.

(6) Afai, i le faamutaina ai o le vaitaimi e 12 masina i lalo o le faafuaiupu (2), ae le i tagofia ni oloa i lalo o lea faafuaiupu:

- (a) so o se vaegatupe sa faapea ona puipuiamalu e ala i le teuina, e ao ona taofia e le Malo; po o
- (b) so o se vaegatupe sa faapea ona puipuiamalu e ao ona totogi atu i le Malo e lē na faaulufale mai oloa, i totonu o le 10 aso faigaluega talu ona faamutaina lea vaitaimi, ma i luga o le totogiina, ua ao loa ona faamatuu atu le faamalumaluga.

131. Tupe toe faafoi o tiute o nisi oloa-(1) I le noatia ma le fai fuafua i le faafuaiupu (2) e oo i le (7), e mafai ona faatagaina tupe toe faafoi o le tiute, i sea aofaiga ma e noatia i so o se tuutuuga ua faatonuina, i luga o:

- (a) oloa sa faaulufale mai i totonu o Samoa lea sa auina ese atu mulimuli ane ai mai Samoa;
- (b) oloa lea o lo o gaosia i totonu o se nofoaga e gaosi ai oloa ma auina ese atu mai Samoa;
- (c) vaega ua faaulufale mai, ma meafaitino e faaaogā i totonu, e galueaina i totonu, po o le faapiipii i, oloa ua gaosia po o faia i totonu o Samoa ma auina ese atu mai Samoa;
- (d) meafaitino faaulufale mai, vagana ai suauu po o vaega o masini e faaaogā i le gaosiga po o le galueaina o oloa ua gaosi i totonu o Samoa ma auina ese atu mai Samoa.

(2) Afai ua faamalieina le Pule Sili o le Tiute e faapea ua tusia oloa ma lau atu mo le auina ese atu, e mafai e le Pule Sili o le Tiute, mo faamoemoega o lenei fuaiupu, ona toe faafoi tupe o tiute.

(3) Afai ua faatagaina ona toe faafoi tupe o tiute i luga o so o se oloa ua faaaogāina i le gaosiga o na oloa, e lē tatau i oloa, e aunoa ma le faatagaga a le Pule Sili o le Tiute, ona lauina ese mai le vaa po o le toe faatulaueleeleina po o le tatalaina a o le i auina ese atu.

(4) Afai ua faatagaina ona toe faafoi tupe o tiute i luga o oloa ua faaaogāina i le gaosiga o na oloa ma ua totogi tupe toe faafoi o tiute i luga o so o se oloa lea e le i laueseina mai le vaa po o le toe faatulaueleeleina po o le tatalaina a o le i auina ese atu, o le aofaiga ua faatagaina o tupe toe faafoi o tiute mo na oloa po o i luga o oloa ua faaaogāina i le gaosiga o na oloa, i se taimi vave lava i luga o oloa e le i laueseina mai le vaa, po o e le i toe faatulaueleeleina po o le tatalaina, ua faavae ai se aitalafu e tatau ona totogi i le Malo, ma e tatau ona vave totogi le aitalafu e lē e ana oloa i le taimi e lauina ese ai mai le vaa po o le toe faatulaueleeleina po o le tatalaina.

(5) E ono toe maua mai le aitalafu e ala i se tagi e faaulu e le Pule Sili o le Tiute e avea ma sui o le Malo.

(6) O le aia tatau e toe maua ai tupe toe faafoi o le tiute o avea o se aitalafu e totogi i le Malo i lalo o lenei fuaiupu, e le o aafia ai i le itu e faapea sa tuuina atu se feagaiga tusitusia po o nisi faamalumaluga mo le lauina i lalo o le uta a le vaa, po o le toe faatulaueleeleina po o le tatalaina o oloa a o le i auina ese atu.

(7) Afai, i lalo o lenei fuaiupu, ua faatagaina ai tupe toe faafoi o tiute i so o se tagata, e mafai e le Pule Sili o le Tiute, ona faaaogā le vaegatupe atoa po o se vaega ua faatagaina mo le totogiina o so o se tiute lea e tatau ona totogi a lea tagata.

VAEGA 10 FAAIUGA A LE TIUTE

132. Talosaga mo faaiuga a le Tiute-(1) E mafai e se tagata i totonu o se pepa faatumu faatonuina, (mo oloa faapitoa ua faamaoti mai i le talosaga) ona talosaga i le Pule Sili o le Tiute mo se faaiuga a le Ofisa o Tiute i luga o so o se tasi (1) po o le sili atu o mataupu ua taua e faapea:

- (a) o le Faavasegaina o le Faasologa o Tiute o na oloa i lalo o le Vaega 1 o le Faasologa o Tiute;
- (b) o le faavasegaina o na oloa gaosi i le atunuu i lalo o le Tulafono o Fua Faatatau o Oloa e Gaosia i le Atunuu 1984;
- (c) e tusa lava po o na oloa pe leai foi e, e mo faamoemoega o le Faasologa o Tiute ma i lalo o so o se tulafono faatonutonu talafeagai

ua faia i lalo o lenei Tulafono, o le galueaina po o le gaosiga e se atunuu faapitoa po o se faalapotopotoga o atunuu, ua faasinomia i totonu o le talosaga;

(d) e tusa lava po o na oloa pe leai foi ua noatia i se tuusaunoaga tau tiute ua faamaotiina i lalo o le Vaega 2 o le Faasologa o Tiute.

(2) E mafai ona faia se talosaga i lalo o le faafuaiupu (1):

(a) mo oloa faaulufale mai -

(i) i so o se taimi a o lumanai ai le aso o le faaulufaleina mai i totonu o Samoa o oloa lea e avea ma autu o le talosaga; po o

(ii) i so o se taimi mulimuli ane, pe afai ua faatagaina e le Pule Sili o le Tiute; po o

(b) mo oloa ua gaosia i se nofoaga e gaosi ai -

(i) i so o se taimi a o lumanai ai le aso o le gaosiga o oloa; po o

(ii) i so o se taimi mulimuli ane, pe afai ua faatagaina e le Pule Sili o le Tiute.

(3) E mafai e se tagata, i totonu o le pepa faatumu faatonuina ona talosaga (mo se mataupu faapitoa ua faamaotiina i le talosaga) i le Pule Sili o le Tiute mo se faaiuga a le Tiute e tusa ai o le faaogaina sao o so o se aiaiga o aofia ai i poloaiga sa faia i lalo o le fuaiupu 99.

(4) E ao i se talosaga ua faia i lalo o le faafuaiupu (1) po o le (3) ona:

(a) taua ai le igoa ma le tuatusi o lē ua talosaga; ma

(b) mo se talosaga i lalo o le faafuaiupu (1), ia -

(i) faamaoti ai oloa faapitoa ia ua avea ma autu o le talosaga; ma

(ii) faamaoti ai mo na oloa, le mataupu po o mataupu ua lisiina i lalo o le faafuaiupu (1) lea ua talosagaina ai e lē ua talosaga se faaiuga a le Tiute, ma le manatu o lē ua talosaga i le tulaga e tatau ona i ai le faaiuga a le Ofisa o Tiute; ma

(iii) seia vagana ai ua malie le Pule Sili o le Tiute i se isi faiga e ese ai, e ao ona tuuina mai faatasi ma oloa po o se vaega faataitai o oloa; ma

(c) ia aofia ai, po o le faapipii i ai, faamatalaga uma lea ua tatau i se iloiloga talafeagai o le talosaga; ma

(d) ia aumai faatasi ma le totogifuapauina faatonuina.

(5) E mafai e le Pule Sili o le Tiute ona talosagaina nisi faamatalaga mai lē na talosaga, pe afai ua manatu le Pule Sili o le Tiute e faapea ua talafeagai le faamatalaga i le talosaga.

133. Faia o faaiuga a le Tiute-(1) I le noatia ma le fai fuafua i le faafuaiupu (4), e ao i le Pule Sili o le Tiute:

(a) mo se talosaga ua faia i lalo o le fuaiupu 132(1), ona faia se faaiuga a le Ofisa o Tiute e uiga i so o se oloa faapitoa ua faamaotiina i le talosaga ma luga o so o se isi lava mataupu lea ua sailia ai se faaiuga; po o

(b) mo se talosaga ua faia i lalo o le fuaiupu 132(3), ona faia se faaiuga a le Ofisa o Tiute e uiga i so o se mataupu faapitoa ua faamaotiina i le talosaga.

(2) E ao i le Pule Sili o Tiute ona faia se faaiuga a le Ofisa o Tiute i lalo o le faafuaiupu (1), i totonu o so o se taimi faatonuina i le tuanai ai o le mauaina o:

(a) mo se talosaga i lalo o le fuaiupu 132(1) -

(i) se talosaga ua maea faatumuina lelei e tusa ai o oloa faapitoa; ma

(ii) oloa po o se vaega faataitai o oloa seia vagana ai ua malie le Pule Sili o le Tiute, e lē manaomia le maua mai o ni oloa; ma

(b) faamatalaga uma ia ua manatu le Pule Sili o le Tiute ua tatau ai i se iloiloga talafeagai o le talosaga; ma

(c) faamatalaga uma ia na manaomia e le Pule Sili o le Tiute i lalo o le fuaiupu 132(5); ma

(d) se tupe totogi o le totogifuapauina faatonuina.

(3) E mafai ona faia se faaiuga a le Tiute i le noatia ma le fai fuafua i ia tuutuuga e pei ona manatu le Pule Sili o le Tiute ua talafeagai ai.

(4) E mafai e le Pule Sili o le Tiute ona teena le faia o se faaiuga a le Tiute pe afai, i le manatu o le Pule Sili o le Tiute e le o lava atoatoa ni faamatalaga o ia te ia ina ia faapea ai ona faia.

134. Faasilasilaga o faaiuga a le Tiute - E ao i le Pule Sili o le Tiute ona vave tuuina atu le faasilasilaga i se faiga tusitusia i lē ua talosaga e uiga:

- (a) i se faaiuga a le Tiute, faatasi ai ma mafuaaga mo le faaiuga ma so o se tuutuuga o le faaiuga; po o
- (b) se faaiuga e teena ai le faia o se faaiuga a le Tiute, faatasi ai ma mafuaaga mo lea faaiuga.

135. O le aloaia o faaiuga a le Tiute-(1) O se faaiuga a le Tiute i luga o oloa faapitoa, o le molimau maumaututu lea mo faamoemoega o lenei Tulafono e faapea o oloa:

- (a) o lo o i ai i se faavasegaga faapitoa o le faasologa o tiute i lalo o le Vaega 1 o le Faasologa o Tiute; po o
- (b) o lo o i ai i se faavasegaga faapitoa o oloa gaosi i le atunuu i lalo o le Tulafono o le Fua Faatatau o Lafoga o Oloa e Gaosia i le Atunuu 1984; po o
- (c) ua tusa ai po o ua lē tusa ai ma tulafono faatonutonu talafeagai po o poloaiga ua faia i lalo o lenei Tulafono, o le galueaina po o le gaosiga a se atunuu faapitoa, o se faalapotopotoga o atunuu mo faamoemoega o le Tulafono o le Faasologa o Tiute 1975; po o
- (d) ua noatia po o e le o noatia i se tuusaunoaga tau tiute ua faamaotiina i lalo o le Vaega 2 o le Faasologa o Tiute.

(2) I le noatia ma le fai fuafua i le fuaiupu 138, o se faaiuga a le Tiute i luga o se mataupu faapitoa, lea sa tuuina atu ai se faaiuga i lalo o le fuaiupu 135(1)(b), o le molimau maumaututu lea mo faamoemoega o lenei Tulafono ma, pe afai e talafeagai ai, o le Tulafono o le Faasologa o Tiute 1975, o le faaogāina o le tulafono faatonutonu po o tulafono faatonutonu lea sa faia ai le faaiuga e faasino i lea mataupu.

136. Faamaoniga o le faiga na faavae ai faaiuga a le Tiute - I so o se taimi i le tuanai ai o le faia o se faaiuga a le Tiute, e mafai e le Pule Sili o le Tiute e ala i se faasilasilaga tusitusia ona manaomia lē ua talosaga ina ia faamalieina le Pule Sili o le Tiute i se faiga i totonu o le 20 aso faigaluega

po o se vaitaimi e umi atu, e pei ona manatu le Pule Sili o le Tiute ua talafeagai ai:

- (a) e faapea o mea moni po o faamatalaga lea sa faia ai le faaiuga a le Ofisa o Tiute e tumau pea le sao; ma
- (b) e faapea o so o se tuutuuga o le faaiuga ua faapea ona tausisia.

137. Teuteuga o faaiuga a le Tiute-(1) E mafai e le Pule Sili o le Tiute ona teuteu se faaiuga a le Ofisa o Tiute ina ia faasao ai so o se mea sese o i ai i le faaiuga.

(2) E ao i le Pule Sili o le Tiute, i se taimi vave lava i le tuanai ai o le faia o le teuteuga, ona tuuina atu se faasilasilaga tusitusia i lē ua talosaga e uiga i le teuteuina o le faaiuga a le Tiute ma, i le noatia ma le fai fuafua i le faafuaiupu (3), o le faaiuga e pei ona teuteuina e faaaogā i lē na talosaga, e amata mai le aso lea na tuuina atu ai le faasilasilaga o le teuteuga i lē na talosaga.

(3) E ui lava i le faafuaiupu (2), pe afai o le teuteuga i le faaiuga o lo o i ai se aafiaga o le siitia o so o se noataga tau tiute i luga o oloa:

- (a) sa faaulufale mai i totonu o le tolu (3) masina mai le aso na tuuina atu ai le faasilasilaga o le teuteuga, i lalo o se konekarate e noatia ai sa sainia a o lumanai ai lea aso o le faasilasilaga o le teuteuga; po o
- (b) ua faapea ona tuua le nofoaga e gaosia ai po o fale teu oloa i totonu o le atunuu lea e auina ese mai ai mo uta tuusao i Samoa, i le aso na tuuina atu ai le faasilasilaga o le teuteuga o le faaiuga; po o
- (c) sa faaulufale mai i po o a o lumanai ai le aso na tuuina atu ai le faasilasilaga o le teuteuga, ae peitai sa le i faaulufaleina mai mo le faaaogāina e le atunuu,

le faaiuga na tuuina atu a o lumanai ai le teuteuga i lalo o lenei fuaiupu, e faaaogā i na oloa.

(4) E ui lava i le faafuaiupu (2), pe afai o le teuteuga i le faaiuga o lo o i ai se aafiaga o le faaitiitia ai o so o se noataga tau tiute i luga o so o se oloa, e faaaogā le fuaiupu 125 e faapei ai sa totogī sese se tiute maualuga.

138. Faamutaina o faaiuga a le Tiute-(1) E muta le aloaia o se faaiuga a le Tiute i se aso e muamua tulai mai ai se tasi o mea nei:

- (a) o le aso lea na muta ai le sao atoatoa o so o se faamatalaga lea na faia ai le faaiuga a le Tiute, i ona tulaga iloga uma; po o
 - (b) le aso o se suiga iloga i so o se faamatalaga po o mea moni lea na faavae ai le faia o le faaiuga a le Tiute; po o
 - (c) le aso o se suiga iloga i le Tulafono o le Faasologa o Tiute 1975 po o le Tulafono o le Fua Faatatau o Lafoga o Oloa e Gaosia i le Atunuu 1984, po o i so o se tulafono faatonutonu talafeagai po o poloaiga ua faia i lalo o lenei Tulafono, po o le Tulafono o le Faasologa o Tiute 1975, pe afai o lea aso e oo mai a o le i faaulufaleina mai po o le gaosia o oloa talafeagai, po o le a lava le tulaga e i ai; po o
 - (d) le aso na muta ai ona faamalieina po o le tausisia o so o se tuutuuga lea na autu ai le faia o le faaiuga a le Tiute; po o
 - (e) le aso na lē mafai ai ona faamalieina manaoga o le Pule Sili o le Tiute i lalo o le fuaiupu 136; po o
 - (f) le aso na muta ai le tolu (3) tausaga mai le aso na tuuina atu ai i lē ua talosaga le faasilasilaga o le faaiuga a le Tiute, po o so o se teuteuga i lea faaiuga i lalo o le fuaiupu 137.
- (2) E lē aloaia se faaiuga a le Tiute pe afai:
- (a) e le i sao atoatoa i tulaga iloga uma, faamatalaga ia na faia ai; po o
 - (b) na tulai mai se suiga iloga i so o se faamatalaga po o mea moni ia na faavae ai le faia o le faaiuga.

139. Talosaga tetee i faaiuga a le Pule Sili o le Tiute -
O se tagata talosaga o ia lea ua lē faamalieina i se faaiuga a le Tiute, po o se faaiuga e teena ai le faia o se faaiuga a le Tiute, po o se faaiuga e teuteu ai se faaiuga a le Tiute, i lalo o lenei Vaega o lenei Tulafono e mafai, i totonu o le 20 aso faigaluega i le tuanai ai o le aso na tuuina atu ai le

faasilasilaga o le faaiuga po o le faaiuga ua tuuina atu, ona talosaga tetee i le Pulega o Talosaga a le Tiute e faasaga i lena faaiuga a le Tiute po o le faaiuga.

140. E leai se noataga pe afai o faatuatuaina se faaiuga a le Tiute-(1) Afai ua faalagolago lē na talosaga i luga o se faaiuga a le Tiute i oloa ua faamaotiina po o se mataupu maoti, ma, e tusa ai o se taunuuga:

- (a) ua lē totogia e lē na talosaga le aofaiga o tiute ia, ae peitai mo lenei fuaiupu, e tatau ona totogiina i luga o oloa; po o
- (b) e tatau i lē na talosaga, ae peitai mo lenei fuaiupu, ona noatia i le faaee atu i ai o se faasalaga i lalo o le fuaiupu 141; po o
- (c) oloa, ae peitai mo lenei fuaiupu, e tatau ona noatia i le faoa faamalosi i lalo o lenei Tulafono,

o le aofaiga o le tiute e mafai ona totogiina i se isi faiga e ese ai, e lē mafai ona toe faaolaina mai e avea o se aitalafu e totogi i le Malo, ma e lē faaeeina atu i ai se faasalaga i lalo o le fuaiupu 141, ma e lē noatia oloa i le faoa faamalosi i lalo o lenei Tulafono.

(2) E faatoa faaaogā le faafuaiupu (1) i se mataupu:

- (a) lea ua tuuina atu i ai le faaiuga a le Ofisa o Tiute ma e lē faamutaina i lalo o le fuaiupu 138; ma
- (b) e tusa ai o so o se teuteuga i se faaiuga a le Ofisa o Tiute e faapea sa mauaina e lē na talosaga se faasilasilaga i lalo o le fuaiupu 137.

VAEGA 11 FAASALAGA TAU PULEGA

141. Faaeeina atu o faasalaga-(1) I totonu o lenei Vaega, “pepa tusia o oloa” o lona uiga o se pepa tusia o oloa ua manaomia i lalo o lenei Tulafono, e aofia ai, ae lē faatapulaaina ai:

- (a) se tautinoga, inivoisi, pepa faamaonia, faamatalaga tusitusia, po o isi pepa aloaia ua manaomia po o ua faamaonia e po o i lalo o lenei Tulafono ina ia faia po o e tuuina atu e se tagata o faia le pepa tusia o oloa; ma

- (b) se teuteuga o le pepa tusia o oloa; ma
- (c) mo oloa po o vasega o oloa ua faatatauina e poloaiga ua faia i lalo o le fuaiupu 63(d) ina ia tusia i lalo o le fuaiupu 60(1), o se pepa aloaia e faapea, i lalo o poloaiga, ua manaomia e le Pule Sili o le Tiute ina ia faatoai atu i le Ofisa o Tiute a o le i faatatauina oloa po o vasega o oloa ua tusiaina; ma
- (d) mo oloa po o vasega o oloa ua faatatauina e poloaiga ua faia i lalo o le fuaiupu 75(b) ina ia tusia i lalo o le fuaiupu 74(1), o se pepa aloaia e faapea, i lalo o poloaiga, ua manaomia e le Pule Sili o le Tiute ina ia faatoai atu i le Ofisa o Tiute a o le i faatatauina oloa po o vasega o oloa ua tusiaina.

(2) I totonu o leni fuaiupu:

“faamatalaga auiliili e lē sao” o lona uiga:

- (a) mo se pepa tusia o oloa i lalo o le fuaiupu 60, e faapea o lo o i ai i pepa tusia o oloa se faamatalaga sese po o se mea ua lē faia i luga o so o se mataupu ua taua -
 - (i) o le tulaga e iloagofie ai lē na aumai ai i atunuu i fafo;
 - (ii) o le tulaga e iloagofie ai lē na faaulufaleina mai;
 - (iii) o le tulaga e iloagofie ai le tagata na faia le pepa tusia o oloa;
 - (iv) o le tulaga e iloagofie ai le vaa na faaulufaleina mai po o le numera o lana faiga malaga;
 - (v) o le Lisi o le Auiliiliga o le Uta a se Vaa, o se lisi o afifi, po o auiliiliga e faailoagofie ai pusa oloa;
 - (vi) o le numera o le inivoisi a lē o lo o aumai ai;
 - (vii) so o se numera o le pemitā po o se faailoga aloaia;
 - (viii) o meataitasi o le Faasologa o Tiute lea ua faavasegaina ai oloa i lalo o le Tulafono o le Faasologa o Tiute 1975;

(ix) o le aofaiga tele faanumeraina o oloa;

(x) o le faiga tau tupe mo tupe ia e fefaatauai ai oloa;

(xi) o le tau aogā mo tiute ua faaalia i tupe ia e fefaatauai ai oloa;

(xii) o le tau aogā mo tiute ua faaalia i tupe Samoa;

(xiii) o le atunuu na faapogai ai oloa;

(xiv) o le atunuu lea na auina mai ai oloa;

(xv) o le aofaiga sa totogiina po o e ono totogiina e felauai ai oloa i Samoa mai le atunuu na auina mai ai, e aofia ai so o se aofaiga ua totogiina po o e ono totogiina mo le felauaiga faalotoifale o oloa i totonu o lea atunuu;

(xvi) o tau na totogiina faatasi mo le felauaiga o oloa i Samoa, e aofia ai so o se tau ua tuuina atu i le atunuu na auina mai ai;

(b) mo se pepa tusia o oloa lea e le o se pepa tusia o oloa i lalo o le fuaiupu 60, e faapea o lo o aofia ai i se pepa tusia o oloa se faamatalaga sese po o ua lē faia e faasino i se mataupu lea e manaomia ai le pepa tusia o oloa e, po o i lalo o lenei Tulafono ina ia faailoa atu.

(3) I le noatia ma le fai fuafua i le fuaiupu 143, afai ua faamalieina le Pule Sili o le Tiute e faapea o lo o i ai i se pepa tusia o oloa se faamatalaga sese po o ua lē faia, ma ua faapea ona faia ai se faaiuga:

(a) o se aofaiga o tiute e ono totogiina i lalo o lenei Tulafono e le i totogiina, po o ua faaalia manino mo le totogiina po o ua lē mafai ona totogiina po o sa faaalia manino mo le totogiina; po o

(b) i se isi tulaga e ese ai e le o sao faamatalaga auiliili o i ai i le pepa tusia o oloa,

e mafai e le Pule Sili o le Tuite ona tuuina atu se faasilasilaga tusitusia i le tagata o ia lea sa faia le pepa tusia ua taua ai e faapea ae vagana ai, i totonu o le 20 aso faigaluega i le tuanai ai o le aso na tuuina atu ai le faasilasilaga, ua faapea ona faamalieina ai e lea tagata le

Pule Sili o le Tiute e faapea ua agavaa o ia ina ia tuusaunoa mai le faaeeina atu i ai o se faasalaga i lalo o le fuaiupu 143, o le a tuuina atu loa e le Pule Sili o le Tiute se faasilasilaga tau faasalaga i lalo o le faafuaiupu (4).

(4) Afai o se tagata o ia lea sa tuuina atu i ai se faasilasilaga i lalo o le faafuaiupu (1) ua ia lē mafai, i totonu o le vaitaimi o faasinomia i lea faafuaiupu, ona faamalieina le Pule Sili o le Tiute e faapea ua agavaa le tagata ina ia tuusaunoa i lalo o le fuaiupu 143 mai le faaee atu i ai o se faasalaga i lalo o lenei fuaiupu, e ao i le Pule Sili o le Tiute ona tuuina atu se faasilasilaga i lea tagata e manaomia ai o ia ia totogi i le Pule Sili o le Tiute e ala i se faiga tau faasalaga (e faaopoopo atu i ai i so o se tiute e ono totogiina i lalo o lenei Tulafono):

(a) pe afai, e tusa ai o se faaiuga o se faamatalaga ua sese po o ua lē faia, o se aofaiga o tiute e tatau ona totogi i lalo o lenei Tulafono, (e lē aofia ai lafoga o oloa ma galuega faatino) ua lē totogiina po o sa faaalua manino mo le totogiina -

(i) e 5 iunite tau faasalaga; po o

(ii) o se aofaiga e tusa ma le 25% o le tiute e le i totogiina po o e le i faailoaina, e oo atu i se tapulaa mauuluga e 250 iunite tau faasalaga,

o le a lava e sili atu;

(b) pe afai (pe afai e lē faaogāina le parakalafa (a)) o faamatalaga ua sese po o ua lē faia ua taunuu ai i le lē sao o faamatalaga auiliili i le pepa tusia po o, e tusa ai o se taunuuga o faamatalaga ua sese po o ua lē faia, o se aofaiga o lafoga o oloa ma galuega faatino e le i totogiina po o sa faaalua mo le totogiina, e \$500 mo pepa tusia taitasi.

(5) O le aso e muta ai mo le totogiina o so o se faasalaga ua faaee atu i lalo o lenei fuaiupu o le aso lea e 20 i ai aso faigaluega talu mai le aso na tuuina atu ai le faasilasilaga o le faasalaga e le Pule Sili o le Tiute.

(6) O le aofaiga o le faasalaga ua faavae ai se aitalafu e totogi i le Malo ma e toe maua mai e ala i se tagi e faaulu e le Pule Sili o le Tiute e ave ma sui o le Malo.

(7) O se tagata, e po o o ia lea e avea ma sui e totogi agai i ai se faasalaga, e lē noatia i se moliaga mo se soligatulafono e faasino i se faamatalaga ua sese po o ua lē faia, ma o oloa ia ua tulai mai ai faamatalaga ua sese po o ua lē faia, e lē noatia i le faoa faamalosi i lalo o lenei Tulafono.

(8) E lē faaogāina le faafuaiupu (7) i se moliaga po o le faoa faamalosi e faasino i oloa ia ua faoa i le Malo e ala i mafuaaga o le faaulufale mai po o le auina ese atu o oloa e faasaina po o e faasolitulafono.

(9) Afai o so o se faasalaga ua faaee atu i lalo o lenei fuaiupu e tumau pea ona lē totogia e oo atu i le aso e muta ai le totogiina, e ao ona faaee atu i ai:

- (a) se faasalaga faaopoopo e 5% o le aofaiga o le faasalaga e le i totogia i le aso e muta ai; ma
- (b) se faasalaga faaopoopo e 2% o le aofaiga o le faasalaga, e aofia ai so o se faasalaga faaopoopo, e le i totogia i le faaiuga o le vaitaimi e tasi (1) le masina i le tuanai ai o le aso e muta ai; ma
- (c) se faasalaga faaopoopo e 2% o le aofaiga o le faasalaga, e aofia ai so o se faasalaga faaopoopo, e le i totogia i le faaiuga o vaitaimi taitasi e tasi (1) le masina e mulimuli ane ai.

(10) E ui lava i le faafuaiupu (9), e mafai e le Pule Sili o le Tiute i lana pule faitalia, ona toe tuu atu po o le toe faafoi atoa po o se vaega o so o se faasalaga faaopoopo ua faaee atu e lea faafuaiupu.

(11) Afai o oloa ua faasinomia i le faafuaiupu (1) ma ua tusia i lalo o le fuaiupu 60 ua faapea ona tuusaoloto mai tiute po o ua noatia i se fua faatatau maualalo o tiute i lalo o le Vaega 1 po o le Vaega 2 o le Faasologa o Tiute i le tuanai ai ona faia o le pepa tusia o oloa, o lona uiga e ao ona fuafuaina le faasalaga e tusa ai ma le faafuaiupu (4)(a) e faapei ai o le noataga tau tiute e le i suia lava.

(12) O se tagata o ia lea ua lē faamalieina i se faaiuga a le Pule Sili o le Tiute i lalo o lenei fuaiupu e mafai, i totonu o le 20 aso faigaluega talu mai le aso na tuuina atu ai le faasilasilaga o le faaiuga, ona talosaga tetee i le Pulega o Talosaga a le Tiute e faasaga i lea faaiuga.

142. Noataga ina ia totogi faasalaga e le o taofia lē tumau e se talosaga-(1) O le noataga e totogi ai ma le aia tatau e maua ai ma toe faaola mai ai so o se faasalaga ua faaee atu i lalo o le fuaiupu 141, e lē taofia e so o se talosaga tetee po o se taualumaga faaletulafono.

(2) I le noatia ma le fai fuafua i le faafuaiupu (3), afai ua faamanuiaina lē na talosaga e tusa ai ma le talosaga, e ao ona vave toe faafoi i lē na talosaga e le Pule Sili o le Tiute le aofaiga o le faasalaga lea sa faaee atu i lalo o le fuaiupu 141.

(3) E faaaogā le fuaiupu 109(3), faatasi ai ma ni fetuunaiga talafeagai, i se faasalaga tau faafoega o manaomia ina ia toe faafoi i lalo o lenei fuaiupu e faapei ai le faasalaga o se tiute.

143. E leai se faasalaga i nisi mataupu - E lē noatia se tagata i se faasalaga i lalo o le fuaiupu 141 pe afai:

(a) o lea tagata sa faailoa ma le lotomalie le faamatalaga sese po o ua lē faia i le Tiute a o lumanai ai ona logoina le tagata e le Tiute e faapea -

(i) o oloa ia e faasino i ai pepa tusia ua filifilia mo suesuega e le Ofisa o Tiute;

(ii) ua manaomia faamaumauga aloaia ina ia tuuina mai i le Tiute, e faasino i lea pepa tusia o oloa;

(iii) ua faamoemoe le Tiute e faia se suega faasuetusi po o se suesuega i luga o se filifiliga o pepa tusia lea e aofia ai lea pepa tusia o oloa, po o i luga o faamaumauga tusia sa faia i le vaitaimi lea e aofia ai le taimi na faia ai le pepa tusia; po o

(b) o lea tagata ua faamalieina ai le Pule Sili o le Tiute e faapea na ia saunia ni manatu e tusa ai o mea moni talafeagai o pepa tusia lea, e ui ina lē sao, ae sa talafeagai i le amanaia ai o faamatalaga na avanoa i ai i lea tagata i le taimi na saunia ai le pepa tusia o oloa; po o

(c) o lea tagata ua faamalieina ai le Pule Sili o le Tiute e faapea, sa galue o ia i le agaga lelei i luga o faamatalaga sa tuuina atu e lē na faaulufale mai, o lē na auina ese atu, po o

lē na aumai ai oloa lea e faasino i ai le pepa tusia, ma le faalagolago i luga o sao atoatoa ma le maea o faamatalaga sa faapea ona tuuina mai ua talafeagai lea i so o se tulaga e aliae mai; po o

- (d) le aofaiga sao o tau aogā mo tiute o oloa lea e faasino i ai se mea sese i luga o le pepa tusia, e itiiti ifo i lo le \$1,000; po o
- (e) se faamatalaga mo se soligatulafono e faasaga i lenei Tulafono ua faataatia ese e faasino i se faamatalaga ua sese po o ua lē faia; po o
- (f) le vaitaimi i le va o le aso na faatoai atu ai le pepa tusia o oloa ma le aso na muai faailoagofie ai faamatalaga ua sese po o ua lē faia, ua silia ma le fa (4) tausaga; po o
- (g) e faaaogā le fuaiupu 140.

VAEGA 12

FAIGA E FAAGASOLO AI PEPA TUSIA FAAKOMEPIUTA A LE OFISA O TIUTE

144. Faavaeina o ma avanoa i faiga e faagasolo ai pepa tusia faakomepiuta a le Ofisa o Tiute-(1) Ua faavaeina faiga e faagasolo ai pepa tusia faakomepiuta a le Ofisa o Tiute.

(2) E lē mafai e se tagata ona faaooina atu i, po o le maua mai o se faamatalaga mai, se faiga e faagasolo ai pepa tusia faakomepiuta a le Ofisa o Tiute, seia vagana ai o lea tagata o ia o se tagata e toatasi o lo o faamauina e le Pule Sili o le Tiute, e avea o sē e faaaogāina lea faiga e faagasolo ai pepa tusia faakomepiuta a le Ofisa o Tiute.

145. Tagata e faaaogāina ua faamauina-(1) O se tagata e toatasi o ia lea ua manao ina ia faamauina e avea o se tagata e faaaogāina:

- (a) e mafai, ona talosaga i le Pule Sili o le Tiute, i totonu o le pepa faatumu faamaonia; ma
- (b) e ao ona tuuina atu isi faamatalaga faamaonia.

(2) E mafai e le Pule Sili o le Tiute ona manaomia se tagata talosaga mo le faamauina ina ia tuuina atu ia faamatalaga faaopopo e pei ona manatu le Pule Sili o le Tiute ua talafeagai ai mo le faamoemoe o le talosaga.

(3) O le Pule Sili o le Tiute:

(a) e mafai ona taliaina le talosaga, po o le teena o le talosaga, i le noatia ma le fai fuafua i tuutuuga; ma

(b) e ao, ona logoina lē na talosaga e uiga i le faaiuga i se faiga tusitusia.

(4) O se tagata talosaga o ia lea ua lē faamalieina i se faaiuga a le Pule Sili o le Tiute i lalo o lenei fuaiupu e mafai, i totonu o le 20 aso faigaluega i le tuanai ai o le aso na tuuina atu ai le faasilasilaga o le faaiuga, ona talosaga tetee i le Pulega o Talosaga a le Tiute e faasaga i lea faaiuga.

146. Faailoga faapitoa e iloagofie ai lē o faaaogāina-

(1) E ao i le Pule Sili o le Tiute ona fuafuaina i se tagata e faaaogāina ua faamauina, se faailoga faapitoa e iloagofie ai lē o faaaogāina i totonu o se pepa faatumu po o se faiga ua fuafuaina e le Pule Sili o le Tiute.

(2) O le faailoga faapitoa e iloagofie ai lē o faaaogāina ua fuafuaina i le faafuaiupu (1), e ao ona faaaogāina e le tagata e faaaogāina ua faamauina mo le faamoemoe o le faaooina atu o faamatalaga i po o le mauaina mai o faamatalaga mai lea faiga e faagasolo ai pepa tusia faakomepiuta a le Ofisa o Tiute.

(3) E mafai e le Pule Sili o le Tiute, e ala i se faasilasilaga tusitusia, ona faaee atu ni tuutuuga i luga o se tagata faapitoa e faaaogāina ua faamauina, po o tagata e faaaogāina ua faamauina i se tulaga lautele, i le faaaogāina ma le malupuipuia o faailoga faapitoa e iloagofie ai lē o faaaogāina.

147. Faaaogāina o faailoga faapitoa e iloagofie ai lē o faaaogāina-

(1) Afai e faaooina atu se faamatalaga i se faiga e faagaoioia ai pepa tusia e faaaogāina ai le faailoga faapitoa e iloagofie ai lē o faaaogāina ua faamauina, o le faaooina atu o lea faamatalaga, o le molimau lea e faapea sa faaooina atu le faamatalaga e lē ua faaaogāina ua faamauina, i le aunoa ai ma se faamaoniga e ese ai.

(2) Afai o le faailoga faapitoa e iloagofie ai lē o faaaogāina, a se tagata e faaaogāina faamauina, ua faaaogā e se tagata e toatasi e ese ai i lo le tagata e faaaogāina ua faamauina, e lē faaaogāina le faafuaiupu (1), pe afai o le tagata e faaaogāina faamauina sa, a o lumanai ai le lē

faatagaina o le faaaogāina o lana faailoga faapitoa e iloagofie ai lē o faaaogāina, logoina le Ofisa o Tiute e faapea ua le o toe malupuipua le faailoga faapitoa e iloagofie ai lē o faaaogāina.

148. E mafai ona faaee atu aiaiga i tagata ua faaaogāina faamauina-(1) E mafai e le Pule Sili o le Tiute ona faaee atu so o se tuutuuga i luga o le faamauina o i ai nei, i luga o se tagata maoti e faaaogāina ua faamauina po o se vasega o ē e faaaogāina ua faamauina po o i luga o ē uma e faaaogāina ua faamauina.

(2) O se tuutuuga ua faaee atu i lalo o le faafuaiupu (1) e ao ona:

(a) logoina i se faiga tusitusia se toatasi (1) po o le sili atu o ē faaaogāina ua faamauina e faatatau i ai; ma

(b) ae vagana ai o se toatasi (1) po o le sili atu o ē ua faamauina e faaaogāina e faatatau i ai, ua talosaga tetee i lalo o le faafuaiupu (3), ua tausisia i po o a o lumanai ai -

(i) le lona 20 o aso faigaluega i le tuanai o le aso o le faasilasilaga o le faaeeina atu o aiaiga i luga o le faamauina o ē ua faamauina e faaaogāina; po o

(ii) se aso mulimuli ane ua faamaoti mai e le Pule Sili o le Tiute.

(3) O sē e faamauina e faaaogāina, o ia lea ua lē faamalieina i le faaeeina atu o se tuutuuga i luga o le faamauina o lona faaaogāina i lalo o le faafuaiupu (1), e mafai ona talosaga i se faiga tusitusia i le Pulega o Talosaga a le Tiute i totonu o le 20 aso faigaluega, i le tuanai ai o le aso o le faasilasilaga o le faaeeina atu o le tuutuuga i luga o le faamauina o ē ua faamauina e faaaogāina.

(4) Afai ua manatu le Pulega o Talosaga a le Tiute e faapea o le faaeeina atu o tuutuuga i lalo o le faafuaiupu (1) ua talafeagai i tulaga aliae mai, e ao i lē e faaaogāina ua faamauina ona tausisia tuutuuga i po o a o lumanai ai:

(a) le lona 10 o aso faigaluega i le tuanai ai o le aso o le faasilasilaga o le faaiuga a le Pulega; po o

(b) se aso mulimuli ane ua faamaotiina e le Pulega o Talosaga a le Tiute.

149. Taofia lē tumau po o le faalēaogāina o le faamauga o tagata ua faamauina e faaaogāina-(1) E mafai e le Pule Sili o le Tiute e ala i se faasilasilaga tusitusia i sē e faaaogāina ua faamauina (lea e ao ona taua ai mafuaaga mo le faalēaogāina) ona faalēaogāina le faamauina o lea tagata o lo o faaaogāina pe afai ua faamalieina e faapea o lē e faaaogāina:

- (a) ua lē mafai ona tausisia se tuutuuga sa faaee atu e le Pule Sili o le Tiute i lalo o le fuaiupu 145(3) po o le 146(3); po o
- (b) ua lē mafai ona tausisia se tuutuuga sa faaee atu e le Pule Sili o le Tiute i lalo o le fuaiupu 148(1) i totonu o le taimi ua faamaotiina i lea fuaiupu; po o
- (c) ua faamaonia moliaga o -
 - (i) se soligatulafono e faasaga i lenei Tulafono po o le Tulafono o Nakoti 1967; po o
 - (ii) se soligatulafono e aafia ai le lē faamaoni po o solitulafono tau fesootaiga i upega tafailagi i lalo o so o se tulafono; po o
- (d) e tasi (1) po o le sili atu mafuaaga ua faatonuina, ua lē talafeagai ai ona faaauau e aveva o sē e faaaogāina ua faamauina.

(2) E ui lava i le faafuaiupu (1), e mafai e le Pule Sili o le Tiute e ala i se faasilasilaga tusitusia i sē e faaaogāina ua faamauina, (lea e ao ona taua ai mafuaaga mo le taofia lē tumau) ona taofia lē tumau lea faamauga o lē e faaaogāina, seia oo i se aso po o se tulaga ua maoti mai i le faasilasilaga, pe afai ua faamalieina e faapea e lē tatau ona faalēaogāina le faamauina o le tagata e faaaogāina, ae peitai e tatau i se isi itu ona taofia lē tumau seia oo i lea aso po o lea tulaga, ona o lē e faaaogāina:

- (a) ua ia lē mafai ona tausisia se tuutuuga sa faaee atu i ai e le Pule Sili o le Tiute i lalo o le fuaiupu 145(3) po o le 146(3); po o
- (b) ua lē mafai ona ia tausisia se tuutuuga sa faaee atu i ai e le Pule Sili o le Tiute i lalo o le fuaiupu 148(1) i totonu o le taimi faatulagaina ua faamaotiina i lea fuaiupu.

(3) O le aso po o lea tulaga ua faamaoti mai i le faasilasilaga, i lalo o le faafuaiupu (2) e mafai, ae peitai e le o manaomia, ona avea ma tulaga o le tausisia e lē e faaaogāina, o se tuutuuga sa faaee atu i ai e le Pule Sili o le Tiute i lalo o le fuaiupu 145(3), 146(3), po o le 148(1).

(4) Afai o se tagata o ia lea ua taofia lē tumau po o ua faalēaogāina lona faamauina, ua lē faamalieina i le faaiuga a le Pule Sili o le Tiute i lalo o lenei fuaiupu, e mafai e lea tagata, i totonu o le 20 aso faigaluega i le tuanai ai o le aso lea na tuuina atu ai le faasilasilaga o le faaiuga, ona talosaga tetee i le Pulega o Talosaga a le Tiute e faasaga i lea faaiuga.

150. Ia tausia e le Tiute faamaumauga o le feaveaiina-(1) E ao i le Ofisa o Tiute ona tausia se faamaumauga o so o se feaveaiina ua auina atu i po o ua maua mai i sē e faaaogāina ua faamauina, e faaaogāina ai se faiga faakomepiuta e faagasolo ai pepa tusia a le Tiute.

(2) E ao i le faamaumauga ua taua i le faafuaiupu (1), ona tausia mo se vaitaimi e fitu (7) tausaga mai le aso na auina atu ai po o na maua mai ai le faaliliuga, po o mo so o se vaitaimi ua faatonuina.

VAEGA 13 MALOSIAGA O TAGATA OFISA O LE TIUTE

151. Leoleoga faasolo ma le mataituina - Mo faamoemoega o le faalauiloagofie ai o ni soligatulafono e faasaga i lenei Tulafono, e mafai e se tagata ofisa o le Tiute:

(a) i so o se taimi ma i se faiga e pei ona manatu le tagata ofisa ua tatau ai -

(i) ona tiute faasolo i luga po o i so o se vaega o le talafatai po o auvai o vaitafe ma fausaga o faalautele mai ai, po o se vaega o eleele o fesootai i ai, po o se nofoaga o le Ofisa o Tiute po o se vaega e pulea e le Ofisa o Tiute; ma

(ii) ulufale ma asiasia se malae e tulaueleele ai vaalele ma se fale o lo o i ai; ma

(b) i ai pea i le nofoaga, fausaga po o le fale mo faamoemoega o le faatinoga o suesuega po o le mataituina.

152. Faatulaueleeleina po o le faatonutonuina o le vave tulaueleele o vaa o le Tiute - O se tagata ofisa o le Tiute po o se tagata o pulea se vaa o lo o faafaigaluegaina i le galuega a le Ofisa o Tiute, e mafai ona taulaina, tauina, tauina i le nofoaga o vaa, po o le faatulaueleele o le vaa, po o le tosoina o le vaa i le matafaga, i so o se nofoaga i totonu o Samoa, e aunoa ma so o se tau faaee atu po o se totogifuapauina e faatulai mai e faasaga i le Ofisa o Tiute.

153. Ulufale atu i luga o vaa-(1) E mafai e se tagata ofisa o le Tiute i so o se taimi ona ulu atu i se vaa lea ua i totonu o Samoa pe afai:

- (a) ua taunuu mai le vaa i Samoa mai se nofoaga i fafo atu o Samoa; po o
- (b) ua malaga ese atu le vaa mai Samoa i se nofoaga i fafo atu o Samoa, e aofia ai se vaa e afea Samoa i lana malaga i se isi nofoaga i fafo atu o Samoa; po o
- (c) le vaa o lo o tauaveina (e le o se vaa o faaaogā i ai le parakalafa (a) po o le (b)) so o se uta o oloa mo le atunuu po o uta o oloa faava o malo a o i ai pea le vaa i Samoa; po o
- (d) o lo o i ai i le tagata ofisa o le Tiute ni mafuaaga talafeagai e masalomia ai e faapea o le vaa (e le o se vaa o faaaogā i ai le parakalafa (a), (b) po o le (c)) -
 - (i) o lo o tauaveina so o se oloa e tatau ona tiuteina, e le i tiuteina, e faasaina po o e tatau ona faoa e lē toe faafoia; po o
 - (ii) sa aafia ai, ua aafia ai po o e agai ina aafia ai i le faia o se soligatulafono e faasaga i lenei Tulafono.

(2) E mafai e le Pule Sili o le Tiute ona faatulagaina ni tagata ofisa o le Tiute e ulu atu i luga o so o se vaa lea ua taunuu mai i Samoa mai se nofoaga i fafo atu o Samoa mo faamoemoega o le tauaveina o so o se galuega tauave po o le malosiaga lea e mafai ona manaomia ai le tagata ofisa e tauaveina i lalo o lenei Tulafono po o so o se isi lava tulafono.

(3) Afai ua faatulagaina se tagata ofisa o le Tiute e ulufale atu i luga o se vaa i lalo o le faafuaitupu (2), e ao i le tagata e pulea le vaa ona faamautinoa e faapea ua tuuina atu i le tagata ofisa:

- (a) se nofoaga e tatau ai ma ulufale i ai e tusa ai ma manaoga talafeagai o lea tagata ofisa; ma
- (b) saogalemu ona ulufale atu i ai i so o se vaega o le vaa; ma
- (c) saogalemu auala o le tuua o le vaa.

(4) E lē mafai ona faatulai mai se tau faaee atu po o se totogifuapauina e faasaga i le Ofisa o Tiute mo le feaveaiga o se tagata ofisa o le Tiute, o ia lea ua faatulagaina e ulufale atu i se vaa po o mo lona nofoaga ma le ulufale atu i ai.

154. Sueina o vaa-(1) E mafai e se tagata ofisa o le Tiute ona sailia:

- (a) se vaa lea ua taunuu mai i Samoa mai se nofoaga i fafo atu o Samoa; po o
- (b) se vaa lea ua faimalaga ese atu mai Samoa i se nofoaga i fafo atu o Samoa i taimi uma lava e afea ai Samoa i lana malaga i se isi nofoaga i fafo atu o Samoa; po o
- (c) se vaa lea e tauaveina (e le o se vaa o faaaogā i ai le parakalafa (a) po o le (b)) so o se uta mo le atunuu po o uta faava o malo a o i ai pea le vaa i Samoa; po o
- (d) se vaa (e le o se vaa o faaaogā i ai le parakalafa (a), (b) po o le (c)) lea o lo o i totonu o Samoa ma o lea o lo o i ai i le tagata ofisa o le Tiute ni mafuaaga talafeagai e masalomia ai -

(i) o lo o tauaveina so o se oloa e tatau ona tiuteina, e le i tiuteina, e faasaina po o e tatau ona faoa e lē toe faafoia; po o

(ii) sa aafia ai, ua aafia ai, po o e agai ina aafia ai i le faia o se soligatulafono e faasaga i lenei Tulafono,

mo le faamoemoe o le tauaveina o so o se galuega tauave po o malosiaga lea o lo o manaomia ai le tagata ofisa e tauaveina i lalo o lenei Tulafono po o so o se isi lava tulafono.

(2) Afai e faataunuaina le malosiaga o i lalo o le faafuaiupu (1), e mafai e se tagata ofisa o le Tiute:

- (a) e ala i le faaaogāina o se faamalosi talafeagai, ona ulu atu i so o se vaega o le vaa ma tatala so o se afifi, loka, pusa, po o so o se isi lava nofoaga; ma

(b) suesueina oloa uma e maua i luga o le vaa.

155. Malupuipua o oloa i luga o vaa - Mo le faamoemoe o le tauaveina o so o se galuega tauave po o malosiaga lea ua manaomia ai le Ofisa o Tiute e tauaveina i lalo o lenei Tulafono, e mafai e se tagata ofisa o le Tiute i so o se taimi a o ulufale atu po o sailia so o se vaa i lalo o le fuaiupu 153 po o le 154 ona:

- (a) malupuipua, e ala i faiga e tatau ai, ni oloa o i luga o lea vaa; po o
- (b) ia aveesea o oloa o i luga o le vaa i se nofoaga e malupuipua ai:

156. Faapaina o fana i luga o vaa - E tatau i le tagata ofisa o taitaiina po o puleaina se vaa i galuega tau le Malo, o lo o sisiina ai ma tauaveina po o faalauiloa ai le fu'a folau po o le fu'a a le Ofisa o Tiute, e tusa ai ma le talosaga a le Pule Sili o le Tiute, i totonu o Samoa, ona tuliloaina so o se vaa pe afai:

- (a) ua lē vave aumaia i totonu le vaa ina ua auina atu i ai se faailoga po o sa manaomia ina ia faapea ona faia; po o
- (b) ua teena le aliivaa e faataga le vaa e ulufale i ai i totonu,

ma e mafai, e avea o se laasaga mulimuli i le maea ai ona faapaina atu le fana mo se lapataiga, ona faapaina le fana agai i ai po o i luga o le vaa ina ia faamalosia ai o ia e sau i totonu.

157. Taofia o se vaa-(1) E faaaogā le faafuaiupu (2) i se tagata ofisa o le Ofisa o Tiute ma se vaa:

- (a) pe afai o i ai i se tagata ofisa se mafuaaga tatau e talitonu ai e faapea sa faia, ua faia, po o ua agai ina faia se soligatulafono e faasaga i lenei Tulafono, e tusa ai o le vaa a o i ai po o i ai i totonu o Samoa; po o
- (b) pe afai o le vaa o lo o i totonu o Samoa, ma o lo o i ai i le tagata ofisa mafuaaga tatau e talitonu ai e faapea -
 - (i) o lo o i ai i luga o le vaa se tagata o ia lea sa malaga mai i Samoa i luga o le vaa; ma

(ii) o le aumaia o le tagata i totonu o Samoa i luga o le vaa ua faavae ai se soligatulafono e faasaga i le fuaiupu 153 po o le 154 o le Tulafono o Solitulafono 2013.

(2) O se tagata ofisa o le Ofisa o Tiute o ia lea e i ai mafuaaga tatau e talitonu ai e faapea sa faia, ua faia, po o ua agai ina faia se soligatulafono e faasaga i lenei Tulafono, po o e tusa ai o se vaa a o i ai lea vaa i po o i totonu o Samoa, e mafai:

- (a) ona faatonuina le vaa ina ia agai atu i se nofoaga o le Ofisa o Tiute o lata ane po o so o se isi lava nofoaga, e pei ona manatu le tagata ofisa ua tatau ai; po o
- (b) faatonu le vaa ina ia tumau pea i le mea o lo o i ai,

ma i ia tulaga taitasi, ia taofia le vaa mo so o se taimi ma mo faamoemoega e pei ona talafeagai ai i luga o mafuaaga tatau ina ia tauaveina ai se suesuega i le faia o le soligatulafono.

(3) Afai o le tagata e pulea se vaa ua taumafai po o ua faamatauina ina ia aveesea le vaa mai le nofoaga lea na faatonuina ai le vaa e agai i ai po o lea na faatonuina ai le vaa e tumau ai pea i lalo o le faafuuiupu (2), e aunoa ma se tusi faamaonia e kilia ai, e mafai e se tagata ofisa o le Ofisa o Tiute (i le faaopopo atu i ai i so o se malosiaga o le faoa faamalosi i lalo o le Vaega 15 mo so o se soligatulafono ua faapea ona faia), ona taofia faamalosi ma taofia le vaa seia vagana ai ua maua mai se tusi faamaonia e kilia ai, ma, i lea tulaga e faaaogā ai le fuaiupu 255 i lea lava uiga e faapei ai sa taofia faamalosi le vaa i lalo o le Vaega 15.

158. Sueina o taavale-(1) O se tagata ofisa o le Tiute o ia lea o i ai ni mafuaaga tatau e masalomia ai e faapea o lo o i ai i totonu po o i luga o so o se taavale lea o lo o i totonu o le nofoaga a le Ofisa o Tiute:

- (a) so o se oloa e tatau ona tiuteina, e le i tiuteina, faasaina, po o e tatau ona faoa e lē toe faafoia; po o
- (b) so o se faamatalaga molimau o oloa o i lalo o le parakalafa (a); po o

(c) so o se faamatalaga molimau o se soligatulafono e faasaga i lenei Tulafono, e mafai ona taofia ma sailia le taavale, ma e mafai ona taofia le taavale mo se vaitaimi e pei ona talafeagai ai i luga o mafuaaga tatau mo lenei faamoemoe.

(2) O se tagata ofisa o le Tiute po o se leoleo o ia lea o i ai ni mafuaaga tatau e talitonu ai e faapea:

(a) o lo o i ai i totonu po o i luga o so o se taavale (e le o se taavale lea e faaaogā i ai le faafuaiupu (1)) so o se oloa lea ua auina ese atu faasolitulafono; po o

(b) o lo o i ai faamatalaga molimau i luga o le faaulufale mai faasolitulafono o so o se oloa po o se taumafaiga e auina ese atu faasolitulafono so o se oloa,

e mafai ona taofia ma sailia le taavale ma e mafai ona taofia le taavale mo se vaitaimi e pei ona mafai ona talafeagai ai i luga o mafuaaga tatau mo lenei faamoemoe.

(3) Afai o se tagata ofisa o le Tiute o ia lea o i ai ni mafuaaga tatau e masalomia ai e faapea o lo o i ai i totonu po o i luga o se taavale so o se oloa e noatia i le pule a le Ofisa o Tiute, ma i se pusa ua faamaonia le malupuipua a le Ofisa o Tiute, po o se pusa lea e faaaogāina ai le faamaufaailoga a le Ofisa o Tiute, e mafai e le tagata ofisa o le Tiute ona:

(a) taofia ma sailia le taavale; ma

(b) taofia le taavale -

(i) mo se vaitaimi e pei ona talafeagai ai i luga o mafuaaga tatau mo lea faamoemoe; ma

(ii) ia faataunuu malosiaga o i lalo o le fuaiupu 174 i luga o ia oloa.

(4) E faaaogā malosiaga o i lalo o le faafuaiupu (1) e oo i le (3), e tusa lava pe afai e le o manaomia le taofia o le taavale ona e le o gaoioi, ma e tusa lava po o i ai pe e le o i ai nisi, ma e aofia ai le malosiaga e faaaogā ai le faamalosi talafeagai, e tatau ai, pe afai e talafeagai ai, e taofia, faatu, ulufale i totonu po o luga, ma sailia le taavale (po o mo so o se isi lava faamoemoega) e pei ona faatagaina e le isi lea faafuaiupu.

159. Fesiligia o tagata e uiga i oloa ma aitalafu-(1) O lenei fuaiupu e faaaogā i:

(a) se tagata o ia lea -

(i) ua taunuu i Samoa i totonu o le 72 itula talu ai; po o

(ii) ua faimalaga ese atu mai Samoa; po o

(b) se tagata (e le o se tagata o ia lea e faaaogā i ai le parakalafa (a)) o ia lea o i totonu o se nofoaga e pulea e le Ofisa o Tiute ua laiseneina mo -

(i) le taofia lē tumau o oloa faaulufale mai mo faamoemoega o le suesuega o na oloa i lalo o le fuaiupu 175 (e aofia ai le taofia o oloa a o faatalia lo latou suesuega); po o

(ii) le aveeseina i lalo mai le vaa, tuuina atu i luga o le vaa po o le faagasologa o tagata e taunuu mai i totonu o po o le faimalaga ese atu mai Samoa; po o

(iii) le faagasologa o se vaa ua taunuu mai i totonu po o le faimalaga ese atu mai Samoa po o le lauina i luga o oloa po o le lauina i lalo o oloa mai le vaa; po o

(c) se tagata (e le o se tagata o ia lea o faaaogā i ai le parakalafa (a)) o ia lea o lo o i luga o le vaa po o lo o i taualumaga o le tuuina atu i luga o vaa po o le aveeseina i lalo mai le vaa lea ua taunuu mai po o ua faimalaga ese atu i, se nofoaga i fafo atu o Samoa, a o i ai le vaa i totonu o Samoa.

(2) E mafai e le tagata ofisa o le Tiute ona fesiligia se tagata o ia lea o faaaogā i ai lenei fuaiupu, i se fesili i luga o le tasi (1) po o le sili atu o mataupu ua taua:

(a) e tusa lava po o i ai i lea tagata ni oloa pe leai foi, po o sa umia e lea tagata ni oloa e ono tiuteina, e faasaina, e le i tiuteina po o e tatau ona faoa e lē toe faafoia;

(b) o le uiga moni, faapogai, tau aogā po o le nofoaga ua faamoemoe e taunuu i ai so o se oloa ua taua i le parakalafa (a);

- (c) e tusa ai i lalo o lenei Tulafono, o so o se aitalafu (mo se faataitaiga, e tusa ai o so o se tiute, o tiute sa toe faafoi sese, toe faaolaina mai o tupe toe faafoi o so o se tiute, po o faasalaga) e totoi i le Malo ma e ono totoiina e le tagata, po o se kamupani, mavaega taus, faiga faapaaga, po o isi pisinisi o lo o i ai lea tagata po o sa faatonu ai, pule, failautusi, tagata ofisa po o se lala sooupu;
- (d) o le uiga moni ma le tulaga o so o se aitalafu o lea ituaiga.

160. Fesiligia o tagata e uiga i tulaga e iloagofie ai, tuatusi, ma isi faapena-(1) O lenei fuaiupu ma fuaiupu 163 ma le 165 e faaogā i tagata ua taua:

- (a) o se tagata o ia lea -
 - (i) ua, po o ua masalomia le alu ese mai se vaa lea ua taunuu mai i Samoa; ma
 - (ii) ua lē lipoti atu po o ua masalomia le lē lipoti atu i se tagata ofisa o le Tiute po o se ofisa o leoleo e uiga i le taunuu mai o le tagata, e ese ai i le fuaiupu 28;
- (b) o se tagata o ia lea, po o ua masalomia i le taumafai e malaga ese atu mai Samoa, mai se nofoaga e ese mai lo se nofoaga o le Ofisa o Tiute, e ese ai i le fuaiupu 31.

(2) E lē faaogāina lenei fuaiupu ma fuaiupu 163 ma le 165:

- (a) mo se tagata o faasinomia i le faafuaiupu (1)(a), i se tagata ua faatagaina ana gaoioiga e se isi fuaiupu o lenei Tulafono; ma
- (b) mo se tagata o faasinomia i le faafuaiupu (1)(b), i se tagata o ia lea ua tausisia se tuusaunoaga ua faatonuina po o ua faatagaina ana gaoioiga e le Ofisa o Tiute.

(3) E mafai e se tagata ofisa o le Tiute ona fesiligia se tagata o ia lea o faaogā i ai lenei fuaiupu i se fesili i luga o le tasi (1) po o le sili atu o mataupu ua taua:

- (a) o le tulaga e iloagofie ai le tagata;
- (b) o le tuatusi o nofomau ai le tagata;
- (c) o gaoioiga tau femalagaiga a le tagata;

- (d) o agavaa o le tagata e faimalaga ai;
- (e) so o se mataupu ua faamaotiina i totonu o le fuaiupu 159(2);
- (f) o le vaa -
 - (i) lea na alu ese mai ai le tagata po o ua masalomia le alu ese mai ai; po o
 - (ii) lea na taumafai le tagata e faimalaga ese atu ai po o ua masalomia le taumafai e faimalaga ese atu ai mai Samoa;
- (g) so o se isi lava tagata o ia lea ua po o sa aafia i le taunuu mai o se tagata, masalomia i le taunuu mai, o le faimalaga ese atu, o le taumafai e faimalaga ese atu po o le masalomia i le faimalaga ese atu, pe sa i ai le isi tagata pe leai foi i luga o le vaa -
 - (i) lea sa alu ese mai ai le tagata po o ua masalomia le alu ese mai ai; po o
 - (ii) lea na taumafai le tagata e faimalaga ese ai po o ua masalomia le taumafai e faimalaga ese ai mai Samoa.

(4) O se fesili i lalo o le faafuaiupu (3)(f) e mafai, ae peitai e le o manaomia, ona faasino i le malaga a se vaa ma so o se tagata po o oloa o tauaveina e le vaa.

161. Fesiligia o tagata faigaluega o kamupani vaalele, kamupani vaa ma isi-(1) E mafai e se tagata ofisa o le Tiute ona fesiligia le toatasi (1) po o le sili atu o tagata ua taua i lalo e uiga i so o se uta faava o malo po o uta i le atunuu:

- (a) o se tagata o ia lea, o avea o se tagata faigaluega a se kamupani vaalele po o se kamupani vaa, o faafoea po o tauaveina le taliaina, umiaina, puipuiga po o le auina atu o uta faava o malo po o uta mo le atunuu e ala i lea kamupani vaalele po o kamupani vaa; po o
- (b) se tagata o faafaigaluegaina e se kamupani o se nofoaga e pulea e le Ofisa o Tiute ua laiseneina mo -
 - (i) le taofia lē tumau o oloa faaulufale mai mo faamoemoega o le suesueina o na oloa i lalo o le fuaiupu 174 (e aofia ai le

taofia o oloa a o faatalia le suesuega);
po o

(ii) le faagasologa o le taunuu mai o le
vaa i totonu po o le faimalaga ese atu mai
Samoa po o le lauina i luga po o le lauina
i lalo o oloa mai le vaa; po o

(c) se tagata (e le o se tagata o taua i le parakalafa (a)
po o le (b)) o ia lea o lo o i ai i se nofoaga e
pulea e le Ofisa o Tiute ua laiseneina mo se
faamoemoe ua taua i lalo o le parakalafa
(b)(i) po o le (ii).

(2) E mafai e se tagata ofisa o le Tiute ona fesiligia le
toatasi (1) po o le sili atu o tagata ua taua i lalo e uiga i so
se uta ua faamoemoe ina ia auina ese atu mai Samoa:

(a) o lē e ona po o lē e faagaoioia se taavale lea ua i
ai i se tagata ofisa o le Tiute se mafuaaga
tatau e masalomia ai, o i ai i totonu po o i
luga o le taavale po o sa i ai i totonu o le 72
itula talu ai, i totonu po o i luga o le taavale ni
oloa e noatia i le pule a le Ofisa o Tiute ma i
tononu o se pusa malupuipua ua faamaonia a
le Ofisa o Tiute, po o i se pusa lea e faaaogā i
ai se faamaufaaailoga a le Ofisa o Tiute;

(b) o lē e ona po o nofoia se nofoaga ma fale lea e i
ai i le tagata ofisa o le Tiute se mafuaaga
tatau e masalomia ai, o i ai i totonu po o i
luga po o sa i ai i totonu o le 72 itula talu ai, i
tononu po o luga o nofoaga ma fale ni oloa e
noatia i le pule a le Ofisa o Tiute ma i totonu
se pusa malupuipua ua faamaonia a le Ofisa
o Tiute, po o i se pusa lea e faaaogā i ai se
faamaufaaailoga a le Ofisa o Tiute;

(c) o se tagata faigaluega a se tagata o taua i le
parakalafa (a) po o le (b).

(3) O se fesili o i lalo o le faafuaiupu (2) e uiga i le uta
ua faamoemoe e auina ese atu mai Samoa, e mafai ona
faasino i le tasi (1) po o le sili atu o tulaga ua taua e faapea:

(a) e tusa ai, ma pe afai ua faapea ona teuina oloa o
lo o i ai po o nisi sa i ai po o le uta atoa sa
teuina i se pusa lea sa faaaogā i ai le
faamaufaaailoga a le Ofisa o Tiute po o i
se pusa malupuipua ua faamaonia a le Ofisa

- o Tiute lea sa faaaogā i ai se faamaufaaailoga po o se faailoga o le ituaiga o faasinomia i le fuaiupu 86(1)(b);
- (b) o le felauaiga po o le teuina o pusa o so o se ituaiga ua faasinomia i totonu o le parakalafa (a) i so o se taimi a o lumanai ai lo latou auina ese atu;
 - (c) ua satia po o ua faalavelaveina se pusa o le ituaiga o faasinomia i le parakalafa (a) po o i ai se faamaufaaailoga po o se faailoga o le ituaiga o faasinomia i lea parakalafa.
- (4) E lē faatapulaaina e le faafuaiupu (3) le faafuaiupu (2).
- (5) E lē faatapulaaina e lenei fuaiupu, ia fuaiupu 159 ma le 160.

162. Faamatalaga molimau o faailoga e iloagofie ai ma faamanuiaga-(1) E faaaogā lenei fuaiupu i se tagata o ia lea:

- (a) o se tagata faimalaga ua i ai se pepa malaga faava o malo e faaaogāina ai femalagaiga i le ea po o le sami mo se vaega i le atunuu; po o
 - (b) se tagata faimalaga i le atunuu e faaaogāina femalagaiga i le ea po o le sami mo se vaega i atunuu;
 - (c) o lo o i totonu o se nofoaga e pulea e le Ofisa o Tiute, po o le faagasologa o le alu ese mai le vaa, ulufale i luga o le vaa, po o le faagasologa o tagata ua taunuu i totonu po o le faimalaga ese atu mai Samoa.
- (2) O se tagata o ia lea o faaaogā i ai lenei fuaiupu e ao, i luga o le manaomia e se tagata ofisa o le Tiute ona:
- (a) taua ai le igoa atoa o lea tagata ma le tuatusi o nofomau ai; ma
 - (b) pe afai e manaomia, ia tuuina atu mo le asiasiga se pepa aloaia faatonuina; po o
 - (c) pe afai ua lē mafai e le tagata ona tuuina atu le pepa aloaia faatonuina, ia faatumu se tautinoga ua faamaonia.
- (3) O se tulaga manaomia i lalo o le faafuaiupu (2)(b) po o le (c) e faatoa mafai ona faia e se tagata mo le faamoemoe, ina ia mafai ai e le tagata ofisa o le Tiute ona faamautuina le tasi (1) po o tulaga uma ua taua e faapea:

- (a) o le tulaga e iloagofie ai le tagata; po o
 - (b) o gaioiga tau femalagaiga a le tagata; po o
 - (c) faamanuiaga a le tagata i femalagaiga i le ea po o le sami mo se vaega i le atunuu.
- (4) O se pepa aloaia faatonuina ua tuuina atu i lalo o le faafuaiupu (2)(b) e se tagata i se tagata ofisa o le Tiute e ao ona a lē:
- (a) o le vave asiasia ma toe faafoi i le tagata, i se taimi vave lava e maea ai le asiasiga; po o
 - (b) ia taofia e le tagata ofisa o le Tiute mo le a lava le umi e tatau ai ina ia faamautinoa ai pe ua manao le Pule Sili o le Tiute pe leai foi, e faataunuu le malosiaga i lalo o le fuaiupu 189 e taofia ai le pepa aloaia.
- (5) O leni fuaiupu e noatia ma fai fuafua i le fuaiupu 208.

163. Faamatalaga molimau o tali i fesili i lalo o le fuaiupu 160-(1) O se tagata o ia lea o faaaogā i ai leni fuaiupu e tusa ai ma le fuaiupu 160, e ao ona tapaina e se tagata ofisa o le Tiute, e tuuina atu pepa aloaia lea:

- (a) o lo o umia po o pulea e le tagata; ma
 - (b) e faasino i mataupu lea sa fesiligia ai le tagata i lalo o le fuaiupu 160.
- (2) Afai ua tuuina atu e se tagata se pepa aloaia e tali atu ai i se tulaga na tapaina i lalo o le faafuaiupu (1), e mafai e se tagata ofisa o le Tiute ona faia le tasi (1) po o le sili atu o itu ua taua e faapea:
- (a) vave asiasia le pepa aloaia ma toe faafoi i le tagata, pe a maea ona asiasia lea pepa e le tagata ofisa;
 - (b) asiasia le pepa aloaia ma taofia le pepa mo le umi o le vaitaimi o taofia ai le tagata i lalo o le fuaiupu 165;
 - (c) asiasia le pepa aloaia ma taofia le pepa mo le a lava le umi e tatau ai, e faamautinoa ai pe ua manao le Pule Sili o le Tiute pe leai foi, e faataunuu malosiaga i lalo o le fuaiupu 187 e taofia ai le pepa aloaia;
 - (d) asiasia le pepa aloaia ma ave atu le pepa e faia se ata i lalo o le fuaiupu 186;
 - (e) asiasia le pepa aloaia ma taofia le pepa i lalo o le fuaiupu 189.

(3) O lenei fuaiupu e noatia ma fai fuafua i le fuaiupu 208.

164. Taofia o tagata sa fesiligia e uiga i oloa po o aitalafu-(1) Afai o se tagata ofisa o le Tiute:

- (a) ua lē faamalieina e faapea o le tali i se fesili na tuuina atu i le tagata i lalo o le fuaiupu 159 e sao; po o
- (b) e le i tuuina atu lava se tali i se fesili na tuuina i le tagata i lalo o le fuaiupu 159; po o
- (c) ua lē faamalieina e tusa ai o se mafuaaga po o se faamalamalamaaga na tuuina atu e le tagata, e tusa ai o oloa ia o i ai po o le a i ai, po o lea ua masalomia e le tagata ofisa o lo o i ai po o le a i ai i oloa a lea tagata po o i lalo o lana pulega,

ma ua i ai i le tagata ofisa mafuaaga tataua e masalomia ai e faapea sa faia, ua faia, po o ua agai ina faia se soligatulafono e faasaga i lenei Tulafono e lea tagata po o se isi lava tagata e fesootai ma lea tagata, e mafai e le tagata ofisa ona taofia lea tagata.

(2) E faatoa mafai e le tagata ofisa o le Tiute ona taofia se tagata i lalo o le faafuaiupu (1) mo faamoemoega ua taua e faapea:

- (a) ina ia mafai ai e le tagata ofisa ona faia so o se suesuega e pei ona tataua ai, ina ia faamautu ai pe o le tali i le fesili po o se mafuaaga po o se faamalamalamaaga e sao;
- (b) ina ia maua le auai ai o, po o le faia o suesuega a se isi tagata ofisa o suesuega a se isi tagata ofisa o le Tiute po o se tagata o ia lea ua agavaa e faataunuu so o se malosiaga e fesiligia ai, e taofia ai po o le pueina faapagota o se tagata i lalo o lenei Tulafono.

(3) E ao ona lē taofia se tagata i lalo o lenei fuaiupu mo se vaitaimi e sili atu i le fa (4) itula.

165. Taofia o tagata sa fesiligia i lalo o le fuaiupu 160-

(1) E mafai e le tagata ofisa o le Tiute ona taofia se tagata o ia lea e faaogā i ai lenei fuaiupu e tusa ai o le fuaiupu 160 mo le tasi (1) po o le sili atu o faamoemoega ua taua e faapea:

- (a) ia fesiligia le tagata i lalo o le fuaiupu 160;

(b) ia mafai e le tagata ofisa ona faia le suesuega lea e tatau ona faamautu pe o se tali i se fesili sa fesiligia ai i lalo o le fuaiupu 160 e sao;

(c) ia maua le auai ai o, po o le faia o suesuega a se isi tagata ofisa o le Tiute po o se tagata o ia lea ua agavaa e faataunuu so o se malosiaga e fesiligia ai, e taofia ai po o le pueina faapagota o se tagata i lalo o lenei Tulafono po o le Tulafono o Taulumaga Tau Solitulafono 1972 e mulimuli ane ai i le fesiligiaina o se tagata i lalo o le fuaiupu 160 o lenei Tulafono.

(2) E mafai e se tagata ofisa o le Tiute ona taofia se tagata i lalo o le faafuaiupu (1) mo le agai atu i le 12 itula.

(3) O le fesiligia o se tagata i lalo o le fuaiupu 160 e ao ona faia i se taimi vave lava e mafai ai ona faatino i le tuanai ai o le taofia o le tagata i lalo o le faafuaiupu (1).

(4) E ao i se tagata ofisa o le Tiute ona vave tatala se tagata sa taofia i lalo o le faafuaiupu (1), i le tuanai ai ona tali o ia i fesili na fesiligia ai i lalo o le fuaiupu 160 pe afai o le tagata ofisa:

(a) ua faamalieina e faapea sa tali sao le tagata i fesili; ma

(b) e leai se mafuaaga tatau e masalomia ai e faapea o le tagata sa fesiligia i lalo o lea fuaiupu na -

(i) faia se soligatulafono i lalo o le fuaiupu 215 e ala i le lē tausisia o le fuaiupu 28 po o le 31; po o

(ii) sa faia se soligatulafono i lalo o le fuaiupu 154 po o le 155 o le Tulafono o Solitulafono 2013.

(5) E mafai e se tagata ofisa o le Tiute ona faaauau le taofia o se tagata i lalo o le faafuaiupu (1) i le tuanai ai ona fesiligia o ia i lalo o le fuaiupu 160, pe afai o le tagata ofisa o le Tiute:

(a) e le o faamalieina e faapea sa tali sao le tagata i se fesili i lalo o le fuaiupu 160; po o

(b) e le o faamalieina e faapea sa tuuina atu e le tagata se tali i se fesili sa fesiligia ai i lalo o le fuaiupu 160; po o

(c) e i ai se mafuaaga tatau e masalomia ai e faapea o le tagata sa fesiligia i lalo o lea fuaiupu na -

(i) faia se soligatulafono i lalo o le fuaiupu 215 e ala i le lē tausisia o le fuaiupu 28 po o le 31; po o

(ii) sa faia se soligatulafono i lalo o le fuaiupu 154 po o le 155 o le Tulafono o Solitulafono 2013.

(6) E ui lava i le faafuaiupu (2), e mafai e se tagata ua taofia mo se isi vaitaimi e talafeagai ai pe afai, ma aemaise ai, o se faalavelave, faaletonu o le tau, po o nisi lava tulaga faigata o femalagaaiga po o tulaga faapitoa e aliae mai ua lē talafeagai ai mo le tagata ofisa o le Tiute ona faia le tulaga ua faamaotiina i le faafuaiupu (1) i totonu o le vaitaimi e 12 itula ua faamaoti mai i le faafuaiupu (2).

(7) E mafai ona faaaogāina le malosi talafeagai, pe afai ua talafeagai ai, e taofia ai se tagata i lalo o le faafuaiupu (1).

(8) I totonu o lenei fuaiupu:

“taofia”, mo se tagata, e aofia ai le aveina atu o se tagata i se nofoaga o le Ofisa o Tiute po o le ofisa o leoleo lea e mafai ai po o e mafai ona faaaauai ai ona fesiligia;

“se isi vaitaimi e talafeagai ai” o lona uiga o se vaitaimi e lē umi atu na i lo le tulaga e talafeagai ai, i tulaga aliae mai mo se tagata ofisa o le Tiute e faia ai le tulaga o faamaotiina i le faafuaiupu (1).

166. Taofia o tagata ua faia po o o le a faia o nisi soligatulafono-(1) E mafai e se tagata ofisa o le Tiute ma, mo le parakalafa (b) ma se leoleo ona taofia se tagata o ia lea, ua talitonuina i luga o mafuaaga talafeagai, ua faia po o ua agai ina faia se soligatulafono i lalo o le fuaiupu 215 po o le 227(1)(e), e le tagata o le Tiute po o pe afai e talafeagai ai, o le leoleo:

(a) pe afai ua taunuu se vaa i se nofoaga atofaina e le Ofisa o Tiute po o se nofoaga e pulea e le Ofisa o Tiute i totonu o lea nofoaga o i lalo o le fuaiupu 25, ua tuua po o ua ulufale i le vaa e aunoa ma se pule faataga a se tagata ofisa o le Tiute a o lumanai ai le faia o se lipoti e tuuina atu i totonu i lalo o le fuaiupu 27 (i le solia ai o le fuaiupu 25(2)); po o

- (b) pe afai sa taunuu mai le tagata i Samoa ae le i vave lipotiina i se tagata ofisa o le Tiute po o se ofisa o leoleo (i le solia ai o le fuaiupu 28(1)); po o
- (c) pe afai sa taunuu mai le tagata i Samoa ma lipoti atu i se tagata ofisa o le Tiute po o se ofisa o leoleo i lalo o le fuaiupu 28(1), ua tuua le tagata ofisa o le Tiute po o le ofisa o leoleo lea sa lipoti i ai le tagata, e ui lava o lo o manaomia o ia e se tagata ofisa o le Tiute po o pe afai e talafeagai ai, o se leoleo, ina ia tumau ai pea mo se taimi e talafeagai ai, ina ia mafai ai ona faataunuu e se tagata ofisa o le Tiute po o, pe afai e talafeagai ai, o se leoleo, se malosiaga i lalo o lenei Tulafono i le tagata (i le solia ai o le fuaiupu 28(2)); po o
- (d) pe afai o le tagata sa i luga o se vaa lea sa taunuu mai i Samoa, ua lē tausisia se faatonuga a le Ofisa o Tiute e faatatau i le tuua o le vaa (i le solia ai o le fuaiupu 29(1)); po o
- (e) ua alu ese mai se vaa lea sa taunuu mai i Samoa, ua tuua se nofoaga e pulea e le Tiute ina ua manaomia o ia e le Tiute ina ia tumau ai pea i lea nofoaga mo se taimi e talafeagai ai e pei ona manaomia ina ia mafai ai e le tagata o le Tiute ona faataunuu se malosiaga i lalo o lenei Tulafono i lea tagata (i le solia ai o le fuaiupu 29(3)); po o
- (f) pe afai ua manaomia le tagata ina ia tausisia se faatonuga na tuuina atu i lalo o le fuaiupu 35(3), ma ua lē mafai ona tausisia lea faatonuga.

(2) E faatoa mafai e se tagata ofisa o le Tiute po o pe afai e talafeagai, o se leoleo, ona taofia se tagata i lalo o le faafuaiupu (1) mo le faamoemoe o le faamautinoaina o le tausisia e le tagata o le tasi (1) po o le sili atu o parakalafa o i le faafuaiupu (1).

(3) E ao i se tagata o le Tiute, po o, pe afai e talafeagai ai, o se leoleo ona vave tatala i tua se tagata mai le taofia i lalo o le faafuaiupu (1), i le tuanai ai o lona tausisia o manaoga o le aiaiga lea sa taofia ai o ia ma so o se isi lava parakalafa o i totonu o le faafuaiupu (1).

(4) E mafai ona faaaogā le malosi talafeagai pe afai e talafeagai, e taofia ai se tagata i lalo o le faafuaiupu (1).

(5) E ao ona lē taofia se tagata i lalo o le faafuaiupu (1) pe afai ua talitonu se tagata o le Tiute po o, pe afai e talafeagai ai, o se leoleo, i luga o ni mafuaaga tatau e faapea, ua uma ona faia e se tagata se soligatulafono i lalo o le fuaiupu 215 e ala i le solia o se parakalafa o i totonu o le faafuaiupu (1).

(6) O lenei fuaiupu e lē puipuia mai ai se tagata:

(a) ua taofia po o ua taofia atili i lalo o se isi aiaiga o lenei Tulafono po o i lalo o so o se isi lava tulafono pe afai o lo o i ai ni mafuaaga faaetulafono mo lea taofiga; po o

(b) ua pueina faapagota i lalo o le fuaiupu 205.

(7) I totonu o lenei fuaiupu, “taofia” e aofia ai le faaooina atu o se tagata i se ofisa o leoleo po o i le puipuigamalu a se leoleo.

167. Taofiga mo faamoemoega tau le soifua maloloina lautele po o le faamamaluina o tulafono-(1) E mafai e se tagata o le Tiute ona taofia se tagata o ia lea:

(a) o lo o manaomia ina ia tausisia se faatonuga ua tuuina atu i lalo o le fuaiupu 36; ma

(b) ua lē mafai ona tausisia lea faatonuga.

(2) Afai o i ai i se tagata o le Tiute se mafuaaga talafeagai e masalomia ai e faapea o se tagata o ia lea o lo o taofia i lalo o fuaiupu 164, 165 po o le 166, o lo o faaaogā i ai le tasi (1) po o le sili atu o aiaiga o le fuaiupu 36, e mafai e le tagata ofisa o le Tiute ona:

(a) taofia le tagata i lalo o lenei fuaiupu e faapea foi i isi fuaiupu; po o

(b) pe afai o le taofiga i lalo o isi fuaiupu ua faaiuina po o ua agai ina faaiuina le taofia atili o le tagata i lalo o lenei fuaiupu.

(3) E faatoa mafai e se tagata ofisa o le Tiute ona taofia po o le taofia atili se tagata i lalo o lenei fuaiupu mo faamoemoega o le maua mai o le auai ai, po o le faia o suesuega a, se isi tagata ofisa o le Tiute, o ia lea ua faatagaina, mo se mataupu ua faamaotiina i le fuaiupu 36(1), ina ia faia le tasi (1) po o le sili atu o tulaga ua taua e faapea:

(a) fesiligia le tagata;

(b) faamautinoa po o le fuafua o se mataupu e faasino i le tulaga o le tagata;

- (c) taofia le tagata;
 - (d) pue faapagota le tagata.
- (4) E lē tatau ona taofia pe taofia atili se tagata i lalo o lenei fuaiupu mo se vaitaimi e sili atu i se taimi puupuu e:
- (a) fa (4) itula; po o
 - (b) pe afai sa amata le taofiga o se tagata i lalo o le fuaiupu 164 po o le 165, o le tapulaa aupito maualuga o le vaitaimi lea e mafai ai ona taofia le tagata i le taimi o lona taofiga po o le taofia atili i lalo o le faafuaiupu (2), ua faapena ona taofia i lalo o le fuaiupu 164 po o le 165.
- (5) E mafai ona faaaogā se malosi talafeagai, pe afai e talafeagai ai, e taofia ai pe taofia atili ai se tagata i lalo o lenei fuaiupu.
- (6) O lenei fuaiupu e lē puipuia mai ai se tagata:
- (a) ua taofia po o taofia atili i lalo o se isi aiaiga o lenei Tulafono po o i lalo o so o se isi lava tulafono pe afai o i ai ni mafuaaga faaletulafono mo lea taofiga; po o
 - (b) ua pueina faapagota i lalo o le fuaiupu 205.
- (7) I totonu o lenei fuaiupu, “taofia” e aofia ai le faaooina atu o se tagata i se ofisa o leoleo po o i le puipuigamalu a se leoleo.

168. Tagata e faaaogā i ai fuaiupu 169, 170(1), ma le 171 - E faaaogā fuaiupu 169, 170(1), ma le 171 i:

- (a) se tagata o i luga o se vaa lea ua taunuu mai po o se vaa lea ua agai ina faimalaga ese atu mai Samoa; po o
- (b) se tagata o i le faagasologa o le alu ese mai po o le ulufale atu i luga o se vaa ua taua i le parakalafa (a); po o
- (c) se tagata o ia lea, sa ulufale i totonu o Samoa i se nofoaga o le Tiute, ma i ai pea i lea nofoaga o le Tiute.

169. Uluai sueina o tagata e ala i le faaaogāina o tulaga tau fesoasoani-(1) E mafai e se tagata o le Tiute po o se leoleo ona faia se uluai suesuega o se tagata lea e faaaogā i ai lenei fuaiupu, ma e mafai ona taofia lea tagata mo faamoemoega o le faia o lea uluai suesuega.

(2) E faaaogā fuaiupu 170 e oo i le 172 pe afai, i le tuanai ai o se uluai suesuega i lalo o le faafuuiupu (1), ua i ai i se tagata o le Tiute po o se leoleo se mafuaaga tatau e masalomia ai o lea tagata sa nanaina i luga po o e faatatau ia te ia se mea ua taua i le fuaiupu 170(1).

(3) O se “uluai suesuega”, o se suesuega lea:

- (a) e aofia ai fesootaiga laiti po o e leai ni fesootaiga patino i le va o le tagata e faia le suesuega ma le tagata o lo o suesueina; ma
- (b) o lo o faia e ala i le faaaogāina o se fesoasoani, e pei o se taifau, vailaau kemikale, faaata (x-ray) po o masini pueata, po o isi masini e faagaioia e se tagata, o le eletise, po o mea faaeletoni, po o so o se isi lava fesoasoani faapena, ae le o so o se faiga e faamanualia ai le mafaufau o se tagata.

170. Sueina o tagata pe afai ua i ai mafuaaga talafeagai e masalomia ai meataitasi o natia-(1) E mafai e se tagata o le Tiute po o se leoleo ona taofia ma sailia se tagata, pe afai o i ai i le tagata ofisa se mafuaaga tatau e masalomia ai e faapea, o se tagata o ia lea o lo o faaaogā i ai leni fuaiupu sa nanaina i luga po o sa ia te ia:

- (a) so o se oloa e tatau ona tiute, e le i tiuteina, e faasaina po o e tatau ona faoa e lē toe faafoia; po o
- (b) faamatalaga molimau e faasino i so o se oloa i lalo o le parakalafa (a); po o
- (c) se mea lea ua po o e ono avefa ma faamatalaga molimau o le soliga po o e mafai ona solia ai leni Tulafono.

(2) E ui lava i le faafuuiupu (1), pe afai e i ai i se tagata o le Tiute po o se leoleo ni mafuaaga tatau e talitonu ai e faapea:

- (a) sa taunuu mai i Samoa se tagata i totonu o le 24 itula talu ai i so o se nofoaga e ese mai i lo se nofoaga o le Tiute; po o
- (b) ua agai se tagata e faimalaga ese atu mai Samoa mai so o se nofoaga e ese mai i lo se nofoaga o le Tiute,

ma ua i ai i se tagata o le Tiute po o se leoleo se mafuaaga tatau e talitonuina ai e faapea o lo o nanaina e le tagata po o lo o ia te ia se mea ua taua i le faafuaiupu (1), e mafai e le tagata o le Tiute po o se leoleo ona taofia ma sueina o ia.

(3) E ui lava i le faafuaiupu (1) po o le (2), afai ua i ai i se tagata ofisa o le Tiute po o se leoleo se mafuaaga tatau e talitonuina ai e faapea, o se tagata e ese mai i lo se tagata ua taua i le faafuaiupu (2) po o le fuaiupu 168, o ia lea o lo o i ai i se nofoaga o le Tiute ua nanaina po o lo o ia te ia se mea ua taua i le faafuaiupu (1), e mafai e se tagata o le Tiute po o se leoleo ona taofia ma sueina o ia.

(4) E mafai ona faaaogāina se malosi talafeagai e taofia ai ma sueina le tagata.

(5) Afai ua taofia se tagata i lalo o lenei fuaiupu, ma ua leai se tagata suesue talafeagai o avanoa i le nofoaga lea e faia ai le suesuega, e mafai ona aveina atu le tagata o taofia i se isi nofoaga e sueina ai.

(6) E mafai e se tagata o le Tiute po o se leoleo o ia lea o suesueina se tagata i lalo o lenei fuaiupu, ona manaomia se isi tagata, e pei ona manatu le tagata o le Tiute po o se leoleo ua talafeagai ai, e fesoasoani ai i le tagata ofisa.

(7) E mafai ona faia se suesuega o se tagata i lalo o lenei fuaiupu e tusa lava pe sa avea muamua le tagata pe leai foi ma autu o se uluai suesuega i lalo o le fuaiupu 168.

171. Sueina o tagata mo meataitasi matautia-(1) E mafai e se tagata o le Tiute po o se leoleo ona vave taofia ma sueina se tagata lea e faaaogā i ai lenei fuaiupu, ma aemaise ai pe afai o i ai i se tagata o le Tiute po o se leoleo ni mafuaaga tatau e talitonuina ai e faapea:

- (a) o lo o i ai i se tagata ni oloa matautia o nanaina po o ua mautinoa o lo o ia te ia; ma
- (b) o le oloa ua faatulai mai ai se tulaga tau faamatau, i le saogalemu o le tagata ofisa o le Tiute, leoleo po o so o se isi lava tagata; ma
- (c) o lo o i ai se manaoga ina ia vave ona faatino e faailoa ai lea tulaga tau faamatau; ma
- (d) o se sailiga i lalo o le fuaiupu 169 po o le 170(1) o le a faaalua ai i le tagata o le Tiute, se leoleo po o so o se isi lava tagata, se lamatiaga matautia mai le tulaga tau faamatau.

(2) E mafai ona faaaogā le malosi talafeagai, pe afai e talafeagai ai, pe a oo ina taofia pe sueina se tagata i lalo o lenei fuaiupu.

(3) E mafai ona faia se suesuega i lalo o lenei fuaiupu e tusa lava pe sa avea muamua le tagata pe leai foi ma autu o se suesuega i lalo o le fuaiupu 169 po o le 170(1).

(4) O se tagata o le Tiute po o se leoleo o ia lea o faatinoina se sailiga i lalo o lenei fuaiupu, e tatau, i totonu o le tolu (3) aso faigaluega o le sailiga, ona tuuina atu se lipoti tusitusia o le sailiga, o tulaga aliae mai na faia ai ma ni mataupu na mafua ai ona faatulai mai ni mafuaaga tatau e talitonuina ai e pei ona manaomia e le faafuaiupu (1) e:

(a) mo se tagata o le Tiute, o le Pule Sili o le Tiute; ma

(b) mo se leoleo, o le Komesina o Leoleo.

172. Faoa faamalosi o meataitasi ua maua-(1) E mafai e se tagata ofisa o le Tiute po o se leoleo ona faoa faamalosi se mea ua maua i, po o i se tagata pe a faataunuina le suesuega i lalo o le fuaiupu 170(1), (2), po o le (3) po o le 171, lea e i ai mafuaaga talafeagai i le tagata ofisa o le Tiute po o le leoleo e masalomia ai:

(a) se mea ua taua i le fuaiupu 170(1); po o

(b) se meafaitino matautia.

(2) E mafai ona faaaogāina le malosi talafeagai, pe afai e alagatau, e faoa faamalosi ai:

(a) se mea ua taua i le fuaiupu 170(1); po o

(b) se meafaitino matautia.

173. Avanoa o tagata ofisa o le Tiute i nofoaga e pulea e le Tiute - I le noatia ma le fai fuafua i le fuaiupu 204, e mafai e se tagata ofisa o le Tiute ona:

(a) i so o se taimi lava i le ao po o le po, ona ulufale i so o se vaega o se nofoaga e pulea e le Tiute, ma suesueina oloa o lo o i lea nofoaga; ma

(b) mo lea faamoemoe, ia ulufale i so o se isi nofoaga lea e mafai ona ui atu ai.

174. Suesueina o oloa e noatia i lalo o le vaavaaiga a le Tiute-(1) E mafai e se tagata ofisa o le Tiute ona:

(a) suesue, fua le mamafa, auiliili, po o le faataitai, pe taulamua e suesueina, fuaina ai le mamafa,

auiliili, po o le faataitaiina o oloa o lo o noatia i lalo o le pule a le Tiute, po o oloa ua manatu le tagata ofisa, o lo o i ai ni mafuaaga tatau e masalomia ai, o le a noatia i lalo o le pule a le Tiute; ma

(b) mo lea faamoemoe, ia tatala pe taulamua ina ia tatalaina so o se afifi lea o lo o i ai i totonu oloa po o o lo o masalomia le i ai i totonu o oloa.

(2) O tupe faaalu uma talafeagai ua faatupulaia e le Tiute i lalo o le faafuaiupu (1), o se aitalafu e totogiina atu i le Malo e le tagata o lo o faaulufale maia oloa, tagata o lo o auina atu i fao oloa, po o le tagata e ona oloa ma o le a faapea ona toe maua mai i le faiga lava lea e avea ai o se tiute i lalo o lenei Tulafono.

(3) E faalautele atu malosiaga i lalo o le faafuaiupu (1) i le suesueina, fuaina, auiliiliina po o le sueina o se ato malaga, paleti, pusa mo uta tetele, po o se afifi.

(4) O le suesuega:

(a) e mafai ona aofia ai suesuega o meafaitino po o suesuega faakemikale, po o le faafaigofieina e ala i le faia o so o se auala po o le a lava, e aofia ai le faapupuina, po o le tatalaina o oloa; ma

(b) e mafai ona faafaigofieina e ala i le faia o so o se auala e suesueina ai, po o le a lava (mo se faataitaiga, o se taifau, o se vailaau faakemikale, faaata po o se masini mo ata, po o isi masini tau afi po o masini faaeletoroni).

(5) O faataitaiga o oloa ua noatia i lalo o le pule a le Tiute po o, o lo o masalomia e faapea, ua noatia i lalo o le pule a le Tiute, e mafai ona faaaogāina e le Tiute, mo faamoemoega o lenei fuaiupu, ma ia lafoaia i le faiga o lo o faatonuina.

(6) Ua lava atoatoa se faataitaiga o lo o faaaogāina i lalo o le faafuaiupu (5), mo le faamoemoe, lea na faaaogāina ai.

(7) E tatau i se tagata ofisa o le Tiute, i le noatia i lalo o le fuaiupu 204, ona faaaogāina saoloto avanoa i so o se fanua, fale, po o se nofoaga, ma so o se oloa o lo o i totonu po o i luga o se fanua, fale po o nofoaga, mo le faamoemoe ina ia faatinoina malosiaga i lalo o lenei fuaiupu, e tusa ai o oloa, lea ua faapea ona, po o o lo o masalomia e faapea:

(a) o lo o noatia i lalo o le pule a le Tiute; ma

(b) o lo o i se afifi malupuipua ua faamaonia e le Tiute po o lo o i totonu o se afifi, lea ua tuuina i ai le faamaufaailoga a le Tiute.

(8) E ui lava i le faafuaiupu (7), e lē tatau ona ulufale atu se tagata ofisa o le Tiute i se nofoaga tumaoti seia vagana ua i ai se faatagaga a lē o lo o nofoia, po o le pule o lea nofoaga, po o lo o aiaia i lalo o se tusi faapoloaiga na tuuina atu i lalo o lenei Tulafono.

175. Suesueina o oloa e le o toe noatia i lalo o le pule a le Tiute-(1) O lenei fuaiupu e faasino lea i oloa ua faapea ona faamutaina le taimi e noatia ai i lalo o le pule a le Tiute, ae o lo o i ai mafuaaga talafeagai o lo o masalomia ai e le Pule Sili o le Tiute, e faapea:

(a) o oloa sa faapea ona faatinoina ai se soligatulafono, e faasaga i lenei Tulafono; po o

(b) o oloa o le a taofia e le Malo i lalo o le fuaiupu 267.

(2) E ono manaomia e le Pule Sili o le Tiute se tagata, po o so o se tagata, o ia lea e talitonu le Pule Sili o le Tiute o lo o ia umia pe o lo o ia puleaina oloa ua gaosia mo le suesuega a se tagata ofisa o le Tiute.

(3) E mafai e le tagata ofisa o le Tiute ona faaaogāina, i le amanaia e tusa ai ma oloa, malosiaga uma ua faapea ona faaee atu e le fuaiupu 174.

(4) E mafai e le tagata ofisa o le Tiute ona:

(a) aveeseina ma taofia le umiaina o oloa ua tuuina mai i lalo o le faafuaiupu (2), mo faamoemoega ina ia faaaogāina malosiaga ua faaee atu e le faafuaiupu (3); ma

(b) taofia ona umia oloa seia vagana ai ua faamaeaina le suesuega, e uiga i mafuaaga ua masalomia ai se itu e faapea, o oloa -

(i) ua faapea ona faatinoina ai se solitulafono e faasaga i lenei Tulafono; po o

(ii) ua faapea ona faamatuu atu i le Malo, i lalo o le fuaiupu 267.

176. Tuuina atu o se faamalamalamaga o oloa - E mafai e le Pule Sili o le Tiute, e ala i se faasilasilaga tusitusia, ona manaomia se tagata ua laiseneina a le CCA ina ia faapea ona:

- (a) tuuina atu se faamalamalamaga e uiga i oloa, lea ua talitonu le Pule Sili o le Tiute, ua faaulufale atu i le nofoaga lea o lo o faapea ona pulea e le Tiute; ma
- (b) tuuina atu so o se pepa aloaia e uiga i feuiaga o oloa i totonu po o fafo atu o ia nofoaga o lo o pulea e le Tiute.

177. Tuuina atu o oloa - E mafai e le tagata ofisa o le Tiute ona manaomia le tagata ua laiseneina a le CCA ina ia faapea ona tuuina atu i le tagata ofisa oloa o lo o faailoaina i so o se faamaumauga o lo o faapea ona i ai i lea nofoaga.

178. Faamaoniga o pepa tusia-(1) E mafai e le Pule Sili o le Tiute ona:

- (a) e faaopoopo atu ai i so o se tautinoga po o pepa aloaia o lo o manaomia e lenei Tulafono, po o tulafono faatonutonu, po o poloaiga, e manaomia mai se tagata o lo o faapea ona faia pepa tusia o oloa, faamaoniga e ala i le faia o se tautinoga po o le tuuina atu o pepa aloaia o le sao atoatoa o pepa tusia; ma
 - (b) teena le faaooina atu o oloa po o le tuuina atu o pepa tusia a o lumanai ai le tuuina atu o le faamaoniga.
- (2) Afai e le o faamalieina le Pule Sili o le Tiute:
- (a) i le moni o le pepa tusia o so o se oloa; po o
 - (b) i so o se isi lava vaega o lo o faaulufaleina mai, ma le aveeseina atu o oloa,

e mafai e le Pule Sili o le Tiute ona taofia oloa mo se vaitaimi talafeagai, ina ia mafai ona faia suesuega i ia oloa, ma pe a talafeagai ai, ia i ai se mafuaaga e suesueina ai le faaulufaleina mai po o le aveeseina atu o oloa, pe faia i Samoa po o se isi atunuu.

179. Faamalumaluga mo le totogiina o tiute-(1) E mafai ona manaomia ma faaaogāina e le Pule Sili o le Tiute so o se puipuigamalu faatonuina mo le totogiina atu o le tiute.

(2) E mafai e le Pule Sili o le Tiute, a o talia le tuuina atu o le puipuigamalu manaomia, ona teena le tuuina atu o se pepa tusia po o le faia o so o se isi lava gaoioiga i so o se mataupu, lea e manaomia ai le i ai o le puipuigamalu.

(3) E manaomia le i ai o se puipuigamalu mo so o se feuaiga faapitoa, o se vasega o fefaatauaiga, po o e mo fefaatauaiga lautele, ma mo se vaitaimi ma se aofaiga, ma i aiaiga i tulaga tau faasalaga, po o isi aiaiga, e pei ona o le a faatonuina mai e le Pule Sili o le Tiute.

(4) E tatau ona faamaonia e le Pule Sili o le Tiute le pepa faatumu, lea o le a tuuina atu ai le puipuigamalu.

(5) I le noatia ma le fai fuafua i le fuaiupu 109 ma le 130, afai o le a faamalieina le Pule Sili o le Tiute i le itu e faapea ua maea ona faatinoina noataga lea e faamatuu atu ai le puipuigamalu i lalo o lenei fuaiupu, e tatau ona tatalaina le tagata, o ia lea na ia tuuina atu le puipuigamalu mai noataga o lea puipuga i se taimi vave lava e mafai ai ona faatino.

(6) O se tagata, o ia lea ua lē faamalieina i se faaiuga ua faia e le Pule Sili o le Tiute, i lalo o lenei fuaiupu, e mafai e ia, i totonu o le 20 aso faigaluega, i le maea ai o le aso na tuuina atu ai le faasilasilaga o le faaiuga, ona talosaga tetee i le Pulega o Talosaga a le Tiute e faasaga i lea faaiuga.

180. E ono manaomia ni faamalumaluga fou-(1) E mafai e le Pule Sili o le Tiute (pe afai, i so o se taimi ua faapea ona lē faamalieina ai le Pule Sili i le tulaga atoatoa o so o se faamalumaluga) ona manaomia se isi puipuigamalu e suia ai le, po o, e faaopoopo atu i ai i le puipuigamalu o lo o faapea ona i ai nei.

(2) Afai e le i tuuina atu se isi faamalumaluga fou, e mafai e le Pule Sili o le Tiute ona teena le tuuina atu o se pepa tusia, po o se mea tusia, po o le faia o so o se isi lava gaoioiga i se mataupu, lea na manaomia ai le isi faamalumaluga fou.

(3) E mafai e se tagata, o ia lea e le o faamalieina i se faaiuga ua faia e le Pule Sili o le Tiute, i lalo o lenei fuaiupu ona, talosagaina le Pulega o Talosaga a le Tiute e faasaga i lea faaiuga, i totonu o le 20 aso faigaluega i le maea ai o le aso na tuuina atu ai le faasilasilaga o le faaiuga.

181. Pule faataga tusitusia a sooupu - E mafai e se tagata ofisa o le Tiute ona:

- (a) manaomia se tagata e galue po o e avea ma sooupu a se isi tagata i se mataupu e faatatau i lenei Tulafono, ina ia tuuina atu se pule faataga tusitusia mai le pule o lea tagata; ma
- (b) afai e le i tuuina mai le pule faataga, ia teena le amanaiaina o le sooupu lea.

182. Suega faasuetusi po o le suesueina o faamaumauga-(1) E mafai e se tagata ofisa o le Tiute, i taimi talafeagai, i lalo o le fuaiupu 111, ona ulufale atu i so o se nofoaga ma fale po o nofoaga o lo o tausia ai faamaumauga, ma sueina tusi pe suesueina faamaumauga ia, a le o le itu tau fefaatauaiga faapitoa o le tulaga atoatoa ma le faamaoni o le taiala po o faiga faaeletoni po o faiga, lea e mafua ai ona faia ma teuina faamaumauga.

(2) Mo faamoemoega o le faafuaiupu (1), o lo o i le tagata ofisa o le Tiute, i le noatia ma le fai fuafua i le fuaiupu 204, avanoa uma i se fanua, fale po o nofoaga ma, so o se tusi, faamaumauga, po o pepa aloaia, meatotino, faagasologa, po o mataupu, tusa lava po o vaavaaia, po o i lalo o le vaavaaiga a le tagata ua laiseneina a le CCA, lē o lo o faaulufaleina mai, po o lē o lo o ia aveeseina atu oloa, po o so o se isi lava tagata, mo le faamoemoe mo le asiasia o tusi, faamaumauga, pepa, meatotino, faagasologa po o mataupu e manatu le tagata ofisa e faapea:

- (a) ua talafeagai pe tatau mo le faamoemoe mo le aoina mai o se tiute i lalo o lenei Tulafono, po o, mo le faamoemoe o le faatinoina lea o so o se galuega tauave ua faaee atu i le tagata ofisa; po o
- (b) e ono mafai ona tuuina mai so o se isi faamatalaga o lo o manaomia mo faamoemoega o lenei Tulafono po o galuega tauave ua faaee atu i le tagata ofisa.

(3) E mafai e le tagata ofisa o le Tiute ona faia oototoga mai i, po o ata o le tusi, faamaumauga, pepa aloaia, faagasologa po o mataupu e lē totogiina e le Tiute.

(4) E ui lava i faafuaiupu (2) ma le (3), e lē tatau i se tagata ofisa o le Tiute ona ulufale atu i so o se nofoaga tumaoti o lo o nofoia e se tagata seia vagana ai ua tuuina mai

se maliega a lē o lo o ia nofoia le fale, po o lē e ona le fale po o, i lalo o se tusi faapoloaiga ua tuuina atu i lalo o lenei Tulafono.

183. Manaoga ina ia tuuina mai pepa aloaia-(1) Afai:

(a) ua i ai se mafuaaga talafeagai e masalomia ai e le tagata ofisa o le Tiute e faapea o oloa ua faaulufaleina mai, aveeseina atu, gaosia, faaitiitia le tau aogā, tusia, aveesea, po o i se isi faiga e ese ai, tagofia faasolitulafono e se tagata, ua lē tusa ai ma lenei Tulafono, po o le faapea, o lo o fuafua e so o se tagata ina ia faaulufaleina mai, aveeseina atu, gaosia, faaitiitia le tau aogā, tusia, aveesea, po o i se isi faiga e ese ai ua tagofiaina faasolitulafono; po o

(b) oloa ua faapea ona faoa i lalo o lenei Tulafono, e mafai ona manaomia e le Pule Sili o le Tiute, e ala i se faasilasilaga tusitusia, se tagata, po o se isi tagata, o ia lea o lo o masalomia e le tagata ofisa e faapea, o ia po o sa avea o ia ma pule, tagata na faaulufaleina mai oloa, tagata na ia aveeseina atu, po o lē na gaosia oloa, po o lala sooupu e faasino i ai, e pei ona manaomia ai, ia tuuina mai ma faaoo atu i le tagata ofisa o le Tiute, po o so o se isi lava tagata ofisa o le Tiute ua faamaoti mai, o tusi uma o teugatupe, tusi tau inivoisi, po o isi tusi, faamaumauga po o pepa aloaia, o teugatupe, lea o lo o faaalua ai pepa tusia po o faamatalaga tusia, po o e ono faaalua mai mo le faatauina mai, faaulufaleina mai, aveeseina atu, gaosia, tau po o le aogā o, po o se totogi tau tupe mo, oloa ma so o isi lava oloa o lo o faapea ona faaulufaleina mai, pe o lo o aveeseina atu mo, oloa ma tagofia i se isi faiga e ese ai, i se vaitaimi e fitu (7) tausaga a o lumanai ai le aso o le faasilasilaga.

(2) E faaopoopo i ai i manaoga o le faafuaiupu (1), e mafai ona manaomia e le Pule Sili o le Tiute lē e ona oloa, lē na faaulufaleina mai, lē na ia aveeseina atu, po o lē na ia gaosia oloa, po o le sooupu e faasino i ai, e pei ona, manaomia e:

(a) tuuina atu mo le asiasia ai e le tagata ofisa o le Tiute, po o so o se isi lava tagata ofisa o le Tiute ua faamaotiina, ma ia faatagaina lea tagata ofisa, ina ia faia ata o po o ototoga

mai, so o se isi lava o pepa aloaia, tusi, po o faamaumauga o lo o faasinomia i le faafuaiupu (1); ma

(b) tali so o se fesili e faasino i pepa aloaia, tusi po o faamaumauga ia.

184. O nisi malosiaga e faasino i pepa aloaia-(1) E mafai ona manaomia e le Pule Sili o le Tiute, e ala i se faasilasilaga tusitusia, se tagata (e aofia ai se tagata ofisa o se isi Matagaluega po o se faalapopotoga po o le faletupe), e pei ona manaomia e:

(a) tuuina atu e asiasia e se tagata ofisa o le Tiute ua faamaotiina mai, se pepa aloaia po o se faamaumauga e manatu le Pule Sili o le Tiute ua talafeagai pe ua tatau i se suesuega po o le sueina o tusi i lalo o lenei Tulafono;

(b) faatagaina le tagata ofisa o le Tiute ua faamaotiina mai, e faia ata o, po o e aveese mai ootoga mai pepa aloaia po o faamaumauga;

(c) tulai i luma o se tagata ofisa o le Tiute ua faamaotiina mai ma tali so o se fesili ua tuuina atu ia te ia e uiga i oloa po o se fefaatauaiga na faia i oloa, lea e avea ma mataupu autu o le suesuega, po o e faasino i pepa aloaia, po o faamaumauga e aogā i le suesuega.

(2) Ua faalēaogāina e le faafuaiupu (1) se aiaiga o lo o i le Tulafono o le Teuina o Tupe 1960, e faasino i faiga faalilolilo pe afai ae aafia tupe maua a le Malo o Samoa.

185. Tulaga aloaia o le galuega faaloia-(1) I le noatia ma le fai fuafua i le faafuaiupu (2), so o se faamatalaga po o se pepa aloaia, mo faamoemoga o tulaga aloaia o le galuega faaloia a loia, ia tuuina atu le aia tatau e faailoa ai pe afai:

(a) o se fesootaiga faalilolilo, pe tuufofoga po o le faia i se tulaga tusitusia lea e feaveaia i le va o -

(i) se loia o lo o galue i le galuega faaloia ma se isi loia o le tomai lea; po o

(ii) o se loia o lo o galue i le galuega faaloia, ma loia o lo o faaogāina lea auaunaga,

pe na faia i se tulaga tuusao pe leai foi e ala atu i se sooupu a se tasi o i laua ia; ma

(b) ua faia ma faaaogāina mo le faamoemoe ina ia maua mai ai po o le tuuina atu o fautuaga faaletulafono po o fesoasoani; ma

(c) e le i faia pe faaaogāina mo le faamoemoe e faia pe atili faia ai se solitulafono po o se amio lē tatau.

(2) Afai o totonu o faamatalaga po o pepa aloaia, o lo o aofia ai na o tupe totogi, tupe maua, tupe faaalu po o fefaatauaiga tau tupe a se tagata ua faamaoti mai o lo o i totonu o faamatalaga po o pepa o (pe o ia o se loia, po o ia lea o lo o faaaogāina le auunaga faaloia po o se isi lava tagata), e le o se faatagaga lea e faailoa ai, pe afai o lo o aofia ai i totonu, pe o lo o i ai le vaega atoa o, se tusi, teugatupe, faamatalaga, po o isi faamaumauga ua faapea ona saunia po o ua tausia e le loia, e faasino i teugatupe mo mavaega tausia a le loia i lalo o le Tulafono o Alii Loia 1976.

(3) Ae vagana ai, e pei ona tuuina atu i le faafuuiupu (1), o se faamatalaga po o se pepa aloaia e, mo faamoemoega o tulaga aloaia o galuega faaloia, e le o faatagaina se tulaga e faailoa ai ona o se mafuaaga e faapea, o lea tulaga, o se fesootaiga i le va o se tasi loia ma le isi, po o i le va o se tasi o alii po o se tamaitai loia ma lē o lo o faaaogāina le auunaga.

(4) Afai o lo o i ai se tagata o lo o faapea ona teena ina ia faailoaina so o se faamatalaga po o pepa aloaia i luga o le mafuaaga e faapea, e le o i ai se faatagaga e faailoa ai i lalo o lenei fuaiupu, e mafai e le tagata ofisa o le Tiute, po o sea tagata, ona talosaga i se Faamasino mo se poloaiga e faamaonia ai pe faaaogāina, pe lē faaaogāina le talosaga mo se faatagaga; ma, mo faamoemoega o le fuafuaina o le talosaga, e mafai e le Faamasino ona talosagaina le tuuina atu o faamatalaga po o pepa aloaia ia te ia.

(5) I totonu o lenei fuaiupu, e tutusa uiga o upu “alii loia” ma le upu “loia” o lo o i le fuaiupu 2 o le Tulafono o Alii Loia 1976.

186. Pepa aloaia i gagana a atunuu ese - Afai ua faapea ona faaoo atu i le tagata ofisa o le Tiute se pepa aloaia i gagana ese e faatino ai so o se tiute tauave po o se malosiaga o le Tiute i lalo o lenei Tulafono, po o so o se isi

lava tulafono, e mafai e le tagata ofisa ona manaomia le tagata sa ia faaooina atu le pepa aloaia i le tagata ofisa, se faaliliuga i le gagana Peretania o le pepa aloaia ua saunia i le tagata, e pei ona faamaonia e le tagata ofisa, ma ia totoigiina i le tagata na tuuina mai.

187. E mafai e le Pule Sili o le Tiute ona umia o ma taofia pepa po o faamaauga-(1) E mafai e le Pule Sili o le Tiute ona ia umia o, ma taofia se pepa aloaia po o faamaauga ua tuuina atu i se pepa tusia po o ua manaomia ina ia tuuina atu i lalo o lenei Tulafono.

(2) Afai o le a umia e le Pule Sili o le Tiute se pepa aloaia po o se faamaauga i lalo o le faafuaiupu (1), e ao i le Pule Sili o le Tiute ona, i luga o se talosaga mai le tagata lea ua agavaa i lea pepa aloaia po o faamaauga, ona tuuina atu i sea tagata se ata o le pepa aloaia ua faamaonia e, po o e avea ai o ia ma sui o le Pule Sili o le Tiute i lalo o le faamaufaaailoga a le Tiute, e avea o se ata moni.

(3) E taliaina le ata faamaonia e avea ma faamatalaga molimau i le faamasinoga.

188. Faiga o ata o pepa aloaia na mauaina i suesuega faagasolo-(1) O se tagata ofisa o le Tiute, o ia lea e faatinoina se saililiga, asiasiga, sueina o tusi po o se suesuega i lalo o lenei Tulafono, ma o lo o i ai mafuaaga talafeagai, e talitonu ai e faapea, o pepa aloaia o lo o faaoo mai ma ia umia, a o faagasolo se suesuega, asiasiga, sueina o tusi, po o le suesuega, ua faapea ona avea ma molimau i le faia ai o se solitulafono e faasaga i lenei Tulafono, e mafai ona aveese pepa aloaia mo le faamoemoe o le faia o ata.

(2) I le noatia ma le fai fuafua i le fuaiupu 189, e tatau ona toe faafoi pepa aloaia, i le tagata e agavaa i ai, i le taimi vave lava e mafai ai ona faatino.

(3) O se ata o se pepa aloaia ua faamaonia e po o, e avea ai ma sui o le Pule Sili o le Tiute i lalo o le faamaufaaailoga a le Tiute, e taliaina e avea ma faamatalaga molimau i le faamasinoga.

189. Taofia o pepa aloaia ma oloa-(1) Afai o se tagata ofisa o le Tiute, o ia lea o lo o faapea ona:

(a) faatinoina se saililiga, asiasiga, sueina o tusi, po o le faia o suesuega i lalo o lenei Tulafono; ma

(b) o lo o i ai ni mafuaaga talafeagai e talitonu ai e faapea, so o se pepa aloaia po o oloa ua faaoo mai ma ia umia a o faagasolo le sailiiliga, asiasiga, sueina o tusi, po o suesuega, o le a faaaogāina e aveia ma faamatalaga molimau i le faia o se solitulafono e faasaga i lenei Tulafono, po o o lo o fuafua ina ia faaaogāina mo le faamoemoe o le faia o se soligatulafono e faasaga i lenei Tulafono,

e mafai e le tagata ofisa, i le noatia ma le fai fuafua i le faafuaiupu (4), ona umia ma taofia pepa aloaia po o oloa.

(2) O se tagata ofisa o le Tiute, o ia lea o lo o ia umia se pepa aloaia i lalo o le faafuaiupu (1), e tatau i se talosaga a le tagata ua agavaa i pepa aloaia, ona tuuina atu i lea tagata se ata o le pepa aloaia ua faamaonia e, po o e aveia ai ma sui o le Pule Sili o le Tiute, i lalo o le faamaufaailoga a le Tiute, e aveia o se ata moni.

(3) E taliaina le ata faamaonia e aveia ma faamatalaga molimau i le faamasinoga.

(4) Afai e umia e le tagata ofisa o le Tiute ma taofia pepa aloaia po o oloa i lalo o lenei fuaiupu, o le a faaaogāina aiaiga nei:

(a) i so o se taualumaga mo se soligatulafono e faasino i pepa aloaia po o oloa, e mafai e le faamasinoga ona poloaiina, po o lona tolauluina po o i luga o se talosaga mulimuli ane ai, e faapea, ina ia faaoo atu pepa aloaia po o oloa i le tagata ua tulai i le faamasinoga ina ia agavaa i ai, po o ina ia faalēaogāina i se faiga, ma i lalo o so o se tuutuuga e pei ona manatu le faamasinoga ua tatau ai;

(b) e mafai e le tagata ofisa o le Tiute, i so o se taimi lava, ae vagana o se poloaiga ua faapea ona faia i lalo o le parakalafa (a), ia toe faafoi pepa aloaia po o oloa e le tagata, lea na aumaia ai po o, e talosagaina ai i se Faamasino mo se poloaiga e faalēaogāina ai, ma i luga o se talosaga, e mafai e se Faamasino ona faia se poloaiga lea e mafai ona faia e le Faamasinoga i lalo o le parakalafa (a);

(c) afai e tuuina mai taualumaga mo se soligatulafono e faasino i oloa po o pepa aloaia na aumai i totonu o se vaitaimi e tolu (3) masina, i le maea ai o le aso na umia ai pepa aloaia po o oloa, e mafai e se tagata, o ia lea o lo o talosaga e agavaa i oloa po o pepa aloaia, i le maea ai ona faamutaina o lea vaitaimi, ona talosaga i se Faamasino mo se poloaiga ina ia faapea ona faaoo atu oloa po o pepa aloaia i sea tagata; ma i luga o le talosaga, e mafai e le Faamasino ona tolopo le iloiloina o le talosaga, i luga o tuutuuga e pei ona manatu le Faamasino ua tata ai po o ua talafeagai ai, mo le tuuina mai o taualumaga, po o le faia o so o se poloaiga lea e mafai ona faia e le faamasinoga i lalo o le parakalafa (a).

(5) Afai e faamaonia le nofosala o se tagata i taualumaga o se soligatulafono e faasino i pepa aloaia po o oloa lea e faasino i ai lenei fuaiupu, ma se poloaiga ua faia i lalo o lenei fuaiupu, e faataatia ese le poloaiga:

(a) i so o se tulaga, ae vagana ai ua faamutaina le taimi o lo o faatonuina i so o se tulafono faafoe ua faia e tusa ai ma le Vaega III o le Tulafono o Faamasinoga 1961, po o, o le taimi o lo o faatonuina mai e Vaega VII ma le Vaega VIIA o le Tulafono o Taualumaga Tau Solitulafono 1972, mo le faaoo atu o le faasilasilaga o talosaga po o, se talosaga mo se faaagaaga e talosaga tetee ai; po o

(b) afai ua faatoai atu se faasilasilaga o se talosaga i totonu o le taimi faatonuina e pei ona manaomia i lalo o le parakalafa (a), seia faia le faaiuga o le talosaga tetee; po o

(c) afai ua faatoai atu se talosaga mo le faatagaga e talosaga tetee ai i totonu o le taimi faatonuina, e pei ona manaomia i lalo o le parakalafa (a), seia faia se faaiuga o le talosaga, ma pe afai ua tuuina atu se faatagaga e talosaga tetee ai, seia oo ina faia le faaiuga o le talosaga tetee.

(6) Afai e faataatia ese le poloaiga seia maea ona faia le faaiuga o le talosaga tetee, e mafai e le faamasinoga ona fuafuaina se faaiuga o le talosaga tetee, e ala i se poloaiga, ona faalēaogāina pe suia le poloaiga ua faia i lalo o lenei fuaiupu, ma o lea poloaiga, pe afai ua faalēaogāina, e lē aloaia, ma afai e suia, e aloaia e pei ona suia ai faapea.

190. Taofia o oloa ua masalomia o meatotino na afaina - E mafai e le tagata ofisa o le Tiute ona, e aunoa ma se tusi faapoloaiga, ona faoa ma taofia oloa pe afai:

- (a) o ia oloa o lo o faapea ona i Samoa ma ua faamalieina le tagata ofisa i le itu e faapea, o ia oloa -
 - (i) o lo o, pe o lo o fuafuaina e, aveeseina atu mai Samoa; po o
 - (ii) o lo o, pe sa faapea ona faaulufale mai i Samoa; ma
- (b) o ia oloa sa faapea ona tuuina mai mo le silafia po o le umia e le tagata ofisa, a o faagasolo se saililiga, asiasiga, sueina o tusi, po o le suesuega na faia i lalo o -
 - (i) lenei Tulafono; po o
 - (ii) fuaiupu 13 po o le 14 o le Tulafono o Puipuiga mai Tupe e Faaofi mai Faasolitulafono 2007 (lea e faasino i tinoitupe o lo o faaulufaleina mai ma auina ese atu); ma
- (c) o lo o i ai se mafuaaga talafeagai e faapea e i ai mafuaaga talafeagai i le tagata ofisa e masalomia ai o ia oloa ua afaina i lalo o le Tulafono o Tupe Maua Mai i Soligatulafono 2007.

191. Toe faafoiina o tinoitupe e talafeagai ina ia faamalieina ai manaoga taua faale-tagata-(1) O le malosiaga e taofia ai oloa i lalo o le fuaiupu 190, e le oo atu i, ma e tataui i le Tiute pe afai e mafai ai, ona toe faafoi i lea lava taimi, tinoitupe ua faoa mai i lalo o le fuaiupu 190, pe afai ua faamalieina le Tiute e faapea, o ia tinoitupe ua (po o ia mea e mafai ona faafesui) e talafeagai e faamalieina ai manaoga taua o tagata:

- (a) o (po o se tagata o lo o faalagolago i) se tagata lea na faoa mai ai le tinoitupe; ma

(b) ua faatulai mai, po o i totonu o le fitu (7) aso i le maea ai, o le aso lea sa faataunuaina ai faasalaga.

(2) E lē manaomia le toe faafoi atu e le Tiute o so o se tupe, i lalo o le faafuaiupu (1) lea e faapea ua mautinoa e le Tiute e lē talafeagai mo le faamoemoe ua faamaotiina mai i lea faafuaiupu.

(3) Afai o le vaitaimi e fitu (7) aso lea e faasinomia i le fuaiupu 193(1)(a) o le a faalateleina i lalo o le fuaiupu 194, e faaaogāina le faafuaiupu (1) i le faalateleina, ma e tatau ona faitauina le faasinomaga o lo o i le faafuaiupu (1)(b) i le fitu (7) aso, e avea ma faasinomaga i le aofaiga o aso (e lē silia le 21 aso) o le vaitaimi e fitu (7) aso e pei ona faaopoopoina.

192. O nisi aiaiga e uiga i le taofia i lalo o le fuaiupu 190-(1) E mafai ona faaaogāina le malosia talafeagai, pe a talafeagai ai, e faoa ai pe taofia oloa i lalo o le fuaiupu 190.

(2) Afai ua faailoaina le tagata, o ia lea na faoa mai ai oloa ma taofia i lalo o le fuaiupu 190, ae le o auai i le taimi na faoa ai ma taofia ai (mo se faataitaiga, ona o oloa o lo o aafia ai o lo o i ni meli po o uta po o ato o lo o faapea ona lafo mai), e tatau i le Tiute ona faia taumafaiga uma talafeagai e logoina ai sea tagata i le taofia ma le faoa faamalosi i se taimi vave e mafai ona faatino ai.

(3) O oloa ua taofia i lalo o le fuaiupu 190 e tatau ona tuuina atu i se nofoaga e tausia ma taofia ai e pei ona faatonuina e tagata ofisa o le Tiute, ma taofia ai i ina seia vagana ua faaaogāina le fuaiupu 195.

(4) E lē faatapulaaina e le fuaiupu 190 pe aafia malosiaga i lalo o le tulafono nei:

- (a) le vaega o lo o totoe o lenei Tulafono (mo se faataitaiga, Vaega 15);
- (b) o le Tulafono o Fesoasoani Soofaatasi i Mataupu tau Soligatulafono 2007;
- (c) o le Tulafono o Tupe Maua Mai i Soligatulafono 2007;
- (d) o le Tulafono o Puipuiga mai Tupe e Faaofi mai Faasolitulafono 2007;
- (e) o le Tulafono e Taofia ai Faiga Faaterorisi 2014;
- (f) so o se isi lava tulafono ua faatonuina.

193. Toe faafoiina o oloa na taofia i lalo o le fuaiupu

190-(1) I totonu o lenci fuaiupu, o upu “vaitaimi o suesuega”, mo oloa ua faoa ma taofia i lalo o le fuaiupu 190:

- (a) o lona uiga o le vaitaimi e fitu (7) aso i le maea ai o le aso, lea na faoa ma taofia ai oloa; ma
- (b) e aofia ai se faaopoopoga o lea vaitaimi ua faamatuuina atu e le Faamasinoga Sili i lalo o le fuaiupu 194.

(2) O oloa ua faapea ona faoa ma taofia i lalo o le fuaiupu 190, o le a faapea ona toe faafoi atu i le tagata, o ia lea na faoa mai ai, i se taimi vave e mafai ai ona faatino, i le maea ai, po o le a lava le tulaga e muamua ona tulai mai:

- (a) le faameaina o suesuega talafeagai uma, pe afai o faaalua ai o oloa e le o ni meatotino ua faaleagaina;
- (b) o le faamutaina o le vaitaimi o le suesuega.

(3) Peitai, e lē tataua i le Tiute ona faafoi atu oloa, e pei ona aiaia i faafuaiupu (2), ma e mafai ona faaaau le taofia pea o oloa ia, seia vagana ai ua faia fuafuaga i tualumaga talafeagai, po o talosaga (e aofia ai so o se talosaga mulimuli ane) o le a fuafuaina pe afai, i le po o a o lumanai ai le faamutaina o le vaitaimi o le suesuega:

- (a) o le a faataatia se faamatalaga i solitulafono matuia (e pei ona faamatalaina i le fuaiupu 2 o le Tulafono o Tupe Maua Mai i Soligatulafono 2007); po o
- (b) ua tuuina atu e se atunuu ese se talosaga i le Loia Sili i lalo o le Vaega IV o le Tulafono o Tupe Maua Mai i Soligatulafono 2007.

194. Faaopoopoina o le vaitaimi e 7 aso i totonu o le fuaiupu 193 (1)(a)-(1)

E mafai ona faaopoopoina le vaitaimi e fitu (7) aso o lo o i le fuaiupu 193(1)(a) (i le na o le faa-tasi) i se poloaiga mai le Faamasinoga Sili mo se vaitaimi talafeagai e oo atu i se isi 14 aso faaopoopo pe afai, i luga o se talosaga mo faamoemoe ua faia, a o le i faamutaina lea vaitaimi e fitu (7) aso, ua faamalieina le Faamasinoga e faapea:

- (a) o lo o i ai se mafuaaga talafeagai ua masalomia ai, e pei ona manaomia e le fuaiupu 190(c); ma

- (b) ua talafeagai le faaopoopoga o le a faamatuu atu ina ia faamaea ai so o se suesuega o lo o faatinoina i Samoa po o se isi atunuu e faatatau i oloa.
- (2) E tatau i le talosaga ona:
 - (a) faia i se faiga tusitusia ma faaoo atu i le tagata, o ia lea sa faapea ona faoa mai ai oloa (pe afai e mafai ona faailoagofieina ma toe sueina lea tagata); ma
 - (b) o lo o aofia ai faamatalaga o mea taitasi -
 - (i) o se faamatalaga o oloa ua faapea ona taofia;
 - (ii) o le aso lea na amata taofia ai;
 - (iii) o se faamatalaga o mea moni ua faapea ona lagolagoina ai le mafuaaga ua masalomia ai, o lo o manaomia mai e le fuaiupu 190(c);
 - (iv) o se faamatalaga o mafuaaga ua talafeagai ai le faaopoopoga sa fuafuaina e faamaea ai so o se suesuega sa faatinoina i Samoa po o se isi atunuu, lea e faasino i ai oloa.
- (3) E agavaa le tagata, o ia lea sa faapea ona faoa mai ai oloa, e tulai ma fofogaina lana talosaga.
- (4) E tatau i le Tiute ona faia taumafaiga talafeagai uma e logoina ai le tagata, o ia lea na faoa mai ai oloa, a ititi mai, e 24 itula, a o lumanai ai le fofogaina o le talosaga, i le taimi ma le nofoaga e fofogaina ai sea talosaga.

195. Puipuigamalu o nisi oloa ua taofia i lalo o le fuaiupu 190-(1) Afai o oloa o lo o taofia i lalo o le fuaiupu 190, e aofia ai meataulima, taavale, po o manu, e mafai e le tagata ofisa o le Tiute ona tuuina atu na oloa e tausia e se tasi o i laua nei:

- (a) o le tagata, o ia lea na faoa mai ai oloa; po o
- (b) so o se isi lava tagata ua faatagaina e le tagata ofisa o le Tiute ma ia i ai faatasi ma le maliega a lea tagata, e faatatau i le tausiga o ia oloa.

(2) O se tagata o ia lea o lo o ia tausia oloa i lalo o le faafuaiupu (1), e tatau, pe a maea ai ona faia le faaiuga mulimuli i lalo o le fuaiupu 193, pe toe faafoi pe leai foi oloa, taofia oloa i se nofoaga e saogalemu ai, e aunoa ma se tofogi i le Malo, ma i lalo o so o se tuutuuga talafeagai, lea e mafai ona faaee atu e le Tiute.

(3) E tatau foi i se tagata, o ia lea o lo o faatatau i ai le faafuaiupu (2), ona:

- (a) faaavanoa oloa ona o se talosaga mai a le tagata ofisa o le Tiute; ma
- (b) ia aua le suia, pe lafoaia oloa, pe aveesea mai Samoa, seia vagana ua faatagaina le tagata ia faapea ona fai e se tagata ofisa o le Tiute; ma
- (c) toe faafoi atu oloa ua tapaina i le vaavaaiga a le Tiute.

196. Tusi poloaiga e sueina ai-(1) E mafai e se Faamasino o le Faamasinoga Sili po o se Faamasino o le Faamasinoga Faaitumalo, (“ē ua tuuina atu”) ona tuuina atu se tusi faapoloaiga i se pepa faatumu faamaonia pe afai ua faamalieina le tagata o lo o ia tuuina atu le tusi faapoloaiga, i se talosaga tusitusia a le tagata ofisa o le Tiute na faia i luga o se tautoga, e faapea o lo o i ai mafuaaga talafeagai e talitonu ai e faapea, o lo o i ai i, pe o lo o i ai i so o se nofoaga:

- (a) se mea lea ua i ai mafuaaga talafeagai e talitonuina ai, e ono avea ma faamaoniga o le faia o se solitulafono e faasaga i lenei Tulafono po o tulafono faatonutonu; po o
- (b) se mea ua i ai mafuaaga talafeagai e talitonuina ai, ua fuafuaina e faaaogā mo le faamoemoe o le faia o se solitulafono e faasaga i lenei Tulafono po o so o se tulafono faatonutonu; po o
- (c) se mea ua noatia e faoa ai, i lalo o lenei Tulafono.

(2) I le taimi e talosaga ai le tagata ofisa o le Tiute mo se tusi faapoloaiga, e tatau, i le maea ai ona faia suesuega talafeagai, ona faailoa i totonu o le talosaga auiliiliga o so o se isi lava talosaga o lo o silafia e le tagata ofisa o le Tiute, o le nofoaga po o se mea ua faapea ona faamaoti mai, so o se solitulafono, ma le faaiuga o le isi lea talosaga.

(3) E tatau i se tusi faapoloaiga ona i ai tulaga nei:

(a) faatonutonuina e ma ia faataunuuna e, se tagata ofisa o le Tiute ua atofaina; po o

(b) faatonutonuina e tagata ofisa uma o le Tiute ma ia faataunuuna e se tasi o i latou.

(4) E tatau ona tuuina atu se tusi faapoloaiga, i le noatia ma le fai fuafua i so o se tuutuuga talafeagai, e pei ona faamaotiina i le tusi faapoloaiga, e le tagata o lo o ia tuuina atu.

197. Ulufale ma sueina i lalo o se tusi poloaiga-(1) O se tusi faapoloaiga, ua faatagaina ai le tagata ofisa o le Tiute, e faatino ai le faataunuuna o le tusi faapoloaiga:

(a) ina ia ulufale ma sailia le nofoaga po o se mea i le taimi e tasi i totonu o le 10 aso faigaluega, mai le aso na tuuina atu ai le tusi faapoloaiga i so o se taimi ua talafeagai ai i tulaga aliae mai, peitai e noatia ma fai fuafua i so o se tuutuuga ua faaee atu e se tagata na tuuina atu le tusi faapoloaiga i lalo o le fuaiupu 196(4); ma

(b) ia faaaogāina so o se fesoasoani e pei ona talafeagai ai i le tulaga aliae mai; ma

(c) ia faaaogāina so o se malosi e ulufale ai (tusa pe talepeina ina ia matala faitotoa, po o se isi faiga e ese ai) ma tatalaina so o se mea, e pei ona talafeagai ai i tulaga o lo o i ai, ma mo le puipuia o le aveesea mai nofoaga o se mea, e pei ona talafeagai i tulaga aliae mai.

(2) O se tusi faapoloaiga e sueina ai ua faatagaina ai le tagata ofisa o le Tiute, e faataunuuna ai le tusi poloaiga e sueina ai ma faoa se mea o lo o faasinomia i le fuaiupu 196(1) ma, a o i ai i nofoaga ma fale, i lalo o le tusi faapoloaiga, ia faoa se tasi po o mea uma nei ua taua:

(a) so o se isi mea ua faapea ona maua e le tagata ofisa o le Tiute, ma ua i ai mafuaaga talafeagai e masalomia ai e faapea, e ono mafai ona avea ma faamaoniaga o le faia o se soligatulafono, lea sa tatau ona mauaina e le tagata ofisa i se tusi poloaiga, i lalo o le fuaiupu 196(1);

(b) o se meataitasi matautia o lo o faapea ona i ai i tulaga aliae mai o lo o faapea ona faamatalaina i le fuaiupu 198(2).

(3) O se tusi faapoloaiga, e mafai ona faatagaina ai le tagata ofisa o le Tiute o lo o ia faataunuuna e:

(a) e taofia ai se tagata o lo o i lea nofoaga o lo o faasinomia i le tusi poloaiga, i le taimi e taunuu ai le tagata ofisa i lea nofoaga po o ua taunuu i lea nofoaga i le taimi e faataunuu ai e le tagata ofisa le tusi poloaiga, seia vagana ua faamalieina le tagata ofisa e faapea, e leai se sootaga o le tagata ma le mea ua taua i totonu o le tusi poloaiga; ma

(b) ina ia suesueina se tagata, o ia lea o lo o i ai i le nofoaga ua taua i totonu o le tusi poloaiga i le taimi na taunuu ai le tagata ofisa i lea nofoaga, po o, o ia lea ua taunuu i lea nofoaga a o faatinoina le tusi poloaiga e le tagata ofisa pe afai, i so o se taimi a o faataunuuna le tusi poloaiga, ua talitonu lee tagata ofisa i se tulaga talafeagai e faapea, o le mea o lo o taua i totonu o le tusi poloaiga, e ono mafai ona i ai i le tino o le tagata.

(4) O se tagata, o ia lea o lo o i ai i le nofoaga o lo o taua i le tusi poloaiga, i le taimi na taunuu ai le tagata ofisa e faataunuuna le tusi poloaiga i lea nofoaga po o ua taunuu i lea nofoaga, a o faatinoina e le tagata ofisa le faataunuuna o lea tusi poloaiga, e tatau ona tumau ai pea i lea nofoaga seia vagana ua tulai mai se tasi o tulaga ua taua i lalo:

(a) ua maea ona sueina lea nofoaga; po o

(b) ua faamalieina le tagata ofisa i le itu e faapea, e leai se fesootaiga o le tagata ma le mea o lo o taua i le tusi poloaiga, e faatagaina ai le tagata ina ia tuua le nofoaga.

(5) O se tagata, o ia lea ua faapea ona suesueina i lalo o le faafuaiupu (3)(b), e tatau ona tumau ai pea i lea nofoaga seia maea le suesuega.

(6) O se tagata ofisa o le Tiute, po o se leoleo, o ia lea o lo o i ai se mafuaaga talafeagai ua masalomia ai e faapea, ua faia se soligatulafono e se tagata ua ia lē tausisia le faafuaiupu (4) po o le (5), e faasaga i le fuaiupu 224, e mafai, i lalo o le fuaiupu 205(1) po o le (2) ona pueina mai

lea tagata e aunoa ma se tusi poloaiga a o faaauau pea ona masalomia o ia, ma a o lumanai ai le faaiuga o le aso lona 7 i le tuanai ai o le aso lea na faatulai mai ai.

(7) E lē mafai ona taofia se tagata i lalo o le faafuaiupu (3)(a) po o le (b) mo se vaitaimi e lē talafeagai.

(8) E mafai ona faaaogā le malosi talafeagai, pe afai e talafeagai ona taofia se tagata i lalo o le faafuaiupu (3)(a), po o ia sueina se tagata i lalo o le faafuaiupu (3)(b).

(9) Afai e le o i ai se tagata ofisa o avanoa e faatinoina le suega i le nofoaga lea ua faapea ona faatinoina ai le suesuega, e mafai ona aveina le tagata, o le a suesueina i se isi nofoaga ina ia suesueina ai.

(10) E mafai e se tagata ofisa o le Tiute, po o se leoleo, ona faoa se mea ua maua a o faatinoina le suesuega o le tagata, lea ua masalomia e le tagata ofisa o le Tiute po o se leoleo, o lo o i ai se mafuaaga e talitonu ai o lo o i ai se mea o lo o taua i le tusi poloaiga, ma e mafai ona faaaogāina se malosi talafeagai, pe a talafeagai ai, e faoa mai ai sea mea.

(11) E i ai i le tagata ua tapa e fesoasoani i le tagata ofisa o le Tiute, po o se leoleo i le faataunuuina o le tusi poloaiga mo lea faamoemoe, malosiaga o lo o taua i le faafuaiupu (1)(c) ma le (2).

198. Sueina o tagata mo meataitasi matautia a o faatino le tusi poloaiga e sueina ai-(1) E faaaogā le fuaiupu lenei i se tagata, o ia lea sa i le nofoaga o lo o taua i le tusi poloaiga e sueina ai, i le taimi na taunuu ai le tagata ofisa o le Tiute i lea nofoaga, po o o ia lea ua taunuu i lea nofoaga, i le taimi na faataunuu ai e le tagata ofisa le tusi poloaiga.

(2) E mafai e le tagata ofisa o le Tiute ona taofia ma suesueina se tagata i le taimi lava lea, o ia lea o lo o faasino i ai lenei fuaiupu, mo se meataitasi matautia, ma e mafai ona faoa mai lea meataitasi, i lalo o le fuaiupu 197(2) pe afai, ma pe afai lava, o lo o i ai i le tagata ofisa mafuaaga talafeagai e talitonu ai e faapea:

- (a) o lo o i ai i le tagata se meataitasi matautia o lo o ia natia po o o lo o iloa manino lelei, o lo o ia te ia, pe o lo o i se vaega o lona tino; ma
- (b) ua avea lea meataitasi matautia o se lamatiaga i le tulaga saogalemu o le tagata ofisa po o so o se isi lava tagata; ma
- (c) o lo o i ai se manaoga ina ia faia loa se gaioioiga e foia ai lea tulaga matuia.

(3) E ono faaaogāina se malosi talafeagai, pe afai e tatau ai, mo le tasi (1) po o le sili atu foi o faamoemoega nei:

(a) ia taofia ai le tagata;

(b) ia suesueina le tagata;

(c) ia faoa so o se meataitasi matautia ua maua a o faatinoina le suesuega i lalo o le faafuaiupu (2).

(4) E mafai ona faatinoina se suesuega i lalo o lenei fuaiupu, tusa lava pe na avea lea tagata ma mataupu autu, pe leai foi, o se suesuega na faia muamua, i lalo o le fuaiupu 197.

(5) E tatau i se tagata ofisa o le Tiute, o ia lea ua faia se suesuega i lalo o lenei fuaiupu, i totonu o le tolu (3) aso faigaluega o lea suesuega, ona tuuina atu i le Pule Sili o le Tiute, se lipoti tusitusia o le suesuega, o tulaga aliae na faatino ai le suesuega (e aofia ai so o se malosi na faaaogāina), ma itu na faatulai mai ai mafuaaga talafeagai e talitonuina ai, o lo o manaomia e le faafuaiupu (2).

199. Taofia o meataitasi matautia-(1) E mafai ona taofia e le tagata ofisa o le Tiute oloa ua faapea ona faoa, a o faagasolo le faatinoga o se malosiaga e suesueina ai i lalo o le fuaiupu 197 po o le 198(2), pe afai ua talitonu le tagata ofisa, i luga o mafuaaga talafeagai e faapea o ia oloa o meataitasi matautia.

(2) O se tagata ofisa o le Tiute, o ia lea o lo o taofia oloa i lalo o le faafuaiupu (1) e tatau ona:

(a) faaoo atu na oloa i lalo i le puipuigamalu a Leoleo i se taimi vave lava e faatino ai; po o

(b) ina ia ogatasi ma le fuaiupu 201 ma taofia oloa ia pe afai e ono manaomia mo se taualumaga o i lalo o lenei Tulafono.

(3) Afai o le a faaoo atu oloa i lalo o le faafuaiupu (2), ona faasee atu lea o lea matafaioi mai le Ofisa o le Tiute i Leoleo.

(4) E faaaogāina le fuaiupu e 84 o le Tulafono o Taualumaga o Solitulafono 1972, faatasi ai ma so o se suiga talafeagai i oloa ua taofia i lalo o le faafuaiupu (1) o lenei fuaiupu.

200. Ia tuuina atu tusi poloaiga e sueina ai-(1) E tatau i se tagata ofisa o le Tiute o lo o faataunuaina le tusi poloaiga, ona:

- (a) tuuina atu le tusi poloaiga mo le asiasiga i le taimi e faatoa faaulufale ai, ma tali atu i so o se talosaga talafeagai na faia mulimuli ane; ma
- (b) pe afai e talosagaina e, po o e avea ai ma sui o lē e ona, po o lē o lo o ia nofoia se nofoaga, ia tuuina atu se ata o le tusi poloaiga ia lē silia le lima (5) aso faigaluega i le maea ai o le faia o le talosaga.

(2) I le noatia ma le fai fuafua i le faafuaiupu (3), afai e le o auai i le taimi o le suesuega le pule po o le o lo o nofoia le nofoaga o lo o suesueina, po o lē e ona le mea ua suesueina, e tatau i le tagata ofisa o le Tiute o faataunuuina le tusi poloaiga ona tuua i se tulaga lelei, i le nofoaga o lo o sueina, po o faapipii i le mea ua suesueina se faasilasilaga tusitusia, o lo o faailoa ai le aso ma le taimi e faataunuu ai le tusi poloaiga faatasi ai ma le igoa o le tagata ofisa o le Tiute o lo o faafoea le suesuega.

(3) Afai e talitonu le tagata ofisa o le Tiute o lo o faataunuuina le tusi poloaiga e faapea, o se faasilasilaga i lalo o le faafuaiupu (2) o le a avea lea ma se tulaga faaituau lē talafeagai i se suesuega mulimuli ane, e mafai e le tagata ofisa ona aloese mai le tuua o le faasilasilaga ma, i lea tulaga, e tatau, i totonu o le lima (5) aso faigaluega ona talosaga i se Faamasino mo se poloaiga e faamaonia ai lea faaiuga.

(4) Afai ua teena e le Faamasino le faamaoniga o le faaiuga, e tatau i le tagata ofisa o lo o faataunuuina le tusi poloaiga ona logoina i le taimi lava lea, po o ia taulamua e logoina, lē e ona po o lē o nofoia le nofoaga ua sueina po o, lē e ona le mea o sueina, faamatalaga auiliili ua taua i le faafuaiupu (2).

201. O le tiute tauave le faailoa i lē e ona pe afai ua faoa faamalosi ni mea-(1) Ae vagana ai mo so o se vaega e faasino i ai le fuaiupu 200(3) ma faaaauau pea ona faaaogā, i le maea ai o se faaiuga ua faia i lalo o le fuaiupu 200(3), po o, seia vagana ua poloaiina e se Faamasino, i se isi faiga e ese ai ona o ni mea e aliae mai e tulaga ese, e tatau i le tagata o faataunuuina le tusi poloaiga i totonu o le lima (5) aso faigaluega talu ona faoa mai le mea, ona faailoa atu i lē e ona po o lē o nofoia le nofoaga ua sueina, po o lē e ona le mea ua sueina, le tulaga moni e faapea sa faoa lea mea ma le nofoaga lea ua faoa mai ai.

(2) E tatau i le tagata ofisa o le Tiute, o ia lea o lo o faataunuina le tusi poloaiga, ona logoina le pule po o le tagata o lo o ia nofoia le nofoaga:

- (a) e ala i le faaoo atu i le pule po o le tagata o lo o ia nofoia le nofoaga se faaaliga tusitusia, o lo o aofia ai so o se faamatalaga; po o
- (b) e ala i le tuuina atu o le faasilasilaga i se tulaga e mafai ona iloagofie ai i le nofoaga ua suesueina po o le faapipii i le mea ua suesueina; po o
- (c) e ala i le tuuina atu o le faasilasilaga i lē e ona po o le tagata o lo o nofoia e ala i le meli puipuia; po o
- (d) e ala i le logoina o lē e ona po o lē o nofoia e ala i so o se isi lava faiga, e pei ona poloaiina e le Faamasinoga i so o se mataupu faapitoa.

(3) E mafai e se tagata ua faapea ona aafia i le faataunuina o le tusi poloaiga e sueina ai, ona talosaga i le Faamasino mo se poloaiga mo le faailoaina o le talosaga mo se tusi poloaiga, ma so o se pepa aloaia ua tuuina atu e lagolago ai le talosaga; ma e mafai e le Faamasino, pe afai ua faamalieina e faapea, o le faailoaina atu o faamatalaga o le a lē afaina ai le saogalemu o so o se tagata, poloaia le faailoa atu o le talosaga atoa po o sona vaega ma pepa aloaia o lagolagoina ai.

202. Tusi poloaiga i taimi o faalavelave tutupu faafuasei-(1) Afai ua faamalieina se faamasino o le

Faamasinoga Sili, Faamasino o le Faamasinoga Faaitumalo po o se Resitara (“tagata e tuuina atu”) i se talosaga ua faia e le tagata ofisa o le Tiute e faapea:

- (a) o lo o i ai tulaga aliae mai e alagatatau ai le faamatuu atu o se tusi poloaiga e sueina ai i lalo o le fuaiupu 196; peitai
- (b) o le faanatinati o le tulaga ua manaomia ai le faia loa o le suesuega a o le i mafai ona mauaina ma le maelega e faatino ai se tusi poloaiga i lalo o lea fuaiupu,

e mafai, e le tagata o lo o ia tuuina atu i se faiga tuufofoga po o i se faiga tusitusia, ona faamatuu atu se tusi poloaiga i le tagata ofisa o le Tiute, o faia le talosaga e sueina ai ma faoa le mea ua talitonuina o lo o i ai i totonu, po o i luga i se nofoaga faapitoa, fale po o se mea.

(2) E mafai ona faia i se faiga tuufofoga se talosaga mo se tusi poloaiga i se taimi o faalavelave tutupu faafuasei, peitai, e tatau i le talosaga ona tausisia le fuaiupu 196.

(3) E tatau i le tagata ofisa o le Tiute o faia le talosaga, i le taimi na faia ai le talosaga ona faia se ootoga tusitusia, o faamatalaga faapitoa o le talosaga.

(4) E tatau, i le tagata o ia lea ua faamatuina atu le talosaga mo se tusi poloaiga i taimi o faalavelave tutupu faafuasei, ona faia se ootoga tusitusia o faamatalaga faapitoa o le talosaga (e tatau ona faatoai atu i le Ofisa Resitala o le Faamasinoga Sili, ma, ua ave e faapea o se talosaga i lalo o lea fuaiupu mo faamoemoega o le fuaiupu 196(1)).

(5) E tatau i le tagata ofisa o le Tiute o faatinoina se tusi poloaiga i taimi o faalavelave tutupu faafuasei ona:

(a) tuuina atu se ootoga ua faia i lalo o le faafuaiupu (3) mo le asiasia i le taimi muamua e faaulufale ai, ma i le tali atu i so o se talosaga talafeagai ua faia mulimuli ane; ma

(b) pe a talosagaina, ia tuuina atu se ata o le ootoga ia lē silia le lima (5) aso faigaluega i le maea ai ona faia le talosaga.

(6) O fuaiupu 197, 200(2) e oo i le (4) ma le 201, faatasi ai ma suiga talafeagai ua faia, e faaaogā i tusi poloaiga i taimi o faalavelave tutupu faafuasei i lea lava faiga e tasi e pei ona faaaogāina e tusi poloaiga e sueina ai.

(7) E tumau pea le aogā o tusi poloaiga i taimi o faalavelave tutupu faafuasei mo le 12 itula mai le taimi e tuuina atu ai le faatagaga, ma ona faamuta ai loa lea.

(8) I se taimi vave lava e mafai ai ona faatino, i le maea ai ona faamutaina le aogā o se tusi poloaiga i taimi o faalavelave tutupu faafuasei, e tatau i le tagata ofisa o le Tiute, o ia lea na talosaga i ai, po o, pe afai e lē mafai e le tagata ofisa ona faia lea tulaga, e mafai e se isi tagata ofisa o le Tiute ona tuuina atu se lipoti tusitusia, i le pepa faatumu faatagaina, i lē na ia tuuina atu le tusi poloaiga i taimi o faalavelave tutupu faafuasei, ua faatulagaina ai le faiga e faatino ai le tusi poloaiga i taimi o faalavelave tutupu faafuasei, atoa ai ma taunuuga ua maua e ala i le faataunuaina o le tusi poloaiga.

203. Faaaogāina o fesoasoani e tagata ofisa o le Tiute-(1) I le faatinoina o so o se malosiaga e ulufale ai i se vaa, ulufale, suesuega, po o se sailiiliga ua faaee atu e lenei Tulafono, e mafai e se tagata ofisa o le Tiute po o so o se leoleo ona i ai ia te ia, ma faaaogā mo le faamoemoe o le suesuega, se taifau, se vailaau faakemikale, faaata po o se meafaigaluega tau ata, po o so o se isi lava meafaigaluega faainisia, tau eletise pe faaeletoroni.

(2) E lē faaaogāina le fuaiupu lenei i se tusi poloaiga e sueina ai e faatinoina i luga o nofoaga ma fale e nofoia, vagana ai ua faia i lalo o se tusi poloaiga ua tuuina atu i lalo o le fuaiupu 196 po o le 202.

204. O aiaiga e faaaogā i le ulufale atu i fale - E ui lava i so o se mea i totonu o lenei Tulafono, o se aiaiga o lenei Tulafono o lo o faaee atu i se tagata ofisa o le Tiute le malosiaga e ulufale ai i totonu o se fale, tusa lava pe o i lalo o se malosiaga o se tusi poloaiga pe leai foi, e noatia i aiaiga nei lea e tatau ai i le tagata ofisa ona:

- (a) muai tuuina atu se faasilasilaga e tatau ai, i le faamoemoe e ulufale ai, seia vagana ai o le tuuina atu o le faasilasilaga, o le a faaluafesasi ai mo le ulufale atu;
- (b) ulufale i le fale i se taimi ua talafeagai ma le tulaga o lo o i ai, seia vagana o le tuuina atu o le faasilasilaga o le a faaluafesasi ai le tulaga mo le ulufale atu;
- (c) tuuina atu o lana pepa e iloagofie ai le uluai taimi e ulufale ai, ma afai e talosagaina i so o se taimi pe a tuanai le taimi na ulufale ai;
- (d) ia faailoa manino mai lana pule faataga mo ma le faamoemoe e ulufale ai i lē e ona po o lē o nofoia le fale pe afai o lo o i ai.

205. O le pueina faapagota o tagata solitulafono ua masalomia-(1) E mafai e se tagata ofisa o le Tiute, o ia lea ua i ai se mafuaaga talafeagai, e masalomia ai se tagata e faapea ua ia faia, o lo o faia, po o o taumafai e faia, po o, i se isi faiga e ese ai, i le faia o se soligatulafono e faasaga i lenei Tulafono, lea e mafai ona faasalaina i le nofosala i le falepuipui po o se soligatulafono e faasaga i le fuaiupu 249, lea e faaauau ai le mafuaaga e masalomia ma a o lumanai ai

le faaiuga o le aso lona 7 i le tuanai ai o le aso lea na tulai mai ai le masaloga, ia pueina faapagota lea tagata e aunoa ma se tusi poloaiga.

(2) E mafai e se tagata ofisa o le Tiute, o ia lea ua i ai se mafuaaga tatau e masalomia ai sa aumaia e se tagata se isi tagata i totonu o Samoa i se vaa, ma e faapea o le aumaia o lea tagata i totonu o Samoa i le vaa ua faia ai se soligatulafono, e faasaga i le fuaiupu 154 po o le 155 o le Tulafono o Solitulafono 2013, a o faaauau ai pea ona masalomia o ia, ma a o le i oo i le faaiuga o le aso lona 7, i le maea ai o le aso lea na aliae mai ai le masaloga i fea lava, ona pueina faapagota le tagata e aunoa ma se tusi poloaiga.

(3) O se leoleo ua i ai se mafuaaga talafeagai e masalomia ai ua faia, po o taumafai e faia, po o o lo o faia i se isi faiga e ese ai, ua aafia i le faia o se soligatulafono e faasaga i le fuaiupu 210, 224, 249, po o le 251, e mafai, a o tumau pea ona i ai le masaloga, ma i le faaiuga o le aso lona 7 i le tuanai ai o le aso lea na tulai mai ai le masaloga, ia pueina lea tagata e aunoa ma se tusi poloaiga.

(4) Afai e pueina e le tagata ofisa o le Tiute se tagata i lalo o lenei fuaiupu, e tatau i le tagata ofisa ona, vagana ai ua tatalaina i tua le tagata i se taimi lata mai e mafai ai ona faatino, ia tapa se leoleo e fesoasoani ia te ia ma faaoo atu le tagata ua pueina faapagota ina ia vaavaaia e lea leoleo.

206. Puipuiga o tagata o galulue i lalo o le pule faataga - E lē noatia toatasi le Minisita, o le Pule Sili o le Tiute, o se tagata ofisa o le Tiute, o se leoleo, po o so o se tagata faatagaina mo le leiloa ai po o le faaleagaina o so o se pepa aloaia, oloa, taavale, po o se vaa ona o se mea ua faia, po o ua lē faia, po o ua faafoliga sa faapea ona faia, i le loto lelei a o faatino se galuega tauave, tiute tauave, ma malosiaga i lalo o lenei Tulafono.

207. Faoa faamalosī ma le taofiga o oloa matautia-(1)
E mafai e se tagata ofisa o le Tiute ona faoa faamalosī ma taofia oloa ua faapea ona faaoo atu po o ua maua a o faagasolo le faatinoga o so o se malosiaga o asiasiga, sailiga po o le suesuega ua faia i lalo o lenei Tulafono, pe afai o lo o i ai i le tagata ofisa se mafuaaga talafeagai e faapea o oloa:

- (a) o ni oloa matautia e lē mafai ona feaveaia faaletulafono i luga o se vaalele; ma
- (b) ua fuafuaina e feaveaia e se tagata faafoe.

(2) O se tagata ofisa o le Tiute, ua ia taofia oloa i lalo o le faafuaiupu (1), e ao i se taimi vave lava e faatino ai, ona faaoo atu ia oloa i lalo o le vaavaaiga a le Pule Sili o le Pulega o le Malae Vaalele.

(3) Afai ua faaoo atu oloa i lalo o le faafuaiupu (2), o le matafaioi mo oloa o le a faasee mai i le Ofisa o Tiute agai i le Pulega o Malae Vaalele.

(4) I totonu o leni fuaiupu:

“Pulega o Malae Vaalele” o lona uiga o le Pulega o Malae Vaalele a Samoa ua faavaeina e le Tulafono o le Pulega o Malae Vaalele 2012;

“Pule Sili” o lona uiga o le tagata ua tofia i lea tofiga i lalo o le Tulafono o le Pulega o Malae Vaalele 2012;

“tagata faafoe” o lona uiga o se tagata, o ia lea o lo o faafoeina galuega i totonu o le uiga o le upu “faafoe” e pei ona faamatalaina i lalo o le fuaiupu 2 o le Tulafono o Vaalele Sivili 1998.

208. Pepa malaga faasolitulafono-(1) I leni fuaiupu:

“sese”, mo se pepa malaga, o lona uiga o le pepa malaga ua faapea ona aofia ai faamatalaga ua faafoliga e fesootai i le tagata o ia lea sa tuuina atu i ai (o faamatalaga sa tuuina atu e po o e avea ai ma sui o le tagata, e avea o se vaega o po o e fessotai ma le talosaga a le tagata mo le pepa aloaia) e faapea:

(a) e sese; po o

(b) e fesootai i se tulaga moni i se isi tagata.

“pepa faagaai”, mo se pepa malaga, o lona uiga e faapea o le pepa malaga e:

(a) le i tuuina atu e le Malo lea ua faafoliga na tuuina mai ai; po o

(b) ua faia i ai se suiga e aunoa ma le faatagaga.

“faaaogā sese” mo se pepa malaga, o lona uiga o le pepa malaga sa, o lo o, pe o lo o fuafuaina ina ia faaaogā mo faamoemoega e faailoagofie ai, e se tagata e le o ia lea na tuuina atu i ai le pepa malaga aloaia;

“pepa malaga” o lona uiga o so o se pepa malaga aloaia lea e faapea po o ua faafoliga e faapea:

(a) o se pemita o lo o i totonu o le uiga o lo o aiaia i le Tulafono o le Ulufale mai o Tagata 2004; po o

(b) o se tusi folau sa tuuina atu e le Malo mo so o se atunuu; po o

(c) o se tusi faamaonia e iloagofie ai sa tuuina atu e se Malo o so o se atunuu; po o

(d) o se pepa malaga o se tagata sulufai lea na tuuina atu e le Malo o so o se atunuu.

“pepa malaga aloaia faasolitulafono”:

(a) o lona uiga o se pepa malaga aloaia e tau faasese po o ua faagaai po o ua faaaogā sese; ma

(b) e aofia ai so o se meataitasi i le faia ai o se pepa aloaia ua taua i le parakalafa (a) po o i le suiga i se pepa malaga aloaia.

(2) E mafai ona taofia e se tagata ofisa o le Tiute pe faoa so o se pepa aloaia ua tauaao atu mo le asiasiga pe afai ua i ai se mafuaaga talafeagai e masalomia ai e faapea o lea pepa o se pepa malaga faasolitulafono.

(3) E mafai e se tagata ofisa o le Tiute ona faoa se pepa aloaia ua maua, a o faagasolo suesuega po o se sailiga i lalo o lenei Tulafono, pe afai ua i ai se mafuaaga talafeagai e masalomia ai e faapea o lea pepa aloaia, o se pepa malaga e faasolitulafono.

(4) Mo faamoemoega o lenei fuaiupu, o fuaiupu 23, 153, 154, 158, 159, 164 po o le 170, ia faitauina e faapei ai pepa malaga e le i faatulafonoina o se oloa faasaina.

(5) So o se pepa po o oloa ua taofia pe ua faoa i lalo o lenei fuaiupu e tataua ona tagofia loa i lalo o le fuaiupu 209.

(6) O le fuaiupu 209(2) e oo i le (5) e faaaogā, faatasi ma suiga talafeagai, i so o se pepa po o oloa ua taofia pe ua faoa i lalo o lenei fuaiupu.

209. O le faoa ma le taofia o oloa ua masalomia e faapea o oloa ua mautinoa le matautia po o o molimau o le faia o nisi o solitulafono-(1) E mafai e se tagata ofisa o le Tiute ona faoa ma taofia oloa po o pepa o le a tauaao atu pe na mauaina a o faatino le malosiaga o se asiasiga, sailiiliga, po o se suesuega i lalo o lenei Tulafono, pe afai ua masalomia e le tagata ofisa se mafuaaga tataua e faapea ai o ia oloa o:

(a) oloa faaetutulafono (o lo o maua i totonu o le uiga i le Tulafono o Puipuiga e taofia ai le ofi mai ma le salalau o faamai (Puipuigamalu mai meaola faalafua ma faamai) 2005) lea e le o i ai se puipuiga faapaiolosi ua tuuina atu i ai i lalo o lenei Tulafono; po o

(b) ua fai ma molimau le faatinoina o so o se solitulafono i lalo -

(i) fuaiupu 154 po o le 155 o le Tulafono o Solitulafono 2013; po o

(ii) Vaega II, III ma le IV o le Tulafono o Faiga Faiva 1988.

(2) E tatau i le tagata ofisa o le Tiute o ia lea ua taofia oloa i lalo o le faafuaiupu (1) ona, i se vave e mafai ai ona faatino, ia faaoo atu oloa i lalo o le vaavaaiga a le Ofisa o Tiute:

(a) pe afai ua talitonu le tagata ofisa o le Tiute e faapea e faasino i oloa le faafuaiupu (1)(a) po o le (b)(ii), e nafa le Ofisa Sili o Pulega o le Matagaluega o lo o nafa ma le Tulafono o Puipuiga e taofia ai le ofi mai ma le salalau o faamai (Puipuigamalu mai meaola faalafua ma faamai) 2005 po o le Tulafono o Faiga Faiva 1988; po o

(b) afai e talitonu le tagata ofisa o le Tiute e faapea e faaaogā le faafuaiupu (1)(b)(i) e faasino i oloa, o se leoleo.

(3) I le taimi lava e faaoo atu ai oloa i se tagata i lalo o le faafuaiupu (2), o le matafaioi mo le vaavaaiga o ia oloa o le a faasee atu i lea tagata.

(4) O le fuaiupu 84 o le Tulafono mo Faiga Faasolitulafono 1972, e faaaogāina faatasi ai ma suiga talafeagai ua faia i oloa ua taofia i lalo o le faafuaiupu (1).

VAEGA 14 SOLIGATULAFONO MA FAASALAGA

Vaevaega 1 - Soligatulafono e faasino i le Tiute

210. Tau faamatau po o le tetee atu i tagata ofisa o le Tiute-(1) Ua faia e se tagata se solitulafono lea ua:

(a) tau faamatau pe ua faaoolima; po o

(b) ua faaaogā le malosi e tetee ai, pe ua ia faalavelaveina ma le loto i ai po o le faamatauina,

se tagata ofisa o le Tiute a o tauaveina ona tiute tauave po o se tagata o lo o galue e fesoasoani i le tagata ofisa.

(2) O se tagata ua faamaonia ona moliaga faasolitulafono i lalo o le faafuaiupu (1), ua noatia o ia i se sala tupe e lē silia le 200 iunite tau faasalaga, po o e nofosala i le falepuipui mo se vaitaimi e lē silia le lua (2) tausaga, po o faasalaga uma e lua.

211. Faalavelaveina o tagata ofisa o le Tiute po o le aiaia o meatotino a le Tiute-(1) Ua faia e se tagata se solitulafono, o ia lea ua:

- (a) i se isi faiga e ese ai i lo le faaaogāina o le malosī, ua faalavelaveina ma le loto i ai se tagata ofisa o le Tiute, a o faatinoina ana galuega tauave, tiute po o malosiaga; po o
- (b) ua faalavelaveina ma le loto i ai so o se meafaigaluega, taavale, vaa, taifau, faiga o lo o fesoatai ai, po o isi fesoasoani, o lo o faaaogāina pe o lo o fuafuaina e faaaogā e le tagata ofisa o le Tiute; po o
- (c) ua ia faia so o se gaioioiga ma le faamoemoe e faaleagaina le tulaga atoatoa o so o se meafaigaluega, taavale, vaa, taifau, faiga e fesoatai ai, po o isi fesoasoani o lo o faaaogāina, po o o lo o faamoemoe e faaaogā e le Ofisa o Tiute.

(2) O se tagata ua faamaonia i luga o moliaga faasolitulafono e faasaga i lenei fuaiupu, ua noatia i se sala tupe e lē silia le 50 iunite tau faasalaga po o le nofosala i le falepuipui mo se vaitaimi e lē silia le ono (6) masina, po o faasalaga uma e lua.

212. Tuuaiga po o lipoti sese i tagata ofisa o le Tiute-(1) Ua faia e se tagata se solitulafono, o ia lea:

- (a) i le feteenai ai ma le mea moni ma e aunoa ma se talitonuina o le moni o le faamatalaga ua ia faia po o ua taulamua i le faia, i le tagata ofisa o Tiute se faamatalaga tusitusia pe tuufofoga e tuuaia ai e faapea na faia se soligatulafono po o ua fuafua e faia; po o
- (b) i le i ai faatasi ma le faamoemoe o le faatinoga o le faia o se faatulagaga e lē aogā po o le faaseseina o le faatulagaga o tagata o le tiute po o punaoa, po o ua faatalale i lea faaiuga -

(i) ua faia se faamatalaga i so o se isi lava tagata, lea ua aliae mai ai se popolega mo le saogalemu o le isi tagata lea, po o le saogalemu o se isi tagata po o meatotino, ma le iloa lelei o lea faamatalaga e lē moni; po o

(ii) faia se amioga ua faapea ona mafua ai le popole, ma lona iloa lelei o lea popolega e lē faavaeina.

(2) O se tagata, o ia lea ua faamaonia lona moliaga i se soligatulafono, i lalo o le faafuaiupu (1), e noatia i se sala tupe e lē silia le 20 iunite tau faasalaga po o le nofosala i le falepuipui mo se vaitaimi e lē silia le tolu (3) masina, po o faasalaga uma e lua.

213. Faafoligaina i se tagata ofisa o le Tiute-(1) Ua faia e se tagata se solitulafono, o ia lea ua:

(a) e le o se tagata ofisa o le Tiute e ala i faaupuga, amioga po o amioga faaalua ua ia faafoliga o se tagata ofisa o le Tiute po o se tagata faatagaina po o ofuina pe faaaogāina toniga, igoa, tofiga, po o le faamatalaga o se tagata ofisa o le Tiute; po o

(b) e aunoa ma se pule faataga, ua ia faafoeina so o se vaa, taavale, po o isi auala o felauaiga e faapea ai o lo o i lalo o auaunaga tau le Tiute.

(2) O se tagata ua faamaonia lona solitulafono i lalo o le faafuaiupu (1) ua noatia o ia i se sala tupe e lē silia le 200 iunite tau faasalaga po o le nofosala i le falepuipui mo se vaitaimi e lē silia le lua (2) tausaga, po o faasalaga uma e lua.

214. Faamaufaailoga po o faailoga ua gaosia ma faafoiga pepelo-(1) Ua faia e se tagata se soligatulafono o ia lea e aunoa ma se faatagaga faaletulafono po o mafuaaga tatau o lo o i ai ia te ia po o ua ia faia, po o ua faaaogāina so o se mea ua faafoliga, faamaufaailoga, faailoga tusi, faailoga, vailaau oona, po o meafaigaluega ua faia e faafoliga i po o ua foliga tutusa ma so o se faamaufaailoga, faailoga tusi, faailoga, po o meafaigaluega o lo o faaaogāina e le Ofisa o Tiute mo faamoemoga o lenei Tulafono.

(2) O se tagata ua faamaonia lona moliaga i se soligatulafono i lalo o le faafuaiupu (1), e noatia:

- (a) mo se tagata e toatasi, i se sala tupe e lē silia le 300 iunite tau faasalaga po o le nofosala i le falepuipui mo se vaitaimi e lē silia le tolu (3) tausaga, po o faasalaga uma e lua; ma
- (b) mo se faalapotopotoga ua tuufaatasia faaetulafono, o se sala tupe e lē silia le 500 iunite tau faasalaga.

215. Noataga o tagata e taunuu mai i Samoa-(1) Ua faia e se tagata se soligatulafono, o ia lea ua ia lē mafai ona tausisia ma le loto i ai, so o se manaoga ua faaee atu i luga o lea tagata, i lalo o so o se vaega o le fuaiupu 28 e oo i le 36 (e ese mai i le fuaiupu 34).

(2) O se tagata ua faamaonia lona solitulafono i lalo o le faafuaiupu (1), e noatia o ia i se sala tupe e lē silia le 100 iunite tau faasalaga po o le nofosala i le falepuipui mo se vaitaimi e lē silia le tasi (1) tausaga, po o faasalaga uma e lua.

216. O le auai e le i faatagaina i nisi nofoaga e pulea e le Tiute-(1) Ua faia e se tagata se solitulafono, o ia lea e aunoa ma se faatagaga a se tagata ofisa o le Tiute ua ulufale atu i, pe tumau ai i totonu o, ina ua faatonuina e se tagata ofisa o le Tiute e tuua se nofoaga e pulea e le Tiute ma ua laiseneina mo:

- (a) le umia lē tumau o oloa o lo o faaulufaleina mai mo faamoemoega ina ia suesueina ai oloa i lalo o le fuaiupu 174, (e aofia ai le umiaina o oloa a o talia le suesuega); po o
- (b) ua taunuu mai, tuua, po o le faagasologa o tagata o taunuu mai i po o ua tuua Samoa; po o
- (c) le faagasologa o se vaa ua taunuu mai i, po o o le a tuua Samoa, po o le laueseina o oloa i luga o, mai le vaa, i le taimi e faaaogāina ai lea nofoaga pe o le a faaaogāina ai mo so o se tasi o faamoemoega lea ua laiseneina ai.

(2) O se tagata ua faamaonia lana solitulafono i lalo o le faafuaiupu (1), e noatia i se sala tupe e lē silia le 30 iunite tau faasalaga po o le nofosala i le falepuipui mo se vaitaimi e lē silia le tolu (3) masina, po o faasalaga uma e lua.

217. Avanoa e le i faatagaina i po o le faaaogāina ma le faaletatau o le faiga faakomepiuta e faagasolo ai pepa tusia a le Tiute-(1) Ua faia e se tagata se solitulafono, o ia lea:

- (a) faia ma le iloa ma e aunoa ma se faatagaga faaletulafono, i so o se auala, ua ia mauaina se avanoa i po o ua ia taumafai ina ia maua se avanoa i so o se faiga faakomepiuta e faagasolo ai pepa tusia a le Tiute; po o
- (b) ua ia avanoa faaletulafono i so o se faiga faakomepiuta e faagasolo ai pepa tusia a le Tiute, ua ia faaaogāina ma le iloa pe ua ia faailoaina atu faamatalaga na maua mai i lea faiga mo se faamoemoega e lē faatagaina po o ua ia iloa lelei; po o
- (c) e lē faatagaina o ia e faia lea tulaga, ua ia taulimaina faamatalaga na maua mai i so o se faiga faakomepiuta e faagasolo ai pepa tusia a le Tiute, ma ua faaaogāina, faailoaina, faailoaina atu, lomia faasalalau, po o ua faalautele atu faamatalaga.

(2) O se tagata ua faamaonia lana solitulafono i lalo o le faafuaiupu (1) ua noatia:

- (a) mo se tagata e toatasi, i se sala tupe e lē silia le 300 iunite tau faasalaga, po o le nofosala i le falepuipui mo se vaitaimi e lē silia le tolu (3) tausaga, po o faasalaga uma e lua; ma
- (b) mo se faalapotopotoga, i se sala tupe e lē silia le 800 iunite tau faasalaga.

218. O le aiaina o le faiga faakomepiuta e faagasolo ai pepa tusia a le Tiute-(1) Ua faia e se tagata se soligatulafono, o ia lea:

- (a) ua ia faaseseina ma le iloa i so o se auala, so o se faamaumauga po o faamatalaga ua teuina i so o se faiga faakomepiuta e faagasolo ai pepa tusia a le Tiute; po o
- (b) ua ia faaleagaina ma le loto i ai, po o ua ia faalēaogāina so o se faiga faakomepiuta e faagasolo ai pepa tusia a le Tiute; po o
- (c) ua ia faaleaga le lelei, po o ua ia faaleaga ma lona iloa lelei, so o se ata lona lua o le lipine po o se tisiketī po o nisi auala o lo o faapea ona

tausia ai, po o teuina ai faamatalaga o lo o mauaina mai i le faiga faakomepiuta e faagasolo ai pepa tusia a le Tiute, seia vagana ai ua tuuina mai e le Pule Sili o le Tiute se faatagaga.

(2) O se tagata na faamaonia lana solitulafono i lalo o le faafuaiupu (1), e noatia i se sala tupe e lē silia le 300 iunite tau faasalaga po o le nofosala i le falepuipui mo se vaitaimi e lē silia le tolu (3) tausaga, po o faasalaga uma e lua.

219. Soligatulafono e faasino i le puipuigamalu o, po o le faaaogāina e le i faatagaina o, faailoga e iloagofie ai tagata faapitoa e faaaogāina-(1) Ua faia e se tagata ua faamauina e faaaogāina le auaunaga se soligatulafono, o ia lea ua teena se aiaiga ua faaee atu i ai e le Pule Sili o le Tiute, i luga o le puipuigamalu o le igoa ua faailoagofie ai le tagata o lo o faaaogāina le auaunaga.

(2) Ua faia e se tagata se soligatulafono, o ia lea:

(a) e le o se tagata o lo o faaaogāina se tulaga faapitoa e faailoagofie ai ua faamauina; po o

(b) i le avefa ai o ia ma tagata o lo o faaaogāina le auaunaga, ua maea ona faamauina, ua faaaogāina le igoa e iloagofie ai o so o se isi lava tagata o lo o faaaogāina, ua maea ona faamauina,

ina ia faamaonia ai le moni atoatoa o se faamatalaga ua tuuina i totonu o faiga faakomepiuta e faagasolo ai pepa tusia a le Tiute.

(3) O se tagata ua faamaonia lona solitulafono i lalo o faafuaiupu (1) po o le (2) ua noatia o ia i se sala tupe e lē silia le 100 iunite tau faasalaga po o le nofosala i le falepuipui mo se vaitaimi e lē silia le tasi (1) le tausaga, po o faasalaga uma e lua.

*Vaevaega 2 - Soligatulafono e faasino
i malosiaga o tagata ofisa o le Tiute*

220. O le lē mafai ona tali atu i fesili-(1) Ua faia e se tagata se soligatulafono, o ia lea, pe a manaomia i lalo o lenei Tulafono e tali i se fesili o le a tuuina atu ia te ia:

(a) i le aunoa ai o se mafuaaga talafeagai, ua lē mafai po o ua ia teena le taliina o le fesili; po o

(b) ua ia tuuina atu se tali e lē sao.

(2) O se teteē atu i se soligatulafono e faasaga i lenēi fuaiupu pe afai o le tuuina atu e se tagata ona ua manaomia o ia e tali atu, i lona tomāi, umiaina, po o lana vaavaaiga, po o ua talitonu faamaoni i luga o mafuaaga talafeagai e faapea e sao atoatoa le tali i tulaga uma ua aliaē mai.

(3) E le o se mafuaaga talafeagai, mo faamoemoega o le faafuāiupu (1)(a), pe afai e lē mafai pe teena e le tagata le taliina o le fesili i luga o mafuaaga e faapea, o le taliina o le fesili, o le a aveā lea, pe e ono faamaonia ai moliaga o lea tagata.

(4) E noatia se tagata ua faamaonia lana soligatulafono i lalo o le faafuāiupu (1):

- (a) mo se tagata e toatasi, i se sala tupe e lē silia le 30 iunite tau faasalaga po o le nofosala i le falepuipui mo se vaiāimi e lē silia le tolu (3) masina, po o faasalaga uma e lua; ma
- (b) mo se faalapopotoga ua tuufaatasia faaetulafono, i se sala tupe e lē silia le 50 iunite tau faasalaga.

221. O le lē mafai ona tuuina atu o faamatalaga molimau o faailoga e iloagofie ai, faamanuiaga i malaga, po o isi mataupu - O se tagata o ia lea ua lē mafai, e aunoa ma se mafuaaga talafeagai ona tausisia o se manaoga ua faia i lalo o le fuaiupu 162 po o le 163, ua faia se soligatulafono e noatia i luga o moliaga ua faamaonia faaetulafono i se sala tupe e lē silia le 50 iunite tau faasalaga po o le nofosala i le falepuipui mo se vaiāimi e lē silia le ono (6) masina, po o faasalaga uma e lua.

222. O le lē mafai ona tuuina atu po o le faamalamalamaina o oloa-(1) Ua faia e se tagata se soligatulafono, o ia lea ua lē mafai, po o ua teena le tuuina atu po o le tali atu e tusa ai o oloa i le taimi e manaomia ai le faia faapea, i lalo o le fuaiupu 175, 176 po o le 177, ua faia e ia se soligatulafono ma e noatia i luga o moliaga ua faamaonia faaetulafono i se sala tupe e lē silia le 200 iunite tau faasalaga, po o le nofosala i le falepuipui mo se vaiāimi e lē silia le lua (2) tausaga, po o faasalaga uma e lua.

(2) O se teteē atu i se soligatulafono e faasaga i lenei fuaiupu, pe a faamaonia mai e ia e faapea, e le o ia te ia, pe o lo o ia vaavaaia oloa, po o i se isi faiga e ese ai, ua ia lē mafai ona tausisia faaetulafono manaoga o le Pule Sili o le Tiute.

223. O le lē mafai ona tausisia o manaoga-(1) O se tagata, o ia lea ua ia lē tausisia se manaoga o le Pule Sili o le Tiute i lalo o le fuaiupu 185 po o le 184, ua faia e ia se soligatulafono, ma ua noatia i luga o moliaga ua faamaonia faaetulafono:

- (a) mo se tagata e toatasi, o se sala tupe e lē silia le 500 iunite tau faasalaga po o le nofosala i le falepuipui mo se vaitaimi e lē silia le tolu (3) tausaga, po o faasalaga uma e lua; ma
- (b) mo se faalapotopotoga ua tuufaatasia faaetulafono, i se sala tupe e lē silia le 800 iunite tau faasalaga.

(2) O se teteē i se soligatulafono e faasaga i lenei fuaiupu, pe afai e faamaonia mai e se tagata e faapea, e le o ia te ia, pe o lo o ia vaavaaia se pepa aloaia po o se faamatalaga po o e le o silafiaina pepa aloaia talafeagai, tusi, po o faamaumauga.

224. O le lē mafai, po o le teena o le i ai pea i se nofoaga-(1) Ua faia e se tagata se soligatulafono, o ia lea:

- (a) ua lē mafai po o ua ia teena le i ai pea i le nofoaga, lea o lo o suesueina, i lalo o le fuaiupu 197(1)(a) seia vagana ai le uluai vaega o taualumaga ua faamaoti mai i le fuaiupu 197(4)(a) ma le (b); po o
- (b) ua ia lē mafai pe ua ia teena le i ai pea i lea nofoaga pe afai o lo o suesueina lea tagata i lalo o le fuaiupu 197(3)(b) seia vagana ai ua maea le suesuega.

(2) O se tagata ua faamaonia lana soligatulafono i lalo o le faafuaiupu (1), e noatia i se sala tupe e silia le 500 iunite tau faasalaga po o le nofosala i le falepuipui mo se vaitaimi e lē silia le tolu (3) tausaga; po o faasalaga uma e lua.

225. Faaaogāina o le nofoaga e aunoa ma se laisene -

O se tagata, o ia lea ua lē tausisia le fuaiupu 11, ua faia e ia se solitulafono, ma ua noatia i luga o moliaga ua faamaonia faaetulafono:

- (a) mo se tagata e toatasi, o se sala tupe e lē silia le 500 iunite tau faasalaga po o le nofosala i le falepuipui mo se vaitaimi e lē silia le tolu (3) tausaga, po o faasalaga uma e lua; ma
- (b) mo se faalapotopotoga ua tuu faatasia faaetulafono, o se sala tupe e lē silia le 1,000 iunite tau faasalaga.

226. O le lē mafai ona tausisia aiaiga o se laisene -

O se tagata ua ia lē tausisia se aiaiga po o se tuutuuga o, po o se tapulaa o se laisene o le Nofoaga e Pulea e le Tiute, ua faia e ia se soligatulafono ma e noatia i luga o moliaga ua faamaonia faaetulafono:

- (a) mo se tagata e toatasi, i se sala tupe e lē silia le 500 iunite tau faasalaga po o le nofosala i le falepuipui mo se vaitaimi e lē silia le tolu (3) tausaga, po o faasalaga uma e lua; ma
- (b) mo se faalapotopotoga ua tuu faatasia faaetulafono, o se sala tupe e lē silia le 1,000 iunite tau faasalaga.

Vaevaega 3 - O soligatulafono e faasino i le taunuu mai ma le malaga ese atu o vaalele ma tagata

227. Soligatulafono e faasino i le taunuu mai o vaalele-(1) Ua faia e se tagata se soligatulafono, o ia lea:

- (a) i le avea ai o ia ma kapeteni o se vaa, ua lē mafai ona tausisia so o se manaoga o lo o mulimuli mai, i le fuaiupu 22(1) (lea e faasino i fautuaga i taimi e taunuu ai) -
 - (i) ina ia tuuina atu se faasilasilaga muamua o so o se mataupu ua faamaonia; po o
 - (ii) ina ia tuuina atu se faasilasilaga muamua ma ia faatasia ai ma le taimi ua faamaonia; po o
 - (iii) ina ia faagasolo i se nofoaga tau le Tiute; po o

- (iv) ina ia faagasolo e pei ona faatonuina e le tagata ofisa o le Tiute; po o
- (b) i le avea ai o ia ma kapeteni o, po o le pule o, po o se sui o le auvaa o, po o se pasese i luga o, se vaa -
- (i) ua ia teena le taliina o se fesili ua tuuina atu i lea tagata, pule, auvaa po o se pasese, e se tagata ofisa o le Tiute i lalo o le fuaiupu 23(2)(a) (lea e fesootai atu i se manaoga e mafai ona taliina ai fesili) po o ua ia tuuina atu ma le iloa lelei se tali e lē sao i le fesili; po o
- (ii) ua ia lē mafai ona taliina se talosaga ua faia i lalo o le fuaiupu 23(2)(b); po o
- (c) i le avea ai o ia ma kapeteni i luga o se vaa, ua ia lē usitaia so o se faatonuga a le tagata ofisa o le Tiute i lalo o le fuaiupu 24(1) po o le (4) (lea e faasino i le aumaia o se vaa) po o ua lē tausisia ai le fuaiupu 24(3); po o
- (d) i le avea ai ma kapeteni o se vaa, ua solia ai le fuaiupu e 25(1) (lea e faasino i le taunuu mai o le vaa i se nofoaga filifilia atofaina e patino i le Tiute); po o
- (e) i le avea ai ma se sui o le auvaa o, po o se pasese i luga o, so o se vaa, ua solia ai le fuaiupu 25(2); po o
- (f) i le avea ai ma se kapeteni o se vaa, ua solia ai le fuaiupu 26(5) (lea e faasino i vaa e taunuu i se nofoaga e ese mai i le nofoaga ua atofaina e le Tiute); po o
- (g) i le avea ai ma sui o le auvaa o, po o se pasese i luga o, so o se vaa, ua solia ai fuaiupu 26(6) po o (7); po o
- (h) i le avea ai ma kapeteni o, po o le pule o se vaa ua faapea ona ia solia, -
- (i) fuaiupu 27(2)(a) (lea e faasino i lipoti e aumai i totonu); po o
- (ii) o se faatonuga mai le Tiute ua tuuina atu i lalo o le fuaiupu 27(2)(b).

(2) O se tagata ua faamaonia lona moliaga i se soligtulafono, i lalo o le faafuaiupu (1)(a), (c), po o le (d) e noatia:

- (a) mo se tagata e toatasi, i se sala tupe e lē silia le 500 iunite tau faasalaga po o le nofosala i le falepuipui mo se vaitaimi e lē silia le tolu (3) tausaga, po o faasalaga uma e lua; ma
- (b) mo se faalapotopotoga ua tufaatasia faaletulafono, o se sala tupe e lē silia le 1,000 iunite tau faasalaga.

(3) O se tagata ua faamaonia i se soligatulafono i lalo o le faafuaiupu (1)(b) e noatia i le:

- (a) mo se tagata e toatasi, o se sala tupe e lē silia le 300 iunite tau faasalaga po o le nofosala i le falepuipui mo se vaitaimi e lē silia le tolu (3) tausaga, po o faasalaga uma e lua; ma
- (b) mo se faalapotopotoga ua tuufaatasia faaletulafono, o se sala tupe e lē silia le 500 iunite tau faasalaga.

(4) O se tagata ua faamaonia i se soligatulafono i lalo o le faafuaiupu (1)(e), (f), (g), po o le (h) e noatia i se sala tupe e lē silia le 500 iunite tau faasalaga po o le nofosala i le falepuipui mo se vaitaimi e lē silia le tolu (3) tausaga, po o faasalaga uma e lua.

228. Soligatulafono e faasino i lipoti e auina mai i totonu-(1) Afai:

- (a) o se lipoti e auina mai i totonu i lalo o le fuaiupu 27 e faapea e sese, taitaiina sese po o e faaletonu i so o se mataupu faapitoa; po o
- (b) se pepa aloaia ua faao atu e lagolago ai le lipoti e auina mai i totonu, ua faapea ona lē tonu, po o e sese po o e tau faasese,

ua faia e le kapeteni o le vaa ma le pule o le vaa, taitoatasi ni soligatulafono.

(2) O le kapeteni po o le pule, lea ua faapea ona faamaonia lona moliaga i lalo o le faafuaiupu (1) ua noatia:

- (a) mo se tagata e toatasi, o se sala tupe e lē silia le 300 iunite tau faasalaga po o le nofosala i le falepuipui mo se vaitaimi e lē silia le tolu (3) tausaga, po o faasalaga uma e lua; ma

- (b) mo se faalapotopotoga ua tuufaatasia faaletulafono, o se sala tupe e lē silia le 500 iunite tau faasalaga.

229. Soligatulafono e faasino i le malaga ese atu o vaalele-(1) Ua faia e se tagata se soligatulafono, o ia lea:

- (a) i le avea ai o ia ma kapeteni o se vaa, ua solia ai le fuaiupu 37 (lea e faasino i le kiliaina o se vaa); po o

- (b) i le avea ai o ia ma kapeteni o se vaa -

- (i) ua lē tausisia ai le fuaiupu 38(a) (lea e faasino i lipoti o oloa e auina atu i fafo); po o

- (ii) ua teena e taliina se fesili ua tuuina atu i lea tagata e se tagata ofisa o le Tiute, i lalo o le fuaiupu 38(b) po o ua ia tuuina atu ma le iloa se tali sese i le fesili; po o

- (iii) ua lē mafai ona ia tuuina atu so o se pepa aloaia o lo o manaomia e se tagata ofisa o le Tiute i lalo o le fuaiupu 38(c); po o

- (c) i le avea ai ma kapeteni o, po o se sui o le auvaa, o se vaa, ua ia lē usitaia le fuaiupu 41 (lea e faasino i le ulufafo atu mai se vaa); po o

- (d) i le avea ai ma le kapeteni o se vaa -

- (i) ua ia lē mafai ona usitaia se manaoga ua faapea ona tuuina mai e le tagata ofisa o le Tiute i lalo o le fuaiupu 39 (lea e faasino i le tuuina atu o se tusi faamaonia o le faia o le kilia); po o

- (ii) ua teena le taliina o se fesili ua tuuina atu i lea tagata i lalo o lea fuaiupu, po o ua ia tuuina atu ma le iloa lelei se tali sese i le fesili; po o

- (e) i le avea ai o ia ma kapeteni o se vaa, ua lē usitaia ai le fuaiupu 41 (lea e faasino i le malaga ese atu o le vaa, mai se nofoaga o le Ofisa o le Tiute).

(2) O se tagata ua faamaonia lona moliaga i se soligatulafono i lalo o le faafuaiupu (1)(a), (c) po o le (e) ua noatia o ia i se sala tupe e lē silia le 300 iunite tau faasalaga

po o le nofosala i le falepuipui mo se vaiitami e lē silia le tolu (3) tausaga, po o faasalaga uma e lua.

(3) O se tagata ua faamaonia i se soligatulafono i lalo o le faafuaiupu (1)(b) po o le (d) ua noatia o ia i se sala tupe e lē silia le 200 iunite tau faasalaga po o le nofosala i le falepuipui mo se vaiitami e lē silia le lua (2) tausaga, po o faasalaga uma e lua.

230. Soligatulafono e faasino i lipoti e auina atu i fafo-(1) Afai:

- (a) ua faaooina atu se lipoti i fafo o oloa i lalo o le fuaiupu 38 ua faapea e sese, taitaiina sese pe faaletonu i so o se mataupu faapitoa; po o
- (b) o so o se pepa aloaia ua faao atu e lagolago ai le lipoti e faapea e lē moni po o e sese pe taitaiina sese,

ua faia e le kapeteni ma lē o lo o pulea se vaa taitoatasi se soligatulafono.

(2) O se tagata ua faamaonia lana soligatulafono i lalo o le faafuaiupu (1) e noatia:

- (a) mo se tagata e toatasi, i se sala tupe e lē silia le 300 iunite tau faasalaga; ma
- (b) mo se faalapotopotoga ua tuufaatasia faaetulafono, i se sala tupe e lē silia le 500 iunite tau faasalaga.

231. O le lē mafai ona tausisia o manaoga e taofia ai le faaogāina o masini tau fesootaiga faaeletoroni - O se tagata, o ia lea ua le usitaia se manaoga ua faaee atu ia te ia, i lalo o le fuaiupu 34(3) ua faia se soligatulafono ma ua noatia i luga o moliaga ua faamaonia, i se sala tupe e lē silia le 100 iunite tau faasalaga po o le nofosala i le falepuipui mo se vaiitami e lē silia le tasi (1) le tausaga, po o faasalaga uma e lua.

232. Teteē atu i moliaga - O se teteē atu i se soligatulafono e faasaga i fuaiupu e 229 e oo i le 231, pe afai e faamaonia e lē o lo o teteē:

- (a) le itu e faapea, afai sa tuuaia i se mea sa tataua ona faia, ae le i faia, ua faia e lē o lo o teteē laasaga talafeagai uma ina ia mautinoa ai ua faatinoina lea tulaga; po o

- (b) i le itu e faapea, afai sa i ai ni tuuaiga faapea na faia so o se mea faasolitulafono, na faia e lē o lo o tetee laasaga talafeagai uma, e faamautinoa ai e faapea, e le i faatinoina lea tulaga.

Vaevaega 4 - O isi soligatulafono

233. Fetuunaiga o vaalele mo oloa e aumai pe aveeseina faanana-(1) Afai e malaga mai se vaa, po o ua maua i totonu o Samoa, e faapea o lo o i ai:

- (a) se vaega po o se tulaga ua faapipiina faapitoa mo le faamoemoe e nana ai oloa po o tagata; po o
(b) se pu, paipa, po o se meafaigaluega ua faapitoa mo le nanaina ai o oloa ma tagata,

o le kapeteni ma le pule o le vaa, ua faia taitoatasi e i lau ni soligatulafono.

(2) O le kapeteni po o le pule, ia ua faamaonia moliaga i lalo o le faafuaiupu (1), ua noatia i se sala tupe e lē silia le 1,000 iunite tau faasalaga, po o le nofosala i le falepuipui mo se vaitaimi e lē silia le lima (5) tausaga, po o faasalaga uma e lua.

234. Aiaina o faamaufaailoga ma fusi e faamauina ai-(1) Afai o se faamau, loka, faailoga po o se faamaufaailoga ua faapea ona tuuina atu e se tagata ofisa o le Tiute i luga o ni oloa, po o i luga o se ana, avanoa po o isi nofoaga po o masini i luga o se vaa e aunoa ai ma le faatagaga mai le tagata ofisa o le Tiute, ia tatala, fetuunai, talepe, pe aveesea e so o se tagata a o i ai le vaa i totonu o Samoa, o le tagata ua ia faia lea gaiioiga ma le kapeteni, ua taitasi ona faia se soligatulafono.

(2) O se tagata ua faamaonia lona moliaga i lalo o le faafuaiupu (1) ua noatia i se sala tupe e lē silia le 500 iunite tau faasalaga po o le nofosala i le falepuipui mo se vaitaimi e lē silia le tolu (3) tausaga, po o faasalaga uma e lua.

235. Soligatulafono e faasino i faamaufaailoga a le Tiute ma fuafuaga faamaonia a le Tiute mo le malupuipua o oloa auina ese atu-(1) Ua faia e se tagata se soligatulafono, o ia lea, e aunoa ma se faamaoniga faaletulafono, po o se faatagaga talafeagai:

- (a) ua ia faaaogāina se faamaufaailoga a le Tiute i luga o se afifi o oloa e ese mai i lo lea e i lalo o le faasilasilaga talafeagai o le faasilasilaga o i lalo o le fuaiupu 82; po o
 - (b) fetuunai, aveesea, faaleaga, lafoai i, po o ua faalavelaveina se faamaufaailoga a le Tiute ua faaaogā i luga o se afifi o oloa e ese mai lea e i lalo o le faasilasilaga talafeagai o tofiga ua faia i lalo o le fuaiupu 82; po o
 - (c) ua faaaogāina se faamaufaailoga ua faamaonia po o faailoga o lea lava ituaiga o lo o faasinomia i le fuaiupu 86(1)(b) i luga o se afiifi e malupuipuia ua faamaonia a le Tiute, e ese mai i lo lea e i lalo o le fuafuaga faamaonia a le Tiute o puipugamalu o oloa auina ese atu.
- (2) O lenei faafuaiupu e faasino i se afifi, pe afai:
- (a) o se afifi ua tuuina i ai le faamaufaailoga faaletulafono a le Tiute; po o
 - (b) o se afifi e malupuipuia ua faamaonia a le Tiute, ua tuuina i ai le faamaufaailoga po o faailoga aloaia o le ituaiga lea o lo o faapea ona faasinomia i le fuaiupu 86(1)(b).
- (3) Ua faia e se tagata se soligatulafono, o ia lea e aunoa ma le faatagaga talafeagai ua ia faalavelaveina pe aiaina se afifi o lo o faasino i ai le faafuaiupu (2), i le faaopoopoina o oloa i luga o isi oloa i le taimi na teuina ai.
- (4) O se tagata ua faamaonia lona moliaga i lalo o le faafuaiupu (1) po o le (3), ua noatia i se sala tupe e lē silia:
- (a) mo se tagata e toatasi, i le 150 iunite tau faasalaga po o le nofosala i le falepuipui mo se vaitaimi e lē silia le 18 masina, po o faasalaga uma e lua; ma
 - (b) mo se faalapotopotoga ua tuufaatasia faaletulafono, i le 250 iunite tau faasalaga.

236. Aiaina o uta-(1) Afai, i so o se tami e maea ai ona la'uina e se vaa oloa mai se taulaga i fafo atu o Samoa e aumai i totonu o Samoa, a o lumanai ai ona faia se lipoti e aumai i totonu o oloa i lalo o le fuaiupu 27:

- (a) ua aiaina so o se uta; po o
- (b) ua faia so o se fetuunaiga i le teuina o oloa o lo o aumaia, ina ia faafaigofie ai le lauina i lalo o so o se oloa o lo o aumaia a o lumanai ai le

faia o le lipoti o oloa e aumai i totonu;
po o

- (c) so o se oloa o oloa o lo o aumaia, e tatau ona talepeina, aveeseina, faaleagaina, pe lafoaia i le sami, pe tatalaina so o se afifi,

o le sui ma le kapeteni o le vaa, ua taitasi ona la faia se soligatulafono.

(2) E lē faaaogāina le faafuaiupu (1) pe afai o le gaoioiga na faia, ua faapea ona:

- (a) faatagaina e le Pule Sili o le Tiute, po o se tagata ofisa o le Tiute; po o
- (b) manaomia e so o se tulafono po o isi manaoga e faasino i mataupu tau folauga; po o
- (c) ua faamalosi ona o se faalavelave faafuasei, o se tulaga ogaoga o le tau, po o isi manaoga talafeagai.

(3) O se tagata ua faamaonia lona moliaga i lalo o le faafuaiupu (1), ua noatia i se sala tupe e lē silia le 500 iunite tau faasalaga po o le nofosala i le falepuipui mo se vaitaimi e lē silia le tolu (3) tausaga, po o faasalaga uma e lua.

237. Laueseina o oloa e aunoa ma se faatagaga - Ua faia e se tagata se soligatulafono o ia lea ua lē usitaia le fuaiupu 68, ma ua noatia i luga o moliaga ua faamaonia faaletulafono, i se sala tupe e lē silia le 1000 iunite tau faasalaga, po o le nofosala i le falepuipui mo se vaitaimi e lē silia le lima (5) tausaga, po o faasalaga uma e lua.

238. Soligatulafono e faasino i le gaosia, feaveaia ma le teuina o oloa-(1) Ua faia e se tagata se soligatulafono, o ia lea ua:

- (a) lē usitaia le fuaiupu 19(1) (lea e faasino i nofoaga ma fale); po o
- (b) ua ia lē usitaia le fuaiupu 71 (lea e faasino i le felauaiga o oloa ua faaulufaleina mai); po o
- (c) ua ia lē usitaia le fuaiupu 72 (lea e faasino i le aveeseina mai o oloa mai se nofoaga o lo o pulea e le Tiute); po o
- (d) ua ia aveeseina oloa mai se nofoaga e pulea e le Tiute po o ua lē faia se galuega e tusa ai o oloa na aveeseina mai se nofoaga e pulea e le Tiute, lea ua lē tausisia ai le faatagaga ua faamatuu atu e le Pule Sili o le Tiute i lalo

o le fuaiupu 73 (lea e faasino i le aveesea lē tumau o oloa mai se nofoaga e pulea e le Tiute).

(2) Ua faia e se tagata se soligatulafono e faasaga i le faafuaiupu (1)(a) e oo i le (d), ua noatia i luga o moliaga ua faamaonia faaetulafono e:

- (a) mo se tagata e toatasi, i se sala tupe e lē silia le 1,000 iunite tau faasalaga po o le nofosala i le falepuipui mo se vaiiami e lē silia le lima (5) tausaga, po o faasalaga uma e lua; ma
- (b) mo se faalapotopotoga ua tuufaatasia faaetulafono, i se sala tupe e lē silia le 2000 iunite tau faasalaga.

239. Aiaina o oloa-(1) Ua faia e se tagata se soligatulafono, o ia lea, ae vagana ai ua i ai se faatagaga a se tagata ofisa o le Tiute ua:

- (a) ia suia le tulaga o lo o i ai oloa ua noatia i le pule a le Tiute (“o oloa”); po o
- (b) ua faalavelaveina, e aofia ai le faaopopo atu i, po o le aveeseina mai oloa; po o
- (c) lauina i lalo po o le toe teuina o oloa; po o
- (d) aveeseina mai oloa mai se nofoaga lea na faatonuina e le tagata ofisa o le Tiute ina ia faapea ona teuina i ai oloa.

(2) O se tagata ua ia faia se soligatulafono e faasaga i lenei fuaiupu, ua noatia i luga o moliaga ua faamaonia faaetulafono, i se sala tupe e lē silia:

- (a) mo se tagata e toatasi, i se sala tupe e 800 iunite tau faasalaga po o le nofosala i le falepuipui mo se vaiiami e lē silia le fa (4) tausaga, po o faasalaga uma e lua; ma
- (b) mo se faalapotopotoga ua tuufaatasia faaetulafono, e 1,500 iunite tau faasalaga.

240. Soliga o faatonuga a le Pule Sili o le Tiute i lalo o le fuaiupu 114-(1) O se tagata ua ia faatauina mai oloa, o ia lea, ae vagana ai, ua i ai faatasi ma le faatagaga a le Pule Sili o le Tiute, ua ia lē usitaia se faatonuga na tuuina mai e le Pule Sili o le Tiute i lalo o le fuaiupu 114(4)(b), ua ia faia se soligatulafono ma e noatia i luga o moliaga ua faamaonia faaetulafono:

- (a) mo se tagata e toatasi, i se sala tupe e lē silia le 800 iunite tau faasalaga po o le nofosala i le falepuipui mo se vaitaimi e lē silia le fa (4) tausaga, po o faasalaga uma e lua; ma
- (b) mo se faalapotopotoga ua tuufaatasia faaletulafono, i se sala tupe e lē silia le 1,500 iunite tau faasalaga.

(2) Ua faia e se tagata se solitulafono o ia lea o lo o faatauina mai oloa ma le iloa e aunoa ma se faatagaga a le Pule Sili o le Tiute, ua ia lē usitaia se faatonuga ua tuuina atu e le Pule Sili o le Tiute i lalo o le fuaiupu 114(4)(b), ma ua noatia i luga o moliaga ua faamaonia faaletulafono:

- (a) mo se tagata e toatasi, i se sala tupe e lē silia le 800 iunite tau faasalaga po o le nofosala i le falepuipui mo se vaitaimi e lē silia le fa (4) tausaga, po o faasalaga uma e lua; ma
- (b) mo se faalapotopotoga ua tuufaatasia faaletulafono, i se sala tupe e lē silia le 1,500 iunite tau faasalaga; ma
- (c) i so o se tasi o ia mataupu, i se aofaiga e lē silia i le faatoluina o tau aogā o oloa ia e fesootai ma le soligatulafono, e faaopoopo atu ai i faasalaga i lalo o le parakalafa (a) po o le (b).

241. Soligatulafono e faasino i pepa tusia-(1) Ua faia e se tagata se soligatulafono, o ia lea ua:

- (a) lē mafai ona faia se pepa tusia ua manaomia i lalo o lenei Tulafono; po o
- (b) faia se pepa tusia e manaomia i lalo o lenei Tulafono, e faapea e sese, pe faaletonu i mataupu faapitoa o lo o faamaoti mai.

(2) O se tetee atu i se soligatulafono e faasaga i le faafuaiupu (1) pe afai e faamaonia mai e le tagata:

- (a) e faapea, mo se soligatulafono faasaga i le faafuaiupu (1)(a), ua faia e le tagata laasaga talafeagai uma ina ia mautinoa ai e faapea, sa faia se pepa tusia; po o
- (b) e faapea, mo se soligatulafono faasaga i le faafuaiupu (1)(b), ua faia e le tagata laasaga talafeagai uma e mautinoa ai e faapea, e leai se tulaga sese i le pepa tusia sa faia.

(3) O se tagata ua faia se solitulafono i lalo o le faafu'aiupu (1) ua noatia:

- (a) mo se tagata e toatasi, i se sala tupe e lē silia le 50 iunite tau faasalaga, po o le nofosala i le falepuipui mo se vai'aimi e lē silia le ono (6) masina, po o faasalaga uma e lua; ma
- (b) mo se faalapotopotoga ua tuu'fa'atasi faa'etulafono, i se sala tupe e lē silia le 100 iunite tau faasalaga.

(4) Ua faia e se tagata se soligatulafono, o ia lea ua aafia i le faia o se pepa tusia lea o lo o silafia e ia e faapea e sese po o e i ai ona faaletonu i mataupu faapitoa ua faamaoti mai.

(5) O se tagata ua faia se soligatulafono i lalo o le faafu'aiupu (4) ua noatia:

- (a) mo se tagata e toatasi, i se sala tupe e lē silia le 300 iunite tau faasalaga, po o le nofosala i le falepuipui mo se vai'aimi e lē silia le tolu (3) tausaga, po o faasalaga uma e lua; ma
- (b) mo se faalapotopotoga ua tuu'fa'atasi faa'etulafono, i se sala tupe e lē silia le 500 iunite tau faasalaga; ma
- (c) i so o se tasi o ia mataupu, i se sala tupe o se aofaiga e lē sili atu ma le faatoluina o le tau aogā o oloa lea e faasino i ai le soligatulafono, e faaopoopo atu i faasalaga ua faaee atu i lalo o parakalafa (a) po o le (b).

242. Soligatulafono e faasino i tautinoga ma pepa aloaia-(1) O se tagata ua faia se soligatulafono, o ia lea:

- (a) ua ia faia se tautinoga po o se faamatalaga tusitusia i lalo o lenei Tulafono lea e sese i se tulaga ua faamaoti mai; po o
- (b) ua tuuina atu pe faaoo atu i se tagata ofisa o le Tiute so o se pepa aloaia, lea e lē moni; po o
- (c) ua tuuina atu pe faaoo atu i se tagata ofisa o le Tiute so o se pepa aloaia sese, i faamatalaga faapitoa.

(2) O se tetee i se soligatulafono faasaga i le faafu'aiupu (1) pe afai e faamaonia e le tagata e faapea na ia uia laasaga talafeagai uma ina ia faamautinoa ai:

- (a) e faapea o le tautinoga, faamatalaga po o pepa aloaia, e lē sese; po o

- (b) mo se solitulafono e faasaga i le faafu'aiupu (1)(b), e faapea o le pepa aloaia e moni atoatoa.
- (3) O se tagata ua faia se solitulafono, i lalo o le faafu'aiupu (1) e noatia:
 - (a) mo se tagata e toatasi, i se sala tupe e lē silia le 200 iunite tau faasalaga po o le nofosala i le falepuipui mo se vai'aimi e lē silia le lua (2) tausaga, po o faasalaga uma e lua; ma
 - (b) mo se faalapotopotoga ua tuu'fa'atasi faaletulafono, i se sala tupe e lē silia le 400 iunite tau faasalaga.
- (4) O se tagata ua faia se solitulafono o ia lea ua:
 - (a) ia faia se tautinoga pepelo i lalo o lenei Tulafono, ma le iloa lelei e pepelo; po o
 - (b) tuuina atu po o ua faaoo atu i se tagata ofisa o le Tiute so o se pepa lea e faapea e lē moni, ma le iloa lelei e lē moni lea tulaga; po o
 - (c) tuuina atu po o ua faaoo atu i se tagata ofisa o le Tiute so o se pepa lea e faapea e sese, i so o se tulaga ua faamaoti mai, ma le iloa lelei e sese.
- (5) O se tagata, ua faamaonia lona moliaga i lalo o le faafu'aiupu (4) ua noatia:
 - (a) mo se tagata e toatasi, i se sala tupe e lē silia le 300 iunite tau faasalaga po o le nofosala i le falepuipui mo se vai'aimi e lē silia le tolu (3) tausaga, po o faasalaga uma e lua;
 - (b) mo se faalapotopotoga ua tuu'fa'atasi faaletulafono, i se sala tupe e lē silia le 500 iunite tau faasalaga; ma
 - (c) i so o se tasi o ia mataupu, i se sala tupe o se aofaiga e lē sili atu i le faatoluina o le tau aofai o oloa ia e faasino i ai le soligatulafono, e faaopoopo atu i faasalaga ua faia i lalo o le parakalafa (a) po o le (b).

243. Soligatulafono e faasino i faamaumauga-(1) O se tagata, o ia lea ua lē mafai ona tausia faamaumauga lea e manaomia ona tausia i lalo o le fuaiupu 111, ua ia faia se solitulafono ma e noatia:

- (a) i luga o le uluai faamaoniga o moliaga, i se sala tupe e lē silia le 50 iunite tau faasalaga po o

le nofosala i le falepuipui mo se vaitaimi e lē silia le ono (6) masina, po o faasalaga uma e lua; po o

(b) i luga o le moliaga lona lua, i se sala tupe e lē silia le 100 iunite tau faasalaga, po o le nofosala i le falepuipui mo se vaitaimi e lē silia le tasi (1) le tausaga, po o faasalaga uma e lua; po o

(c) i luga o so o se moliaga ua faamaonia mulimuli ane, i se sala tupe e lē silia le 150 iunite tau faasalaga, po o le nofosala i le falepuipui mo se vaitaimi e lē silia le 18 masina, po o faasalaga uma e lua.

(2) Ua faia e se tagata se soligatulafono, o ia lea:

(a) ua lē mafai e aunoa ma se faatagaga talafeagai ona tuuina atu mo le Tiute, i luga o le talosaga a le tagata ofisa o le Tiute, faamaumauga o lo o manaomia ina ia tausisia ai le fuaiupu 111; po o

(b) ua lē mafai, ina ua talosagaina e se tagata ofisa o le Tiute, le faaaogāina o so o se masini tau afi, po o se masini faaeletoroni lea o lo o faapea ona teuina ai so o se faamaumauga mo le faamoemoe o le mafai ai e le tagata ofisa o le Tiute ona mauaina faamaumauga po o faamatalaga.

(3) Mo se soligatulafono ua faia i lalo o le faafuaiupu

(3), e noatia le tagata:

(a) i le uluai moliaga ua faamaonia, i se sala tupe e lē silia le 50 iunite tau faasalaga; po o

(b) i le moliaga lona lua ua faamaonia, i se sala tupe e lē silia le 100 iunite tau faasalaga; po o

(c) i so o se moliaga mulimuli ane ua faamaonia, i se sala tupe e lē silia le 150 iunite tau faasalaga.

(4) Ua faia e se tagata se soligatulafono, o ia lea ua i ai lona faamoemoe e lē usitaia le faamoemoega o lenei Tulafono, ua ia faaleagaina, suia po o ua natia so o se tusi, pepa aloaia po o se faamaumauga o lo o manaomia ina ia tausia i lalo o lenei Tulafono, po o aveese atu, po o ua taumafai e aveese atu ma Samoa le tusi, pepa aloaia, po o faamaumauga ma, e noatia i luga o moliaga ua faamaonia

faaletulafono i se sala tupe e lē silia le 500 iunite tau faasalaga po o le nofosala i le falepuipui mo se vaitaimi e lē silia le tolu (3) tausaga, po o faasalaga uma e lua.

(5) Mo se solitulafono ua faia i lalo o le faafuaiupu (4), afai e faamaonia e faapea, ua faalēaogāina, suia, pe ua natia e le tagata solitulafono so o se tusi, pepa aloaia, po o faamaumauga, po o ua ia aveeseina atu, po o ua taumafai e aveeseina atu, i fafo atu o Samoa, le tusi, pepa aloaia po o faamaumauga, lea ua i ai se manatu e faapea, i so o se taimi ua lē maua ai se faamatalaga molimau ua feteenai ai, ma i le faia ai o lea tulaga ua faapea ona solia e sea tagata solitulafono faamoemoega o lenei Tulafono.

244. Soligatulafono e faasino i le lē mafai ona tuuina atu i le Tiute o avanoa i faamatalaga-(1) O se tagata ua lē mafai, e aunoa ma se faatagaga talafeagai, e tuuina atu ai i le Tiute avanoa mo faamatalaga i lalo o le fuaiupu 46, 47 po o le 112 ua faia e ia se soligatulafono ma ua noatia i moliaga ua faamaonia faaletulafono:

- (a) mo tagata taitoatasi, i se sala tupe e lē silia le 100 iunite tau faasalaga po o le nofosala i le falepuipui mo se vaitaimi e lē silia le tausaga le tasi (1), po o faasalaga uma e lua; ma
- (b) mo se faalapotopotoga ua tuu faatasia faaletulafono, i se sala tupe e lē silia le 150 iunite tau faasalaga.

(2) O se tagata ua lē mafai, e aunoa ma se faatagaga talafeagai, e tuuina atu i le Tiute avanoa i faamatalaga i lalo o so o se vaega o fuaiupu 46, 47, ma le 112 i le faatulagaga ma le faiga ua faamaonia, ua faia e ia se soligatulafono, ma ua noatia i moliaga ua faamaonia faaletulafono:

- (a) mo se tagata e toatasi, i se sala tupe e lē silia le 100 iunite tau faasalaga po o le nofosala i le falepuipui mo se vaitaimi e lē silia le tasi (1) le tausaga, po o faasalaga uma e lua; ma
- (b) mo se faalapotopotoga ua tuu faatasia faaletulafono, i se sala tupe e lē silia le 150 iunite tau faasalaga.

245. Soligatulafono e faasino i le faailoaina atu e tusa lava pe manaomia le tuuina atu i le Tiute o avanoa i faamatalaga-(1) E faaogāina lenei fuaiupu i se tagata pe

afai o lea tagata o lo o aafia ai i le feuiaiga o oloa, tagata, po o vaa (e pei ona faamatalaina i le fuaiupu 43).

(2) E lē tatau ona faailoa e le tagata i se isi tagata o ia lea e le o le Pule Sili o le Tiute, se tagata ofisa o le Tiute, po o se sooupu po o se tagata faigaluega a lea tagata:

(a) e tusa lava pe o le tagata lea o lo o faasino i ai le fuaiupu e 46 po o le 47; po o

(b) pe na tuusaunoa le tagata mai le usitaia faatasi ai ma noataga i lalo o lea fuaiupu.

(3) O se tagata, o ia lea, i le aunoa ai o se faatagaga talafeagai, ua ia lē usitaia faafuaiupu (2), ua faia se soligatulafono, ma ua noatia i luga o moliaga ua faamaonia faaletulafono, i se sala tupe e lē silia:

(a) mo se tagata e toatasi, i se sala tupe e 150 iunite tau faasalaga po o le nofosala i le falepuipui mo se vaitaimi e lē silia le 18 masina, po o faasalaga uma e lua; ma

(b) mo se faalapopotoga ua tuufaatasia faaletulafono, e 250 iunite tau faasalaga.

246. Umia o pepa faamaonia e le o maea-(1) Ua faia e se tagata se soligatulafono, o ia lea, e aunoa ma se faatagaga po o se faamatalaga faaletulafono, o lo o ia umia po o ua ia aumaia i Samoa so o se pepa aloaia e le i maea ona faatumuina po o se pepa aloaia e mafai ona faaaogāina mo so o se faamoemoega i lalo o lenei Tulafono, pe afai o lea pepa aloaia ua maea ona sainia, pe ua faamaonia aloaia ai po ua tuuina i ai se faailoga po o faailoga lolomi e faailoa ai le sao ma le moni atoatoa.

(2) O se tagata ua faamaonia i se moliaga i lalo o le faafuaiupu (1) e noatia i se sala tupe e lē silia le 50 iunite tau faasalaga po o le nofosala i le falepuipui mo se vaitaimi e lē silia le ono (6) masina, po o faasalaga uma e lua.

247. Soligatulafono e faasino i le faaaogāina o oloa-(1) Afai, i lalo o so o se aiaiga o lenei Tulafono po o le Tulafono o le Faasologa o Tiute 1975, e faapea o oloa, pe afai ae tusia mo se faamoemoe faapitoa po o i lalo o so o se aiaiga ua faaee atu e le Minisita po o so o se isi lava Minisita, ia tuusaunoa mai le tiute, po o le noatia i se tiute e maualalo lona fua faatatau i lo lea e tusia e ese mai i le faamoemoe

lea, po o o lo o i lalo o sea aiaiga, ma o so o se oloa e faapea ona faatulagaina i lalo o lea aiaiga, ua faia e se tagata se soligatulafono, o ia lea o lo o iloa:

- (a) faaaogā po o le tagofia o ia oloa mo se faamoemoe e ese mai na i lo lea sa faapea ai ona tusia; po o
- (b) ua lē tausisia se tuutuuga ua faee atu, e le Minisita po o le isi Minisita, e uiga i oloa ua tusia.

(2) O se tagata ua faamaonia lona moliaga i lalo o le faafuaiupu (1) ua noatia i:

- (a) se sala tupe e lē silia se aofaiga e faatoluina ma le aofaiga o le tiute lea semanu e totogiina pe a na faapea o ia oloa sa tusia i se isi faiga e ese ai, i lo faiga o lo o i aiaiga lea sa faapea ona tusia ai; po o
- (b) o se sala tupe e lē silia le 50 iunite tau faasalaga po o le nofosala i le falepuipui mo se vaitaimi e lē silia le ono (6) masina, po o faasalaga uma e lua,

po o fea lava o lea aofaiga e sili atu.

248. Aiaiga e faasino i soligatulafono e faasaga i fuaiupu 241 e oo i le 247 - Mo faamoemoega o lenei Tulafono:

- (a) o se tautinoga, inivoisi, tusi faamaonia, faamatalaga tusia, po o so o se isi pepa aloaia po o se pepa ua faatagaina e po o, i lalo o lenei Tulafono ina ia faia pe tuuina atu e se tagata o lo o ia faia se pepa tusia, ua faatatauina o se vaega o lea pepa tusia; ma
- (b) o se teuteuga ua faia i se pepa tusia ua faatatauina e avea ma se vaega o lea pepa tusia, peitai, o se teuteuga i se pepa tusia, o le a lē tuusaunoa ai se tagata mai noataga, lea ua faaee atu ai se faasalaga, po o noataga e faoa ai oloa po o noataga faasolitulafono ua faatupulaia i luga o le pepa tusia ae le i faia i ai teuteuga.

249. Soligatulafono e faasino i le faaulufale mai po o le auina ese atu o oloa faasaina-(1) Ua faia e se tagata se soligatulafono, o ia lea:

- (a) ua ia faaulufale mai i totonu o Samoa pe la'uina i lalo mai se vaa, po o ua taunuu i Samoa oloa, lea e faasaina ona faaulufale mai i lalo o le fuaiupu 91; po o
 - (b) ua auina ese atu, pe felauai ma le faamoemoe e auina ese atu oloa mai Samoa, lea e faasaina ona auina ese atu, i lalo o le fuaiupu 92; po o
 - (c) o lo o aafia ma le iloa lelei, i so o se tulaga o lo o faaulufale mai ai, aveese atu, felauai, la'uina i luga o vaa, la'uina i lalo, po o le taunuu mai o oloa lea e faaogā i ai le parakalafa (a) po o le (b); po o
 - (d) e aunoa ai ma se faamaoniga faaletulafono po o se faatagaga, ona aveeseina mai se nofoaga o lo o i lalo o le pulega a le Tiute, oloa lea e faasaina ona faaulufaleina mai e tusa ai ma le fuaiupu 91; po o
 - (e) ua aafia pe auafaatasi i se faiga faalilolilo ma le iloa, ina ia aveesea mai se nofoaga o lo o pulea e le Tiute oloa, ia o lo o faasaina ona faaulufaleina mai e tusa ai ma le fuaiupu 91; po o
 - (f) ua solia se, po o ua lē mafai ona tausisia, se tuutuuga po o se aiaiga mo po o ua noatia i se laisene, pemitā po o se maliega sa faapea ona faamatuu atu, i lalo o le poloaiga sa faia i lalo o le fuaiupu 91(3) po o le 92(3); po o
 - (g) ua aafia ma le iloa lelei i le soliga o le tulafono, po o ua lē mafai ona tausisia, i le tulaga, lea o lo o faaogāina ai le parakalafa (f).
- (2) O se tagata ua faia se soligatulafono i lalo o le faafuiauipu (1)(c), (e), po o le (g) ua noatia:
- (a) mo se tagata e toatasi, i se sala tupe e lē silia le 3,000 iunite tau faasalaga po o le nofosala i le falepuipui mo se vaiāimi e lē silia le ono (6) tausaga, po o faasalaga uma e lua; ma
 - (b) mo se faalapotopotoga ua faamauina faaletulafono, i se sala tupe e lē silia le 5,000 iunite tau faasalaga; ma
 - (c) i so o se tasi o ia mataupu, i se sala tupe o se aofaiga e lē sili atu ma le faatoluina o le tau aogā o oloa lea e fesootai ma le solitulafono,

e faaaopoopo atu ai i faasalaga ua faamatuu atu i lalo o le parakalafa (a) po o le (b).

(3) O se tagata ua faia se solitulafono i lalo o le faafuaiupu (1)(a), (b), (d), po o le (f) ua noatia:

(a) mo se tagata e toatasi, i se sala tupe e lē silia le 3,000 iunite tau faasalaga po o le nofosala i le falepuipui mo se vaiiami e lē silia le ono (6) tausaga, po o faasalaga uma e lua; ma

(b) mo se faalapotopotoga ua tuu faatasia faaetulafono, i se sala tupe e lē silia le 5,000 iunite tau faasalaga.

(4) E le o se tetee atu i se soligatulafono i lalo o le faafuaiupu (3) pe afai e le o malamalama, po o e le o i ai se mafuaaga talafeagai e talitonu ai e faapea, o oloa, lea sa faatino ai faiga faasolitulafono, o oloa o lo o faasaina ona faaulufale mai faapea ai ma le aveeseina atu.

250. Soligatulafono e faasaga i le auina ese atu o oloa-(1) Ua faia e se tagata se soligatulafono o ia lea:

(a) ua lē usitaia le fuaiupu e 74(1) po o le (5) (lea e faasino i pepa tusia o lo o manaomia); po o

(b) ua lē mafai ona tausisia se talosaga ua faia i lalo o le fuaiupu 74(2)(b); po o

(c) ua lē mafai po o ua aafia i so o se tulaga ua lē mafai ai ona tausisia le fuaiupu e 79 (lea e manaomia ai le iloiloaina o oloa ua aveeseina atu ina ia tagofia e tusa ai ma le pepa tusia); po o

(d) ua solia le fuaiupu e 80 (lea e faasino i manaoga mo oloa o lo o faamoemoe e aveese atu lea e faapea e lē la'uina i lalo); po o

(e) ua lē usitaia ma le iloa lelei le fuaiupu 131(3) (lea e faasino i tupe totogi toe faafoi o le tiute i nisi o oloa).

(2) O se tagata ua faamaonia i se soligatulafono i lalo o le faafuaiupu (1)(a), (b), (c), po o le (d), ua noatia i se sala tupe e lē silia le 200 iunite tau faasalaga po o le nofosala i le falepuipui mo se vaiiami e lē silia le lua (2) tausaga, po o faasalaga uma e lua.

(3) O se tagata ua faia se soligatulafono i lalo o le faafuaiupu (1)(e) ua noatia:

(a) mo se tagata e toatasi, i se sala tupe e lē silia le 300 iunite tau faasalaga po o le nofosala i le

- falepuipui mo se vaitaimi e lē silia le tolu (3) tausaga, po o faasalaga uma e lua; ma
- (b) mo se faalapotopotoga ua tuufaatasia faaletulafono, i se sala tupe e lē silia le 500 iunite tau faasalaga; ma
 - (c) i so o se tasi o ia mataupu, o se sala tupe e se aofaiga e lē sili atu ma le faatoluina le tau aogā o oloa lea e faasino i ai le solitulafono, e faaopoopo atu ai i so o se faasalaga ua faapea ona faamatuu atu i lalo o lenei parakalafa (a) po o le (b).

251. Faiga tau faasese ia lē maua ai tupe maua a le Tiute-(1) O se tagata ua faia se soligatulafono, o ia lea ua ia faia so o se gaoioiga pe leai foi mo le faamoemoega o:

- (a) le aloese, po o le mafai ai e so o se isi tagata ona aloese mai totogiina o tiute po o le tiute atoa o oloa; po o
 - (b) ua mauaina mai, po o le mafai ai e so o se isi tagata ona mauaina tupe, e ala i tupe toe faafoi mai, po o se tupe toe faafoi o le tiute mo oloa lea e le o agavaa iai lea tagata po o le isi tagata i lalo o lenei Tulafono; po o
 - (c) ua auaufaatasi i se faiga faalilolilo ma nisi o ia tagata (pe o lea tagata o lo o i Samoa pe leai foi) e faasese tupe maua a le Tiute; po o
 - (d) le faaseseina i so o se isi faiga, tupe maua mai oloa a le Tiute.
- (2) O se tagata ua faamaonia faaletulafono se soligatulafono i lalo o le faafuaiupu (1) ua noatia:
- (a) mo se tagata e toatasi, i se sala tupe e lē silia le 3000 iunite tau faasalaga po o le nofosala i le falepuipui mo se vaitaimi e lē silia le ono (6) tausaga, po o faasalaga uma e lua; ma
 - (b) mo se faalapotopotoga ua tuufaatasia faaletulafono, i se sala tupe e lē silia le 5000 iunite tau faasalaga; ma
 - (c) i so o tasi o ia mataupu, o se sala tupe i se aofaiga e lē sili atu ma faatoluina le tau aogā o oloa, lea e faasino i ai le soligatulafono, e faaopoopo atu ai i so o se faasalaga ua faaee atu i lalo o le parakalafa (a) po o le (b).

252. Umia po o le puipuigamalu o oloa e le i tiuteina po o oloa faaulufale mai e faasaina-(1) Ua faia e se tagata se soligatulafono, o ia lea ua ia umia e aunoa ma se faamaoniga faaetulafono po o ua ia tausia oloa o lo o ia iloa e le i tiuteina pe o lo o faasaina ona faaulufale mai.

(2) O se tagata ua faamaonia i se soligatulafono i lalo o le faafuaiupu (1) ua noatia:

- (a) mo se tagata e toatasi, i se sala tupe e lē silia le 3000 iunite tau faasalaga po o le nofosala i le falepuipui mo se vaitaimi e lē silia le ono (6) tausaga, po o faasalaga uma e lua; ma
- (b) mo se faalapotopotoga ua tuufaatasia faaetulafono i se sala tupe e lē silia le 5000 iunite tau faasalaga; ma
- (c) i so o se tasi o ia mataupu, i se sala tupe o se aofaiga e lē sili atu i le faatoluina o le tau aogā o oloa lea e faasino i ai le solitulafono, e faaopoopo atu ai i so o se faasalaga ua faaee atu i lalo o le parakalafa (a) po o le (b).

253. Faatau mai, faatau atu, faafesuiai ma isi tulaga faapena, o oloa e le i tiuteina po o oloa faaulufale mai e faasaina-(1) Ua faia e se tagata se soligatulafono, o ia lea ua ia iloa lelei ma aunoa ai ma se faamaoniga faaetulafono ua ia faatauina mai, faatauina atu, faafesuiai, po o i se isi faiga e ese ai, ua ia mauaina po o ua lafoaia o, oloa lea o lo o iloa e le tagata o oloa e le i tiuteina po o oloa o lo o faasaina ona faaulufale mai.

(2) O se tagata ua molia i se soligatulafono i lalo o le faafuaiupu (1) e noatia:

- (a) mo se tagata e toatasi, i se sala tupe e lē silia le 3000 iunite tau faasalaga, po o le nofosala i le falepuipui mo se vaitaimi e lē silia le ono (6) tausaga, po o faasalaga uma e lua; ma
- (b) mo se faalapotopotoga ua tuufaatasia faaetulafono, i se sala tupe e lē silia le 5000 iunite tau faasalaga; ma
- (c) i so o se vaega o le mataupu, i se sala tupe o se afoaiga e lē sili atu ma le faatoluina o le tau aogā o oloa lea e faasino i ai le soligatulafono, e faaopoopo atu ai i so o se faasalaga ua faaee atu i lalo o le parakalafa (a) po o le (b).

254. Umia po o le vaavaaiga o oloa ua natia-(1) Ua faia e se tagata se soligatulafono o ia lea ua ia nanaina ma le iloa lelei so o se oloa ma lona iloa o ia oloa e tataua ona tiuteina po o oloa o lo o faasaina.

(2) O se tagata ua faamaonia lana soligatulafono i lalo o le faafuaiupu (1) ua noatia:

- (a) mo se tagata e toatasi, i se sala tupe e lē silia le 3,000 iunite tau faasalaga po o le nofosala i le falepuipui mo se vaiataimi e lē silia le ono (6) tausaga, po o faasalaga uma e lua; ma
- (b) mo se faalapotopotoga ua tuufaatasia faaetulafono, i se sala tupe e lē silia le 5,000 iunite tau faasalaga; ma
- (c) i so o se tasi o ia mataupu uma, o se sala tupe i se aofaiga e lē sili atu i le faatoluina o le tau aogā o oloa lea e faasino i ai le soligatulafono, e faaopoopo atu ai i so o se faasalaga ua faaee atu i lalo o parakalafa (a) po o le (b).

255. Soligatulafono e faasino i oloa ua faoa faamalosi-(1) O se tagata ua faia se soligatulafono, o ia lea:

- (a) o lo o tausaga oloa i lalo o le faaiupu 268, ua ia lē usitaia ai se manaoga o lo o i lalo o le faaiupu 268(8); po o
- (b) i le aunoa ai ma le faatagaga mai le Pule Sili o le Tiute, ave pe aveeseina mai po o ua ia faaliliuina mo lona faaogāina o oloa mo ia lava, e aofia ai se taavale po o se vaa, lea e faapea sa faoa faamalosi e faapea sa taofia e lē toe faafoia.

(2) O se tagata ua faamaonia lona moliaga i se soligatulafono:

- (a) ua noatia o ia i lalo o le faafuaiupu (1)(a) i se sala tupe e lē silia le 100 iunite tau faasalaga, po o le nofosala i le falepuipui mo se vaiataimi e lē silia le tausaga e tasi (1), po o faasalaga uma e lua; ma
- (b) ua noatia i lalo o le faafuaiupu (1)(b) i se sala tupe e lē sili atu le aofaiga e tutusa ma le faatoluina o le tau aogā o oloa lea e faasino

i ai le soligatulafono po o le nofosala i le falepuipui mo se vaitaimi e lē silia le lua (2) tausaga, po o faasalaga uma e lua.

256. Soligatulafono e faasino i nisi oloa ua taofia-(1)

O se tagata ua faia se soligatulafono, o ia lea:

- (a) o lo o ia tausaga oloa i lalo o le fuaiupu 195(1), ua ia solia ai se manaoga o po o ua faaee atu i lalo o lenei fuaiupu 195(2) po o le (3); po o
- (b) ua aveina, aveeseina, po o ua faaaogāina mo ia lava, e aunoa ma le faatagaga mai le Pule Sili o le Tiute oloa, ia o lo o faaaogāina i ai le fuaiupu 195(2) ma le (3).

(2) O se tagata ua faamaonia lona moliaga i se soligatulafono:

- (a) i lalo o le faafuaiupu (1)(a), e noatia i se sala tupe e lē silia le 50 iunite tau faasalaga po o le nofosala i le falepuipui mo se vaitaimi e lē silia le ono (6) masina, po o faasalaga uma e lua; ma
- (b) i lalo o le faafuaiupu (1)(b), ua noatia i se sala tupe e lē silia ma se aofaiga le e tutusa ma le faatoluina o le tau aogā o oloa lea e faasino i ai le soligatulafono po o i le nofosala i le falepuipui mo se vaitaimi e lē silia le 12 masina, po o faasalaga uma e lua.

257. Soligatulafono e faasino i le Pulega o Talosaga a le Tiute-(1) Ua faia e se tagata se soligatulafono, o ia lea ua faamoemoe e faasese, faia so o se mea sese po o se faamatalaga e taitaiseseina ai po o so o se isi faamatalaga iloga ua lē faaalua i so o se faamatalaga ua tuuina atu i le Pulega o Talosaga a le Tiute mo faamoemoega o lenei Tulafono.

(2) O se tagata ua faamaonia i se soligatulafono i lalo o le faafuaiupu (1), e noatia -

- (i) mo se tagata e toatasi, i se sala tupe e lē silia le 300 iunite tau faasalaga po o le nofosala i le falepuipui mo se vaitaimi e lē silia le tolu (3) tausaga, po o faasalaga uma e lua; ma

(ii) mo se faalapotopotoga ua tuufaatasia faaletulafono, i se sala tupe e lē silia le 500 iunite tau faasalaga.

258. Faailoaina atu o faamatalaga e le i faatagaina-(1)

E lē mafai e se tagata o ia lea o lo o po o sa avea ma tagata faigaluega a le Auaunaga Tau le Tiute a Samoa, ona faailoa po o e faaaogā so o se faamatalaga ua maua mai e ala i po o ua faailoa atu i le tagata e ala i le sootaga a lea tagata ma le Auaunaga Tau le Tiute a Samoa, ae vagana ai e faapea i le faagasologa o tiute faale-ofisa o lea tagata, po o e pei ona faatagaina mai e le Pule Sili o le Tiute po o le Minisita.

(2) O se tagata ua ia lē usitaia le faafuaiupu (1) ua faia e ia se soligatulafono ma ua noatia i luga o se moliaga ua faamaonia faaletulafono i se sala tupe e lē silia le 50 iunite tau faasalaga po o le nofosala i le falepuipui mo se vaitaimi e lē silia le ono (6) masina, po o faasalaga uma e lua.

259. Amioga lē pulea a tagata ofisa o le Tiute-(1)

E lē tatau i se tagata ofisa o le Tiute ona ia talia pe malie po o ua ofo atu e taliaina so o se totogifuapauina, faamanuiaga, tau i tau tupe, po o se tau i, pe tau i atu i tupe pe leai, mai so o se tagata ona o se galuega na faia, pe le i faia foi e le tagata ofisa, a o faatinoina ai galuega tauave, tiute po o malosiaiga o le tofi ae vagana ai mo ni tulaga e pei ona taua ua taulimaina e le tagata ofisa ua faapea ona i ai le faatagaga a le Minisita po o le Pule Sili o le Tiute.

(2) O se tagata ofisa, o ia lea ua ia lē usitaia faafuaiupu (1) ua ia faia se amioga ua lē talafeagai a o faatinoina ona tiute, ma e mafai ona faamaloloina pe tagofiaina i lalo o le Tulafono o Galuega a le Malo 2004.

Vaega 4 - O isi aiaiga e faasino i soligatulafono

260. Noataga o tagata ofisa o faalapotopotoga-(1)

I totonu o leni fuaiupu, “faalapotopotoga ua tuufaatasia faaletulafono” e aofia ai se kamupani, faalapotopotoga o mavaega tausi, faiga paaga po o isi galuega tau atinae.

(2) Afai ua faia se soligatulafono e se faalapotopotoga ua faamauina faaletulafono i lalo o leni Tulafono, so o se faatonu, pule, failautusi, tagata ofisa po o se sui sooupu o le faalapotopotoga, ma se tagata o lo o faafoliga o lo o

faatinoia galuega i le mafai gafatia lea, ua ia auai i, faatonutonu, faatagaina, taliaina, po o ua malie i le faatinoga po o se mea ua lē faia ua faavae ai le soligatulafono, ua ia faia ai le soligatulafono lava lea e tasi.

(3) O se tagata e toatasi ua faamaonia ona moliaga i lalo o lenei Tulafono, e tusa ai ma le faafuaiupu (2), e noatia i luga o moliaga ua faamaonia faaetulafono i le sala tupe ua faatonuina mai e le fuaiupu o lo o mafua ai le soligatulafono i le amanaia ai o so o se tagata o ia lea ua faamaonia ona moliaga faaetulafono po o afai e leai se faasalaga ua faamaotiina mo sea tagata, ia faamaoti atu i le faasalaga ua faamaotiina mo lea soligatulafono.

(4) O se tagata, o ia lea ua faamaonia ona moliaga faasolitulafono i le soligatulafono, e ui ina e le i i ai ni tuuaiga o le faalapotopotoga ua tuufaatasia faaetulafono, po o le faamaoniga faaetulafono o le soligatulafono.

261. Noataga o le tagata ofisa autuma sooupu-(1) O se tautinoga ua faia po o isi gaoioiga ua faea e se tagata sooupu, tusa lava pe o lo o i ai lea tagata sooupu i totonu o Samoa pe leai foi, a o faatinoina ona tiute i lipoti, pepa tusia po o le kiliaina o so o se vaa, po o oloa po o so o se isi lava mataupu i lalo o lenei Tulafono, ua faatatauina foi e faapea, na faia e le ofisa autu a le sui sooupu, ma ua noatia le ofisa autu e tusa ma lea tulaga i faasalaga ua faaee atu e lenei Tulafono.

(2) Mo faamoemoega o lenei fuaiupu, o le tomai po o le faamoemoe o le sui sooupu, ua tuuina atu i le pule e faaopoopo atu ai le tomai patino o le pule lava ia po o lona faamoemoe.

(3) Mo faamoemoega o lenei fuaiupu:

(a) o se tagata faigaluega o le lala sooupu; po o

(b) se tagata o lo o faia se galuega tauave a, po o mo le sooupu; po o

(c) se tagata o lo o faia galuega i lalo o se faatonuga a le sooupu,

ua faatatauina e faapea o le sooupu a le ofisa autu.

(4) Afai o lo o faatinoina e se tagata, po o ua galue e avea ma sui sooupu o so o se isi lava tagata e tusa ai lipoti, pepa tusia, po o le kiliaina o so o se vaa, po o oloa, po o so o se isi lava mataupu i lalo o lenei Tulafono, ua noatia le

tagata mo faasalaga lava ia e tasi e faapei ai o sea tagata, o ia lea ua faaautu i ai le tulaga lea sa faatinoia ai, po o sa faatatauina e faatinoia.

262. Taumafaiga - O se taumafaiga e faia se soligatulafono e faasaga i lenei Tulafono, o se soligatulafono e faasalaina i le faiga lava lea e tasi, ma a faatulai mai ai le mafuaaga lava lea mo le faoa ai o mea, e peiseai ai o lea soligatulafono na taumafai e faia na faatinoia lava.

263. Faatoai atu o tagi-(1) I le noatia ma le fai fuafua i lalo o le faafuaiupu (2), o se tagi ua faia i lalo o le Tulafono o Taulumaga o Solitulafono 1972, mo se soligatulafono ua faia faasaga i lenei Tulafono e mafai ona faia e:

(a) le Pule Sili o le Tiute; po o

(b) so o se isi lava tagata ofisa o le Tiute po o isi tagata faigaluega o le Tiute ua filifilia e le Pule Sili o le Tiute.

(2) O se tagi ua faia i lalo o le Tulafono o Taulumaga o Solitulafono 1972, mo se solitulafono e faasaga i le fuaiupu 257 o lenei Tulafono, e ao ona tuuina atu e le Resitara o le Pulega o Talosaga a le Tiute.

(3) E ui lava i so o se mea o lo o i le Tulafono o Taulumaga o Solitulafono 1972, so o se tagi ua faia mo se soligatulafono faasaga i lenei Tulafono, e mafai ona faataatia i totonu o le fitu (7) tausaga, i le maea ai o le aso, lea na faia ai le soligatulafono.

(4) O lenei fuaiupu e le o faatapulaaina ai:

(a) malosiaga o le Loia Sili e tuuina atu so o se faatonuga lautele po o faatonuga faapitoa i lalo o le Mataupu 41 o le Faavae, i se leoleo po o so o se isi lava tagata ofisa o se Matagaluega po o se ofisa sooupu a le Malo, e faataatia se tagi mo se soligatulafono ua faia i lalo o lenei Tulafono;

(b) o le fuaiupu 11 o le Tulafono o Taulumaga o Solitulafono 1972, (o le aia tatau a le tagata e faia ai se tagi).

264. E mafai e le Faamasinoga ona poloaiina le totogiina o tupe e tusa ai ma tiute-(1) Afai:

- (a) ua faamaonia moliaga o se tagata i se soligatulafono ua faia faasaga i le fuaiupu 210, 211, 222, po o le 223; ma
- (b) ua i ai le manatu o le Faamasinoga e faapea, o le solitulafono sa faia mo le faamoemoe ina ia mafai ai ona faalēaogāina po o e natia ai so o se faamatalaga molimau, lea o le a lagolagoina ai se talosaga mo le tiute i lalo o lenei Tulafono,

e mafai e le Faamasinoga, e faaopoopo atu i ai i so o se isi lava faasalaga, ona poloaia lē o lo o tetee ina ia totogi atu i le Malo isi aofaiga o tupe e tusa ai o lea talosaga, e pei ona manatu o ia ua talafeagai ai.

(2) E mafai ona faamamaluina se poloaiga mo le totogiina o tupe i lalo o lenei fuaiupu, i le faiga lava lea e tasi, e avea o se sala tupe.

(3) O le toe maua mai so so o se aofaiga i lalo o lenei fuaiupu e tusa ai o se talosaga, o le a lē faaitiitia ai le talosaga mo tiute, ae peitai e ao ona amanaia i le fuafuaina o so o se aofaiga o le a tuuina atu i so o se tualumaga mulimuli ane, lea e mafai ona faia i le talosaga mo le tiute.

265. Malosiaga o le Pule Sili o le Tiute e tuufaatasia ai soligatulafono-(1) O lenei fuaiupu e faaaogā i se soligatulafono ua faia i lalo o lenei Tulafono, po o se tulafono faatonutonu ua faatonuina ai se soligatulafono, faatasi ai ma se aofaiga o se faasalaga ua faatulagaina e pei ona faia i lalo o le faafuaiupu (2).

(2) I so o se taimi lava, a o le i faatoai atu se tagi e faasaga i se tagata mo se soligatulafono, lea e faasino i ai lenei fuaiupu, e mafai e le Pule Sili o le Tiute ona fetuunai le soligatulafono e ala i le taliaina mai le tagata:

- (a) o se tautinoga tusitusia e faapea o lea tagata sa ia faia le soligatulafono; ma
- (b) o se talosaga ina ia tagofiaina le soligatulafono i lalo o lenei fuaiupu e le Pule Sili o le Tiute; ma
- (c) totogiina se aofaiga, e lē sili atu i lo le tapulaa ua faamotiina i le faafuaiupu (4), lea ua manatu le Pule Sili o le Tiute e tonu atoatoa i tulaga aliaie mai o lea mataupu, i le taliaina atoatoa

o isi faasalaga ia o le a noatia ai le tagata i se isi faiga e ese ai i lalo o lenei Tulafono.

(3) O le aofaiga faatulagaina ua faatonuina mo faamoemoega o le faafuaiupu (2)(c) e lē tatau ona sili atu ma le tasi-vae-lima o le tapulaa maualuga o le sala tupe, ua faamaoti mai mo le soligatulafono.

(4) Afai e talia e le Pule Sili o le Tiute se tupe totogi o se aofaiga faatulagaina i lalo o le faafuaiupu (2)(c) e lē noatia lē ua faia le soligatulafono i moliaga mo le soligatulafono lea na totogi ai le aofaiga o tupe totogi faatulagaina.

(5) Afai e teena e le Pule Sili o le Tiute le faaaogāina o le malosiaga i lalo o le faafuaiupu (2), e lē taliaina e avea ma molimu se tautinoga tuitusia e faia e se tagata solitulafono, i so o se moliaga mo lea soligatulafono.

VAEGA 15

OLOA UA TAOFIA MA OLOA UA FAOA FAAMALOSI

Vaevaega 1 - Oloa ua taofia e lē toe faafoia

266. Faaaogāina - O lenei Vaega e faaaogā i tulaga uma na faoa faamalosi ai oloa na tulai mai i lalo o lenei Tulafono.

267. Oloa ua taofia e lē toe faafoia-(1) O oloa nei o le a taofia ma faamatuu atu i le Malo:

(a) oloa ua faapea ona faatinoina ai soligatulafono i lalo o le -

(i) fuaiupu 214 (lea e faatatau i faamaufaailoga po o faailoga tau faasese);

(ii) fuaiupu 241 (lea e faatatau i soligatulafono e faasino i pepa tusia);

(iii) fuaiupu 242 (lea e faatatau i soligatulafono e faasino i tautinoga ma pepa aloaia);

(iv) fuaiupu 246 (lea e faatatau i le umiaina o pepa aloaia e le i maea);

(v) fuaiupu 249 (lea e faatatau i soligatulafono e faasino i le faaulufaleina mai ma le aveeseina atu o oloa ua faasaina);

- (vi) fuaiupu 250 (lea e faatatau i soligatulafono e faasino i le aveeseina atu o oloa);
 - (vii) fuaiupu 251 (lea e faatatau i le faaseseina o tupe maua a le Tiute);
 - (viii) fuaiupu 252 (lea e faatatau i le umiaina po o le tausia o oloa e le i tiuteina po o oloa ua faaulufaleina mai o lo o faapea ona faasaina);
 - (ix) fuaiupu 253 (lea e faatatau i le faatauina mai, faatauina atu, fesuiaiga o oloa e le i tiuteina po o oloa o lo o faasaina le faaulufaleina mai);
 - (x) fuaiupu 254 (lea e faatatau i le umia po o le vaavaaiga o oloa ua natia);
- (b) o oloa ua faapea ona tagofia ua lē tausisia ai le fuaiupu 66, 68, 71, po o le 72;
 - (c) oloa e tiuteina po o e faasaina ua maua o lo o umia e so o se tagata o ia lea, ina ua fesiligia i lalo o le fuaiupu 159 po o le 161, ua ia teena po o ua lē mafai ona faailoa atu le umia ai o ia oloa;
 - (d) o oloa e le i tiuteina po o oloa faasaina ua maua a o faagasolo le suesuega i lalo o le fuaiupu 158 po o ua faoa i lalo o le fuaiupu 172(1) po o le (2)(b);
 - (e) o oloa matautia ua faoa i lalo o le fuaiupu 172;
 - (f) o oloa, ia na faia ai pe sa tuuina atu i ai faamatalaga, tautinoga, tusi faamaonia, po o se talosaga tau faasese e uiga i le atunuu, lea o lo o tuuina mai ai pe o lo o gaosia ai, sa faia pe sa tuuina atu i le tagata ofisa o le Tiute;
 - (g) o oloa e le i tiuteina pe o lo o faasaina ua maua i luga o, po o i totonu o so o se vaa, pusa o uta tetele, po o paleta po o se meafaigaluega e latalata i ai o lo o faapea ona i se tulaga ua faatulafonoina;
 - (h) o oloa e le i tiuteina po o oloa o lo o faasaina i luga, pe o lo o i totonu o se vaa, pusa mo uta tetele, po o se paleta, po o se meafaigaluega e latalata i ai, i le maea ai ona taunuu mai i so o se nofoaga o le Tiute, mai se nofoaga i fafo

atu o Samoa, e le o oloa ua faamaotiina pe o lo o faasinoina i ai, i le lipoti o oloa o lo o faapea ona agai mai i totonu, po o ato a le auvaa, po o pasese ma e le o malamalama i ai le tagata ofisa o le Tiute;

- (i) o oloa e le i tiuteina po o oloa o lo o faasaina ua maua o lo o natia i po o i luga o so o se vaa, taavale, pusa mo uta tetele, paleta po o se meafaigaluega e latalata i ai, po o so o se isi lava tulaga;
- (j) o oloa i totonu o se afifi, e le o amanaia i se tulaga atoatoa i totonu o le pepa tusia po o tautinoga e faasino i lea afifi;
- (k) o oloa e le i tiuteina po o oloa o lo o faasaina ua faapea ona teuina ma le faamoemoe e faasese ai tagata ofisa o le Tiute;
- (l) o oloa e le i tiuteina o lo o maua i totonu o so o se nofoaga;
- (m) o oloa ua faaulufaleina mai o lo o faapea ona maua i se isi atunuu, tusa lava pe na auala mai i le tagata na ia faaulufaleina mai, po o se isi lava tagata, e ala i se gaoioiga e faapea, a na faia i Samoa e lē ua faaulufaleina mai po o nisi lava tagata, e ala i se gaoioiga a na faapea e faia i totonu o Samoa, e ono oo atu ai i le faia o se soligatulafono e aofia ai le lē faamaoni i lalo o le Tulafono o Solitulafono 2013;
- (n) o oloa o lo o aveeseina atu, po o ia na faia ai se taumafaiga ina ia aveeseina atu, lea sa mauaina i totonu o Samoa, tusa lava po o lē na faaulufaleina mai po o nisi lava tagata, e ala i se gaoioiga e oo atu ai i se soligatulafono e aofia ai le lē faamaoni i lalo o le Tulafono o Solitulafono 2013;
- (o) o oloa na faaulufaleina mai faasolitulafono, po o lea sa faia i ai se taumafaiga ina ia faapea ona aveeseina atu;
- (p) o oloa ua faapea ona faaulufaleina mai faasolitulafono i totonu o Samoa.

(2) E ui lava i le fuaiupu 81, mo faamoemoe o le faafuaiupu (1)(o), oloa, o le latou aveeseina atu, o lo o faasaina i lalo o lenei Tulafono, ua faatatauina e faapea na

aveeseina atu lava i le taimi na tuuina atu ai i totonu, po o i luga o se vaa mo le aveeseina atu.

(3) O le faoa o oloa e lautele atu lona malosi i le faoa o se pusa, ufiufi, po o isi pa puipua, e le o se pusa mo uta tetele, pusa, paleta po o se isi meafaigaluega e latalata i ai, lea e i ai i, po o luga o oloa i le taimi na faoa ai, faaulufale mai ma aveeseina atu.

(4) E ui lava i le faafuaiupu (3) o le faoa o oloa e lautele atu lona malosi i le faoa faamatuina atu o oloa, i le faamatuina atu o pusa, ufiufi, o pusa mo uta tetele, pusa, paleta po o isi meafaigaluega e latalata i ai, lea e i ai i, po o luga o oloa i le taimi na faoa ai, faaulufaleina mai ma le aveeseina atu o oloa.

(5) O se vaa, taavale, po o so o se isi lava auala o felauaiga, e aofia ai so o se masini, po o meafaigaluega i luga o po o i totonu o se vaa po o taavale po o mea, po o so o se manu, o lo o faaogā, pe sa faaogāina mo le felauaiga, tagofiaina, tuuina i totonu, pe o lo o nanaina ai oloa ua faasino i ai le faafuaiupu (1), pe sa i ai, i po o i le maea ai o le taimi o le soligatulafono o lo o faapea ona tuuaia ai, e faasino i oloa ia, ua faapea foi ona faamatuu atu i le Malo.

(6) E aunoa ai ma le faatapulaaina o le faafuaiupu (5), e faamatuu atu foi se vaa i le Malo pe afai:

(a) o lea vaa o se tasi o mea ua faapea ona faia ai se soligatulafono i lalo o le fuaiupu 227(1)(a) po o le (d); ma

(b) o lea soligatulafono sa faia ina ia faafaigofie ai ona lē tausisia se tasi o manaoga i so o se vaega o le fuaiupu 28 e o o i le 30, e se tagata po o tagata, o i latou ia na taunuu mai i Samoa lea sa aumaia (i lea vaa, po o i so o se isi vaa), mai se nofoaga i fafo atu o Samoa.

268. Taulumaga mo le faoa faamalosi-(1) E mafai e se tagata ofisa o le Tiute po o leoleo, ona faoa ma faalēaogāina so o se oloa ua faalēaogāina po o so o se oloa ua faapea ona manatu le tagata ofisa i luga o mafuaaga talafeagai ua masalomia.

(2) E mafai ona faoa mai oloa e aveina e lē toe faafoi atu po o fea lava o Samoa e maua mai ai.

(3) O oloa ua faoa, e ese mai i oloa ua faasaina, e mafai ona aveina e lē toe faafoi atu i so o se taimi i totonu o le lua (2) tausaga i le maea ai o le taimi lea e tata ai ona faoa.

(4) O oloa ua faoa ona o oloa e faasaina, e mafai ona faoa i so o se taimi i le maea ai ona tulai mai le taimi na faoa faamalosi ai.

(5) E mafai e se tagata ofisa o le Tiute, po o se alii leoleo ona faaaogāina le malosiaga, e pei ona matua talafeagai ai, e faataunuu ai le faoina mai faapea ma le tulaga saogalemu o oloa.

(6) Ae vagana ai e pei ona aiaia i le faafuaiupu (7) ma le (8), e tatau i se tagata ofisa o le Tiute ona faatonuina e faapea e ao ona tuuina atu oloa uma ua faoa mai, i se nofoaga saogalemu e taofia ai.

(7) Afai o oloa o lo o aofia ai se vaa, taavale po o manu, ua faapea ona faoa mai i lalo o lenei fuaiupu, e mafai e le tagata ofisa o le Tiute ona tuuina atu ia oloa ina ia vaavaaia e se tasi o:

(a) le tagata, lea na faoa mai ai oloa; po o

(b) so o se isi lava tagata, ua faatagaina e le tagata ofisa o le Tiute, lea ua tuuina mai lana maliega mai e faapea o le a ia vaavaaia oloa ia.

(8) E tatau i se tagata, o ia lea o lo o ia vaavaaia oloa i lalo o le faafuaiupu (7) ona:

(a) umia oloa i se tulaga saogalemu, e aunoa ma se tau e totogiina atu i le Malo, ma so o se isi lava tuutuuga talafeagai e mafai ona faaee atu e le tagata ofisa o le Tiute, seia vagana ai ua faia se faaiuga mulimuli, pe o le a tumau pea ona faoa oloa pe leai foi; ma

(b) faaavanoa atu oloa i le tagata ofisa o le Tiute i luga o talosaga; ma

(c) aua nei suia, pe lafoaia, aveesea oloa mai Samoa seia vagana ai ua faatagaina e le tagata ofisa o le Tiute ina ia faia faapea; ma

(d) toe faafoi oloa ua tapaina i lalo o le vaavaaiga a le Tiute.

269. Faasilasilaga o le faoa faamalosi-(1) Afai ua faoa mai so o se oloa i lalo o le fuaiupu 268, e tatau i le Tiute i se vave e mafai ai ona faatino, ona tuuina atu se faasilasilaga tusitusia o le faoa faamalosi ma mafuaaga mo le faoa ai, i totonu o le pepa faatumu faatagaina i:

(a) se tagata ua iloa po o ua talitonuina e i ai sana aia i oloa; po o

(b) le sooupu a lea tagata o lo o i Samoa, pe afai o sea tagata o lo o i atunuu i fafo.

(2) E ao i le faasilasilaga e faoa ai oloa ona aofia ai se faamatalaga o le aia tatau e talosaga ai i le Pule Sili o le Tiute e toe iloiloaina ai lana faaiuga i lalo o le fuaiupu 274.

(3) E le i ai i se tulaga e faalēaogāina ai pe faasolitulafono ai le faoaina o oloa ona o se mafuaaga o le lē mafai lea ona tuuina atu le faasilasilaga i le faoa o oloa, pe afai o lo o faia laasaga talafeagai e tuuina atu le faasilasilaga.

270. Ia toe tuu i tua le aso na taofia ai se mea e lē toe faafoia - Afai i lalo o le fuaiupu 268, ua faoa ma lē toe faafoi atu oloa, o le faamatuuina atu o oloa e amata mai i le aso na amatalia ai lea faatinoga po o le taualumaga, lea na mafua ai ona faia.

271. Faaooina atu oloa ua faoa faamalosi ina ua totogi mai se tupe e tutusa ma le tau aogā-(1) Afai ua faoa faamalosi ina ia faamatuuina atu o so o se oloa, e mafai e le Pule Sili o le Tiute i so o se taimi, a o le i faalēaogāina, ona faaoo atu oloa nei i lē e ona po o le tagata o ia lea na faoa mai ai, ina ua totogi atu i le Tiute se aofaiga tutusa o tinoitupe:

(a) mo oloa faaulufale mai, i le tau aogā a le Tiute o oloa; po o

(b) mo oloa o gaosia i totonu o se nofoaga e pulea e le Tiute, i le tau aogā a le Tiute o oloa ua fuafuaina i lalo o le Tulafono o le Faasologa o Lafoga o Oloa e Gaosia i le Atunuu 1984,

faatasi ai ma so o se tiute lea e mafai ona noatia ai oloa e pei ona fuafuaina e le Pule Sili o le Tiute.

(2) O le tupe ua totogiina ua faatatauina e faapea ua suia mo oloa ua faoa, ma o aiaiga uma o lenei Vaega (i le a lava le tulaga e faaaogāina ai) ona faalautele atu ma faaaogā i le tupe e tusa ai ma lea tulaga.

272. Faatauina atu o nisi oloa ua faoa faamalosi-(1) Afai:

(a) o se meaola o ola pea; po o

- (b) se mea e faapea, i le manatu o le Pule Sili o le Tiute, e i ai sona uiga e mafai ona lafoaia; po o
- (c) o se mea e faapea, i le manatu o le Pule Sili o le Tiute, e ono oo atu ina faalēaogāina pe faaitiitia le tau aogā e ala i le tausia pea; po o
- (d) o se mea e faapea, i le manatu o le Pule Sili o le Tiute, ua alagatatau ona faatauina atu,

sa faapea ona faoa faamalosi e avea o mea ua taofia e lē toe faafoia, e mafai e le Pule Sili o le Tiute ona faatau atu le mea ua faoa faamalosi, a o le i oo ina faatamaia.

(2) O tupe maua mama mai mea na faatauina atu, ua faatatauina e faapea e suia ai le mea na faatau atu; ma o aiaiga uma o lenei Vaega (i le a lava le tulaga e talafeagai ai) ona faalautele atu ma faaogā i tupe maua i lea tulaga.

273. Auala e faatino ai le faatauina atu o oloa-(1) Afai ua tuuina atu malosiaga i le Pule o Tiute e lenei Tulafono e faatau atu ai so o se oloa, e faaogāina aiaiga nei, seia vagana ai ua faia i le a lava le tulaga o i ai aiaiga eseese e lenei Tulafono i so o se mataupu faapitoa:

- (a) e tatau ona faatau atu oloa e ala i se faatau tui po o se tauofoga, i le maea ai o se faasilasilaga faalauaitetele ua faamaonia, po o afai e le i faia o se faasilasilaga ua faamaonia, i le maea ai o le faasilasilaga faalauaitetele talafeagai;
- (b) e ao ona totogiina i tinoitupe le tau i le taliaina ai o faatau tui po o tauofoga;
- (c) e lē talafeagai ona taliaina o se faiga faataufofo, po o le faatau tui, ma e ono mafai ona toe taufofo oloa seia faatauina atu i se tau e malie i ai le Pule Sili o le Tiute;
- (d) e mafai e le Pule Sili o le Tiute po o so o se isi tagata ofisa o le Tiute (ua faatagaina e le Pule Sili o le Tiute) ona galue e faapei o se tagata o faia le tauofoga i le faatauina atu o oloa e aunoa ma le laiseneina i lea tulaga o avea ai ma sui;
- (e) o tupe maua o oloa faatauina atu, e ao ona totogiina i le faatulagaga lenei o itu ua faamuamua -
 - (i) o tupe alu i le faatauina atu;

(ii) o le tiute, e peiseai o oloa sa tusia mo le faaaogāina i le atunuu;

(iii) o tau faaee atu mo le fale teu oloa i nofoaga e pulea e le tiute ma so o se isi tau faaee atu;

(iv) so o se tupe ua tatau ona totogi mo le auina mai o oloa pe afai o se faasilasilaga tusitusia e talosagaina ai sea tupe totogi mo le auina mai o oloa, sa faapea ona tuuina atu i le pule o le Tiute; ma

(v) so o se paleni, i le tagata o agavaa i ai po o i le Malo pe afai o oloa na faatauina atu sa taofia i le Malo e lē toe faafoia.

*Vaevaega 2 - Talosaga e
faasaga i le faoa faamalosi*

274. Talosaga ina ia toe iloilo oloa ua faoa faamalosi-

(1) E mafai e se tagata, o ia lea e i ai se aia i oloa sa faoa faamalosi i lalo o le fuaiupu 268, i totonu o le taimi faamaotiina i le faafuaiupu (2), ona talosaga i le Pule Sili o le Tiute, ia toe iloilo le faoa faamalosi i luga o se tasi po o mafuaaga uma e lua o taua e faapea:

(a) o le faoa faamalosi o oloa sa faatinoina e aunoa ma le manaoga i lalo o lenei Tulafono;

(b) e faapea, e tatau i le tagata talosaga, i tulaga aliae uma, ona faamatuu atu i ai le faamama avega.

(2) O le taimi e:

(a) 20 aso faigaluega i le tuanai ai o le aso lea na tuuina atu ai le faasilasilaga o le faoa faamalosi i le tagata talosaga; po o

(b) so o se isi taimi ua faatagaina e le Pule Sili o le Tiute pe afai ua faamalieina e faapea, e le i mauaina e le tagata talosaga le faasilasilaga o le faoa faamalosi po o e faapea o lo o manaomia o se isi taimi faaopoopo i le faia ai o le amiotonu.

(3) E tatau i le talosaga ona:

(a) faia i se faiga tusitusia; ma

(b) faailoa mai le mafuaaga po o mafuaaga na faia ai le talosaga; ma

- (c) tuuina atu se tuatusi lea ua manao le tagata talosaga e maua ai o fetusiaiga, e faasino i le talosaga.

275. Toe iloiloga-(1) Afai ua mauaina se talosaga i lalo o le fuaiupu 274, e tatau i le Pule Sili o le Tiute ona toe iloilo i luga o pepa seia vagana ai ua faatonuina e le Pule Sili o le Tiute isi auala e toe iloiloina ai se tulaga o le faoa faamalosi.

(2) I le toe iloiloga, o le Pule Sili o le Tiute e:

- (a) tatau ona iloiloina le talosaga, ma so o se talosaga tusitusia ua faia e le tagata talosaga; ma
- (b) e mafai ona iloiloina so o se faamatalaga tusitusia, pepa aloaia, faamatalaga, po o se mataupu e faapea i le manatu o le Pule Sili o le Tiute e mafai ona fesoasoani i le Pule Sili o le Tiute, e tagofia ai se tulaga lelei i le mataupu o le talosaga i lalo o le fuaiupu 274, e tusa lava pe o le a taliaina pe leai foi, i totonu o se faamasinoga tau tulafono.

(3) E mafai e le Pule Sili o le Tiute ona fesiligia le tagata talosaga mo faamatalaga faaopoopo ma ia amanaia o na faamatalaga faaopoopo.

(4) E tatau i le tagata talosaga ona faamautuina, i luga o tulaga paleni o mea e ono tulai mai, lea e i ai se aia a le tagata talosaga i oloa ua faoa faamalosi ma le toe mauaina o lena aia, i le agaga lelei.

276. Faaiuga ua toe iloilo-(1) E mafai e le Pule Sili o le Tiute ona:

- (a) faalēaogāina le talosaga e toe iloiloina ai; po o
- (b) pe afai ua faamalieina e faapea, o le faoa faamalosi o oloa uma po o so o se oloa sa faatinoina e aunoa ma le manaoga i lalo o lenei Tulafono, ua lē faatagaina ai le faoa faamalosi (i lona atoaga po o i sona vaega) ma faatonuina ia tuuina atu oloa (i lona atoaga po o i sona vaega) i -
 - (i) le tagata lea na faoa faamalosi mai ai oloa; po o

(ii) pe afai e le i faoa faamalosi oloa mai se tagata faapitoa, o le tagata o ia lea i le manatu o le Pule Sili o le Tiute, e agavaa ina ia umia oloa; po o

(c) faamatuu atu se faamama avega e ala i le faia o so o se faaiuga ua faamatalaina i le fuaiupu 278 (e tusa lava pe e leai ni tuutuuga po o e noatia i so o se tuutuuga ua faamatalaina i lea fuaiupu), pe afai ua faamalieina e faapea e talafeagai lelei ona faapea ona fai i se tulaga tutusa i le amanaia ai o mataupu faamaotiina i le fuaiupu 277.

(2) E tatau i le Pule Sili o le Tiute ona faia le faaiuga o le talosaga i totonu mai o le 20 aso fagaluega i le maea ai o le aso lea na taliaina ai e le Pule Sili o le Tiute le talosaga.

(3) Afai, i le manatu o le Pule Sili o le Tiute, e le o faatagaina le faia o se faaiuga i tulaga aliae mai o le mataupu i totonu o le vaitaimi ua faamaotiina i le faafuaiupu (2) e mafai e le Pule Sili o le Tiute ona faapoopo lea vaitaimi i se isi vaitaimi e talafeagai i tulaga ua aliae mai.

(4) I se taimi vave e mafai ona faatino ai, i le maea ai ona faia o le faaiuga o le talosaga e tatau i le Pule Sili o le Tiute ona tuuina atu se faasilasilaga tusitusia o le faaiuga i:

(a) le tagata talosaga; ma

(b) so o se isi lava tagata lea na tuuina atu i ai le faasilasilaga o le faoa faamalosi i lalo o le fuaiupu 269; ma

(c) so o se tagata e ese ai i lo se tagata ua faasinomia i le palakalafa (b) o ia lea o lo o tapa se aia i oloa.

(5) Afai ua faalēaogāina se talosaga mo le iloiloga, e tatau ona aafia i totonu o le faasilasilaga tusitusia mafuaaga ua faalēaogāina ai.

(6) E tatau ona faailoa mai i le faasilasilaga tusitusia, itu e faapea e i ai le aia tatau a le tagata, ua faapea ona lē fiafia i se faaiuga na faia e le Pule Sili o le Tiute, e talosaga tetee ai i le Pulega mo Talosaga a le Tiute e faasaga i le faaiuga.

277. Matapu e uiga i le tuuina atu o se faamama avega - Pe a fuafuaina pe faamatuu atu le faamama avega pe leai, e mafai e le Pule Sili o le Tiute ona amanaia e aunoa ma ni tapulaa o so o se tasi pe sili atu o mataupu nei:

- (a) o le ogaoga ma le uiga o so o se gaoioiga po o se mea ua lē faia, ua mafua ai le faoa faamalosi;
- (b) tusa lava pe o se tagata o ia lea ua tuuaia pe leai foi i le faia o se gaoioiga po o so o se gaoioiga ua lē faia e faatulai mai ai le faoa faamalosi sa aafia ai talu ai i so o se amioga faapena;
- (c) tusa lava pe sa faatulai mai le faoa faamalosi mai, po o e faasino i, se soliga e faia ma le mautinoa o le tulafono;
- (d) le natura, o tulaga aupito sili ona manaomia, aofaiga, ma le tau aogā fuafuaina o oloa ua faoa faamalosi;
- (e) le natura ma le tulaga o so o se mea ua leiloa po o mea ua faaleagaina ua mafatia ai so o se tagata e afua mai i le faoa faamalosi;
- (f) tusa lava pe o le faamatuu atu o le faamama avega pe leai foi, o le a lē faatauaina ai le faamoemoe po o le sini o le faasaina o so o se oloa faaulufale mai po o oloa faaulufale atu po o tapulaa ua faaee atu e lenei Tulafono po o so o se isi lava tulafono;
- (g) o aafiaga o so o se isi lava gaoioiga, lea sa faapea ona faia, po o ua faamoemoe o le a faia e tusa ai o so o se soliga o le tulafono e faasino i le faoa faamalosi.

278. Faaiuga i mataupu ua tuuina atu ai faamama avega-(1) Afai e faamatuu atu e le Pule Sili o le Tiute le faamama avega i lalo o le fuaiupu 276(1)(c), e mafai e le Pule Sili o le Tiute i le noatia ma le fai fuafua i tuutuuga, ona fuafuaina:

- (a) e faapea ia tuuina atu oloa i le tagata talosaga po o i se isi lava tagata o ia lea e agavaa i le umiaina peitai e lē mo le faoa faamalosi; po o
- (b) e faapea ia faatauina atu oloa ma ia totogi atu i le tagata e toatasi (1) po o le sili atu o i latou nei o so o se vaega o tupe maua ua faamaonia e le Pule Sili o le Tiute -
 - (i) i le tagata talosaga;
 - (ii) so o se isi lava tagata e i ai se aia i oloa;
 - (iii) le Malo.

(2) E aunoa ma le faatapulaaina o le faafuaiupu (1), e mafai e le Pule Sili o le Tiute ona faaee atu so o se tasi o aiaiga nei:

(a) ia totogiina atu i le ofisa o le Titue mo oloa ua faoa faamalosi se aofaiga e tutusa i le atoaga po o so o se vaega o le tasi (1) po o le sili atu o mea nei -

(i) so o se tau po o tupe alu ua faatupulaia e le Tiute mai felauaiga, teuina, po o le lafoaia o oloa (e aofia ai le toe faafoi po o le tuuina atu o oloa i so o se tagata) po o so o se tau e ono tulai mai po o tupe alu e faasino i lo latou taofiga;

(ii) so o se tiute e le i totogiina muamua;

(iii) so o se tiute ua maea ona toe faafoi;

(iv) o le tau aogā o oloa ua taofia e pei ona fuafuaina e le Pule Sili o le Tiute.

(b) e faapea ona toe faia suiga i oloa, i se faiga ua faatonuina e le Pule Sili o le Tiute ina ia lē mafai ona faaaogāina mo faamoemoega faasolitulafono;

(c) o tau po o tupe alu faatupulaia e le Tiute ona o le suiga ua faia i oloa i lalo o se faatonuga o lo o i lalo o le parakalafa (b) ina ia totogi atu i le Tiute.

(3) E lē tatau ona faia e le Pule Sili o le Tiute se faaiuga ua faamatalaina i totonu o lenei fuaiupu pe afai i lona manatu e faapea, o oloa uma, po o so o se oloa, e ono manaomia le tuuina atu e aveā ma molimau i so o se taulumaga faasolitulafono.

279. O le faatamaia o oloa ua faoa faamalosi-(1) Afai ua faalēaogāina e le Pule Sili o le Tiute se talosaga mo le toe iloiloaina, o le faalēaogāina ua aveā e faapea o se poloaiga mo le faatamaia o oloa i le Malo.

(2) O le poloaiga mo le faatamaia o oloa e amata faamamaluina i le tapunia o le aso faigaluega lona 20 i le tuanai o le ona tuuina atu e le Pule Sili o le Tiute lana faaiuga i le talosaga seia vagana o se talosaga tetee e faasaga i le faaiuga i le talosaga ua faia i le Pulega.

(3) Afai e leai se talosaga ua faia mo se iloiloga i totonu o le taimi ua faamaotiina e le fuaiupu 275(2), po o, pe afai ua lē toe faaauauina le talosaga, o oloa ua faoa faamalosi o le a faatamaia i le Malo.

Vaevaega 3 - Talosaga tetee mai iloiloga

280. Talosaga tetee i le Pulega o Talosaga a le Tiute-(1) O se tagata o ia lea ua le faamalieina i se faaiuga a le Pule Sili o le Tiute ua faia i lalo o le fuaiupu 276 (e aofia ai se faaiuga po o se tuutuuga ua faamatalaina i le fuaiupu 278) e mafai ona talosaga tetee i le Pulega o Talosaga a le Tiute e faasaga i le faaiuga po o so o se vaega o le faaiuga.

(2) E tatau ona aumaia o le talosaga tetee i totonu o le 20 aso faigaluega i le tuanai ai o le aso lea na tuuina atu ai le faasilasilaga o le faaiuga i lalo o le fuaiupu 276.

281. Faatamaia o oloa ua noatia i talosaga tetee-(1) O oloa o lo o noatia i se talosaga tetee i lalo o le fuaiupu 281, e faatamaia i le Malo pe afai:

- (a) ua lē faaauauina le talosaga tetee; po o
- (b) o le faaiuga a le Pulega o Talosaga a le Tiute i le talosaga tetee a lē -
 - (i) faatagaina ai le faoa faamalosi o oloa i lalo o le fuaiupu 276(1) (e pei ona faaaogāina i le fuaiupu 302(1)(b)); po o
 - (ii) le faamatuu atu o se faamama avega i lalo o le fuaiupu 276(1)(c) (e pei ona faaaogāina i le fuaiupu 302(1)(b)).

*Vaevaega 4 - Aiaiga lautele e uiga
i oloa ua taofia e lē toe faafoia*

282. Faatamaia o oloa ua faoa faamalosi i luga o se moliga ua faamaonia-(1) I le noatia ma le fai fuafua i le faafuaiupu (2), pe afai ua aiaia i lenei Tulafono e faapea, o le faia ai o se soligatulafono, o so o se oloa ua taofia e lē toe faafoia, o le moliaga o se tagata mo lea soligatulafono, e i ai lona aafiaga e pei o le faatamaiaina o oloa e aunoa ma se tagi po o se faaiuga, o so o se oloa ia sa faoa faamalosi i lalo o lenei Tulafono ma:

- (a) mo ia oloa na faia ai le soligatulafono; po o

(b) mo ia oloa sa taofia e lē toe faafoia i lalo o le fuaiupu 267(3), (4), po o le (5).

(2) Afai ua faaee atu e le Faamasinoga se faasalaga i luga o se tagata ua faamaonia ona moliga, ona o se soligatulafono lea e faasino i ai i le faafuaiupu (1), e mafai e le Faamasinoga ona:

(a) poloaia le toe faafoi atu o oloa ua faamatuuina atu i le tagata sa faapea ona faoa mai ai oloa, ma, afai ua faia le poloaiga e toe faafoi ai oloa, o le a leai se aafiaga o le moliaga ua faamaonia e faapea o le a avea lea ma mafuaaga o le a faatamaia o na oloa; ma

(b) afai e manaomia, ia faaee atu aiaiga i luga o le poloaiga e toe faafoi ai oloa.

(3) E lē faaaogāina le faafuaiupu (2) pe afai o oloa, ua faatauina atu po o ua toe faafoi atu i le tagata, lea na faoa faamalosi mai ai, a o lumanai ai le moliaga ua faamaonia, po o ua lafoaia i se isi faiga e ese ai e le Pule Sili o le Tiute i lalo o so o se isi aiaiga o lenei Tulafono.

283. Faalēaogāina o oloa ua taofia e lē toe faafoia-(1)

E i ai i le Malo meatotino i oloa ua taofia e lē toe faafoia, po o i se tupe teu ua faia i lalo o le fuaiupu 271, po o i tupe maua o oloa faatau atu i lalo o le fuaiupu 272.

(2) E mafai e le Pule Sili o le Tiute ona faatonuina e faapea ia faatau atu, faaaogāina, faaleagaina, po o le lafoaia, oloa ua taofia e lē toe faafoia i le maea ai ona faatamaia.

284. Faaaogāina o aiaiga o oloa ua taofia e lē toe faafoia - O aiaiga o lenei Tulafono i luga o oloa ua taofia e lē toe faafoia, e faalautele ma faaaogā i se vaalele, taavale, po o se isi mea ua taofia e lē toe faafoia i lalo o lenei Tulafono.

VAEGA 16 FAAMATALAGA MOLIMAU

285. Faamatalaga molimau e faamaonia ai-(1) I so o se taualumaga ua faia i lalo o lenei Tulafono, ua faapea ona faia e, po o e avea ai ma sui o, po o se mea ua faia e faasaga i le Malo, o se tuuaiga ua faia e avea ai ma sui o le Malo i se faamatalaga ua faia o se tagi, o se faamatalaga tetee,

talosaga po o se faamatalaga, ua avea e faapea e moni seia vagana ai ua faamaonia se tulaga e ese ai, pe afai o tuuaiga ua faia e fesootai i:

- (a) le tulaga e iloagofie ai po o le natura o so o se oloa; po o
- (b) o le tau aogā o so o se oloa mo le tiuteina; po o
- (c) o le atunuu ma le taimi e auina ese atu ai so o se oloa; po o
- (d) o le tulaga moni po o le vaitaimi o le faaulufaleina mai o so o se oloa; po o
- (e) o le nofoaga na gaosia ai oloa, gaosiga po o le amataga o so o se oloa; po o
- (f) o le tologiina o so o se tiute ua tuuina i luga o oloa.

(2) O le talitonuga o lo o i le faafuaiupu (1), e le o tuueseina e le itu e faapea o faamatalaga molimau ua tuuina atu e avea ai ma sui o le Malo e lagolagoina ai le tuuaiga.

(3) O lenei fuaiupu e mafai ona faalatele atu ma faaaogāina mo taualumaga lea ua avea faa-mataupu ai le i ai lea o se faamoemoe ina ia faia se tulaga tau faasese i tupe maua a le Malo.

(4) E ui lava i le faafuaiupu (1) e oo i le (3), i so o se taualumaga mo se soligatulafono e faasaga i lenei Tulafono pe afai o le tuuaiga e faapea, sa fuafuaina e lē o lo o tetee le faia o se soligatulafono, e i ai i le moliaga le avega o le faamaoniga e faapea o le faamoemoe e i tua atu o se masalosaloga talafeagai.

286. Pepa aloaia e faia i atunuu i fafo-(1) I so o se taualumaga ua faia i lalo o lenei Tulafono, e mafai e le faamasinoga ona tautino mai i faamatalaga molimau, e avea ma faamaoniga o so o se mea moni o lo o fesiligia se pepa aloaia na faia i se isi atunuu, tusa lava pe ua taliaina faaletulafono lea pepa aloaia pe leai foi e avea ma faamatalaga molimau i isi taualumaga.

(2) E lē faaaogāina le faafuaiupu (1) i se soligatulafono ua faia i lalo o le fuaiupu 217(1), 218(1), 243(5) po o le 249(1)(c).

287. Taliaina i se tulaga lautele o faamatalaga fatu fua-(1) E taliaina o se faamatalaga fatu fua ua faia i so o se taualumaga i lalo o lenei Tulafono pe afai:

(a) o tulaga aliae mai e faasino i le faamatalaga, ua maua ai le tulaga mautinoa talafeagai e faapea e faatuatuaina le faamatalaga; ma

(b) se tasi o vaega o le a taua -

(i) e le o avanoa lē na faia le faamatalaga e avea ma molimau; po o

(ii) ua iloiloaina e le Faamasino, e faapea o tupe faaalu e le i totogiina po o ua i ai se faatuai, o le a avea lea ma faapogai pe afai e manaomia lē na faia le faamatalaga e avea ma molimau.

(2) Ua noatia leni fuaiupu i le Vaega III o le Tulafono o Faamatalaga Molimau 1961.

288. Taliaina o faamatalaga fatu fua o lo o i totonu o faamaauga faapisinisi-(1) O se faamatalaga fatu fua o aofia i totonu o faamaauga faapisinisi e taliaina i se taualumaga i lalo o leni Tulafono pe afai:

(a) o le tagata o ia lea o lo o tuuina mai le faamatalaga ua faaaogāina mo le tuufaatasiga o le faamaauga, ua le o avanoa o ia e avea ma molimau; po o

(b) i le finagalo o le Faamasino, e le o i ai se faamoemoega aogā e ala lea i le manaomia o lea tagata e avea ma molimau ona o le itu e faapea, e le o i ai ni tulaga talafeagai e mafai ai e lea tagata ona toe aoina mai mataupu sa tagofia i le faamatalaga na tuuina atu e le tagata (i le amanaia ai o le vaitaimi ua alu, talu ona tuuina mai e le tagata le faamatalaga ma isi vaega uma o le mataupu); po o

(c) ua manatu le Faamasino, o tupe alu e le tatau ona i ai pe faatuai, o le a faatuai mai, pe afai o lea tagata sa manaomia e avea ma molimau.

(2) O leni fuaiupu, e noatia i le Vaega III o le Tulafono o Faamatalaga Molimau 1961.

289. Faamatalaina o uiga o upu ma le faaaogāina-(1) I totonu o leni Vaega:

“pisinisi”:

(a) o lona uiga o so o se pisinisi, galuega, matata, fale gaosi mea, galuega, po o le valaauina i so o se itu; ma

(b) e aofia ai gaoioiga o so o se Matagaluega a le Malo, po o se ofisa sooupu po o so o se isi ofisa o le Malo, o se nuu po o se puleaga faaitumalo, faalapotopotoga a le Malo, faalapotopotoga ua faamauina faaletulafono, faalapotopotoga, po o sosaiete.

“o faamaumauga tau pisinisi” o lona uiga o se pepa aloaia:

(a) ua faia ina ia -

(i) tusa ai ma se tiute; po o

(ii) i le faagasologa o se pisinisi, ma avea o se faamaumauga, po o vaega o se faamaumauga o lea pisinisi; ma

(b) ua faia mai i faamatalaga ua tuuina atu tuusao po o e lē tuusao e se tagata, o ia lea ua, po o, ua i ai le manatu talafeagai o le faamasinoga e faapea, sa i ai se tomai e patino i le tagata lava ia o mataupu ua maea ona tagofia i totonu o le faamatalaga ua tuuina mai e le tagata.

“tulaga e aliae mai”, e faasino i se faamatalaga ua faia a se tagata, o ia lea e le o se molimau, e aofia ai:

(a) le natura o le faamatalaga; ma

(b) o le anofale o le faamatalaga; ma

(c) o tulaga e fesootai ma le faiga o le faamatalaga; ma

(d) so o se tulaga e fesootai i le faamaoni o le tagata; ma

(e) so o se tulaga e fesootai ma le sao o le tulaga ua mataituina ai le tagata.

“tiute” e aofia ai so o se tiute ua faaee atu e le tulafono, pe ua faatulai mai i lalo o so o se konekarate, ma so o se tiute ua amanaia i le taimi o le faatinoga o le pisinisi.

(2) I lenei Vaega, e mafai ona “lē avanoa se tagata molimau” i se taualumaga, pe afai o lea tagata ua:

(a) maliu; po o

(b) o lo o i se isi atunuu, ma e le o talafeagai mo lea tagata ona avea ma molimau; po o

(c) e le o talafeagai e avea ai o se molimau ona o se tulaga i ona tausaga po o lona tulaga i le tino po o le mafaufau; po o

(d) e lē mafai faatasi ai ma se faaeteetega e tatau ai ona faailoa po o mauaina; po o

(e) e le o mafai ona auai ina ia tuuina atu se faamatalaga molimau.

(3) E lē faaaogāina le faafuaiupu (2) i se tagata o lo o faapea ona sailia lana faamatalaga e ofo atu e avea ma faamatalaga molimau e se vaega auai, o i latou ia ua mafua ai ona lē avanoa lea tagata ina ia taofia mai ai le tagata mai le auai ai po o le tuuina atu o faamatalaga molimau.

(4) O lenei Vaega, e lē faaititia ai le faaaogāina o le Tulafono mo Faamatalaga Molimau 1961.

290. Taliaina o faamatalaga molimau o manatu o tagata tomai faapitoa-(1) O se finagalo o se tagata tomai faapitoa lea e avea o se vaega o molimau mai tagata tomai faapitoa ua ofoina atu i se tualumaga ua faia i lalo o lenei Tulafono, e taliaina pe afai o lē o lo o nafa ma le sueina mai o mea moni e ono mafai ona maua fesoasoani mulimuli ane mai finagalo faaalua i le taumafaiga ina ia malamalama i isi faamatalaga molimau i tualumaga, po o i le faamautinoaina o so o se mea moni e avea ma faaiuga i le iloiloaina o le tualumaga.

(2) O se finagalo faaalua o se tagata agavaa faapitoa e le o teena lea ona o lo o faa-autu i le:

(a) mataupu taua tele o le a fuafuaina i tualumaga se faaiuga; po o

(b) se mataupu ua iloa lautele.

(3) I le noatia ma le fai fuafua i le faafuaiupu (4), afai o se finagalo faaalua o se tagata tomai faapitoa ua faavae mai se mea moni i fafo atu o tulaga e oo i ai le silafia lea o lo o fausia ai le tomai o le tagata faapitoa, e mafai ona faatuatuaina le finagalo faaalua e lē o lo o nafa ma le sueina o le mea moni, i le na o lea le itu, pe afai e po o o le a faamaonia le mea moni pe o le a amanaia e le itu tau faamasinoga i tualumaga.

(4) Afai o molimau mai tagata tomai faapitoa e uiga i le mafaufau lelei o se tagata ua faavaeina i se tulaga atoatoa po o i se vaega i se faamatalaga ua faia e lea tagata i le tagata tomai faapitoa e uiga i le tulaga o lo o i ai le mafaufau o sea tagata:

(a) ua taliaina le faamatalaga a le tagata ina ia faavae ai le mea moni lea e faavae ai le finagalo faaalua o le tagata tagata faapitoa; ma

(b) e lē faaaogāina le tulafono faafoe mo faamatalaga fatu fua mo finagalo faaalia po o le tulafono faafoe o se faamatalaga talu ai o lo o faamautuina pea, i faamatalaga molimau o le faamatalaga sa faapea ona faia e le tagata.

291. Faamaoniga o pepa faatumu ua faia i lalo o le fuaiupu 338-(1) O le tuuina atu o se pepa faatumu faamaonia ua faia i lalo o le fuaiupu 338(1) i so o se faamasinoga ma i tualumaga uma, o se faamatalaga atoatoa, seia vagana ai ua faamaonia i se isi faiga e ese ai, o mataupu o lo o i ai ma le faailoaina atu o le pepa faatumu.

(2) O le tuuina atu o se ata o le faasilasilaga faalauaitetelea na faasilasilaina ai se pepa faatumu faamaonia, o se faamatalaga molimau atoatoa lea i totonu o faamasinoga ma i tualumaga uma, ae vagana ai ua faamaonia i se isi faiga e ese ai, le i ai ma le faasilasilaga o le pepa faatumu.

292. E taliaina faamatalaga molimau o Faamaumauga a le Tiute o feaveai i masini faakomepiuta - I so o se tualumaga i lalo o lenei Tulafono, o se lomiga faakomepiuta o se faamatalaga ootoo o se faamaumauga o lo o tausia e le Ofisa o Tiute i lalo o le fuaiupu 150, ua faamaonia e, po o avea ma sui o le Pule Sili o le Tiute i lalo o le faamaufaailoga a le Tiute e avea ma ata moni, e taliaina e avea ma faamatalaga molimau o le faamaumauga faaeletoroni ua mauaina e, po o ua tuuina atu i le Tiute e pei ona faatulaga mai i lea lomiga faakomepiuta, ae vagana ai ua faamaonia i se isi faiga e ese ai.

293. Manatu taulagi i le tulaga faamaonia o pepa aloaia - Ua faatatauina pepa aloaia uma ua avea e faapea na sainia e, po o ua avea ma sui o le Pule Sili o le Tiute po o, ua faamaufaailogaina i le faamaufaailoga a le Tiute, i totonu o faamasinoga uma ma tualumaga i lalo o lenei Tulafono, ma so o se isi lava tulafono, ua sainia po o ua faamaufaailogaina faatasi ma le pule faataga aloaia, ae vagana ai ua faamaonia i se isi faiga e ese ai.

VAEGA 17
PULEGA O TALOSAGA O TIUTE

Vaevaega 1 - Faatulagaga ma malosiaga

294. Faavaeina-(1) Ua faavaeina le Pulega o Talosaga a Tiute e aofia ai sui auai nei:

- (a) o se loia ua agavaa mo le tofiaina e avea ma Faamasino o le Faamasinoga Sili, e avea ma Taitaifono;
- (b) o se tagata ofisa o le Tiute ua faamalolo litaea o ia lea e iloga lona silafia ma le potu masani i galuega tau Tiute; ma
- (c) se tagata o ia lea o se ofisa sinia i se Matagaluega a le Malo e tusa ai ma lona tofiga ma le potu masani, e i ai lona malamalama talafeagai i so o se mataupu e tuuina mai i luma o le Pulega.

(2) E mafai e Le Ao o le Malo, i le faia i luga o le fautuaga a le Kapeneta, ona tofia sui auai o le Pulega.

295. Vaitaimi i le tofi, faamavaega, faamalolo lē tumau ma le aveesea-(1) O se sui auai:

- (a) e mafai ona tofia mo se vaitaimi e oo atu i le lima (5) tausaga;
- (b) e agavaa mo le toe tofiaina;
- (c) e mafai, i se faiga tusitusia e tuuina atu i le Minisita, ona faamavae mai le tofi;
- (d) i luga o le muta ai o le vaitaimi o le tofiga, e faaauau pea i le tofi seia toe tofia po o e tofia se tagata e soliai atu i le tofi.

(2) I le noatia ma le fai fuafua i le faafuaiupu (3), e mafai e le Kapeneta ona faamalolo lē tumau po o le aveeseina mai se sui auai mai le tofi i luga o so o se mafuaaga ua taua e faapea:

- (a) ua lē mafai ona faatino galuega tauave o le tofi, gaumativa po o le faatalale i tiute;
- (b) mo amioga le pulea a o i ai i le tofi ua faamaonia i le faamalieina ai o le Kapeneta;
- (c) so o se isi lava mafuaaga ua faatonuina.

(3) Afai ua muta le vaiitaimi o se sui po o ua ia faamavae mai le tofi, ua faatatauina le sui auai e faapea, ia faaauau ai pea i le tofi mo le faamoemoe o le faia o le faaiuga o se talosaga tetee lea na fofogaina atoa a o lumanai ai ona muta le vaiitaimi o le tofiga po o, a o lumanai ai ona aloaia le faamavaega.

296. Tautoga i le Tofi - A o lumanai ai le tauaveina o le tofi, e ao i se sui auai ona muamua faia lana tautoga i luma o se Faamasino o le Faamasinoga Sili, e faapea o le a ia faatino ma le faamaonia ma le lē faaituau o tiute tauave o le tofiga.

297. Totogi -(1) E agavaa sui auai i totogi ua faatatauina e le Palemene e avea ma vaega o tala o tupe faaletausaga a le Matagaluega.

(2) I totonu o lenei fuaiupu, “totogi” e aofia ai totogifuapauina o aso fono taitasi, totogi ma alauni (e aofia ai alauni o malaga ma tupe alu).

298. Gasegase po o le lē atoatoa o le malosi o le tino-
(1) Afai ua lē mafai e se sui auai i se taimi lē tumau ona tauave galuega faatino o le tofi ona ua mai, toesea mai Samoa po o so o se isi lava mafuaaga tatau, e mafai e le Minisita ona tofia se tagata (“se sui o lo o galue suitulaga”) o ia lea ua agavaa ona tofia e avea ma sui e galue i le tulaga tofi o lea tagata a o faagasolo le vaiitaimi lē tumau ua lē mafai ai e lea sui auai ona faia le galuega.

(2) O le sui auai o lo o suitulaga ua faatatauina e avea ma sui auai mo sini ma faamoemoega uma.

299. E lē noatia taitoatasi sui auai - E lē noatia toatasi se sui auai po o se sui o lo o galue suitulaga mo se gaioiga ua faia, po o ua lē faia i le agaga lelei e le sui o lo o faatinoina galuega tauave, tiute ma malosiaga o le Pulega i lalo o lenei Tulafono.

300. Resitara o le Pulega-(1) Ua faavaeina le tofi Resitara o le Pulega, o ia lea e ao ona tofia i lalo o le Tulafono o Galuega a le Malo 2004

(2) E mafai ona umia le tofi Resitara a le o le tuueseeseina po o le tauave faatasi ma so o se isi lava tofiga i totonu o Galuega a le Malo.

301. Faamaufaailoga - E ao i le Pulega ona i ai sana faamaufaailoga lea e ao ona amanaia i totonu o se faamasinoga.

302. Malosiaga o le Pulega-(1) O le Pulega e i ai malosiaga nei:

- (a) e fofogaina ma faia faaiuga o so o se talosaga ua faia i lalo o lenei Tulafono e ala i le toe fofogaina o le mataupu.
 - (b) i le fofogaina ma le faia o le faaiuga o se talosaga, o galuega tauave, tiute po o malosiaga o le Pule Sili o le Tiute i le faia o le iloiloga, faaiuga, faatonuga, fuafuaga po o faatonuga na mafua ai se talosaga tetee;
 - (c) mo faamoemoega o le tagofiaina o mataupu ua i ona luma, o malosiaga o se Faamasino o le Faamasinoga Sili, i le faatinoina o lana puleaga tau le va o tagata e tusa ai ma le taua o igoa o vaega po o tagata ma le faafoeina ma le faatumauina o le nofo lelei i le fofogaina o mataupu a le Pulega;
 - (d) so o se isi lava malosiaga i lalo o lenei Tulafono po o se isi lava tulafono po o malosiaga ua faatonuina.
- (2) E na o le Taitaifono lava na te fofogaina ma faia faaiuga o mataupu tomua.

Vaevaega 2 - Talosaga

303. Talosaga i le Faamasinoga Sili-(1) E mafai e se vaega auai o i latou ia ua lē faamalieina i se faaiuga a le Pulega i lalo o lenei Tulafono, ona talosaga i le Faamasinoga Sili e uiga i se faaletonu o se vaega o le tulafono po o se faaletonu o mea moni po o le tulafono ma mea moni.

(2) E ao ona faatoai atu le faasilasilaga o se talosaga i le Faamasinoga Sili:

- (a) i totonu o le 20 aso faigaluega i le tuanai ai o le aso o le faaiuga ua talosaga faasaga i ai; po o
 - (b) i totonu o se isi taimi ua faatagaina e ala i se poloaiga a le Faamasinoga Sili.
- (3) Afai ua faatoai atu se faasilasilaga o se talosaga i lalo o le faafuaiupu (2), e ao foi i lē ua talosaga ona:

- (a) faaoo atu se ata o le faasilasilaga o le talosaga i le Pulega, i totonu o le taimi ua faamaotiina i lea faafuaiupu; ma
 - (b) ae vagana ai i le tulaga o se talosaga a le Pule Sili o le Tiute, ia tuuina atu faamalumaluga mo le tau o le talosaga, i se aofaiga ma, i se faatulagaga e pei ona mafai ona faatulagaina e le Pulega.
- (4) E ao i lē ua talosaga ona:
- (a) saunia se mataupu e faatulagaina ai mea moni ma mataupu tau le tulafono po o mea moni ua tulai mai, mo le faia ai o le faaiuga a le Faamasinoga Sili; ma
 - (b) ia tuuina atu le mataupu i le Pulega, i totonu o le lua (2) masina i le maea ai o le aso na tuuina mai ai le faaiuga a le Pulega.
- (5) E mafai e le Pulega ona toe fafoi atu i lē ua talosaga se mataupu na tuuina atu i le Pulega i lalo o le faafuaiupu (4), po o ua toe tuuina atu i lalo o lenei faafuaiupu mo so o se teuteuga e pei ona mafai e le Pulega ona faatonuina; ma e tatau i lē ua talosaga ona toe tuuina atu le mataupu i le Pulega, i totonu o se taimi e pei ona mafai e le Pulega ona faatagaina.
- (6) Afai ua talia e le Pulega se mataupu ua tuuina atu ia te ia i lalo o le faafuaiupu (4), po o ua toe tuuina atu i lalo o le faafuaiupu (5) mo se teuteuga e pei ona mafai e le Pulega ona faatonuina ma e ao i lē ua talosaga ona toe tuuina atu le mataupu i le Pulega i totonu o se taimi e pei ona mafai e le Pulega ona faatagaina.
- (7) E ao i lē ua talosaga, i totonu o le 14 aso i le tuanai ai o le aso na mauaina ai le mataupu na faaooina atu e le Pulega i lalo o le faafuaiupu (6), ona faaliliu atu i le Resitara o le Faamasinoga Sili ina ia tusia le talosaga mo le fofogaina i le uluai tualumaga a le Faamasinoga e mafai ona faia.
- (8) I le fofogaina o le talosaga, e mafai e le Faamasinoga Sili ona taulamua i le toe auina atu o le mataupu ua faapea ona taua, i le Pulega mo se teuteuga, ma e faaogaina le faafuaiupu (4), (6), ma le (7), faatasi ai ma suiga talafeagai, e faapei ai na tuuina atu le mataupu i le Pulega i lalo o le faafuaiupu (4).

304. Talosaga i le Faamasinoga o Talosaga - E mafai e se vaega auai o i latou ia e le o faamalieina i se faaiuga a le Faamasinoga Sili i so o se mataupu o lo o talosagaina i lalo o le fuaiupu 303 ona o se tulaga e lē sao atoatoa o le tulafono, ona talosaga i le Faamasinoga o Talosaga.

305. O le faailoaina o se mataupu mo le Faamasinoga Sili-(1) E mafai e le Pulega i lea taimi i luga o le talosaga a lē ua talosaga po o le Pule Sili o le Tiute po o i luga o lona ia lava sogasoga lelei, ona tuuina atu se mataupu i luma o le Faamasinoga Sili mo sona finagalo e uiga i so o se mataupu tau le tulafono e tulai mai e tusa ai ma so o se talosaga ua i luma o le Pulega.

(2) E ao i le Pulega ona tuuina atu se faasilasilaga i le Pule Sili o le Tiute ma lē ua talosaga e uiga i le faamoemoe o le Pulega, e tuuina atu ai se mataupu i lalo o lenei fuaiupu, e faamaoti ai le ofisa resitala o le Faamasinoga Sili lea o le a faatoai atu i ai le mataupu

(3) E faaogā le fuaiupu 303(4), (5), (6), (7) ma le (8) i se mataupu i lalo o lenei fuaiupu e faapei ai o le mataupu o se talosaga i le Faamasinoga Sili e uiga i se mataupu tau le tulafono lea:

- (a) ua faamoemoe le Pulega e tuuina atu le mataupu a le vaega auai e ana le talosaga; po o
- (b) ua faamoemoe le Pulega e tuuina atu le mataupu a le Pule Sili o le Tiute; po o
- (c) ua faamoemoe le Pulega e tuuina atu le mataupu a le Pule Sili o le Tiute i luga o lona ia lava sogasoga lelei, o lē ua talosaga, ae vagana ai e faapea o le taimi mo le tuuina atu o se mataupu i le Pulega o lo o i totonu o le 20 aso faigaluega i le tuanai ai o le aso na tuuina atu ai e le Pulega le faasilasilaga i lalo o le faafuaiupu (2), po o se isi taimi ua faatagaina e le Pulega.

VAEGA 18
AIAIGA ESEESE

Vaevaega 1 - Faiga tau le puipuiga i tuaoi mai le solia o Pule Tau Fatuga ma Faailoga Tau Fefaatauaiga o Oloa

306. Faamatalaina o uiga o upu - I totonu o lenei Vaega “o lē ua talosaga” o lona uiga o se tagata ua ia tuuina atu le faasilasilaga i lalo o le fuaiupu 307;

“meafaitino o pule tau fatuga” o lona uiga o se meafaitino lea o lo o avea ma mataupu autu o pule tau fatuga i lalo o le Tulafono o Pule Tau Fatuga 1998;

“Faamasinoga” o lona uiga o le Faamasinoga Sili o Samoa;

“meatotino o aia tatau i mamanu” o lona uiga o le meatotino lea ua avea ma mataupu autu o le aia tatau i mamanu i lalo o le Vaega IV o le Tulafono o Meatotino Tau le Atamai 2011;

“faalavelaveina o mamanu” mo se mamanu ua faamauina, o lona uiga o se mamanu lea ua faalavelaveina ai se mamanu ua faamauina i lalo o le fuaiupu 36 po o le 42 o le Tulafono o Meatotino Tau le Atamai 2011;

“faalavelave o faailoga”, mo se igoa tau fefaatauaiga, o lona uiga o se faailoga lea ua faalavelaveina ai se faailoga ua faamauina i lalo ole fuaiupu 56 o le Tulafono o Meatotino Tau le Atamai 2011;

“taualumaga e faalavelaveina ai” o lona uiga o taualumaga ua faia i lalo o le fuaiupu 26 o le Tulafono o Pule Tau Fatuga 1998 po o le fuaiupu 125 o le Tulafono o Meatotino Tau le Atamai 2011;

“faailoga” e i ai lona uiga tutusa o lo o i le fuaiupu 45 o le Tulafono o Meatotino Tau le Atamai 2011;

“faamauina o mamanu” o lona uiga o se mamanu ua faamauina i lalo o le fuaiupu 40 o le Tulafono o Meatotino Tau le Atamai 2011;

“faailoga tau fefaatauaiga ua faamauina” o lona uiga o se faailoga ua faamauina i lalo o le fuaiupu 55 o le Tulafono o Meatotino Tau le Atamai 2011.

307. E mafai ona tuuina atu i le Pule Sili o le Tiute se faasilasilaga e talosagaina ai le taofia lē tumau o le kiliaina o oloa e le Tiute-(1) E mafai e se tagata ona tuuina atu se faaaliga tusitusia i le Pule Sili o le Tiute lea e:

- (a) talosaga ai e faapea, o le tagata o ia e ona meatotino o pule tau fatuga po o meatotino o aia tatau i mamano, ua faamaoti mai i le faasilasilaga po o, o ia e ona se faailoga po o se mamano lea ua faamauina e tusa ai o oloa ua faamaoti mai i le faasilasilaga; ma
- (b) talosagaina le Pule Sili o le Tiute e taofia lē tumau taualumaga o le kilia a le tiute i so o se oloa lea e i ai mafuaaga tatau i le Pule Sili o le Tiute e masalomia ai -
 - (i) o oloa ua faalavelaveina ai aia tatau a lē e ona meatotino o pule tau fatuga po o meatotino o aia tatau i mamano; po o
 - (ii) o oloa, o i luga po o fesootai i le tino mai i le faaaogāina o se faailoga po o mamano ua faalavelaveina ai, ia po o i so o se taimi ua i lalo o le vaavaaiga a le Tiute.

(2) Mo le Faasilasilaga, e mafai ona faatonuina e tulafono faatonutonu:

- (a) mea e aofia ai;
- (b) le taualumaga e tagofia ai;
- (c) le umi o le vaitaimi.

308. Malosiaga e taofia lē tumau ai taualumaga a le Tiute mo le kiliaina o oloa - Afai ua talia e le Pule Sili o le Tiute le faasilasilaga i lalo o le fuaiupu 307, ma e le i faalēaogāina le faasilasilaga; e mafai e le Pule Sili o le Tiute ona taofia lē tumau le kilia a le Tiute o so o se oloa lea e i ai mafuaaga talafeagai i le Pule Sili o le Tiute e masalomia ai, o oloa o lo o aofia ai meafaitino e faalavelaveina ai pule tau fatuga, meafaitino e faalavelaveina ai aia tatau i mamano, se faailoga po o se mamano e faalavelaveina ai ma ua faaulufaleina mai i totonu o le atunuu.

309. Puipuigamalu - E mafai ona teena e le Pule Sili o le Tiute le taofia lē tumau o taualumaga o tiute e faasino i oloa vagana ai:

- (a) ua totogi atu e lē ua talosaga i le Pule Sili o le Tiute, i le taimi na tuuina atu ai le faasilasilaga i lalo o le fuaiupu 307, se aofaiga o tupe ia e i ai i le manatu o le Pule Sili o le Tiute, ua lava atoatoa e toe faaolaina ai tupe a le Ofisa o Tiute mo tupe alu talafeagai e faaono faatupulaia, ona o se taunuuga o le taofia lē tumau o taualumaga o le kilia a le tiute; po o
- (b) ua tuuina atu e lē ua talosaga o puipuigamalu, i le faamalieina ai o le Pule Sili o le Tiute, mo le toe faaolaina o tupe na faaaluina e le Ofisa o Tiute mo na tupe alu.

310. Faasilasilaga - E ao i le Pule Sili o le Tiute ona tuuina atu i lē ua talosaga ma le tagata na faaulufaleina mai oloa se faasilasilaga tusitusia o le taofia lē tumau, i se taimi vave lava e mafai ai ina ua maea ona taofia lē tumau e le Pule Sili o le Tiute le kilia o tiute o so o se oloa.

311. Asiasiga ma le suesueina o oloa-(1) E ao i le Pule Sili o le Tiute ona faataga lē ua talosaga ma le tagata na ia faaulufale mai oloa ina ia suesueina oloa ia ua taofia lē tumau le kiliaina, ma aveeseina vaega faataitai mo suesuega, suesueina le lelei atoatoa ma le auiliiliina mo faamoemoega o le faatautaiga o taualumaga o le faalavelaveina.

(2) O lenei fuaiupu e le o aafia ai so o se pulega o le tulafono po o tulafono e faasino i le puipuiga o faamatalaga agatapuia.

312. Taofia ma le faamatuu atu o oloa-(1) O oloa ia na taofia lē tumau e le Pule Sili o le Tiute le kilia o tiute e tatau ona aveina i se nofoaga saogalemu, e pei ona faatonuina e le Pule Sili o le Tiute, ina ia taofia oloa seia vagana ai:

- (a) ua faalēaogāina e le Pule Sili o le Tiute le faasilasilaga e mafua mai i se iloiloga; po o
- (b) ua faaooina atu i le Pule Sili o le Tiute se poloaiga a le Faamasinoga e faapea ia faamatuu atu oloa; po o
- (c) ua faalēaogāina so o se taualumaga e faalavelaveina ai; po o

(d) ua maea aso faigaluega e 10 talu mai ona tuuina atu le faasilasilaga i lalo o le fuaiupu 310, ma e le i faaooina atu i le Pule Sili se faasilasilaga o taualumaga o le faalavelaveina.

(2) I le tulai mai o so o se mataupu ua faamaoti mai i le faafuaiupu (1), e ao ona faamatuu atu oloa i le tagata ua ia faaulufaleina mai po o, i so o se isi lava tagata e pei ona mafai ona poloaia e le Faamasinoga.

(3) E mafai e le Pule Sili o le Tiute, i so o se mataupu faapitoa, ona faalatele atu le vaitaimi ua taua i le faafuaiupu (1)(d) i le 20 aso faigaluega pe afai ua manatu le Pule Sili o le Tiute ua talafeagai ai ona faia faapea i tulaga uma e aliae mai.

313. Taofia o oloa e lē toe faafoia e ala i se maliega-(1)

I le noatia ma le fai fuafua i le faafuaiupu (2), e mafai e le tagata ua ia faaulufaleina mai oloa, e ala i se faasilasilaga tusitusia i le Pule Sili o le Tiute, ona tuuina atu lana maliega i oloa ua taofia ina ia faamatuu atu i le Pule Sili o le Tiute.

(2) Afai e tuuina atu e le tagata ua faaulufaleina mai oloa se faasilasilaga i lalo o le faafuaiupu (1), a o lumanai ai faatoai atu o so o se taualumaga o le faalavelaveina, e faamatuu atu oloa i le Malo ma e ao ona lafoaia e pei ona faatonuina e le Pule Sili o le Tiute.

314. Faatamaia o oloa - Afai, i taualumaga ua taua i lalo o le Tulafono o Pule Tau Fatuga 1998 po o le Tulafono o Meatotino Tau le Atamai 2011, ua faia le faaiuga a le Faamasinoga e faapea ua i ai so o se oloa ua faalavelaveina ai aia tatau a lē e ona i pule tau fatuga, aia tatau i mamanu, faailoga faamauina po o mamanu faamauina, e mafai e le Faamasinoga ona faia se poloaiga e faapea ia faatamaia oloa po o le lafoaia i fafo atu o ala tau pisinisi i se faiga ina ia alofia ai le faaleagaina o lē e ona le pule tau fatuga, aia tatau i mamanu, faailoga faamauina po o mamanu faamauina.

315. E lē aofia ai ni aofaiga laiti o oloa faaulufale mai - O lenei Vaega e lē faaaogāina i aofaiga itiiti o oloa e le o ni ituaiga faapisinisi o lo o aofia ai i se ato malaga patino i se pasese, po o ua lafoina mai i ni vaega laiti.

316. Puipuiga o tagata o galulue i lalo o lenei Vaega - E lē tatau i le Pule Sili o le Tiute po o se tagata ofisa o le tiute po o se sooupu o faatinoina se galuega tauave po o malosiaga i lalo o lenei Vaega, po o tulafono faatonutonu ua faia i lalo o lenei Vaega, ona faatulai mai so o se noataga tau le va o tagata po o noataga tau solitulafono mo so o se gaoioiga po o, gaoioiga e le i faia faamaoni ma e aunoa ma le faatalale.

317. Taui mo le taofia sese o oloa - I luga o le talosaga e faia e le tagata na faaulufaleina mai oloa, e mafai e le Faamasinoga ona poloaia lē ua talosaga ina ia totogi atu i lē na faaulufaleina mai oloa, taui tau tupe talafeagai mo so o se tulaga ua mafatia ai e ala i le taofi seseina o oloa ona ua lē faatoai atu e lē ua talosaga taulaumaga e faalavelaveina ai.

*Vaevaega 2 - Sooupu Tomai Faapitoa
i Galuega Tau le Tiute*

318. Tuuina atu po o le teena o laisene-(1) E mafai e se tagata ona talosaga i le Pule Sili o le Tiute ina ia laiseneina e avea ma tagata tomai faapitoa ua laiseneina i galuega tau Tiute.

(2) E ao ona faia le talosaga i le pepa faatumu faamaonia ma tuuina atu faatasi ma le totogifuapuina faatonuina.

(3) E mafai e le Pule Sili o le Tiute ona:

(a) tuuina atu le laisene i le noatia i tuutuuga; po o

(b) le teena o le talosaga pe afai ua faamalieina le Pule Sili o le Tiute e faapea, e lē gafatia e le ua talosaga ona usitaia so o se aiaiga o le laisene.

(4) E ao i le Pule Sili o le Tiute, i se faiga tusitusia ona logoina lē ua talosaga e uiga i le faaiuga e aofia ai le mafuaaga o le teena o le talosaga pe afai ua teena.

319. Faalēaogāina po o le taofia lē tumau o laisene-(1) E mafai e le Pule Sili o le Tiute ona taofia lē tumau pe faalēaogāina le laisene o se tagata tomai ua laiseneina i galuega tau tiute pe afai ua faamalieina le Pule Sili o le Tiute e faapea o le Tagata Tomai faapitoa ua laiseneina i galuega tau tiute ua ia:

(a) lē usitaia se tuutuuga, aiaiga po o tapulaa ua faaee atu i le laisene; po o

(b) ua muta ona galue o se sooupu e avea ai ma sui o ē e ona; po o

- (c) ua faamaonia faaletulafono se moliaga i se soligatulafono ua faia i lalo o lenei Tulafono; po o
- (d) ua lē o toe aoga ma talafeagai le tagata e na te umia se laisene; po o
- (e) ua lē mafai ona totogiina le totogifuapauina faatonuina faaletausaga mo le laisene; po o
- (f) ua faia ni tusitusiga soona sese tele e pei ona faamatalaina i lalo o le fuaiupu 141(2).

(2) E ao i le Pule Sili o le Tiute, a o le i faia lana fuafuaga e taofia lē tumau ai po o le faalēaogāina o le laisene, ona tuuina atu se faasilasilaga tusitusia i le Tagata Tomai Faapitoa i galuega tau tiute, ina ia faailoa mai le mafuaaga (i totonu o le taimi ua faamaoti mai i le faasilasilaga) po o le a le mafuaaga e le tatau ai ona taofia le tumau ai po o le faalēaogāina o le laisene.

(3) E ao i le Pule Sili o le Tiute, i se faiga tusitusia, ona logoina le Tagata Tomai Faapitoa i galuega tau tiute e uiga i le faaiuga, e aofia ai mafuaaga mo le taofia lē tumau po o le faalēaogāina o le laisene.

320. Sooupu ua faatagaina - E ao i lē e ona so o se oloa (tusa lava po o oloa o se ituaiga patino e lē faalauteleina po o oloa ua faaulufale mai nao faamoemoega faapisinisi) ona usitaia lenei Tulafono po o e ala i le po o e ala atu i se sui sooupu faatagaina o ia lea o se tagata poto faapitoa ua laiseneina i galuega tau tiute.

(2) E ao i se tagata poto faapitoa i galuega tau tiute ona maua mai lē e ona oloa se pepa aloaia tusitusia e faatagaina ai lea tagata poto faapitoa i galuega tau tiute ina ia galue (e avea o le sui sooupu faatagaina a lē e ona oloa), e avea ma sui o lē e ona oloa.

(3) O le pule faataga ua tuuina atu e lē e ona ua taua i lalo o le faafuaiupu (2), e mafai mo se uta faapitoa po o uta po o mo se vaitaimi e lē silia le lima (5) tausaga.

321. Tuuina atu o pule faataga-(1) Afai o se tagata:

- (a) ua faatagaina e lē e ona ina ia galue e avea ma sui sooupu faatagaina i lalo o le fuaiupu 320(2); po o

(b) le avea ma sui po o le avea o ia, po o le galue e avea o se tagata poto faapitoa i galuega tau tiute,

ua faatatauina le tagata o lē e ona oloa ma ua noatia toatasi mo so o se tiute po o lafoga e totogiina po o so o se sala tupe e faaolaina mai i lalo o lenei Tulafono, i le faiga lava lea ma i le tulaga lautele lava lea e tasi e faapei ai o le tagata o ia o lē e ona oloa.

(2) E lē faamamaina e le faafuaiupu (1) le tagata e ona oloa mai le noatia toatasi ai.

322. Noataga o lē e ona mo gaoioiga a se sooupu tomā faapitoa mo galuega tau le tiute - E faatatauina se tautinoga ua faatagaina i lalo o lenei Tulafono e faia e se tagata poto faapitoa i galuega tau tiute e faapea, ua faia ma le iloa ma le maliega a lē e ona, ina ia faapea ai i se taualumaga tau solitulafono i luga o se tautinoga ua faia e le tagata poto faapitoa i galuega tau tiute, e noatia lē e ona e faapei ai o lē e ona oloa na ia faia le tautinoga.

323. O le galuega faasolitulafono e avea o se sooupu tomā faapitoa mo galuega tau le tiute-(1) Ua faia e se tagata se soligatulafono:

(a) pe afai o lea tagata o se tagata poto faapitoa i galuega tau tiute po o se tagata faigaluega a le tagata poto faapitoa i galuega tau tiute, po o se tagata o lo o galue i lalo o faatonuga a le tagata poto faapitoa i galuega tau tiute, o lo o ia galue e avea ma sui sooupu a lē e ona oloa e aunoa ma se faatagaga tusitusia a lē e ona; po o

(b) e ese ai nai se Tagata Poto faapitoa i galuega tau tiute, o ia lea ua faaaogāina po o ua avea e faapea e fesootai ma se matata, pisinisi, matafaioi po o tomā faapitoa ia o le a tuuina mai ai se mafuaaga talafeagai e talitonuina ai e faapea, o lo o galue i lalo o se laisene o se Tagata Poto faapitoa i galuega tau tiute.

(2) E noatia se tagata ua faamaonia faaetutulafono i se moliaga i lalo o le faafuaiupu (1), i se sala tupe e lē silia le 100 iunite tau faasalaga po o le nofosala i le falepuipui mo se vaitaimi e lē silia le tausaga e tasi (1), po o faasalaga uma e lua.

Vaevaega 3 - Aiaiga lautele

324. O tupe e totogi atu e le Pule Sili o le Tiute mai tupe a le Malo - I le noatia ma le fai fuafua i so o se tapulaa faatonuina, e mafai e le Pule Sili o le Tiute ona faatulai mai tupe faaalu e aunoa ma nisi tupe faatatauina nai lo lenei fuaiupu e totogi ai:

- (a) tupe faafoi faaletulafono uma o tiute; po o
- (b) tupe totogi toe faafoi faaletulafono uma o tiute; po o
- (c) o tupe toe faafoi faaletulafono uma o sala tupe tau pulega i lalo o le fuaiupu 142(2).

325. Faaaogāina o Tulafono i mea e lafoina i le meli-(1) I le noatia ma le fai fuafua i so o se poloaiga e faia i lalo o le faafuaiupu (2), o aiaiga o lenei Tulafono e faaaogā i mea e lafoina i le meli ma oloa o lo o aofia ai i totonu o mea e lafoina i le meli i le faiga lava lea e pei ona faaaogāina ai na aiaiga i isi oloa.

(2) E mafai e le Minisita, i le faia i luga o le fautuaga a le Pule Sili o le Tiute, e ala i se poloaiga ona:

- (a) aiaia e faapea, o so o se mea e tuuese e lafoina i le meli ma oloa o lo o aofia ai i totonu, tusa lava pe o faatuatusi i le tagata lava lea po o i ni tagata esese, e mafai ona tagofia mo faamoemoega o lenei Tulafono e avea o se mea e tasi e lafoina atu i le meli i se tagata toatasi; po o
- (b) le faatonuina o tagata o i latou ia ua faatatauina mo faamoemoega o lenei Tulafono ina ia avea ma i latou e faaulufaleina mai oloa, po o ē e auina atu i fafo o oloa o so o se mea e lafoina i le meli po o oloa.

(3) I totonu o lenei fuaiupu:

“mea e lafoina i le meli” o lona uiga o so o se tusi, afifi, pusa o oloa, po o so se isi lava mea ua mauaina mai po o ua faaliliuina atu e, po o e ala i le Fale Meli a Samoa ma, e aofia ai so o se mea ua faaulufale mai e so o se kamupani e ala i ana auaunaga faapitoa i luga o le ea;

“kamupani” o lona uiga o se kamupani o lo o i ai lona uiga tutusa i le Tulafono o Kamupani 2001.

326. Tautinoga i lalo o lenei Tulafono-(1) O se tautinoga, e aofia ai se tautinoga lea e faia ma faaliliuina atu faaeletoroni, lea e manaomia po o ua faatagaina i lenei Tulafono, e ao ona faia i le pepa faatumu faamaonia.

(2) Afai e manaomia i so o se pepa faatumu e faapea, e ao ona faia se tautinoga i luma o so o se tagata, e mafai ona faia le tautinoga i luma o se tagata Ofisa o le Tiute, po o i luma o se tagata ua faatagaina i lalo o le Tulafono o Tautoga, Faamatalaga Tauto ma Tautinoga 1963.

327. Malosiaga o le Pule Sili o le Tiute e fuafuaina ai faamaufaailoga, faailoga tusi ma faailoga - E mafai e le Pule Sili o le Tiute ona fuafua so o se faamau faailoga, faailoga tusi po o se faailoga mo le faaaogāina e le Ofisa o Tiute.

328. Faamatalaga e uiga i vaalele, tagata ma oloa e sopoia tuaoi-(1) E mafai e le Ofisa o Tiute ona aoina mai ma faaaogāina faamatalaga nei e uiga i vaalele, tagata, ma oloa o lo o taunuu mai i totonu po o e aveesea atu mai Samoa e aofia ai:

(a) le auiliiliga o gaoioiga a vaalele e aofia ai le igoa o le vaalele, fuainumera faamauina po o le mea e iloagofie ai, aso ua fatatauina ma le taimi e taunuu po o e alu ese atu ai, nofoaga e faapogai mai ai ma le nofoaga e taunuu i ai, ma auiliiliga o so o se feaveaiga o oloa; ma

(b) faamatalaga patino i se tagata e aofia ai le igoa o le tagata, aso fanau, alii po o le tamaitai, numera o le tusifolau, tulaga o tagatanuu, gaoioiga tau femalagaiga po o so o se isi lava mataupu talafeagai.

(2) E mafai e le Tiute ona aoina mai ma faaaogā le faamatalaga o lo o taua i le faafuaiupu (1) mo faamoemoega o le faafaigofieina:

(a) o le faatinoina o malosiaga, galuega tauave po o tiute i lalo o lenei Tulafono;

(b) le puipuiga, taofia, suesuega moliaga, ma faasalaga o se soligatulafono lea e, po o e faapea afai na faia i totonu o Samoa, o le a avea ma soligatulafono i lalo o lenei Tulafono;

- (c) le mataituina ma le faagasologa o tagata e sopoia tuaoi, oloa ma vaalele;
- (d) le puipuiga o puipuigamalu o tuaoi.

329. Tuuina atu o faamatalaga e uiga i vaalele, tagata ma oloa e sopoia tuaoi-(1) E mafai e le Pule Sili o le Tiute ona tuuina atu so o se faamatalaga ua faamaoti mai le fuaiupu 328 i se lala sooupu, faalapotopotoga, po o se tagata i totonu o Samoa po o se isi atunuu o ana galuega tauave e aofia ai:

- (a) le puipuiga, faailoaina, suesuega, moliaga, po o faasalaga o se soligatulafono lea e, po o afai na faia i totonu o Samoa o le a avea ma soligatulafono i lalo o lenei Tulafono; po o
 - (b) le faagasoloina o tagata pasese faava o malo i le tuaoi e pulega a le Malo; po o
 - (c) puipuigamalu o tuaoi; po o
 - (d) le faamamaluina o se tulafono e faaee atu ai sala tupe; po o
 - (e) le puipuiga o le soifua maloloina ma le saogalemu o tagata lautele; po o
 - (f) le puipuiga o tupe a le malo; po o
 - (g) so o se isi lava faamoemoe e pei ona mafai ona faatonuina.
- (2) O le faailoaina atu o faamatalaga i lalo o le faafuaiupu (1) e ao ona:
- (a) faia i lalo o se maliega i le va o le Pule Sili o le Tiute ma le lala sooupu, faalapotopotoga po o tagata o aafia ai, po o se tagata ua faatagaina e le lala sooupu, faalapotopotoga po o tagata ua aafia ai e faia le maliega, lea e usitaia ai le faafuaiupu (3) ma le (4); po o
 - (b) lalo o le faafuaiupu (6).
- (3) E lē tatau i le Pule Sili o le Tiute ona ulufale atu i se maliega i lalo o le faafuaiupu (2) seia vagana ai ua faamalieina e faapea ua faamaonia mo le tasi (1) po o le sili atu faamoemoega ua faatulagaina i le faafuaiupu (1).
- (4) Mo faamoemoega o le faafuaiupu (2), o se maliega:
- (a) e tatau ona i se faiga tusitusia; ma
 - (b) e tatau ona taua ai taiala faataatitia mo le tuuina atu o faamatalaga i lalo o le maliega; ma

(c) e tatau ona taua ai, e tusa ai o faamatalaga ua faailoa -

(i) o lona faaaogāina e lea tagata; ma

(ii) so o se tasi:

(A) e faapea e lē tatau i se tagata ona faailoa atu lea tulaga i so o se lala sooupu, faalapotopotoga, po o se tagata; po o

(B) nisi lala sooupu, faalapotopotoga, po o tagata lea e mafai ona faailoa atu i ai e le lala sooupu, faalapotopotoga po o tagata;

(d) e mafai ona taua -

(i) le pepa faatumu lea e mafai ona faailoa atu ai faamatalaga; po o

(ii) le auala e mafai ona faailoa atu ai ia faamatalaga; ma

(e) e mafai ona fetuunai.

(5) E lē faatapulaaina e leni fuaiupu malosiaga o le Pule Sili o le Tiute e ulufale atu ai i maliega e lē fesootai ma le faailoaina atu o faamatalaga i so o se lala sooupu, faalapotopotoga, po o se tagata.

(6) E mafai e le Pule Sili o le Tiute ona faailoa atu faamatalaga i se lala sooupu, faalapotopotoga, po o se tagata, i totonu o Samoa po o se isi atunuu, e aunoa ma se maliega tusinga ua faamaotiina i le faafuaiupu (2)(a) pe afai:

(a) o galuega tauave a lala sooupu, faalapotopotoga po o se tagata e aofia ai le puipuia, faailoagofieina, suesuega, faia o moliaga po o faasalaga o se soligatulafono i lalo o leni Tulafono; ma

(b) ua faailoa atu le faamatalaga i le noatia ma le fai fuafua i tuutuuga ua taua -

(i) le faaaogāina lea e mafai ona faia e lala sooupu, faalapotopotoga, po o se tagata; ma

(ii) so o se tasi -

(A) e faapea o le lala sooupu, faalapotopotoga po o se tagata e lē tatau ona faailoaina atu i so o se isi lava lala sooupu, faalapotopotoga, po o se tagata; po o

- (B) isi lala sooupu, faalapotopotoga, po o tagata lea e mafai ona faailoa atu i ai e le lala sooupu, faalapotopotoga po o tagata lea tulaga, ma le tulaga e faasino i ai, ma tuutuuga ia e mafai ona noatia ai le lala sooupu, faalapotopotoga, po o tagata; ma
- (c) e faia ma tausia e le Pule Sili o le Tiute se faamaumauga o -
- (i) faamatalaga lea ua faailoa ai; ma
 - (ii) le lala sooupu, faalapotopotoga, po o tagata lea ua faailoa atu i ai; ma
 - (iii) tuutuuga e noatia ma fai fuafua i tulaga ia ua faailoa atu ai.

330. Ia tuuina atu e le Pule Sili o le Tiute o mafuaaga tusitusia mo faaiuga e avanoa i talosaga tuuina atu i le Pulega o Talosaga a le Tiute-(1) Afai ua noatia se faaiuga a le Pule Sili o le Tiute i se talosaga tetee i le Pulega o Talosaga a le Tiute, e ao i le faasilasilaga o le faaiuga a le Pule Sili o le Tiute, i le aunoa ai ma se faatuai, ona tuuina atu le faasilasilaga o le faaiuga, ia aofia ai ma ni mafuaaga mo le faaiuga.

(2) E lē faatapulaaina e le faafuaiupu (1) so o se tiute tauave o le Pule Sili o le Tiute i lalo o lenei Tulafono, e tuuina atu ai se faasilasilaga tusia o se faaiuga e aofia ai ma ni mafuaaga mo le faaiuga.

331. Tuuina atu o faasilasilaga-(1) E mafai ona tuuina atu se faasilasilaga e le Pule Sili o le Tiute po o se tagata ofisa o le Ofisa o Tiute i se kamupani ua tuufaatasia faaletulafono i totonu o Samoa.

- (a) mo se kamupani ua tuufaatasia faaletulafono i lalo o le Tulafono o Kamupani 2001, e faao atu i se tagata ua taua o se faatonu, i faamatalaga auiliili e sili on lata mai sa auina atu i le Resitara o Kamupani i lalo o lena Tulafono; po o
- (b) e ala i le faao atu i se tagata faigaluega o le kamupani, i le ofisa autu o le kamupani po o le nofoaga autu o pisinisi; po o
- (c) e ala i le tuuina i le ofisa faamauina o le kamupani; po o

- (d) e ala i le lafoina i le meli i le ofisa faamauina o le kamupani; po o
- (e) e ala i le auina atu e masini fesi i se numera telefoni o faaaogāina mo le faaooina atu o pepa aloaia e masini fesi i le ofisa faamauina o le kamupani po o lona ofisa autu po o le nofoaga autu o pisinisi; po o
- (f) pe afai o se tagata o se faatonu, po o se tagata faigaluega, po o se sooupu a le kamupani o ia lea o se tagata e faaaogāina ua faamauina, o se faiga faakomepiuta e faagasolo ai pepa tusia a le Tiute, ma faaaogā lea faiga mo faamoemoega o le pisinisi a le kamupani, e ala i lona faaooina atu, e ala i faiga faaeletoni, i le tagata e faaaogāina ua faamauina i le ofisa faamauina a le kamupani, po o i lona ofisa autu po o le nofoaga autu o pisinisi po o i se isi faiga e ese ai i lalo o taualumaga masani o le faagaoioia o faiga talafeagai faakomepiuta e faagaoioia ai pepa tusia o oloa a le Ofisa o Tiute, e faasino i lea tagata e faaaogāina ua faamauina, e tusa ai o pisinisi a le kamupani.

(2) E mafai ona tuuina atu se faasilasilaga e le Pule Sili o le Tiute po o se tagata ofisa o le Ofisa o Tiute i se kamupani i atunuui fafo:

- (a) e ala i le faaoo atu i se tagata ua taua i le tusi resitala a atunuu i fafo, e avea o se faatonu o le kamupani a se atunuu i fafo ma o ia o se tagata e nofomau i Samoa; po o
- (b) e ala i le faaoo atu i se tagata ua taua i le tusi resitala a se atunuu i fafo, e pei ona faatagaina e talia le tuuina atu o pepa aloaia i totonu o Samoa, e avea ai ma sui o se kamupani i atunuu i fafo; po o
- (c) e ala i le faaoo atu i se tagata faigaluega a se kamupani i atunuu i fafo, i se nofoaga o pisinisi a se kamupani i atunuu i fafo i totonu o Samoa po o, pe afai o se kamupani i atunuu i fafo e sili atu i lo le tasi le nofoaga o pisinisi i Samoa, i se nofoaga autu a se kamupani i atunuu i fafo i totonu o Samoa, po o

- (d) e ala i le lafoina i le tuatusi o le nofoaga autu o pisinisi a se kamupani i atunuu i fafo, i totonu o Samoa po o le faaoo atu i se pusa i se faafesuiiaiga o pepa aloaia lea o lo o faaaogāina i lea taimi e le kamupani i atunuu i fafo; po o
- (e) e ala i le auina atu e masini fesi i se numera telefoni o faaaogāina mo le faaoo atu o pepa aloaia e masini fesi i le nofoaga autu o pisinisi a se kamupani i atunuu i fafo, i totonu o Samoa; po o
- (f) pe afai o se tagata e toatasi o se faatonu, po o se tagata faigaluega, po o se sooupu a se kamupani i atunuu i fafo, o ia lea o se tagata e faaaogāina ua faamauina, o faiga faakomepiuta e faagasolo ai pepa tusia a le Tiute, ma e faaaogā lea faiga mo faamoemoega o le pisinisi a le kamupani i atunuu i fafo, e ala i lona faaooina atu, e ala i faiga faaeletoroni, i le tagata e faaaogāina ua faamauina, i le nofoaga autu o pisinisi a se kamupani i atunuu i fafo i totonu o Samoa, po o i se isi faiga e ese ai i lalo o tualumaga masani o le faagaoioia o faiga talafeagai faakomepiuta e faagaoioia ai pepa tusia o oloa a le Ofisa o Tiute, e faasino i lea tagata e faaaogāina a se kamupani i atunuu i fafo.

(3) E mafai ona tuuina atu se faasilasilaga e le Pule Sili o le Tiute po o se tagata ofisa o le Ofisa o Tiute i se faalapotopotoga tuufaatasia faaletulafono, e ese ai i lo se kamupani po o se kamupani i atunuu i fafo:

- (a) e ala i le faaoo atu i se tagata o ia lea o se ofisa autu o le faalapotopotoga ua tuufaatasia; po o
- (b) e ala i le faaoo atu i se tagata faigaluega a le faalapotopotoga ua tuufaatasia, i le ofisa autu po o le nofoaga autu o pisinisi a le faalapotopotoga ua tuufaatasia; po o
- (c) e ala i le lafoina i le tuatusi o le ofisa autu a le faalapotopotoga ua tuufaatasia, po o le faaoo atu i se pusa i se faafesuiiaiga o pepa aloaia lea e faaaogāina i lea taimi e le faalapotopotoga ua tuufaatasia; po o

- (d) e ala i le auina atu e masini fesi i se numera telefoni o faaaogāina mo le faaoo atu o pepa aloaia e masini fesi i le ofisa atu po o le nofoaga atu o pisinisi a le faalapotopotoga ua tuufaatasia; po o
 - (e) pe afai o se tagata faigaluega po o se sooupu a le faalapotopotoga ua tuufaatasia, o ia o se tagata e faaaogāina ua faamauina o faiga faakomepiuta e faagasolo ai pepa tusia a le Tiute ma e faaaogā lea faiga mo faamoemoega o le pisinisi a le faalapotopotoga tuufaatasia, e ala i lona faaooina atu, i faiga faaeletoroni i le tagata e faaaogāina ua faamauina, i le ofisa atu po o le nofoaga atu o pisinisi a se faalapotopotoga ua tuufaatasia po o i se isi faiga e ese ai, i lalo o tualumaga masani o le faagaoioia o faiga talafeagai faakomepiuta e faagaoioia ai pepa tusia o oloa a le Ofisa o Tiute, e faasino i lea tagata e faaaogāina ua faamauina, e tusa ai o pisinisi a le faalapotopotoga ua tuufaatasia.
- (4) E mafai ona tuuina atu se faasilasilaga e le Pule Sili o le Tiute po o se tagata ofisa o le Ofisa o Tiute i se tagata e toatasi e aofia ai se tausi mavaega:
- (a) e ala i le faaoo atu i lea tagata; po o
 - (b) e ala i le lafoina i le tuatusi o le tagata po o le faaoo atu i se pusa, i se faafesuiiaiga o pepa aloaia lea e faaaogāina i lea taimi e le tagata; po o
 - (c) e ala i le auina atu e masini fesi i se numera telefoni o faaaogāina e lea tagata mo le faaoo atu o pepa aloaia e ala i masini fesi; po o
 - (d) pe afai so se tagata o ia o se tagata e faaaogāina ua faamauina o faiga faakomepiuta e faagasolo ai pepa tusia a le Tiute, i le faaooina atu e ala i faiga faaeletoroni i lea tagata e toatasi e tusa ai ma tualumaga masani o le faagaoioia o faiga talafeagai faakomepiuta e faagaoioia ai pepa tusia o oloa a le Ofisa o Tiute e faasino i lea tagata e toatasi.

332. Aiaiga faaopopo e faasino i faasilasilaga i lalo o lenei Tulafono-(1) Mo faamoemoega o lenei Tulafono, ua faatatauina se faasilasilaga ua tuuina atu pe afai ua maua mai i lalo o le faafuaiupu (2).

(2) Mo faamoemoega o lenei Tulafono:

- (a) o se faasilasilaga sa lafoina po o ua faaoo atu i se faafesuaiaiga o pepa aloaia ua faatatauina ua maua mai -
 - (i) mo Upolu, e lima (5) aso faigaluega talu ona lafoina; po o
 - (ii) mo so o se isi lava motu, e 10 aso faigaluega talu ona lafoina;
- (b) o se faasilasilaga sa auina atu e masini fesi ua faatatauina sa maua i le aso faigaluega e sosoo ai ma le aso na auina atu ai;
- (c) o se faasilasilaga sa faaoo atu e ala i faiga faaeletoroni ua faatautauina sa maua i le aso faigaluega e mulimuli mai ai i le aso na faaoo atu ai;
- (d) i le faamaonia ai o le tuuina atu se faasilasilaga e ala i le lafoina, ua lava atoatoa lea tulaga e faamaonia ai e faapea -
 - (i) o le pepa aloaia sa faatuatusi lelei; ma
 - (ii) o tau faaee atu uma o le lafoina po o le faaooina atu ua uma ona totogi; ma
 - (iii) o pepa aloaia sa lafoina ma faaoo atu i le faafesuaiaiga o pepa aloaia;
- (e) i le faamaonia ai o le tuuina atu o se faasilasilaga e ala i masini fesi, ua lava atoatoa lea tulaga e faamaonia ai e faapea sa faaooina atu lelei pepa aloaia e ala i masini fesi i le tagata o faatatau i ai;
- (f) i le faamaonia ai o le faaooina atu o se faasilasilaga e ala i faiga faaeletoroni, ua lava atoatoa lea tulaga e faamaonia ai e faapea o le faasilasilaga sa faaooina atu lelei e ala i faiga faaeletoroni i lalo o se taualumaga o faagaoioiga masani o faiga faakomepiuta e faagasolo ai pepa tusia a le Tiute.

(3) E lē faatatauina se faasilasilaga ua tuuina atu i se tagata, pe afai ua faamaonia e le tagata e faapea, e le o se faaletonu i le itu a le tagata, na lē maua e ia le faasilasilaga i totonu o le taimi sa faamaotiina po o sa le i mauaina lava.

333. Tulafono Faatonutonu-(1) E mafai e Le Ao o le Malo, i le faia i luga o le fautuaga a le Kapenea, ona faia tulafono faatonutonu e faamamaluina ai aiaiga po o mo faamoemoega o lenei Tulafono, ma aemaise ai e mafai ona faia tulafono faatonutonu e:

- (a) faatonuina ai tualumaga o talosaga mo le laiseneina o se nofoaga e avea ma nofoaga e pulea e le Ofisa o Tiute;
- (b) faatonuina ai tulaga ia e aliae mai ma le taimi lea e lē faia ai ni tau faaee atu e se tagata e fai le laisene o se nofoaga e pulea e le Ofisa o Tiute e maua mai ma teu ai oloa faaulufale mai;
- (c) faatonuina le taimi lea e ao ona faaoo atu ai lipoti e agai mai i totonu i lalo o lenei Tulafono;
- (d) tuusaunoa ai tagata po o vasega o tagata mai manoga o fuaiupu 29, 30, 31 ma le 33;
- (e) tuusaunoa ai se vaalele po o vasega o vaalele mai le faaaogāina o le fuaiupu 37 po o le 41;
- (f) faatonuina ai tulaga e aliae mai ia e mafai ona laueseina ai oloa ia e noatia i le vaavaaiga a le Ofisa o Tiute;
- (g) faatonuina ai auala ia e tataui i le Pule Sili o le Tiute ma logoina ai fua faatatau o faafesuiaga, o tupe a atunuu i fafo i tupe ua faaaogāina i totonu o Samoa;
- (h) faatonuina ai le faiga lea e faamaotiina ai le tele o le ava malosi i totonu o se meainu tau ava malosi, i luga o se pepa tusia o oloa po o mo faamoemoega o lenei Tulafono;
- (i) faatonuina ai tuusaunoaga, tapulaa po o tuutuuga ia e noatia ai malosiaga o le Pule Sili o le Tiute e toe faafoi ai po o oe toe totogi atu ai tiute;
- (j) faatonuina ai le uiga po o le tau aogā o oloa faataitai ia e mafai ona faaoo atu e aunoa ma se tiute, ma tuutuuga e noatia ia oloa faataitai ua mafai ona faaoo atu e aunoa ma se tiute;

- (k) faatonuina ai tuutuuga i le noatia ma le fai fuafua i tulaga e mafai ona faamatuu atu ai se tagata mai se faamalumaluga ua tuuina atu mo le totogiina o tiute i luga o oloa sa faaulufale mai i se tulaga lē tumau;
- (l) faatonuina ai tuutuuga i le noatia ma le fai fuafua i tupe toe faafoi o tiute ia e afai ona faatagaina, ma le aofaiga o tupe toe faafoi ia e mafai ona faatagaina;
- (m) faatonuina ai le vaitaimi lea e tatau ona teuina ai e le Ofisa o Tiute faamaumauga o le faaooina atu i po o e mai se faiga faakomepiuta o le faagaoioiga o pepa tusia o oloa a le Ofisa o Tiute;
- (n) faatonuina ai taualumaga o talosaga tetee ma le faafoeina o talosaga e le Pulega o Talosaga Tetee a le Ofisa o Tiute;
- (o) faatonuina ai le faiga lea e mafai ona faatino ai e le Pule Sili o le Tiute so o se malosiaga e faatau atu ai oloa i lalo o lenei Tulafono, ma le faiga (e aofia ai le poloaiga o tulaga faamuamua) lea e tatau ona faamaape ai tupe faasili o faatauga;
- (p) faatonuina ai soligatulafono i totonu o tulafono faatonutonu, e aofia ai faasalaga e lē sili atu i le 100 iunite tau faasalaga po o le ono (6) masina e nofosala ai i le falepuipui, po o faasalaga uma e lua;
- (q) mo le Vaega 9, ua faatonuina ai -
 - (i) se aofaiga o tiute i lalo ifo lea e lē manaomia ai le aoina o se tiute, ma tulaga aliae mai lea e lē manaomia ai le aoina o lea tiute; ma
 - (ii) le aofaiga aupito maualalo o le tiute e tatau ona toe faafoi i luga o oloa, ma tulaga aliae mai ia e lē tatau ai ona toe faafoi lea tiute e i lalo ifo o le aofaiga faatonuina; ma
 - (iii) le aofaiga aupito maualalo o tupe toe faafoi o tiute i luga o oloa, ma tulaga aliae mai ia o le a lē tatau ai ona faatagaina tupe toe faafoi o tiute i lalo o le aofaiga faatonuina;

- (r) faatonuina ai mo le faamoemoe o le Vaega 18, vaevaega 1 -
 - (i) o le tuuina atu o faamatalaga ma faamatalaga molimau a le Pule Sili o le Tiute;
 - (ii) i le noatia ma le fai fuafua i le faamaoniga o totogifuapauina e manaomia a le Komiti Faatino o Tupe Maua a le Atunuu;
 - (s) faatonuina ai e faasino i le Pulega o Talosaga Tete e a le Ofisa o Tiute -
 - (i) tualumaga; ma
 - (ii) soligatulafono ma faasalaga mo na soligatulafono e lē silia le 100 iunite tau faasalaga ma le ono (6) masina e nofosala ai i le falepuipui;
 - (t) faatonuina ai so o se mataupu e manaomia i lalo o aiaiga o lenei Tulafono ina ia faatonuina.
- (2) O tulafono faatonutonu ua faia i lalo o le faafuaiupu (1) mo nofoaga ua faaaogāina mo le gaosia po o le galueaina o oloa ia e tuusaunoa mai manaoga o le fuaiupu 11 ina ia laiseneina e avea ma nofoaga e pulea a le Ofisa o Tiute, e mafai ona faatonuina ai tuutuuga ua taua:
- (a) e faasino i le faiga o oloa ua gaosia po o ua galueaina.
 - (b) e faasino i le faapogai o oloa ua gaosia po o ua galueaina;
 - (c) faatapulaa ai le faaaogāina lea e mafai ona faia i oloa (mo se faataitaiga, o le faatagaina i le na o le faaaogāina e le tagata lava ia);
 - (d) faatapulaa ai le matua o so o se tagata e aafia ai i le gaosia po o le faaaogāina o oloa;
 - (e) faatapulaa ai le aofaiga tele o oloa ia e mafai ona galueaina e ala i so o se fua po o se isi faatulagaga o faamatalaga.
- (3) O tulafono faatonutonu ua faia i lalo o lenei Tulafono e mafai foi ona:
- (a) tuufaatasia ai e ala i faamatalaga molimau so o se aiaiga ua faatulaga atu i totonu -
 - (i) o se maliega tau fefaatauaiga faava o malo lea e avea ai Samoa ma sui auai (e pei o se maliega tau fefaatauaiga saoloto); po o

- (ii) so o se pepa aloaia ua faia e faamamaluina ai se maliega tau fefaatauaiga faava o malo;
- (b) tuufaatasia ai i totonu o tulafono faatonutonu -
 - (i) i le tulaga atoa po o se vaega; ma
 - (ii) i ai ni fesuaiga, faaopoopoga, po o fetuunaiga ua faamaotiina i totonu o tulafono faatonutonu.
- (4) O aiaiga ua tuufaatasia faaletulafono:
 - (a) o aiaiga ia e pei ona i ai i le taimi na faia ai tulafono faatonutonu; ma
 - (b) avea ma vaega o tulafono faatonutonu mo faamoemoega uma ma e i ai tulaga aloaia faaletulafono e tusa ai.
- (5) O se teuteuga i, po o se suiga o, o aiaiga ua tuufaatasia i lalo o le faafuaiupu (3), e i ai tulaga aloaia faaletulafono e avea ai ma vaega o tulafono faatonutonu aemaise ai pe afai ua faia tulafono faatonutonu lea e taua ai e faapea o lo o i ai i teuteuga faapitoa po o se suiga, lea tulaga aloaia

334. Faamaoniga o aiaiga ua tuufaatasia i faasinomaga-(1) O se ata o aiaiga ua tuufaatasia faaletulafono i lalo o le fuaiupu 333(3), e aofia ai so o se teuteuga i, po o se suiga o, o aiaiga e tusa ai o le fuaiupu 333(5) e tatau ona:

- (a) faamaonia e avea o se ata sao o aiaiga e le Pule Sili o le Tiute; ma
 - (b) taofia e le Pule Sili o le Tiute.
- (2) O le galueaina i totonu o taualumaga o se ata ua faamaonia o aiaiga, o le faamasinoga ua lava atoatoa lea o le tuufaatasia faaletulafono o aiaiga i totonu o tulafono faatonutonu.

335. Avanoa i aiaiga ua tuufaatasia i faasinomaga-(1) E tatau i le Pule Sili o le Tiute ona:

- (a) faamautinoa e faapea o ata mo so o se aiaiga ua tuufaatasia faaletulafono i lalo o le fuaiupu 333(3) ua avanoa i ai mo asiasiga i itula faigaluega, e aunoa ma se totogi, i nofoaga ua faamaoti mai i se faasilasilaga ua tuuina atu i lalo o le parakalafa (d); ma

- (b) faamautinoa e faapea o ata o aiaiga ua lomua faasalalau i luga o se Initaneti lea e avanoa faalauaitele i ai e aunoa ma se totogi, i le lava se faiga e faatino ai; ma
- (c) faamautinoa e faapea o ata o aiaiga ua avanoa i ai mo le faatauina mai i se tau talafeagai i nofoaga ua faamaotiina i totonu o se faasilasilaga ua tuuina atu i lalo o parakalafa (d); ma
- (d) faasilasila atu e ala i se faasilasilaga faalauaitele e taua ai e faapea -
 - (i) ua tuufaatasia faaletulafono aiaiga i totonu o tulafono faatonutonu faapitoa ma le aso lea na faia ai tulafono faatonutonu; ma
 - (ii) ata o aiaiga ua avanoa i ai (i taimi talafeagai uma) mo le asiasiga i itula faigaluega, e aunoa ma se totogi, i nofoaga ua faamaotiina; ma
 - (iii) ata o aiaiga ua avanoa i ai i luga o vaaiga faainitaneti ua faamaotiina; ma
 - (iv) ata o aiaiga e mafai ona faatauina mai i nofoaga ua faamaotiina.

(2) O le lē mafai ona tausisia o lenei fuaiupu e lē faalēaogāina ai tulafono faatonutonu lea e tuufaatasia faaletulafono ai aiaiga i lalo o le fuaiupu 333.

336. Faaaogāina o Tulafono o Tulafono Faatonutonu 1953 i aiaiga ua tuufaatasia i faasinomaga - E lē faaaogāina le Tulafono o Tulafono Faatonutonu 1953 i aiaiga ua tuufaatasia faaletulafono i lalo o le fuaiupu 333(3) o lenei Tulafono po o i se teuteuga i, po o se suiga o, o na aiaiga e tusa ai ma le fuaiupu 333(5).

337. Totogifuapauina, tau faaee atu, ma tupe alu-(1)
E mafai e le Minisita, i le faia i luga o le fautuaga a le Pule Sili o le Tiute, e ala i se poloaiga:

- (a) i le noatia ma le fai fuafua i le faamaoniga a le Komiti Faatino o Tupe Maua, ona faatonuina totogifuapauina ma tau faaee atu e tataua ona totogi i lalo o lenei Tulafono, po o auala ia o le a iloiloaina ai nei tau ma tagata o noatia ai i totogifuapauina ma tonu faaee atu;

- (b) i le noatia ma le fai fuafua i le faamaoniga a le Komiti Faatino o Tupe Maua, ona faatonuina tau faaee atu mo le auai ai o le tagata ofisa o le Ofisa o Tiute mo faamoemoega o lenei Tulafono;
- (c) ona aiaia ai mo noataga o so o se tagata ina ia totogi so o se tupe faaalu moni ma talafeagai sa faatupulaia e so o se tagata ofisa o le Ofisa o Tiute e tusa ai o so o se sui auai ai o lea tagata ofisa mo faamoemoega o lenei Tulafono;
- (d) ona faatonuina ai le tagata po o vasega o tagata ia e faasino i ai tau faaee atu ma tupe faaalu o faasinomia i le parakalafa (b) ma le (c) e tatau ona totogi, po o le faatagaina o le Pule Sili o le Tiute e fuafuaina le tagata e totogi i ai nei tupe.

(2) O fua faatatau eseese o totogifuapauina po o tau faaee atu, po o itu uma e lua, e mafai ona faatonuina i lalo o le faafuaiupu (1)(a) mo vasega eseese o tagata, po o ituaiga eseese onofoga o pulea e le Ofisa o Tiute, po o so o se isi lava tulaga tau eseese.

(3) O fua faatatau eseese o tau faaee atu e mafai ona faatonuina i lalo o le faafuaiupu (1)(b) mo le auai ai ao faagasolo itula faigaluega a le Ofisa o Tiute po o tagata e auai ai i tua atu o itula faigaluega a le Ofisa o Tiute, po o so o se isi lava tulaga tau eseese.

(4) E mafai i se poloaiga ua faia i lalo o le faafuaiupu (1) ona -

- (a) faatonuina tulaga aliae mai ia e mafai ai i so o se totogifuapauina, tau faaee atu po o tupe faaalu ona toe faafoi, toe totogi atu po o le tuusaunoa i lona tulaga atoatoa po oi se vaega;
- (b) atofaina se aso lea e ao ona totogiina ai so o se totogifuapauina po o se tau faaee atu;
- (c) faatonuina ai itula faigaluega a le Ofisa o Tiute, ma aiaia ai le faatulagaina o itu faigaluega faapitoa e tusa ai o so o se nofoaga faapitoa.

338. Pepa faatumu ua faamaonia-(1) E mafai e le Pule Sili o le Tiute ona faamaonia ni pepa faatumu mo so o se talosaga, tautinoga, faasilasilaga, tusi faamaonia, lipoti, laisene, pemitā po o so o se isi lava faatagaga po o pepa aloaia o manaomia le tuuina atu i totonu o se pepa faatumu, e aofia ai pepa faatumu ua taua:

- (a) o le pepa faatumu ma mataupu o i ai, ma faamatalaga auiliili e ao ona faamaonia e ala i se tautinoga i totonu, o lipoti agai mai i totonu o manaomia e faaoo atu i lalo o lenei Tulafono ma le faiga e tatau ona faaoo atu ai ia lipoti i le Ofisa o Tiute;
- (b) o le pepa faatumu, po o pepa faatumu, po o tusi faamaonia o le kiliaina e ao ona tuuina atu i lalo o lenei Tulafono;
- (c) o le pepa faatumu ma le faiga lea e tatau ona tusia ai oloa ia e faaaogā i ai le fuaiupu 60, ma faamatalaga auiliili e ao ona tuuina atu i totonu o le pepa tusia o oloa, ma le pepa faatumu o so o se tautinoga e ao ona faia i totonu o le pepa tusia o oloa;
- (d) o le pepa faatumu ma le faiga lea e tatau ona tusia ai oloa ia e faaaogā i ai le fuaiupu 74, ma faamatalaga auiliili e ao ona tuuina atu i totonu o le pepa tusia, ma le pepa faatumu o so o se tautinoga e ao ona faia i totonu o le pepa tusia o oloa;
- (e) o le pepa faatumu mo se faaiuga a le Ofisa o Tiute;
- (f) o le pepa faatumu ma le faiga, ma le taimi lea e tatau ona lipotia ai oloa ua taua i le Ofisa o Tiute -
 - (i) o oloa ua tuusaunoa mai manaoga o le fuaiupu 60 e ala i poloaiga ua faia i lalo o le fuaiupu 63(c);
 - (ii) o oloa ua faatatauina o le a tusia mo faamoemoega o le fuaiupu 60 e ala i poloaiga ua faia i lalo o le fuaiupu 63(d);
 - (iii) o oloa ua tuusaunoa mai manaoga o le fuaiupu 74 e ala i poloaiga ua faia i lalo o le fuaiupu 75(a);

(iv) o oloa ua faatatauina e ao ona tusia mo faamoemoega o le fuaiupu 74 e ala i se poloaiga ua faia i lalo o le fuaiupu 75(b).

(2) O le malosiaga e faamaonia ai pepa faatumu i lalo o le faafuaiupu (1) e aofia ai le malosiaga e:

(a) faamaonia ai faatulagaga faaeletoroni o feau tusia e ao ona faaaogāina mo le faaoo atu faaeletoroni o faamatalaga faamaumauina i po o i le va o masini komepiuta; ma

(b) teuteu ai po o e faalēaogā ai so o se pepa faatumu

(3) E lē tatau i le Pule Sili o le Tiute ona tuuina atu le malosiaga o i lalo o lenei fuaiupu i so o se isi lava tagata.

(4) E tatau i le Pule Sili o le Tiute ona lomina faasalalau pepa faatumu i totonu o se faasilasilaga faalauaitele ua faamaonia e le Pule Sili o le Tiute.

339. E ao ona lipotia le faaaogāina o le malosi-(1) Afai sa faaaogāina se faiga faamalosiā pe afai e tauaveina se galuega tauave, tiute po o se malosiaga i lalo o lenei Tulafono e tatau ona tuuina atu se lipoti tusitusia (o faatulaga ai le uiga o le faiga faamalosi sa faaaogāina ma tulaga aliae mai lea sa faaaogā i ai lea fiaga faamalosiā):

(a) le Pule Sili o le Tiute, pe afai sa faaaogāina le faiga faamalosiā e le tagata ofisa o le Ofisa o Tiute; po o

(b) le Komesina o leoleo, pe afai sa faaaogāina le faiga faamalosiā e se leoleo.

(2) E tatau ona tuuina atu le lipoti i totonu o le lima (5) aso o le faaaogāina o le faiga faamalosiā.

340. Faailoaina atu o faamatalaga i atunuu i fafo-(1) E mafai e le Pule Sili o le Tiute ona faailoa atu so o se faamatalaga ua faamaotiina i totonu o le fuaiupu 341(1) i se lala sooupu, faalapotopotoga, po o se tagata i atunuu i fafo, o ana galuega tauave e aofia ai:

(a) le puipuiga, faailoagofie ai, suesuega, faia o moliaga, po o faasalaga o se soligatulafono lea uia po o pe afai o lea sa faia i totonu o Samoa ua avea o se soligatulafono i lalo o lenei Tulafono;

(b) o le fegasoloai o tagata pasese faava o malo i tuaoi e ala i pulega a Malo; po o

- (c) puipuigamalu o tuaoi; po o
 - (d) le faamalosia o se tulafono o faaee atu ai se faasalaga tau tupe; po o
 - (e) le puipuiga o tupe maua a le Malo.
- (2) O le faailoaina atu o faamatalaga i lalo o le faafuaiupu (1) e tatau ona i:
- (a) lalo o se maliega i le va o le Pule Sili o le Tiute ma le lala sooupu, o le faalapotopotoga, po o se tagata e faatatau i ai lea e tausisia ai le faafuaiupu (3) ma le (4); po o
 - (b) i lalo o le faafuaiupu (6).
- (3) E lē tatau i se Pule Sili o le Tiute ona ulu atu i se maliega mo le faamoemoe o le faafuaiupu (2)(a) seia vagana ai ua faamalieina o ia e faapea ua faamaonia lea tulaga e fesoasoani ai i le puipuia, faailoagofie, po o le tali atu i soliga o tulafono a Samoa po o:
- (a) mo se maliega ma se lala sooupu faava o malo po o se faalapotopotoga, ina ia fesoasoani i le puipuia, faailoagofieina, po o le tali atu i gaoioiga o se ituaiga o lona puipuiga po o le faailoagofieina po o le tali atu i ai, o lo o i ai i galuega tauave a le lala sooupu po o le faalapotopotoga;
 - (b) i so o se isi lava mataupu, ina ia fesoasoani ai e puipui, faailoagofie, po o le tali atu i soliga o tulafono a le isi lea atunuu e faatatau i ai.
- (4) Mo faamoemoe o le faafuaiupu (2)(a), o se maliega:
- (a) e tatau ona i se faiga tusitusia; ma
 - (b) e tatau ona taua ai taiala faataatitia mo le faailoaina atu o faamatalaga i lalo o le maliega; ma
 - (c) e tatau ona taua ai, e tusa ai o faamatalaga e ao ona faailoaina atu -
 - (i) o le faaaogāina lea e mafai e le lala sooupu, faalapotopotoga po o le tagata ona faia i ai; ma
 - (ii) a le:
 - (A) e faapea e lē tatau i se lala sooupu, faalapotopotoga, po o se tagata ona faailoaina atu se faamatalaga i so o se isi lava lala sooupu, se faalapotopotoga, po o se tagata; po o

(B) isi lala sooupu, faalapotopotoga, po o tagata lea e m afai e se lala sooupu, se faalapotopotoga, po o se tagata ona faailoa atu i ai so o se faamatalaga, ma le tulaga e oo i ai, ma tuutuuga e mafai ona noatia ai le lala sooupu, faalapotopotoga po o se tagata e faia faapea; ma

(d) e mafai ona taua ai -

(i) le pepa faatumu lea ua mafai ona faailoa atu ai le faamatalaga;

(ii) le auala lea ua mafai ona faailoa atu ai le faamatalaga; ma

(e) e mafai ona fetuutuunai.

(5) E lē faatapulaaina e leni fuaiupu malosiaga aoao o le Pule Sili o le Tiute e ulu atu ai i totonu o se maliega e le o faasino i le faailoaina atu faamatalaga i so os e lala sooupu, faalapotopotoga po o se tagata i atunuu i fafo.

(6) E mafai e le Pule Sili o le Tiute ona faailoa atu faamatalaga i se lala sooupu, se faalapotopotoga po o se tagata i atunuu i fafo e aunoa ma se maliega tusitusia o faamaotiina i le faafuaiupu (2)(a) pe afai:

(a) o galuega tauave a le lala sooupu, se faalapotopotoga, po o se tagata e aofia ai le puipuiga, faailoagofie ai, suesuega, faia o moliaga po o faasalaga a le Ofisa o Tiute o soligatulafono o so o se ituaiga, po o isi soligatulafono e tatau ona faasalaina i le nofosala i le falepuipui; ma

(b) ua faailoa atu ai faamatalaga i le noatia ma le fai fuafua i tuutuuga ua taua e faapea -

(i) o le faaaogāina lea e mafai e le lala sooupu, se faalapotopotoga, po o se tagata ona faia i ai; ma

(ii) a lē:

(A) e faapea e lē tatau i se lala sooupu, se faalapotopotoga po o se tagata ona faailoaina atu se faamatalaga i so o se isi lava lala sooupu, se faalapotopotoga, po o se tagata; po o

- (B) isi lala sooupu, o faalapotopotoga, po o tagata lea e mafai e se lala sooupu, se faalapotopotoga, po o se tagata ona faailoa atu i ai so o se faamatalaga, ma le tulaga e oo i ai ma tuutuuga e mafai ona noatia ai le lala sooupu, faalapotopotoga po o se tagata e faia faapea; ma
- (C) o le Pule Sili o le Tiute e faia ma tausia se faamaumauga o -
- (i) le faamatalaga lea sa faailoaina atu; ma
 - (ii) le lala sooupu, faalapotopotoga, po o se tagata lea sa faailoa atu i ai le faamatalaga; ma
 - (iii) e noatia tuutuuga i tulaga ia sa faailoa atu ai.

(7) E ui lava i le faafuaiupu (4), pe afai, a o lumanai ai le amata faamamaluina o lenei fuaiupu, na ulufale atu ai le Malo po o le Pule Sili o le Tiute i totonu o so o se maliega po o se faatulagaga ma se lala sooupu, faalapotopotoga, po o se tagata i se isi atunuu, ma o lea maliega po o faatulagaga sa tatau ona faia po o ua ulufale atu i ai i lalo o lenei fuaiupu, e faaauau pea le maliega po o faatulagaga ma e i ai tulaga aloaia e faapei ai sa faia po o ua ulufale atu i ai i lalo o lenei fuaiupu.

(8) E lē tatau i le Pule Sili o le Tiute ona faailoa atu so o se faamatalaga i lalo o le faafuaiupu (6) seia vagana ai ua faamalieina e faapea o lea faamatalaga e faasino i se tulaga e masalomia ai le:

- (a) lē tausisia o le tulafono a Samoa; po o
- (b) mo se faailoaina atu i se lala sooupu faava o malo po o se faalapotopotoga, gaoioiga o se ituaiga o lona puipuiga, po o le faailoagofieina po o le tali atu i ai, o lo o i ai i galuega faatino a lea lala sooupu faava o malo po o se faalapotopotoga; po o
- (c) i so o se isi lava tulaga, ua lē tausisia ai le tulafono a le isi lea atunuu.

341. O faamatalaga e mafai ona faailoa atu-(1) E mafai ona faailoaina atu faamatalaga ua taua i lalo o le fuaiupu 340:

- (a) lisi o pasese ma le auvaa o le vaalele;
- (b) faagaoioiga o vaa (lea e mafai ona aofia ai lisi o pasese ma le auvaa);
- (c) gaoioiga tau femalagaaiga ua tuanai a tagata ua faamaotiina;
- (d) moliaga ua faamaonia talu ai a tagata ua faamaotiina;
- (e) tala faasolopito aoao o tagata ua faamaotiina (lea e mafai ona aofia ai tulaga lagolago ma faiga tau fesootaiga);
- (f) auala e faatino ai se galuega a tagata ua faamaotiina;
- (g) tulaga tau tupe ua iloa ma isi feuaiga tau tupe o aia talafeagai, e aofia ai aofiaga i le aumai faasolitulafono o tupe;
- (h) iloiloga tau auiliiliga o faamatalaga faapitoa ma lipoti;
- (i) auiliiliga o le faalavelaveina o meli;
- (j) auiliiliga o tulaga e iloagofie ai le tagata (lea e aofia ai ata pue, foliga e ese ai, ma auiliiliga o tulaga e iloagofie ai po o pepa aloaia tau femalagaaiga);
- (k) o igoa ma auiliiliga o tagata ofisa o le Ofisa o Tiute po o isi tagata faigaluega a le Ofisa o Tiute, o tagata faigaluega o malaga ma felauaiga, ma tagata faigaluega i fefaatauaiga ma pisinisi tau malaga;
- (l) faamatalaga auiliili o le iloa lelei po o le masalomia o aafiaga o se tagata i totonu o gaoioiga e lē faatagaina;
- (m) faamatalaga i totonu o pepa tusia o oloa faaulufale mai ma oloa auina ese atu.

(2) E lē taofia pe faatapulaa e le fuaiupu 340 so o se faailoaina atu o faamatalaga e ese ai na i lo i lalo o lea fuaiupu, lea e mafai ona manaomia pe faatagaina e po o i lalo o le tulafono, po o so o se feagaiga, maliega po o faatulagaga lea e avea ai Samoa ma vaega auai (tusa lava pe ala atu i se faamaoniga, talia aloaia po o se isi faiga e ese ai).

342. E mafai e le Tiute, mo nisi faamoemoe, ona aoina, faaaogā pe faailoa atu nisi faamatalaga-(1) O lenei fuaiupu e faaaogā i faamatalaga sa vaai e le Ofisa o Tiute i lalo o le fuaiupu 50 po o le 54, ma i faamatalaga ia ua tuuina atu ai le avanoa i le Ofisa o Tiute i lalo o le fuaiupu 112.

(2) E mafai e le Ofisa o Tiute ona aoina, faaaogā, po o le faailoa atu o faamatalaga mo so o se faamoemoe ua taua:

- (a) tauaveina o se malosiaga, galuega tauave, po o tiute i lalo o lenei Tulafono;
- (b) o le puipuiga, faailoagofieina, suesuega, faia moliaga, ma faasalaga o se soligatulafono lea ua po o e faapea pe afai sa faia i totonu o Samoa, o le a avea loa o se soligatulafono i lalo o lenei Tulafono po o so o se isi lava tulafono;
- (c) o le faagasologa o pasese faava o malo i le tuaoi o pulega a le Malo;
- (d) o le puipuiga o le malupuipua o tuaoi;
- (e) o le puipuiga o le soifua maloloina ma le saogalemu o sui o le atunuu.

(3) Afai o le faamatalaga ua faailoa atu mo se faamoemoe maoti i lalo o le fuaiupu 340(2), o se faamatalaga tau le tagata lava ia, o le lala sooupu, faalapotopotoga, po o se tagata:

- (a) ua faatagaina ai e lenei fuaiupu ina ia maua mai ma aoina lea faamatalaga mo lea faamoemoe; ae peitai
- (b) e faatoa mafai ona tausia, faaaogā, po o le faailoa atu o lea faamatalaga (i se isi lala sooupu o faamamaluina i le i ai o le faamaoniga a le Pule Sili o le Tiute).

(4) E faaaogā le fuaiupu 340 faatasi ai ma fesuaiga talafeagai, i le faailoaina atu o faamatalaga i se lala sooupu, faalapotopotoga, po o se tagata o i se isi atunuu, o ana galuega tauave e aofia ai:

- (a) le puipuiga, faailoagofieina, suesuega, faia o moliaga ma faasalaga o se soligatulafono lea ua po o e faapea afai sa faia i totonu o Samoa, o le a avea loa o se soligatulafono i lalo o lenei Tulafono po o so o se isi lava tulafono;
- (b) o le faagasologa o pasese faava o malo i le tuaoi o pulega a le Malo; po o
- (c) puipugamalu o le tuaoi; po o

(d) le puipuiga o le soifua maloloina ma le saogalemu o sui o le atunuu.

(5) E leai se mea o i lenei fuaiupu e faatapulaa ai le fuaiupu 54 po o le 57.

*Vaevaega 4 - Teuteuga, soloia, aloaia,
aiaiga faasaoina ma aiaiga tau soloaiga*

343. Teuteuga faatupulaia - O Tulafono ua faamaoti mai i le Faamatalaga 2 ua teuteuina i le faiga ua faailoa atu i lea Faamatalaga.

344. Soloia-(1) Ua soloia tulafono ua taua:

- (a) Tulafono o le Ofisa o Tiute 1977;
- (b) Tulafono Faatonutonu o le Ofisa o Tiute 1986;
- (c) Tulafono Faatonutonu o Faiga Faakomepiuta a le Ofisa o Tiute 1997;
- (d) Tulafono Faatonutonu o le Fuafuaina o Tau a le Ofisa o Tiute 2011.

(2) E ui lava i le soloia o tulafono faatonutonu ua taua i lalo o le faafuaiupu (1), o aiaiga o na tulafono faatonutonu ia e lē feteenai ma aiaiga o lenei Tulafono, e faaaauau pea ona faamamaluina e faapei ai sa faia ia aiaiga i lalo o lenei Tulafono seia oo ina suia na aiaiga po o le soloia i lalo o lenei Tulafono.

(3) So o se isi lava tulafono faatonutonu po o se isi pepa faaletulafono (o i ai i le amata faamamaluina o lenei Tulafono) ua faia i lalo o le Tulafono o le Ofisa o Tiute 1977 e faaaauau pea e faapei ai sa faia ia tulafono faatonutonu ma pepa faaletulafono i lalo o lenei Tulafono, seia oo ina suia pe soloia i lalo o lenei Tulafono.

345. Aloaia o gaoioiga i lalo o Maliega i le Va o Malo e faasino i le taofia lē tumau o tiute a le Ofisa o Tiute - O se gaoioiga ua faia e tusa ai o se maliega tau le va o Malo e faasino i le taofia lē tumau o tiute a le Ofisa o Tiute a o lumanai ai le amata faamamaluina o lenei Tulafono, e faaaauau pea ona faamamaluina e faapei ai sa faatagaina nei gaoioiga i lalo o lenei Tulafono.

346. Faasaoina mo Taulumaga ma isi mataupu - E ui lava i le soloia o le Tulafono o le Ofisa o Tiute 1977, so o se:

- (a) tualumaga i le va o tagata sa amataina i se faamasinoga a o lumanai ai le amata faamamaluina o lenei Tulafono; po o
- (b) faaiuga tau pulega po o manatu tau le faavasegaga o le faasologa o tiute ua tuuina atu i lalo o le Tulafono o le Ofisa o Tiute 1977; po o
- (c) aia tatau o i ai po o tualumaga e faasino i se tupe toe faafoi, faamagaloga, po o tupe toe faafoi o tiute i lalo o le Tulafono o le Ofisa o Tiute 1977; po o
- (d) so o se talosaga ua faia i lalo o aiaiga o le Tulafono o le Ofisa o Tiute 1977 mo le tuueseina aloaia o oloa ua faoa e lē toe faafoia; po o
- (e) so o se faatamaiaina o oloa e tusa ai ma aiaiga o le Tulafono o le Ofisa o Tiute 1977,
e faaauau pea ona faamamaluina e pei ai sa faia pe sa faatagaina i lalo o lenei Tulafono.

Vaevaega 5 - Aiaiga tau soloaiga

347. Aiaiga tau soloaiga e faasino i fuaitau faaaogāina-(1) I le noatia ma le fai fuafua i so o se isi lava aiaiga o lenei Tulafono, i le amata faamamaluina ai o lenei Tulafono:

- (a) so o se faasinomaga i le Auaunaga Tau le Tiute a Samoa, i totonu o so o se tulafono, poloaiga po o pepa aloaia, e ao ona faitauina e avea o se faasinomaga i Auaunaga Tau le Ofisa o Tiute a Samoa;
- (b) so o se faasinomaga i se tagata ofisa o le Ofisa o Tiute po o se tagata ofisa e talafeagai ai, i so o se tulafono po o so o se pepa aloaia, e ao ona faitauina e avea o se faasinomaga i se tagata ofisa o le Ofisa o Tiute;
- (c) so o se faasinomaga i le Pule Sili o le Tiute i so o se tulafono po o pepa aloaia, e ao ona faitauina e avea o se faasinomaga i le Pule Sili o le Tiute o le Auaunaga Tau le Tiute a Samoa.

(2) I luga po o le tuanai ai o le amata faamamaluina o lenei fuaiupu, o taualumaga uma ua faia po o o lo o i ai nei i lalo o le Tulafono o le Ofisa o Tiute 1977, e faaauau pea e faapei ai sa faavaeina i lalo o lenei Tulafono, ma o aia tatau uma ma noataga o le Matagaluega e nafa ma Tiute o i ai i lea lava taimi a o le i amata faamamaluina lenei fuaiupu, e avea ma aia tatau ma noataga a le Auaunaga Tau le Tiute a Samoa.

348. Aiaiga tau soloaiga e uiga i le iloiloga ma le totoigiina o tiute - O aiaiga o le Tulafono o le Ofisa o Tiute 1977 ma so o se tulafono faatonutonu, Poloaiga, tusi faapoloaiga, ma gaoioiga a le pulega i lalo o lea Tulafono e faaauau pea ona faamamaluina ma faaaogā i le:

(a) totoigiina o tiute e tatau ona totogi a o le i amata faamamaluina lenei fuaiupu; ma

(b) le iloiloga ma le totoigiina o tiute e mafai ona iloiloa a o le i amata faamamaluina lenei fuaiupu,

e faapei ai e le i pasia lenei Tulafono.

349. Nofoga tau suesuega ua faatatauina e avea ma nofoaga e pulea e le Tiute - So o se nofoaga lea sa atofaina e avea ma nofoaga o suesuega na i ai i lea taimi a o le i faamamaluina lenei fuaiupu e le Pule Sili o le Tiute e tusa ai ma le fuaiupu 32 o le Tulafono o le Ofisa o Tiute 1977, ua faatatauina lea nofoaga mo faamoemoega o lenei Tulafono, e avea o se nofoaga ua laiseneina a le CCA, mo faamoemoega ua faamatala mai i le parakalafa (d) ma le (e) o le fuaiupu 11.

350. Uafu e faaee i ai, ma uafu ua faatatauina e avea ma nofoaga e pulea e le Tiute - O se nofoaga lea sa i ai i lea lava taimi a o le i amata faamamaluina lenei fuaiupu, o se uafu e see i ai na atofaina e le Pule Sili o le Tiute, o le Ofisa o Tiute i lalo o le Tulafono o le Ofisa o Tiute 1977, ua faatatauina lea nofoaga mo faamoemoega o lenei Tulafono, e avea o se nofoaga ua laiseneina a le CCA mo faamoemoega ua faamatala mai i le parakalafa (d) ma le (e) o le fuaiupu 11.

351. Apitaga o le aufaigaluega, mea eseese e faaaogā ma fale e faasee i ai ua faatatauina e avea ma nofoaga e pulea e le Tiute-(1) O se nofoaga lea sa i ai i lea lava taimi a o lumanai ai le amata faamamaluina lenei fuaiupu:

(a) o se nofoaga tau apitaga po o fale e nonofo ai le aufaigaluega, sa faatonuina e le Minisita mo Tupe Maua, e mo le faaaogāina faapitoa e tagata ofisa o le Tiute i lalo o le Tulafono o le Ofisa o Tiute 1977; po o

(b) se fale feaveai ua faaalia manino e le Minisita mo Tupe Maua e ao ona manaomia i lalo o le Tulafono o le Ofisa o Tiute 1977,

ua faatatauina mo faamoemoega o lenei Tulafono ina ia avea o se nofoaga ua laiseneina a se CCA, mo faamoemoega ua faamatalaina i parakalafa (d) ma le (e) o le fuaiupu 11.

(2) Afai ua agavaa se vaega o so o se nofoaga o faasinomia i totonu o le faafuaiupu (1)(a) i le taimi lava lea a o lumanai ai le amata faamamaluina o lenei fuaiupu, e tuusaunoa mai tau faaee atu i lalo o le Tulafono o le Ofisa o Tiute 1977, e faaauau pea ona tuusaunoa lea nofoaga mai i na tau faaee atu seia vagana ai ua faia se talosaga e tusa ai o lea nofoaga, i lalo o le fuaiupu 355 o lenei Tulafono ma tagofia ai i lalo o lenei Tulafono.

352. Fale teu oloa mo oloa auina ese atu ua faatatauina e avea ma nofoaga e pulea e le Tiute - O se nofoaga lea sa i ai i lea lava taimi a o le i amata faamamaluina lenei fuaiupu, se fale ua laiseneina e teu ai oloa e auina ese atu i lalo o le Tulafono o le Ofisa o Tiute 1977, ua faatatauina mo faamoemoega o lenei Tulafono e avea o se nofoaga ua laiseneina a le CCA mo faamoemoega ua faamatalaina i le fuaiupu 11(b) o lenei Tulafono.

353. Nofoaga e gaosi ai oloa ua faatatauina e avea ma nofoaga e pulea e le Tiute - O se nofoaga lea sa i ai i lea lava taimi a o le i amata faamamaluina lenei fuaiupu, o se nofoaga ua laiseneina e gaosi ai oloa i lalo o le Tulafono o le Ofisa o Tiute 1977, ua faatatauina mo faamoemoega o lenei Tulafono e avea o se nofoaga ua laiseneina a le CCA mo le faamoemoe ua faamatala mai i le fuaiupu 11(a) o lenei Tulafono.

354. Aiaiga tau soloaiga e faasino i aiaiga o tofiga po o laisene - O se tulaga faapitoa, faatapulaaina, tuutuuga po o le tulaga faasaina lea sa faaaogā i lea lava taimi a o le i amata faamamaluina lenei Tulafono, i lalo o le Tulafono o le Ofisa o Tiute 1977 i so o se nofoaga o suesuega, uafu, uafu e see i ai, fale e teu ai oloa e auina ese atu, po o nofoaga e gaosia ai oloa, e faaauau pea ona faaaogā e ui lava i le pasia ai o lenei Tulafono, seia vagana ai ua faia se talosaga e tusa ai o lea nofoaga ina ia tusa ai ma le fuaiupu 355 o lenei Tulafono ma tagofia ai i lalo o lenei Tulafono.

355. Talosaga mo laisene e avea ai se nofoaga ma nofoaga e pulea e le Tiute, ina ia faia i totonu o le 40 aso faigaluega - Ia lē sili atu i lo le 40 aso faigaluega i le tuanai ai o le amata faamamaluina o lenei Tulafono e mafai ai ona talosaga lē e ona po o lē o nofoia po o se tagata o galue ai i totonu o so o se nofoaga lea e faasino i ai le fuaiupu 349 e oo i le 353, i lalo o le fuaiupu 13 o lenei Tulafono mo se laisene a le CCA.

356. Tulaga tau soloaiga e faaauau seia faia o se talosaga ma faalēaogāina ai-(1) I le noatia ma le fai fuafua i le faafuaiupu (2), o se nofoaga lea ua faatatauina e ao ona avea ma nofoaga e pulea e le Ofisa o Tiute i lalo o so o se fuaiupu 349 e oo i le 353, e faaauau pea ona avea le nofoaga ma nofoaga e pulea e le Ofisa o Tiute seia vagana ai ua faia se talosaga i lalo o le fuaiupu 13 e tusa ai o le fuaiupu 355 o lenei Tulafono ma tagofia ai i lalo o lenei Tulafono.

(2) Afai, i le muta ai o le vaitaimi o faamaotiina i le fuaiupu 355 o lenei Tulafono, e le i faia se talosaga ina ia tusa ai ma lea fuaiupu e faasino i se nofoaga lea e faaaogā i ai fuaiupu 349 e oo i le 353 o lenei Tulafono, o le a faamuta loa ona avea lea nofoaga ma nofoaga e pulea e le Ofisa o Tiute.

357. Aiaiga tau soloaiga e faasino i tagata ua faamaonia ina ia tolopo le totogiina o tiute-(1) I le noatia ma le fai fuafua i le faafuaiupu (2), o se tagata o ia lea, i lea lava taimi a o le i amata faamamaluina lenei fuaiupu, sa faamaonia i lalo o le Tulafono o le Ofisa o Tiute 1977 ina ia tolopo le totogiina o le tiute, ua faatatauina lea tagata e avea o se tagata ua faamaonia mo faamoemoega o le fuaiupu 102(6) o lenei Tulafono.

(2) I se taimi vave lava e mafai ai ona faatino i le tuanai ai o le amata faamamaluina o lenei fuaiupu, e tatau i le Pule Sili o le Tiute ona tuuina atu i le tagata o lo o taua i le faafuaiupu (1) se faasilasilaga i lalo o lenei Tulafono o lo o faamaoti ai tuutuuga ma aiaiga ua talafeagai ai mo le tolopoina o le tiute e tusa ai o tuutuuga ua faaee atu i lalo o le Tulafono o le Ofisa o Tiute 1977.

(3) E ui lava i le faafuaiupu (2), e mafai e le Pule Sili o le Tiute ona fetuunai po o le faalēaogā so o se faamaoniga lea e faaogā i ai le faafuaiupu (1) po o e mafai ona fetuunai po o le faalēaogā so o se tuutuuga po o aiaiga o lo o aafia ai le faamaoniga.

358. Aiaiga tau soloaiga e faasino i pisinisi e lē manaomia ona laiseneina-(1) Afai, i lea lava taimi a o le i amata faamamaluina lenei fuaiupu, o se tagata o tauaveina se pisinisi e pei o se tagata gaosi oloa o faamaotiina i le Tulafono o Fua Faatatau o Lafoga o oloa e Gaosia i le Atunu 1984 sa, i lalo o se faatonuga sa tuuina atu e le Minisita mo Tupe Maua i lalo o le Tulafono o le Ofisa o Tiute 1977, e lē manaomia le laiseneina, o le nofoaga lea e tauaveina ai e lea tagata le pisinisi ua faatatauina e avea ma nofoaga sa tuuina atu i ai se faatonuga a le Pule Sili o le Tiute i lalo o le fuaiupu 12(4) o lenei Tulafono.

(2) Ua faatatauina se faatonuga a le Pule Sili o le Tiute na tuuina atu i lalo o le faafuaiupu (1) e faapea, na tuuina atu mo le vaega o le pisinisi ma nofoaga o faamaotiina i le faatonuga na tuuina atu e le Minisita i lalo o le Tulafono o le Ofisa o Tiute 1977.

(3) Ia lē sili atu i lo le 40 aso faigaluega i le tuanai ai o le amata faamamaluina o lenei fuaiupu e mafai ai e se tagata o ia lea ua faaogā i ai lenei fuaiupu, ona faia se talosaga i lalo o lenei Tulafono mo le nofoaga lea na tauaveina ai le pisinisi e le tagata e pei ona faamanino mai i le faafuaiupu (1), ina ia laiseneina e avea ma nofoaga e pulea e le Ofisa o Tiute, ma aiaiga uma o lenei Tulafono e faaogā i lea talosaga.

(4) O se nofoaga ua faamatala mai i le faafuaiupu (1) e faaauau pea ona faatatauina e avea o se nofoaga lea na tuuina atu i ai le faatonuga a le Pule Sili o le Tiute i lalo o le fuaiupu 12(4) o lenei Tulafono seia vagana ai ua faia se talosaga e tusa ai o lea nofoaga i lalo o le faafuaiupu (3) ma tagofia ai i lalo o lenei Tulafono.

(5) Afai, i le faamuta ai o le vaitaimi o faamaotiina i le faafuaiupu (3), e leai se talosaga na faia ai i lalo o lea faafuaiupu, o lea nofoaga ua faamuta ona avea o se nofoaga e tusa o lea tulaga na tuuina atu ai e le Pule Sili o le Tiute se faatonuga i lalo o le fuaiupu 12(4) o lenei Tulafono.

359. Aiaiga tau soloaiga e faasino i so o se suesuega i mataupu tau le va o tagata po o suesuega tau solitulafono i lalo o le Tulafono o le Ofisa o Tiute 1977-(1) O se tagata o ia lea e mafai ona faataunuu se malosiaga i lalo o so o se fuaiupu 161, 175, 183, 184, 188, 189, 196 ma le 202 o lenei Tulafono mo le faamoemoe o le suesueina o soligatulafono ua masalomia sa faia e faasaga i lenei Tulafono, e mafai foi ona ia faataunuu lea malosiaga i lalo o lenei Tulafono mo le faamoemoe o le suesueina o soligatulafono ua masalomia le faia e faasaga i le Tulafono o le Ofisa o Tiute 1977.

(2) Mo faamoemoega o le faafuaiupu (1), o se faasinomaga i lenei Tulafono:

(a) i so o se soligatulafono i fuaiupu 175(1), 188(1), 189(1), ma le 196(1) o lenei Tulafono;

(b) i oloa o i le fuaiupu 185(1) o lenei Tulafono;

(c) i se mea o i le fuaiupu 196(1)(c) o lenei Tulafono, ua faatatauina o lo o aofia ai se faasinomaga i le Tulafono o le Ofisa o Tiute 1977.

(3) I le maea ai o le faataunuuina, e tusa ai o le faafuaiupu (1), o so o se malosiaga i lalo o lenei Tulafono e faasino i se soligatulafono ua masalomia ua faia e faasaga i le Tulafono o le Ofisa o Tiute 1977, e tatau i le Pule Sili o le Tiute po o se tagata ofisa o le Ofisa o Tiute, i le a lava le tulaga e mafai ai, ona lē faataunuuina so o se malosiaga uiga tutusa i lalo o le Tulafono o le Ofisa o Tiute 1977 e faasino i lea soligatulafono ua masalomia.

(4) O lenei fuaiupu e lē aafia ai le fuaiupu 20A o le Tulafono o le Faamatalaga o Tulafono 1974.

360. Tulafono faatonutonu tau soloaiga - E mafai e Le Ao o le Malo, i le faia i luga o le fautuaga a le Kapeneta, i totonu o le lua (2) tausaga o le amata faamamaluina o lenei Tulafono, ona faia tulafono faatonutonu e tagofia ai so o se isi lava mataupu tau soloaiga ma mataupu faasaoina.

FAAMATALAGA 1
(fuaiupu 91)

OLOA FAAULUFALE MAI E FAASAINA

1. O le faatauina atu o se oloa i totonu o Samoa e mafai ona avea o se soligatulafono e faasaga i so o se tulafono e uiga i le faatauina atu o taumafa ma vailaau.
2. O se pepa aloaia e le tusa ma tatau ai i le uiga o le Tulafono o Lomiga Faasalalau e Mataga 1960 po o e faasaina i lalo o so o se isi lava tulafono.
3. O le faaulufale mai o so o se tupe sese po o e taufaasese, poo tupe pepa i faletupe, pepa o siaki tupe po o pepa faamaonia e totonu ai aitalafu e le i faamaonia e le Minisita. So o se tupe e le i faamautuina le tulaga o le mamafa ma le lelei.
4. So o se isi lava oloa po o mataupu ua faasaina i lalo o so o se isi lava tulafono.

FAAMATALAGA 2
(fuaiupu 343)

TEUTEUGA FAATUPULAIA

Tulafono	Fuaiupu	Aveese	Sui i ai
1. Tulafono o le Faasologa o Tiute	2(2)	“mo faamoemoega o le fuaiupu 3 o le Tulafono o le Ofisa o Tiute 1977”	“mo faamoemoega o le fuaiupu 3(3) ma le (4) o le Tulafono o le Ofisa o Tiute 2014”
	2(3)	“fuaiupu 143 (tulaga aliae mai o tiute ua suia) o le Tulafono o le Ofisa o Tiute 1977”	“Fuaiupu 121 o le Tulafono o le Ofisa o Tiute 2014
	3A(2)	“fuaiupu 123 o le Tulafono o le Ofisa o Tiute 1977	“Tulafono o le Ofisa o Tiute 2014.
	9(7)	“fuaiupu 279 o le Tulafono o le Ofisa o Tiute 1977”	“fuaiupu 355 o le Tulafono o le Ofisa o Tiute 2014”
2. Tulafono o Faamatalaga Molimau 1961.	10	“fuaiupu 271 o le Tulafono o le Ofisa o Tiute 1977	“fuaiupu 221 ma le 230(1)(d) o le Tulafono o le Ofisa o Tiute 2014
3. Tulafono o Lafoga o Oloa Gaosi i le Atunuu (Pulega i totonu o le Atunuu) 1984	7	“o se, “faleteu oloa e gaosi ai oloa”, lea sa tuuina atu i ai se laisene i lalo o le fuaiupu 82 a le Tulafono o le Ofisa o Tiute 1977.”	“o se nofoaga e pulea e le Ofisa o Tiute, lea sa tuuina atu i ai se laisene mo le gaosia o oloa i lalo o le fuaiupu 12 o le Tulafono o le Ofisa o Tiute 2014”

Tulafono o Lafoga o Oloa Gaosi i le Atunuu	4	“fuaiupu 3 o le Tulafono o le Ofisa o Tiute 1977.”	“fuaiupu 3(3) ma (4) o le Tulafono o le Ofisa o Tiute 2014”
---	---	--	---

(Pulea o Oloa Faaulufale Mai) 1984			
	6	“fuaiupu 123 o le Tulafono o le Ofisa o Tiute 1977”	“fuaiupu 94 o le Tulafono o le Ofisa o Tiute 2014”
4. Tulafono o Mea Taumafa ma Vailaau 1967	7A(3)	“fuaiupu 123 o le Tulafono o le Ofisa o Tiute 1977”	“fuaiupu 93 o le Tulafono o le Ofisa o Tiute 2014”
5. Tulafono o Tautoga, Faamatala ga Tauto ma Tautinga 1963	14 ma le 21	“Pule o le Ofisa o le Tiute”	“Pule Sili o le Tiute”
6. Tulafono o le Potelate 1967	2	“Le e aoina” o lona uiga o le Pule o le Ofisa o Tiute	“Pule Sili” o lona uiga o Pule Sili o le Tiute”
	5(1) ma le 6(3)	“Pule o Tiute”	“Pule Sili”
7. Tulafono o le Felauaiga o oloa i le Sami 1960	11	“Pule o le Tiute” ma le “Pule”	“Pule Sili o le Tiute ma “Pule Sili,” i lona faasologa
8. Tulafono o Mea Samoa Faa-anamua 1954	4(2)	“o le Pule o le Tiute po o se isi ofisa talafeagai o le ofisa o tiute” ma le “Pule Sili po o isi tagata ofisa talafeagai”	“Pule Sili o le Tiute po o se tagata ofisa o le Ofisa o Tiute” ma “le

			Pule Sili po o tagata ofisa o le Ofisa o Tiute,” i lena faasologa
9. Tulafono o Fefaatau-aiga o Mea Tau Pisinisi ma Atiina a’e o Alamanuia 1990	5(3)(d)	“o le Pule Sili ma le Pule o le Ofisa o Tiute”	“Pule Sili o le Tiute”
So o se tulafono		“Tulafono o le Ofisa o Tiute 1977”	“Tulafono o le Ofisa o Tiute 2014”
